





M





NICOLAI
MACHIAVELLI

FLORENTINI DISPV-

TATIONVM,

De

REPUBLICA,

quas Discursus nuncu-
pauit,

LIBRI III.

QVOMODO IN REBVSPVB.

AD ANTIQVORVM ROMANO-

rum imitationem actiones omnes bene
malève instituantur.

EX ITALICO LATINI

facti.

AD

GENEROSVM ET MAGNI-


FICVM D. IOANNEM OS-

molski, de Prauiedniki, Po-
lonum.

MOMPELGARTI.

Per IACOBVM FOILLETVM.

• C L O I O X C I X .





GENEROSO ET
MAGNIFICO DOMINO

IOANNI OSMOLSKIO DE

Prauedniki Polono Inter-
pres S.P.D.



*ECTE' verèque in
scholis dicere solemus,
Osmolski Magnifice,
Contrariorum esse ean-
dem scientiam. Nam
percurrendo singulatim quascunq; con-
trariorum differentias, semper depre-
hendemus omnes ac singulas cadere
sub eandem cognitionem: nec contra
hoc pronuntiatum, Enstasin dari posse.
Sic utique Liberalitatis & Auaritia;
Iustitia & Iniustitia, Sapientiae Stul-*

PRAEFATIO.

*titia, Virtutis denique omnis atque Viti-
 ty naturam , vna moralis philosophia
 cognoscit. Et per naturalem intelligi-
 mus , quid Motus aut Quies : Quod
 simplex.compositumq₃ corpus sit : Quid
 generatio, corruptio : Auctio, diminu-
 tio : ceteraq₃ hisce similia comprehendi-
 mus. Medica quoque ars , vna ea-
 demq₃ existens , de sanitate simul &
 morbo differit: Salubri, Insalubri: Tem-
 perie & Intemperie : Remedio & Ve-
 neno. Nec scientiam tantum utrius-
 que contrarij , vnam eandemq₃ existe-
 re , per omnes disciplinas disquirendo
 cognoscemus. Verum etiam sensum
 (qui omnis scientiae fundamentum est)
 vnum numero existentem , tamen sen-
 tire utrunque contrariorum. Nam eo-
 dem sensu Tactus , Calidum & Frigi-
 dum : Durum & Molle tangimus : &
lingua*

PRAEFATIO.

lingua eàdem dulce & amarum : iucundum iniucundumq³ gustamus : & album nigrumq³ eodem oculo cernimus. Quæres cum ita se habeat : credo non debuisse tantis calumniis obnoxios esse eos , qui de Republica scribunt & non modò in scriptis suis , quid & quomodo quippiam benè , piè , amicè , prudenter sapienterq³ fiat : sed etiam contrariorum consiliorum rationes ostendunt : docentq³ etiam modum male , impiè , hostiliter , imprudenter , stultèque agendi. Quo doctrina genere cen eo Nicolaum Machiauellum in hisce libris de Repub. veteres omnes superasse : & ex horum lectione , longè maiorem rerum cognitionem comparari posse , quàm si vel Diuini Platonis libros de Republ. vel summi ipsius Aristotelis , aut alterius cuiusquam Politica legeris.

PRAEFATIO.

Cognoscere autem hinc licebit non bonorum tantum , sed etiam prauorum & callidorum consiliorum rationes. Et ut summam dicam , Bona , Mala : Pia , Impia : Callida , Simplicia : sapienter stulteq; facta , omnis generis plurima. Quae ego ita esse legenda & obseruanda omnia censeo : sicuti in Logicis , non tantum bonas certasq; argumentandi rationes discimus & docemus : sed etiam sophisticas. Et in medicina non tantum remediorum , sed venenorum quoque naturam indagamus. Non equidem ut ijs utamur , sed ut ijs resistamus , & aduersus ea commodè pugnemus : cum alioquin , si harum rerum ignari simus , facile labi ac decipi queamus. Sub tuo autem clarissimo & plane generoso nomine , volui hunc librum à nobis de nouo castigatum ,
prodi-

PRÆFATIO.

*prodire in lucem : non quod existimem
te hisce præceptis indigere : qui ipso re-
rum usu hæc omnia cognosces. Sed ut
per eum , qui cum summa nobilitate,
maximam quoq³ tam diuinarum quam
humanarum rerum cognitionem scien-
tiamq³ coniunxit : Studiosis Materia
suppeditaretur, hanc tantam re-
rum varietatem cogno-
scendi. Vale.*



T. T

I. N. S.



A 4





NICOLAI
MACHIAVELLI

DISPUTATIONVM

DE REPUBLICA ROMA-

norum, ex prima decade
T. Liuij.



LIBER I.

Ad Zanobium Bondemontium & Cos-
mum Rucelaium.

PROOEMIUM.



ÆPE ego mecum, non
sine admiratione consi-
deraui, quantum anti-
quitati in quibusdā tri-
buatur: cū, vt cætera
exempla omittātur, vni-
ca vetustissimæ alicuius
statuæ particula, magno precio persæpè

*Antiqui-
tatis ob-
seruatio
qualis de-
beat esse.*

comparata sit, vt & domui ornamento, & sculptoribus exemplo esset ad imitandum, qui eam deinde ad viuū exprimere omnibus modis conati sunt. Econtrà autem admirationi potius esse, quàm exemplo ad imitandum, Virtutes, & quæ ex virtutibus profectæ sunt, Actiones illas vetustas, atque res præclare olim gestas cùm à Regnis & Rebus publicis, tùm Regibus, Ducibus, Ciuibus, Legislatoribus & alijs : quarum omnium vix vmbra aliqua superest. Atque id quidem eò accuratius est à viro sapiente expendendum, quò magis alioquin cernimus in discordijs ciuilibus, cæterisque infortunijs, quibus obnoxij sumus, ad ea remedia nos confugere, quæ à veteribus, per Leges instituta & excogitata fuerunt. Neq; enim aliud est Ius Ciuile, quàm sententiæ quædam à veteribus Iuriscōsultis pronuntiatæ : quæ in certum redactæ ordinem, dijudicandi rationem nostris Iurisperitis ostendunt. Sicuti neque Medica ars aliud est, quàm antiquorum experimentorum collectio, ex qua medici nostri medendi modum desumunt. Sed neque in Reipubl. administratione, illius membris conseruandis, Regnis gubernandis, re militari instituenda, bello gerendo, iure subditis dicundo, aut imperio augendo, quisquam Prin-

Princeps, Rex, Respub. aut Imperator se ad veterum exemplorum normam mores & imitationem componit. Quod proinde mihi persuadeo, non tam ob eam causam euenire, quod tantopere in peius ruerint humanæ res: aut quod otium & ambitio, in prouintijs & Christianorū vrbibus permultis, tam altas radices egerint: quàm ob id, quod historiarum vsu legitimo destitua-
mur, nec eos fructus ex illarum lectione percipiamus, quos illæ natura sua aliàs producere queunt. Atque hoc ipsum est, quod permultos cernimus, in ijs legendis, voluptatem quandam ex illa rerum varietate percipere: sed de illarum rerum imitatione, ne cogitare quidem, ac si non difficilis & laboriosa tantummodo esset: sed etiam talis, quam omninò assequi nemo posset: eodem planè modo, ac si cælum ipsum, elementa, totaque humana natura, ab ea quæ olim erat, plurimum degenerasset. Itaque ego vt homines ab hoc errore liberarem, operæpretium me facturum existimaui, si in omnes T. L. iij libros qui ad nostram memoriam peruenerunt, cogitationes meas scriptis comprehendere, eaque explicarem, quæ de rerum antiquitùs gestarum imitatione, & cum nostris comparatione sentirem: cum vt mo-

*Historia
observan-
datione.*

*Scopus ha-
rum dispu-
tationum.*

lius historiæ ipsæ intelligerentur : tùm vř
lectores earum, dignum suis laboribus fru-
ctum reportarent : Et quamuis difficile sit
istud onus, tamen eorum auxilio, qui hu-
meris meis imposuerunt, illud eò vsque de-
portabo, vř qui mihi successerint, ad finem
vsque sine magno labore perducere hoc o-
pus queant.

*Qualia sint Vrbium in vniuersũ omnium
principia, & Roma ipsius cuiusmo-
di origo extiterit.*

CAPVT I.

*Diuerſi vr-
bium con-
ditores.*

SI quis ex historiæ lectione, secum
animo reputet, cuiusmodi Romanæ
urbis initium fuisse perhibeatur, &
quibus moderatoribus à principio statim
instituta ea Respub. & legibus instructa
esse censeatur: ei mirum videri non debet,
quod ipsius virtus, potentiaque tot seculis
perdurarit, & ad tantam imperij magnitu-
dinem demùm peruenerit. Sed de eius
principio differenti, obseruandum est, vr-
bes, oppida, & quæ eiusmodi sunt, omnia
aut ab ijs hominibus extrui, qui illic nati
sint, aut qui perigrini eò peruenerint. Indi-
genæ profectò ad urbem condendam per-
moüentur, cùm intelligunt, se hinc inde in
exiguas

exiguas partes dispersos, tutos esse non posse, cum nequeant singillatim externam vim propulsare: nec fieri possit etiam, ut in huiusmodi casibus atque periculis conuenire statim queant: adeoque periclitari se agnoscunt, ne quando hosti prædæ futuri sint: obeamque causam instinctu præsertim cuiuspiam, qui inter ipsos prudentior esse videatur, cōueniunt in vnum aliquem locum, quem & ad victum comparandum commodiorem, & ad defensionem maxime opportunum arbitrantur. Huiusmodi fuit Atheniensis, ac Venetæ vrbis condendæ occasio: nam priorem, duce & suatore Theseo, condiderunt indigenæ eius loci, postquam prius variè dispersi fuissent. Venetias autem extruxere itidem muniendi sui causa, insularum earum incolæ, quæ in Adriatici maris sinu continentur. Romano enim Imperio declinante, eas insulas multi occupauerant, ut à Barbarorum, qui subinde Italiam inuadebant, tyrannide tuti forent: atque iidem deinde successu temporis absque vllō principē, vrbis fundamenta iecerunt: & sponte sua itidem in ipsis initijs, se ijs legibus munierunt, quibus conservari posse sperarent. Nec defuit eorum industriæ fortuna: siquidem ex ioci oportunitate, ad quem Barbaris, qui Ita-

Atheniensis & Venetæ vrbis initia.

Adriaticum maris incolæ.

liam affligebant, ob nauium inopiam aditus minimè patebat, otium & tranquillitatem naſti, ex paruis initijs, ad magnam imperij magnitudinem, ſicuti hoc tempore videre eſt, peruenerunt.

*Aduenæ
vrbes con-
ſeſcentes du-
plices.*

Aduenas autem, à quibus Vrbes fundantur, aut liberos eſſe oportet aut aliorum imperio ſubditos. Poſterioris generis ſunt Coloniae, quæ vtique à potente aliqua Republica, aut principe, certis locis collocantur, cum vt parti nuper imperij propugnacula eſſe queant, tum vt reliquarum vrbiũ, ex quibus mittuntur, nimia ciuium multitudo leuetur: cuiuſmodi ciuitates Populus Romanus permultas, in finibus imperij vndiquaque conſtruxit. Eiufdem generis ſunt etiam vrbes, quæ à potentibus Monarchis perſæpe extruuntur: conſeruandę potius glorię, laudisq; eorum memorięque, quàm ponendę certę ſedis cauſa: in quem finem Alexandriam Ægypti, ab Alexandro Magno cõditam fuiſſe conſtat. Sed huiuſmodi vrbes profeſſo, quia liberum ortum non habent, ſed à prima origine ſeruitute premuntur, raro ad magnum faſtigium euehuntur, aut Imperij magnitudinem aliquam ſibi cõparare poſſunt. Quod proinde etiam Florentiæ accidit: hæc enim ſiue à Syllæ militibus condita, ſiue à Feſulanorum

*Initia vr-
bium aut
libera, aut
ſeruitute
preſſa.*

Janorum Montium incolis extracta (qui firma illa pace & diuturna tranquillitate, quæ Octauiano regnante orta est, confisi: in planiciem iuxta Arnum fluuium descenderunt) sub Imperij Romani iugo statim certè fuit: nec altius caput extollere potuit, quàm ei videretur, cuius imperio parere cogeatur. Libera autem, & nullo seruitutis iugo oppressa videri debet, illarum Urbium origo, quas ij condunt, qui morbis, fame, aut bellis pulsî, patrium solum descendere, & nouas sedes querere coguntur: siue id soli, & per se, siue duce aliquo faciant. Qui enim hoc modo patria pelluntur, ij aut vrbes occupant, iam ante conditas ab alijs, easque inhabitant, sicuti Mosi cum suis accidit: aut nouas ipsi condunt. Veluti Ænea duce Troiani fecerunt. Atque in hisce maximè, cum illius qui condit virtus, tum fortuna eius, quæ conditur, vrbs conspicitur: quæ proinde eò maiora censentur ambo, quò ab insigniori magisque memorabili causa, primam originem obtinere videbuntur. Et virtus ipsa quidem illius qui urbem condit, ex delectu loci maximè opportuni, & prima legum institutione innotescit. Qua in re, cum non semper etiam liberum sit, deligere quod lubeat, sed urgeat quandoque vnum quiddam ipsa necessi-

*Quæ vrbes
sint libera
à princi-
pio.*

*Locus
aptus ad
urbem cō-
dendaui.*

cessitas, in eaquē virtus præcipuè spectetur: opere precium fuerit considerare, num ad urbem extruendam locus fertilis semper sterili sit præferendus? Etenim si locus sterilis sit, necessitate quadam coacti ciues, ab otio abstinebunt, & honestis exercitijs atque artibus occupati, minus aniam præbere poterunt discordijs ciuilibus: quod Raugiæ & alijs quibusdā accidisse scimus, quæ in huiusmodi locis sitæ sunt. Et esset profectò huiusmodi minus fertilium locorum delectus prudentior, si modo homines suis rebus contenti, & ab imperandi cupiditate liberi forent. Sed quia, ob id, quod in hominibus regnandi desiderium inest, tuti esse nequimus, nisi potentia muniti: vitanda est maximè loci sterilitas, & fertilissimus ager in urbibus construendis diligendus: ut in eo ciuibus numero auctis alimenta suppetant: potentiaq; auctæ huiusmodi nouæ vrbes, omnem externam vim propulsare, atque etiam opprimere queant. Pericula autem, quæ ex fertilitate locorum atque delitijs oriri possunt, legibus præcaueri queunt, quibus otium prohibeatur & perpetua quædam honestorum exercitiorū necessitas imperetur. Sic enim à sapientibus viris factum esse legimus, qui etsi amœnissima loca & delitijs plena incolue-

*Otium &
insolentia
in urbibus
præcauen-
da.*

incoluerint, legibus tamen quæ otium prohibentes, laborandi necessitatem imponerent, præstantissimos viros produxerunt, & ad militiam aptiores, quàm in agrestibus sterilibusq; locis nasci soleant. Eiusmodi fuit Ægyptiorum regnum, quod solo fœlicissimo situm, huiusmodi statutis fortissimos viros produxit: quorum si extaret memoria, maiorem laudem mereri potuisset, quàm sit vel Alexandri Magni recens adhuc gloria. Soldani Ægyptij autem Imperium vniuersamq; eorum, quos Mamaluchos nuncupabant, reipub. gubernationem, si quis secum animo reputet: & quibus exercitiis ad rem militare se se præpararent, antequam à Selimo magno Turcarum Imperatore delerentur, expenderit: is veluti in speculo contemplari facile poterit, quantum sibi, ex gentes timuerint ab ocio, quod regionis eius fertilitas parere potuisset. Quamobrem satius esse censemus, in condenda ciuitate fertilius solum deligere: sed legibus interea ciues esse coërcendos ab ocio existimamus. Alexandro *Alexandri* Magno, cum urbem condere in laudis *M. sententia de loco* potentiæq; suæ memoriam statuisset: Dinocrates Architectus suadebat, vt eam supra *deligendo* montem Athon extrueret: illic enim non *ad urbem* tantum natura loci munitissimā eam fore: *condendā*

sed ob altitudinem montis etiam ita con-
 formari posse, vt humanam figuram con-
 sequeretur : atque id vt nouum & rarum,
 ita dignum quiddam eius gloria esse futu-
 rum. Sed cum ex eo deinde Alexander
 quæsiuisset, vnde & quomodo eius vr-
 bis ciues victum cōparare oporteret? Respon-
 dit, se ea de re antea non cogitasse : quam
 ob rem subridens Alexander, relicto mon-
 te, Alexandriam condidit, eo loco, vbi ci-
 ues ob regionis fertilitatem, Nili & maris
 commoditatē libenter commodeq; ha-
 bitarent. Hisce ita constitutis, si iam Ro-
 ma pri-
 ma origo. manē vr-
 bis originem expendamus: depre-
 hendemus eam liberam, nulloque penitus
 seruitutis iugo pressam fuisse. Atque hæc
 eadem, si Æneam primum cōditorem ha-
 buisse censeatur, à peregrinis: sin Romu-
 lum primum autorem putetur habuisse, ab
 Indigenis eius loci cōdita fuit. Cernere si-
 mul etiam est, quo pacto statim ab initio
 Romuli, Numæ Pompilij, & aliorum qui
 deinceps sequuti sunt, legibus ita munita
 fuerit aduersus ea vitia, quæ loci commo-
 ditas parere potuisset: vt eam tot pulcher-
 rimis virtutibus exornatam neque soli fer-
 tilitas, neque commoditas maris, nec cre-
 berrimæ victoriæ, neque ipsa denique Im-
 perij magnitudo, multis seculis corrumpere

perepotuerint. Cæterùm quæ ab hac Re-
publ. gesta esse Tito Liuius commemorah-
tur, quia aut publico, aut priuatorum con-
silio: eademque omnia rursus aut intra
aut extra mœnia, patrata esse constat: ab
ijs nostrarum disputationum initiũ sume-
mus, quæ publico consilio in vrbe ipse ge-
sta fuerunt: & præcipua quæque ex ijs de-
ligentes, ita de illis differemus in hoc pri-
mo libro, vt quæ ex illis dependere vide-
buntur, simul omnia percurramus.

*Romana-
rum rerũ
diuise.*

*Quot sint Reipub. Species: & sub qua Ro-
mana comprehenderetur.*

CAPVT. II.

HISCE ita constitutis, disputatio-
nem de ijs vrbibus omitemus, quæ
originem habuerunt seruituti obno-
xiam: & de ijs differemus, quæ à primis
initijs liberæ fuerunt, & sese pro suo arbi-
trio gubernârunt, siue respubl. eæ fuerint,
siue Imperij rationem etiã habuerint. Cæ-
terum sicuti diuersę causæ esse solent, qui-
bus Vrbium fundamenta ponuntur: ita
quoque diuersę ipsis rationes legum & in-
stitutorum existere consueuerunt. Quibus-
dam enim statim ab initio, aut non multò
post, leges simul omnes ab vno quopiam

*Diuersa
rationes
legum in
Rebuspub.*

conditę fuerunt: cuiusmodi eę erant, quas
Lycurgus Spartanis dedit. Aliquibus au-
tem non nisi casu, & per interuallum leges
contigerunt: prout ea, quę diuersis tem-
poribus accidebant, his aut illis legibus oc-
casionę darent: quod Romę accidit. Lon-
gę autem felicior est ea Respubl. cui statim
ab initio prudentissimus vir aliquis cōtin-
git, à quo ita legibus instituatur, vt non sit
opus, eam deinceps aliis nouis legibus
emendare: sic enim Spartanos cernimus,
quod Rempubl. statim à principio legibus
sufficienter munitā habuissent, supra octin-
gentos annos pacificę & absque vllō insi-
gni aut periculoso motu vixisse. Et infeli-
cior econtrā censenda ea fuerit, cui nō sta-
tim contingit tam sapiēs quispiam mode-
rator, à quo benę instituatur: sed necessum
habet subinde nouas leges & instituta ex-
cogitare, vt melius institui queat: tantoque
etiam miserior vna quęque semper est,
quantò primis suis institutis, magis à recta
via aberrauerit. Et quę primis institutis
omninò corrupta fuerit, ea nunquam in ta-
les casus incidet, propter quos, nouis legi-
bus perfectę institui queat: Etenim quę
respub. ab initio, etsi non perfectę, medio-
criter tamen institutę sunt, ex ijs quę sub-
indę occurrūt, emendari & perfici queunt:
sed

sed ita ut in his mutationibus, ne ipsæ quidem periculo careant. Tanta nimirum esse solet populi importunitas, ut nunquam unanimi consensu novas leges & instituta admittat, si non id planè necessarium cognoverit. Et quia huiusmodi novarum legum aperta necessitas, nunquam sine periculo apparet: facile evenire potest, ut corruat planè respubl. in his mutationibus, priusquàm legibus perfectè instituatur. Cui rei argumento esse potest Florentinæ reipubl. status, qui in Aretino motu undecima vice emendatus fuit, & in Pratenfi duodecima corruptus. Deinceps autem, de Romanæ reipubl. statu disputaturus, & rationem explicaturus, quæ tam benè illa institui potuerit: hoc monendum censeo primum, quibusdam, qui ex professo hac de re scripserunt, tres solùm Reipubl. species videri: Monarchiam, Aristocratiam & Democratiam: quarum una aliqua, quæ optimè placet, queat institui civitas. Sed qui prudentiores hisce censentur, sex Rerumpub. formas constituunt, ex quibus tamen tres pessimæ sint, reliquæ sua natura bonæ quidem, sed ita affectæ, ut in malas facile queant degenerare. Bonas reipubl. formas aiunt eas esse, quæ iam ante commemoratæ fuerunt: malas autem tres alias, in quas

Quot formæ Reipub.

*Varietatis
atque Di-
uersitatis
Rerumpu-
blicarum
origo &
succensus.*

hæ, propter affinitatem quandam, facile degenerant, Tyrannidem, Oligarchiam, & Populi licentiam. Atque hinc fieri, ut si quis Reipubl. vna aliqua ex iam commemoratis bonis Reipubl. formis instituerit: non fore tamen diuturnam: quod hinc nihil possit ob stare, quod minus paulatim in contrariam degeneret: propter similitudinem nimirum, quæ hinc est, inter bonam & malam reipub. speciem. Et huiusmodi quidem Imperiorum & Rerumpublicarum varietas, casu propriè in hominum societate originè habuit. Nam cum ab initio mundi, homines primùm pauci essent, dispersi hinc inde haud dubiè vixerunt. Postea autem numero aucti, conuenerunt: & ut se melius defendere possent, de cuiusque robore & fortitudine periculum fecerunt, ut illum tanquam ducem sequerentur, quem fortissimum esse constaret. Ex quo instituto simul etiam orta est Honesti Inhonestique distinctio: quod omnes odio habeant eum, qui eos læderet, à quibus beneficium accepisset: & misereretur eorum, qui iniuriam paterentur. Itaque ingratos odio habentes, & simul metuentes ne idem sibi contingeret, ad leges ferendas, & faciendas mouebantur, quibus huiusmodi iniuriæ punirentur. Sicque paulatim ipsius Iustitiæ

Ratio vniuersa patefacta est: vt deinceps in eligendo principe, non tam corporis robur, quàm animi Virtutem, Iustitiam præsertim, atque prudentiam considerarent. Sed postquàm successu temporis deinde cœptum esset homines ad principatum iure hæreditario, non libera electione promoueri: denegare simul etiam cœperunt hæredes à maiorum moribus: & derelictis Virtutis actionibus, satis esse existimârunt, si reliquos homines opibus delitiis quæ superarent. Quò factum est, vt in multorum odium simul etiam inciderent. Odium timor sequebatur, qui eò vsque progressus, vt maioris mali metu vindictam quoque pareret, aduersus eos, qui timebantur: occasionem dedit, vt ex principib. Tyrâni fierent. Atque hinc iam initium habuit ruina illorum. Nam cum optimi quique & potentissimi, huiusmodi principium tyrannidem ferre non possent, & indignarentur quod vitam vsque adeò turpiter transigerent: coniurare cœperunt aduersus illos, & populi multitudine adiuti, tyrânos expulere. Populus igitur ipse tyrannidis iugo liberatus, libenter ijs optimatibus parebat, quorum autoritate libertatem fuisset cōsequutus: quoniam non ipse, sed ij primùm fuissent ausi, aduersus tyrannidem consilia

tractare. Quæ cùm ita essent, optimates, quibus formidolosa fuerat vnus potentia, propter recentem tyrannidis memoriam, ex sub ordine magistratum deligebant. Atque is principiò Rempubl. benè gubernabat, legibus recenter latis parebat, & publicam vtilitatem priuato præferebat commodo. Sed qui ex hoc Optimatum magistratu nati, paulò pòst Reipublicæ præficiantur, ignari fortunæ varietatis, minimeque rerum vñu atque experientia pollètes, superbire & ipsi solebant: contemptaque ea, quæ inter ciues esse debet, æqualitate & proportionē: ambitioni, auaritiæ & luxuriæ sese dedebant. Atque hac ratione à maiorum virtute degenerantes, efficiebant, vt Respublica ex Optimatum administratione, paulatim in Paucorum potentiam incideret. Quibus pro sua libidine omnia administrantibus, facilè rursus idem accidebat, quod superiori Tyranno contigisset. Nam cùm eos ob vitam luxui deditam, & res malè administratas, necessè esset in odium Populi incidere: & odium iniuriæ comitari soleāt: insidias, tumultus & seditiones euitare nequiuerūt: quibus tandem populi multitudine, ipsi quoque occasione aliqua expulsi, Democratix occasionem darent. Etenim populus Oligarchia expul-

sa,

sa, & memor iniuriarum, quas accepisset, cum à paucis hisce præpotentibus, tum antè ab vnius tyranni libidine, ipse sibi imperium retinere, nec quicquam Paucorum præpotentium, aut etiam principis Vnius arbitrio subijcere volebat. Democratia ergo instituta, in principio, perinde vt in reliquis Reipublicæ formis, res benè & pacatè administrabantur: quandiu illi scilicet viuerent, quorum opera hæc libertas fuisset comparata. Sed defunctis hisce, statim in eorum posteris nimia licentia tranquillitatem corrumperebat: quod nemo quemquam metueret, neque priuatum, neque munus aliquod à Republ. gerentem, sed quisque suo modo viueret: ex qua res seditiones subinde oriri, & alios ab alijs iniurijs sæpissimè affici oportebat. In quibus constituti calamitatibus, necessitate quadam tandem compellebantur rursus, aut certè ad vitandum hoc malum ab excellenti aliquo & sapiente Viro mouebantur, vt vnum aliquem principem eligerent eiq; omnes parerent. Et ad Monarchiam quidem hac ratione reuersi, iisdem, atq; prius ostendimus, causis & occasionibus, temporis successu, denuò ad alias atque alias Reipublicæ formas delabuntur, donec ad eandem Populi licentiam reuertantur. Hic

*Rerum-
publ. mu-
tationes*

est circuitus, quo Rerumpub. formæ commutatur: sed non facile accidit, tamen, ut in talib. mutationibus, ille multoties absoluitur, & salua vrbe, sæpè redeant eædē illæ Reipub. formæ, quæ prius fuerant. Persepe enim in his mutationib. perturbata Respublica, & cōsilio viribusq; destituta, ab alia aliqua vicina, quæ melius instituta sit, opprimitur: Quæ res profectò si non obstaret, fieri posset, ut forma reipub. vnius vrbis, secundum eum quem ostēdimus circuitum, infinito temporis spacio conuerteretur & commutaretur. Quæ cum ita sint, necessum est, omnes eas formas Rerumpubl. malas pronuntiare, quas iam cōmemorauimus, cum ob breuitatem temporis, quo durare possunt tres illæ salutare, tum ob malorū multitudinem, quā secum afferunt tres deteriores aliæ. Quam rem cum legislatores viri sapientes secum animo perpenderent: omnes has formas Reipub. singillatim reiecerunt: & aliam quandam delegerūt, quæ ex Monarchia, Aristocratia & Democratia composita quodammodo esset, & omniū trium temperie quadam constans, mutuo Vnius ad alteram respectu firmior foret atque durabilior. Inter cæteros autem legislatores, maximam laudem ex huiusmodi Reipub. Institutione, consequutus est Lycurgus:

*Optima
Reipub.
forma.*

curgus, apud Spartanos: apud quos ita le-
 ges instituit vt Regibus sua dignitas, Opti-
 matibus sua potentia, & Populo legitima
 libertas conseruaretur: atque ita Rempu-
 blicam ordinauit, vt ad octingentos annos
 sine vllis motibus felicissimè durârit. Con-
 trarium accidit Soloni apud Athenienses:
 nam cùm eius leges ad Populi libertatem
 solam spectarent, & meram Democratiam
 instituerent: minimè diuturnam Reipubl.
 formam cōstituit, ita quidem vt antequam
 ipse è viuis decederet, Pisistrati tyrānidem
 viderit. Et quamuis quadagesimo an. post,
 eius hæredes expulsi fuerint: & Athenien-
 ses recuperata libertate, priorem Demo-
 cratiam, secūdum Solonis leges, restituis-
 sent: non eam tamen conseruare supra cen-
 tesimum annum potuerunt. Nam etiamsi
 Solonis legibus, non paucas alias adiecif-
 sent pernecessarias, quibus & præpoten-
 tium ciuium insolentia, & plebeiorem li-
 centia refrenaretur: quia tamen Democra-
 tiam cum Aristocratiâ & Monarchia non
 miscuerunt: longè breuiori tempore dura-
 uit eorum Respublica, quam Lacedæmo-
 niorum. Sed ad urbem Romam veniamus: *Romana*
 cui etsi Lycurgus aliquis non contigerit, *Reipub.*
 quo potuerit statim in principio semel ita *forma,*
 accuratè institui, vt diutissimè libera con-
 serua-

seruaretur: tamen id ipsum ei postea paulatim casu quodam contigisse videtur: propter multas seditiones inter Senatum & plebem ortas. Quibus factum est, ut id quod vna vice obtinere non potuit, temporis successu, & ex nouis legibus, quibus subinde noui motus occasionem dabant, consequeretur. Sed neque prima illa Romanæ reipublicæ institutio, tantum à recta via aberrabat: ut perfici non posset, quod Romulus cæteri que Reges permultas præclaras leges tulissent, quibus etiam viuendi ratio libera conseruabatur. Quia tamen illi regnum formare constituerant, non Rempublicam liberam: idcirco posteaquam ea vrbs libertatem fuisset consequuta, multa illi deerant eorum, quæ ad libertatem tuendam requiruntur: de quib. à prioribus Regibus nihil statutum fuerat. Præterea cum Reges ij, propter causas à Liuiο commemoratas, regno pellerentur: & in eorum locum statim bini Consules crearentur: Regium quidem nomen: sed non regia potestas Roma fuit expulsa. Itaque cum iam illic bini Consules cum Senatu, rerum potirentur, composita erat forma Reipublicæ ex Monarchia & Aristocratia: Vnum hoc deerat adhuc, ut hæc cum Democratia commixtæ temperarentur. Atque hinc factum est, ut Nobilitas

litas successu temporis insolétior & nimis arrogans reddita, plebē aduersus sese concitauerit: quibus in motibus, ne imperium totum amitterēt Optimates & Consules, Populo quoque coacti fuerunt suas in Republica partes concedere: ita tamen vt ijs nihilominus cōueniens honoris & potentiae gradus conseruaretur. Hinc ergo orta ratio tribunos plebis creandi, firmiorem Rempublicam reddidit, & ex omnibus tribus politiae formis ritè compositam. Fortunatique certè fuerunt, quod in ijs mutationibus neque Regiam potentiam planè sustulerint, vt eam Optimatibus conferrent: nec postea Optimatib. omnem ademerint auctoritatem, vt eam populo traderent: sed concessa singulis tanta potentia, dignitate, & libertate, quantam iusta proportio requirere videbatur, Rempublicam formarint perfectam, ex omnibus tribus politiae formis constantem.

Qui motus Romae in causa fuerint, vt tribuni plebis crearentur: vtq; Reipublicae forma eo ipso perfectior reddita sit.

CAPVT III.

QVI de moribus hominum, ipsaque Ratio legū Vita ciuili disseruerunt, ex varijs ferendārū.



*Malitia
naturaliter homi-
nib. inest.*

exemplis, quibus historię omnes propè re-
fertæ sunt, demonstrarunt, eum, qui Rem-
publ. legibus informare & instituere rectè
velit: tales illas sancire oportere, ac si ho-
mines in Vniuersum omnes natura prau-
i sint, & ad facinora quæque perpetranda,
oblata quacumque occasione, procliu-
es. Etenim si quæ vitia in Republica aliquan-
diu non appareant: id fieri censendum est,
non tam hominum bonitate, quàm ob id,
quod ijs nulla manifesta aut commoda oc-
casio data fuerit: Temporis successu ta-
men, vt omnis generis occasiones offerun-
tur, ita omnis generis mala perpetrari vi-
dentur. Huic rei documento Roma est, in
qua, pulsis Tarquinijs maxima videbatur
esse Senatus & Populi concordia, ipsique
nobiles, absque vlllo fastu, mites & popu-
lares esse putabantur: quoniam enim nulla
libera occasio erat plebem grauius tractan-
di: quandiu Tarquinij superessent: eam fa-
uore & officijs prosequiebantur, ne fortè
ab ipsis acerbius tractata, ad Tarquinius
denuò deficeret. Sed postquam interiissent
deinde Tarquinij, nec vllum ab ipsis peri-
culum nobilitati amplius impendere vide-
retur: cœpit illa statim aduersus plebem se-
uire, & venenum, quod prius pectore con-
ditum habuisset, euomere. Atque id satis
mani-

manifestum argumentum est, eius quod paulo ante diximus, Homines non se rectè gerere, nisi necessitate cogantur: quoniam si liberum ijs sit uti licentia, statim omnia iura perturbant: quò sit ut rectè dici soleat, paupertate & fame industrios homines, legibus autè bonos effici: Quod si qui spontè suà rectè agant, ijs lege opus non est: sed ubi desinunt sponte officium facere, hinc lege opus est, ut cogantur. Itaque sublati Tarquinijs, qui, metu sui, patricios in officio continebant: necessum fuit excogitare aliquid, quod idem, atque illorum metus, præstare posset: atque hinc ratio inuenta est creandi Tribunos plebis: qui post motus illos & seditiones inter plebem & senatum ortas ad conservandam populi libertatem, tantis privilegijs & dignitate creabantur, ut esse possent veluti & Arbitri quidam inter senatum & plebem, & nobilitatis perulantiam refrenare.

*Discordias, quæ inter plebem & Senatum
Romæ fuerunt, occasionem dedisse, ut ea
Respublica libera simul & potens
efficeretur.*

CAPUT IIII.

SED neque silentio prætereundi nobis sunt tumultus illi atque turbæ, quæ post

post expulsos Tarquinius, Romæ diuersis de causis extiterunt, antequam Tribuni plebis legerentur. Quod hoc loco improbanda mihi videatur quorundam sententia, qui Romam aiunt tumultuosam urbem fuisse & nequaquam rectè institutam: vsq; adeò nimirum, vt nisi tanta fortunæ prosperitas ijs contigisset in re militari: quacunque alia Republ. inferior fuisset futura. Ego equidem negare non ausim, quin Pop. Rom. Fortunæ prosperitas & Rei militaris virtus Imperium peperint: sed id rursus cōtendo, peritiam rei militaris, non nisi ex bona disciplina oriri: & vbi hæc duo iam sint, vix fieri posse, vt ea non etiam sequatur Fortunæ prosperitas. Quod autem tumultus illos, qui inter plebem & Senatum extitère, attinet: eos qui accusant, id mihi videntur damnare & vituperare, ex quo prima occasio & ratio conseruandæ Pop. Romano libertatis emerfit: magisq; insolentes turbas illas spectare, quàm effectus illarum salutes intueri. In omni Republica, diuersum semper est Plebis & Optimatum ingenium, diuersa que studia: & quæ leges ad conseruandam libertatem conduuntur, eæ originem habent ex eorum discordia: sicuti monstrant exempla Romanorum. Sed neque post Tarquiniorum interi-

interitum ad tempora vsque Gracchorum, annis plusquam trecentis, tanti fuere motus illi Romæ, vt sæpe vel exilia vel cædes pepererint. Quoniam toto illo temporis spacio, vix octo aut decem ciues in exilium missi fuerunt, cæsi paucissimi, & pauciores pecunia mulctati. Non debemus autem æstimare, eam Rempublicam malè institutam fuisse, ex qua tot præclara virtutum specimina edebantur: quia hæc, non nisi ex bona disciplina originem possunt habere: disciplina bonis legibus nititur: atque hæc denique, ex ijs motibus semper ortæ sunt, quos à multis ineptè vituperari docuimus: siquidem nec cædes, nec exilia, nec vllum Reipub. detrimentum pariebāt, sed leges & statuta conseruandæ publicæ libertati salutaria. Quod si quis autem, hanc non fuisse veram rationem constituendæ Reipub. contendat, nec legitima media leges bonas impetrandi: quoniam periculosum est & propè horrendum, cernere, in eadem ciuitate, populum cum Senatu, & Senatum cum populo rixantem: concurrere plebem: tabernas per urbem claudî: populum vniuersum denique Roma cedere: huic ego respondeo, singulis vrbibus suos quosdam modos contigisse, quibus ambitionem potentiorum & insolentiam

optimatum restinguere potuerint. Quod eo tempore potissimum apparuit, quo in rebus arduis, populi opera opus fuit. Romani igitur suum etiam modum habuerunt, noua statuta & leges necessarias à Senatu impetrandi: vt vel concurrerent vndiquaque, vel, quando milite opus erat, nomen imperatori dare nollent, aut aliquid aliud simile conarentur. Quibus in tumultibus, si Senatus populum sibi reconciliare vellet, necessum habebat, ei aliqua ratione gratificari & satisfacere. Nec sunt vsque adeo periculosi liberi populi motus: quoniam tunc demum excitantur, cum oppressi fuerint homines, aut opprimi videbuntur. Et si frustra id metuerint, facile remedium tumultui adhibetur, per viros bonos & prudentes, qui in publica cōcione demonstrent, falsam esse amittendæ libertatis suspiciōē, propter quam tumultuentur. Nam etsi populus ignorantia laboret, tamen capax est veri, si id per aliquem probatæ fidei virum, ei aperiatur. Itaque minimè vituperanda est Rom. Reipub. institutio, sed cogitandum potius, tot res ab illa præclare gestas, non nisi ex bonis causis originem habuisse. Ex Tribunorum electione autem, summam laudem meruerunt, quod ea res non modo cum Demo-

cratia,

tratia, optimatum & Consulum potentiam temperârit: sed ad conseruandam toti Reipub. libertatem, plurimum conduxerit: sicuti in sequentibus ostendemus.

Vtrum Libertatis custodia Optimatibus, an populo tutius committatur: & vtrum item maiorem causam tumuluandi habeant ij, qui conseruare res iam ante partas cupiunt, aut qui nouas acquirere volunt.

CAPVT V.

QVI Rempub. prudenter constituerunt, id inter cætera maximè curandum sibi existimarunt, vt libertatis fundamentū quoddam ab initio ponerent: quod quidem eam tantò melius diutiusq; conseruare solet, quantò firmitus fuerit. Quoniam verò ex optimatibus atq; Plebeis hominibus cōstare solent Respub. quæsitum est non immeritò, vtrum his an *Fundamētum libertatis apud* verò illis hominibus tutius hoc libertatis fundamentum custodiendum committatur. Et apud Lacedæmonios quidem olim, *Venetos,* nostra verò ætate etiam apud Venetos *Romanos,* cer- *& Sparta-* nimus, id patricijs esse demandatum: Ro- *nos.* manos autem scimus econtrà, plebem cu-

stodiendæ libertati præfecisse: Itaq; nobis
quærendum erit hic, vtri prudentius fece-
rint? Quod si argumenta igitur expendamus,
quibus moti vtrinque, tales libertatis
custodes deligēdos censuerint: nō deerunt
in vtramque partem rationes. Sed euentus
ipso si intueamur. Magnates ad hoc magis
idoneos esse æstimabimus, quoniam diu-
tius durauit libertas in Venetorum & La-
cedæmoniorum, quàm in Romanorum
Republica. At Romanorum quoque con-
siliū interim, hisce argumentis probare
possumus: quoniam vna quæque res, ei
quam tutissimè custodienda tradatur, qui
eam sibi vsurpare minimè cogitet. Cerni-
mus autem, in Plebeis hominibus, hanc v-
nam inesse cupiditatem, ne seruitute op-
primantur: imperium sibi vsurpare non co-
gitant: quia id fieri non posse facilè intelli-
gunt. In præpotentibus magnum est do-
minandi desiderium, maiorque spes impe-
rij consequendi, quàm in Plebe. Ex quo se-
quitur, tutius Plebem quàm Magnates cu-
stodiendæ libertati præfici posse, quæ neq;
eam opprimere cogitat: neque si cogitaret,
illam innadere posset: cū Magnatibus e-
contrà magna insit cupiditas dominandi,
neque exigua consequendi Imperij spes.
Qui verò Spartanorum & Venetorum in-
stitutum

stitutum laudant, eos asserunt, qui custodiam libertatis nobilioribus demandant, duabus de causis rectius agere. Nam & illorum dominandi cupiditati, aliqua ratione satisfaciunt: ut cum intelligat se in Reipublicæ administratione Plebem hac ratione superare: tali prærogatiua acquiescant. Et Plebis inconstantia eam adimunt potentiam, qua multas Reipublicæ perturbationes excitare potest, cum alias, tum etiam tales, quibus Optimates ad magnum aliquod facinus tandem impellere posset. Quarum rerum exempla, abunde nobis Roma suppeditauit, in qua vrbe, cum Tribuni plebis ad eam potentiam euecti fuissent, non satis esse duxerunt, si vnus Consul Plebeius esset, sed ambos voluerunt: atque hinc paulatim ad Censuram, Præturam, & alios dignitatis gradus aspirarunt: tandemque eò dementiæ peruenerunt, ut si quos patricijs infensos esse, aut aptos ad illos infestandos, cognoscerent, eos ad cælum usque eueherent: quæ res & Marij potentiam peperit, & Reipub. ruinam. Hæc cum ita se habeant, dubium profecto videri potest ei, qui rem in vtramque partem diligenter expendit, vtri potius libertatis custodiæ sint præficiendi? præsertim si nondum constet, An qui res suas ac partem iam antea

dignitatem conseruare, aut qui ad ea, quæ nondum habent, consequenda, aspirant, magis Reipub. noxij sint? Mihi sanè consideranti rem omnem, ita pronuntiandum videtur: vt in hac libertatis custodia, diuersa ratio sit ijs obseruanda: qui Imperium comparare, quàm ijs qui præsentì rerum statu contenti ad maiores opes & dignitates non aspirant. Nam priores illi Romanos debent imitari: posteriores hi Venetorum & Spartanorum consilium, hac in re, sequi debent: veluti id proximo capite à nobis ostenderetur. Ad eam autem quæstionem, qua disputatur, num ij perniciosi sint tranquillitati Reipubl. magis, qui acquirere quippiam desiderant, an verò qui res partas cupiunt conseruare? Conferet nobis M. Menenij exemplum. Qui ex Plebeis ipse Dictator creatus, cum Marco Folio magistro Equitum, itidem Plebejo, ad inuestigandam coniurationem, quæ Capuæ aduersus Rempub. facta fuerat, missus: simulque mandatum à plebe accepit, vt in eos animaduerneret, qui Romæ largitionibus & ambitione ad Consulatum cæterosque honorum gradus aspirarent: in Patriciorum inuidiam incidit. Nam cum ij existimarent, hoc mandatum imperiumque Dictatori, aduersus sese traditum à plebe fuisse;

An qui acquirere, aut qui parta volunt tueri maiores motus in Repub. excitent.

fuisse: conqueri cœperunt, nō Nobiles eos esse, qui per ambitionem ad honores aspirarent: sed plebeios, quos, quod neq; maiorum splendori, neque propriæ virtuti confidere possent, oporteret largitione & malis artibus eò eniti. Atq; has calumnias cū in Dictatorem præcipuè conijcerent, tantum utique effecerūt, ut Dictator Concione aduocata, conqueretur de calumnijs patriciorum, depositaque Dictatura, se populi Iudicio submitteret. In cuius causæ tractatione, eiusdem huius quæstionis mētio facta est, ipse tamen fuit absolutus. Cum autem & eius qui parère, & qui parta tue-ri cupit, desiderium, per magnos motus in Repub. excitare queat: maior tamen est vis eorum qui iam possident: nam amittendi metus eosdem impetus in ijs excitat, atq; in alijs acquirendi studium. Nec videtur cuiquam, quod satis tutò res suas possideat, nisi eadem simul augere queat. Quibus accedit quod propter potentiam maiorem vim habent Rempub. turbandi: & largitionibus suis, in tenuioribus excitant varias cupiditates, variosq; animi motus.

*Vtrum Romæ potuerit talis Reipub. forma
institui, qua discordiæ illæ & inimicitiæ
inter patres & plebem,
tollerentur.*

CAPVT VI.

QUID perpetuæ illæ Senatus, populi-
que contentiones Romæ effice-
rent, iam disseruimus: Sed quia illæ
ad Gracchorum tempora vsque perdura-
runt, & tandem amittendæ libertatis cau-
sæ extiterunt: meritò quærere quis possit,
num Roma ad tantum fastigium euehi po-
tuerit, alia aliqua forma Reipublicæ, qua
huiusmodi Senatus populi que dimicatio-
nes euitari licuisset? Cui quæstioni satisfac-
ciemus, si inspexerimus formam Reipu-
blicæ earum urbium, quibus & longo tem-
pore frui libertate contigit, & huiusmodi
contentionibus tamen atque dissidijs ab-
stinere: simulque considerauerimus, num
Romæ quoque talis forma reipub. intro-
duci potuerit. Exemplorum loco esse no-
bis poterunt, ex Antiquis urbibus Sparta:
Et recentiorib. Venetiæ: quarum ante quo-
que facimus mentionem. Ac Sparta qui-
dem à Rege & Senatu exiguo gubernaba-
tur. Venetijs, qui Reipub. præsumt, à cæte-
ris ciuib. senatoris vocabulo non distin-
guuntur;

guuntur : sed quotquot in vniuersum ciuibus licet ad Reipub. gubernacula aspirare : ij vno nomine omnes appellatur Nobiles *Nobilium Venetorum origo.* Veneti. Cui appellationi occasionem dedit casus potius quàm prudètia legislatorum. Nam cùm ad eos scopulos , in quibus ea vrbs nunc sita est, permulti cõuenissent; ob causas à nobis prius commemoratas : ijq; successu temporis, eò vsq; aucti essent, vt absque legibus pacificè viuere non possent : formam Reipubl. instituere coacti sunt. Qua de re cùm sæpè conuenirent, ac de Repub. consultarent : tempus obseruauerunt quando eò vsq; aucti esse viderentur, vt ad libertatem conseruandam, & replendam ciuitatem sufficerent : ac tunc sancita lege, omnib. reliquis, qui porrò ad eos habitandi causa peruenirèt, aditum ad Rempublic. capescendam præcluserunt. Itaque cum temporis successu deinde permulti alij eò peruenissent, quibus non licebat ad Rempub. aspirare, Vt antiquis illis ciuibus autoritas aliqua conciliaretur, eos omnes Nobiles Venetos nuncupârunt : cæteros qui posterioribus accessissent, populi nomine insigniuerunt. Atque hæc ciuium distinctio & constitui, & conseruari sine tumultu potuit. Nam cùm primùm præcluderetur aditus ad Rempub. ijs, qui porrò esset eò ven-

turi: nemini eorum qui tunc illic agebant, fiebat aliqua iniuria, cum ex æquo omnes ad Reipublic. gubernationem admitterentur: Qui postmodum eò commigrârunt, cum talem reipub. formam iam institutam, confirmatamque inuenirent, nec causam nec occasionē tumultuandi habebât. Nam causa illis deerat, quod iure conqueri non possent, sibi, qui nondum illic fuissent, in tali Reip. constitutione aliquid ademptum esse: & quoniâ ab ijs, qui præerant Reipub. gubernationi, in officio continebâtur, nec vsurpabatur illorum opera in rebus, quib. aliqua autoritas ipsis posset cōciliari, omni tumultuandi occasione destituebâtur. Atque id quidem ijs tantò minus contingere poterat, quod non essent numero superiores antiquis ijs, qui Rempub. poterant administrare, & Nobiles vocabantur, sed aut æquales, aut inferiores: ob has igitur causas Veneti, talem Reipub. formam constituere, eamque sine tumultibus diutissimè conseruare potuerunt. Spartani vt prius monuimus, à Rege paucis Consiliarijs stipato gubernabâtur: & pacem diutissimam habuerûnt, primò, quod exiguus esset eorû numerus, simulque prohibuissent, ne quisquâ peregrinus in ciuium numerû cooptaretur: deinde à Lycurgo leges cū singulari quadam

*Spartano-
rû respub.*

quadam Veneratione acceperant, ex quarum præscripto viuentes, omnē tumultuandi occasionem euitabant. Nam cū perpauca officia Lycurgus cōstituisset, quibus qui præficerentur, cēteros gradu dignitatis antecederent : æqualem verò frugalitatem omnib. præscripsisset: ambitionem è plebe sustulit : nam perpauci erant qui munerib. publicis præficiiebantur, iidemque procul à reliquorū hominum consortio viuebant, neque plebem iniurijs lacescebant, Reges item in medio Consiliariorum suorum cōstituti, nullam tuendi sui rationem meliorem habebant, quàm si plebem ab omni iniuria defenderent : nam sic fiebat vt neque imperantes vllō modo metuerent, neque ipsi imperare cuperent : atque hac ratione omnis æmulatio internobilitatem & plebem euitabatur, vt longo tempore pace, ac tranquillitate frui potuerint. Itaque binæ potissimum fuerunt, longæ Spartanorum tranquillitatis causæ: exiguus ciuium numerus, qui à paucis regi potuerit: & quod peregrinos non cooptarent in urbem, quibus vel aliquid in forma Reipub. immutari, vel ciuitas tantopere augeri potuisset, vt à paucis illis regi nequiuerit. Quæ cū ita se habeant, cernimus non potuisse Romanorum legislatores aliter instituere
talem

*Causa tu-
multuum
plebis &
populi Ro-
ma.*

talem Reipub. formam, quæ dissidijs ac tumultibus careret, quàm si aut Venetos, aut Spartanos imitaretur: & vel sicuti illi opera plebis in bellis non vterentur: vel sicuti Spartani peregrinos nullos in urbem reciperent. Cùm autem neutros imitati sint, occasionem dedere populo, vt & quantitate. & viribus augetetur: quæ proinde causa fuit, vt persæpè tumultuaretur. Quo loco cernere est, populum Rom. nō potuisse magis quietum tranquillumque effici, nisi simul etiam fieret imbecillior: qua ratione deinde præcludebatur ei aditus perueniendi ad id fastigium, ad quod peruenit. Itaq; sicuti Romæ accidebat, vt sublati tumultuum occasionibus, simul etiam tolleretur ratio augendi imperij: ita in cæteris rebus humanis, si quis rem diligenter perpendere volet, comperiet semper euenire, vt sublato vno aliquo absurdo, aliud deinde consequatur. Nam si gentem aliquam instituas præclare in disciplina militari, vt eius opera ad acquirendū imperium cōmodè vti queas: vix eam postea ex animi tui sententia gubernare, ac domare poteris. Sin verò, vt ex animi sententia ei imperare queas, non patiaris illam viribus, ac militari disciplina augeri: facile amittes, si quid per eam acquisueris imperij: & eris prædæ cuique

cuique hostium, qui te adorietur. In omni ergo deliberatione, quæ de rebus politicis instituitur, considerandum, vnde maiora aut minora absurda consequi possint: id quod consilium pro optimo deligendum, ex quo pauciora mala consequi queant. Neque enim tale inuenies, quod omni malo careat. Potuissent igitur Romani Lacedæmoniorum exemplum imitari, & ita Rempub. à principio instituere, ut Regem eligerent, eique paucos aliquot consiliarios adderent: sed cum ad eam Imperij magnitudinem niterentur, non poterant impedire populi incrementum: itaque neque Rex ille exiguo consiliariorum numero stipatus, ob solam concordiam ciuium electus, illis multum prodesse potuisset. Si quis igitur de nouo, Reipubl. formam instituere velit, ei perpendendum est, num illam ita instituere cupiat, ut augere vires, & imperium acquirere possit, sicuti Roma: an ut sua sorte contenta, suisque limitibus se tranquillè & pacificè contineat. Nam si cupias, ut crescat, & imperium acquirat, Romanorum exemplum imitari oportet, & tumultus ciuium quàm fieri potest modestissimè ferre, cum absque magno numero benè ornatorum ciuium, & in re militari præclarè institutorum Respubl. neque crescere, neque si cre-

uerit, conseruari poterit. Quod si eam pacificam, & paruam efficere velis, Venetorum, & Spartanorum exempla sequi oportebit: sed eadem hæc res pub. cum imbecillæ sint, non nisi magno cum periculo imperium acquirunt: itaq; si diutina pace eas frui velis, in id maximè incumbendum est, vt prohibeas, ne ditionem multam acquirant, quam periculosum enim sit imperium Reipub. quæ populum habeat imbellem, apparuit cum in Venetis, tùm Lacedæmonijs: quorum hisce, cū vniuersa Græcia pareret: statim deficientibus Thebis, authore Pelopida, reliquæ ciuitates idem exemplū sequutæ sunt, vt vno quasi momento vniuersa eorū Respubl. interierit. Veneti quoque cum magnam Italiæ partem acquisiuisent, idque pecunijs & astu magis quàm bellica virtute: periculum facturi de suis viribus, vno prælio omnia amiserūt. Ideo credo Reipublicæ quam plurimùm prodesse posse, ad longissimam pacem conseruandam, si primùm instituaturs ad normā Reipub. Spartanorum, aut Venetorum: deinde vrbs ipsa, loco natura admodum munito, quique difficillimè expurgari queat, condita sit: denique si non habeat tantas vires, quæ vicinis sint formidabiles. Nam duplici de causa solent homines Reipubl.

cuiuspiam

cuipiam bellum mouere: vt vel ipsi eam occupēt, aut ne sub illius imperium ipsi redigantur: Quod si igitur eo qui diximus modo instituta fuerit aliqua vrbs, vtriq; causæ belli repugnabit: quoniam ob difficultatē eius expugnandæ, nemo facilē illam adoriatur: & cū intra suos limites sese contineat, ita vt experientia constet, eam imperandi cupiditate non teneri: nemini formidolosa esse poterit, nec erit quisquam, qui ei bellum moueat, ob metum, ne ab ipsa occupetur. Hęc omnia autem tali Reipub. longē fœlicius contingent, si legibus quoque in ea caueatur, ne imperare cupiant. Quomodo equidem, si quæ vrbs institueretur & adhibita diligentia conseruaretur; eam verē fœlicem fore crederem, quæ vera tranquillitate frueretur. Verū enim uerō cum res humanæ omnes sint in perpetuo motu, nec quicquam sit in ijs firmum atq; durabile: necesse est, eas omnes aut incrementum, aut decrementum accipere: multa quæ persæpē, ipsa necessitate urgente facere cogimur, quæ ratio omit-tenda esse suadebat. Quo fit vt etsi talem Reipub. formam constitueris, quæ imperium nō ambiendo, tranquillitate fruatur: possit tamen occasio quædam occupandi alicuius imperij ei cōtingere, quàm negli-
gero

gere nequeat : atque hoc ipso eidem euenire, vt tranquillitatis suæ fundamenta labefaceret, & interitū acceleret. Quin etiam si eidem Reipub. contingeret tanta cœli clementia frui, vt nunquam bellum haberet : potest illi nihilominus euenire, vt ex otio ciuēs effœminati, aut etiam discordes euadant, quæ binæ causæ & coniunctæ & singulæ seorsim, sufficientes sunt ad illius ruinam promouendam. Hæc cum ita se habeant, & difficillimum sit huiusmodi Rerumpubl. constitutionem ad amissim mediâ conseruare, quæ omni & inuidia, & ambitione carëat: danda opera vtique fuerit in constituendâ Repub. vt id quod honestius est, semper præferamus : quam obrem eò spectare oportet, vt si per occasionem cōtingat aliquod imperium adipisci, id quoq; Respub. cōseruare queat. Quam obrem vt eò redeamus vnde sumus digressi, melius institui posse Rempub. sentio ad exemplum Romanorum, quàm vel Venetorum, vel Spartanorum : quod vix possit mediū quidam modus inter extrema inueniri, aut conseruari : Tumultus quoque illos Populi aduersus Senatū, ferre oportet tanquam absurdum aliquod, sed tale, quod in Populo qui ad tantum imperij fastigium sit emerfurus, euitari nequeat. Hęc depræ-


de præfenti quæftione dixiffe fufficiat. Deinceps de Tribunitiæ potestatis neceffitate, pro conferuanda libertate Reipub. & utilitate accusationum, quæ coram Tribuno instituebantur, differemus.

Quàm neceffum fit, ad conferuandam Reipub. libertatem, vt liberè poffis ciuem aliquem accusare.

CAPVT VII.

Is, qui custodiendæ Reipubl. libertati præficiuntur, nihil æquè curæ effe debet, quàm vt potestatem habeant ciues, qui contra libertatem aliquid deliquerint, liberè accusandi coram populo, magistratu, aut alia aliqua concione. Id enim Reipub. duabus de caufis plurimùm prodest. Nam primùm non facilè quis contra libertatem aliquid tentabit, metu ne accusetur: & si tentauerit quippiam, poterit sine magno motu facilè reprimi. Deinde eadem hac ratione instituitur modus extinguendi odia & suspiciones, quæ in vrbibus sensim contra ciues quosdam accenduntur: quorum restringendorum, si non extet ratio aliqua legitima: ad media quædam absurda confugiunt homines, ex quibus persæpè Reipub. ruina consequitur. Quamobrem

D



existimare oportet, multum interesse ad
conseruandam Rempubl. vt ratio quædam
legibus cōstituatur, qua odia illa restingui,
ac satiari queant. Id permultis exemplis
demonstrare possem: & præsertim Corio-
lani, de quo scribit Liuius. Cum patricijs
aliquando non admodum benè cum ple-
be conueniret, quoniam ex Tribunorum
creatione videbatur nimium aucta esse e-
ius potentia: magnam Annonæ caritatem
Romæ ortam esse. Senatum itaq; frumen-
tum è Sicilia aduehi Romam curasse: Sed
Coriolanus, occasionem adesse ratus, po-
puli nimiam licentiam castigandi, suasit
patribus, ne frumentum ei distribuerent.
Quod cùm Populus intellexisset, magno-
perè indignatus, Coriolanū Senatu egre-
dientem per seditionem oppressisset, nisi
ei Tribuni plebis subitò ad dicendam cau-
sam diē dixissent: Quo casu manifestè ap-
paruit, quātum intersit Reipub. vt ratio ex-
ter, qua Populi iracūdia aduersus aliquem
concepta, secundum leges extinguatur.
Quæ si non extet: confugitur ad inordina-
ta quædam media, quorum euentus mul-
tò peiores sunt. Cùm enim modo, legibus
præscripto, ciuis punitur, non impendet
magnum Reipub. periculum, quamuis illi
iniuria fiat: cùm exequutio non fiat, neque
seditio-

ſeditioſè perpriuatos, neque exterorum
hominum auxilio, ex quibus libertatis
amittendæ periculum maximè ſolet im-
pendere: ſed autoritate publica, & ſecun-
dum leges. Quid enim, ne à Coriolani
exemplo diſcedamus, ſi is per ſeditionem à
populo fuiſſet interfectus, Romæ accidif-
ſet? videlicet multæ priuatorum offenſio-
nes, metus vindictæ, coniurationes, atque
hinc deniq; Reipubl. ruina: quæ omnia in-
terueniēte publ. autoritate, euitari porue-
runt. Hiſce omnib. cōſentiunt, quæ noſtra
ætate fieri cernimus: quantas enim muta-
tiones Florentiæ pepererunt Franciſci Va-
lerij factiones? quæ caueri omnes potuiſ-
ſent, ſi legitima quædā ratio in Republ. ex-
tiſſet, qua populus potuiſſet reſtinguere
odiū, quod aduerſus illum cōceperat. Erat
enim is veluti princeps ciuitatis, itaque in
multorum odiū inciderat, qui eum ambi-
tioſum eſſe æſtimabant, quod magnanimi-
tate, & audacia ſua, ciuilem viuēdi rationē
excedere velle videretur. Itaque cū non
extaret in Repub. alia eum coërcendi ratio,
quam factione, quæ illi contraria eſſet, cœ-
pit ipſe ſibi clientes, atque fautores conci-
liare, quib. defendi poſſe ſperabat. Aduer-
ſa verò illius factio idem tentare coacta eſt:
ut tandem ad arma ventum ſit: quibus

*Coriolani
nus.*

*Franciſci
Valerij ſe-
ditio.*

Petrus Soderinus.

accidit, vt Valerij potentia (quæ solo ipsius damno, si legitima ratio eius efficiendi extitisset, reprimi potuisset) non nisi multorum nobilium ac præstantiss. ciuium inter- necione opprimi potuerit. Hoc idem comprobauit Florentiæ etiam exemplum Petri Soderini, cuius causa tota ab eo pende- bat, quod non esset in Repub. vsitata ac legibus constituta ratio quædam, præpotentium ciuium ambitionem accusandi. Nec sufficit, vt coram octo iudicibus præpotentem aliquem accusare possis : quod vbi pauci iudices sunt, facile à paucis corrumpi & in suam sententiam pertrahi queant. Quod si igitur talis ratio accusandi Florentiæ tunc extitisset: ciues Soderinum turpiter viuentem accusassent, nec opus habuissent Hispanorum exercitum aduocare. Quod si idem Soderinus rectè vixisset, non accusare illum ausi fuissent, quod metuendum foret, ne vicissim ipsi quoq; accusarentur: atque ita euitari potuisset illa æmulatio, quæ tot malorum causa extitit. Quò fit vt quando cernimus à factione aliqua, in urbem aduocari externum auxilium: id pronũtiare possimus, fieri propterea, quòd ea Reipublicæ forma malè instituta sit, nec habeat legitimam rationem sedandi huiusmodi ignes, qui in illa acceduntur. Quibus omni-

omnibus rebus remedium adhibetur, si ratio instituat acculandi coram multis iudicibus, magnæ autoritatis atque potentia. Hisce rebus ergo prospexerant Romani tam benè, ut tot patrum plebisque dissensionibus, neque plebs, neque Senatus, neque alius quisquam externum auxilium desiderarir, cum domi haberent remedium hisce malis præparatum. Superioribus exemplis possumus & illud ex Liuvio addere, qui narrat, cum in Clusia, quæ tunc erat nobiliss. Tusciæ ciuitas, à Lacumone quodam Arnutis soror fuisset vitiata: nec is, propter illius potentiam, posset iniuriam vindicare, ad Gallos confugit, qui tunc eam Italiæ partem tenebant, quæ hodie Longobardia nuncupatur, eosque impulit, ut secum Clusiam proficiscerentur, ad iniuriam vindicandam: quod certè nunquam fecisset, si domi per leges ciuitas id facere potuisset.

*Lacumone
& Arnus.*

Verum enim uerò, sicuti iusta accusandi ratio in Repub. salutare est libera-

tis remedium: ita calumniæ

occasio pernitiola est:

sicuti proximo ca-

pite differe-

mus.

*Vt iusta accusandi ratio Reipubl. salutaris
est: ita pernitiöse sunt calumniandi
occasiones.*

CAPVT VIII.

QVAMVIS Furij Camilli virtus, post libertatem à Gallorum obsidione urbem, apud ciues Romanos ita innotuisset, vt cæterorum nemo esset, qui illi honorem quouis loco deferendum esse non existimaret: Manlius Capitolinus tamē, hunc honorē illi atq; gloriam magnopere inuidebat, putabatque se conseruato Capitolio equē benē, atq; Camillus, de Reipub. meritum, neq; etiam virtute bellica illo esse inferiorem. Ea inuidia cōmotus ergo, cū apud patres illum in inuidiā vocare non posset, ad plebem sese conuertit, & apud eam de Camillo, cæterisq; patrib. varia cōqueri cœpit: inter cætera autem asserbat, Aurū, quod ciuitas cōtribuisset, vt à Gallis sese redimeret, Gallis rursus ademptum, apud primores patrum conseruari, quod quidem si recuperaretur, sufficere ad liberandam ære alieno plebem. Hisce verbis fides à multitudine populi habebatur, augebaturque Manlij existimatio, vt ad illum iam concursus fierent, libereq; per urbem tumultuari inciperet. Quibus rebus
cumq;

cum Patres vehementer commoti essent, ac suspicarentur ne quid inde grauius oriretur, creato Dictatori mandant, vt cognita ea causa, Manlij impetum cohæreret. Dictator viatore ad Manlium misso, illi diē dicit: comparuit ille ad tribunal, ingēti plebis agmine comitatus: Cumq; iam conuenissēt, Senatusq; Dictatorem, Plebs Manlium, vt ducem suū in Comitio intrueretur: Dictator silentio facto, ex Manlio quæsiuit apud quem ex Patrib. thesaurus ille custodiretur? Senatū enim æquē, atq; Plebem id cognoscere velle. Ad id verò cum Manlius nil certi responderet, sed subterfugia quærendo, assereret, non esse opus, vt ea quæ ipse sciret, publicè aperiret: à Dictatore in vincula duci iussus est. Quo loco satis cernere licet, quàm pernitiolæ sunt, cū in liberis, tūm alijs Rebusp. calumniæ ad quas euitādas, tollendasq; nullo labori parcere oportet. Euitantur autem calumniæ commodissimè, si liberum sit vnumquemque accusare: nam vt libera accusandi ratio Reipubl. prodest: ita nocent calumniæ. Differunt accusationes à calumnijs, quod calum- *Calumnia* niari possit vnusquisque quemcunq;, vt differāt & vbicunq; volet: neque ad id proban- *ab Accusa-* dum, quod impingit aduersario, probatio- *tione.* ne vlla aut testibus vitur, Acculare autem

legitimè non potest vnusquisque: quòd in
 accusationib. opus sit probatione, testibus,
 cæterarumq; rerum circumstantijs, quibus
 pateat id, quod accusator impingit. Præ-
 terea non solent institui legitimæ accusa-
 tiones nisi coram magistratib. aut concio-
 ne totius populi. Calumniæ nullum certū
 locum habent: quod vel in foro, vel hinc
 indè per plateas, atq; conſtrinas de homi-
 nibus spargantur: ac plerumque locum ha-
 bent in Rebus publ. malè institutis, & in
 quibus non ordinata quædam accusandi
 ratio extat. Quòd sit, vt qui Rempub. rectè
 instituere velit, in id præ cæteris incumbe-
 re debeat, quòd liberum tutumque sit legi-
 timè ciuem quemcumque accusare: atque
 id vbī legibus constitutum fuerit: ferri non
 debent calumniæ vllò modo, sed puniri se-
 uerè: quod cum liceret eum quē calumnia-
 tur, legitimè & sine suspicione accusare: id
 non faciat calumniator, sed clandestinas
 calumnias spargat. Quod si hisce rebus nō
 rectè in Repub. prospectum sit, multa mala
 patrantur: quoniam locus calumnijs da-
 tur, quæ ciues non castigant, sed commo-
 uent, atque perturbant, ita vt quæ de ipsis
 sparguntur non metuant, sed calumniato-
 res odio prosequantur. Hisce de rebus præ-
 clara statuta habuère Romani; Florentini
 nequa-

*Accusatio-
 nū & Ca-
 lumniarū
 ratio Ro-
 mæ melius
 quam Flo-
 rentiæ in-
 stituta.*

nequaquam, quo factum est, ut sicuti Romanis illa rectè instituta multum profuere, ita à Florentinis neglecta plurimum nocuerunt. Nam historias horum intuenti, apparet facilè, quantis calumnijs obnoxij semper fuerint, quicunque è Florétinis ciuibus aliquid magni pro Repub. gesserunt. De hoc enim spargebant, quod pecuniam publicam in suos vsus conuertisset: de illo asseriebant, quod corruptus munerib. hostem non vicisset: & de alio, quod ob ambitionem hoc aut illud perpetrasset: atque ex hisce vnde quaque clandestina odia nascebantur: ex odio factiones: atque ex hisce seditiones atque tumultus quibus pessundabatur Respub. Quæ omnia euitari potuissent, si Florentiæ statuta quædam atq; leges extitissent, per quas legitimè accusare reos, & calumnias vitare licuisset. Nam qui accusati fuissent rei, siue damnati, siue absoluti essent, Rempubicam non euertissent: neq; etiam tutum fuisset tot instituire accusationes, quot calumniæ de varijs ciuibus sparsiæ fuerunt: cum Accusationes argumentis egeant, calumniæ clanculum spargantur: Quibus accedit hoc etiã, quod in eadem Republica per calumnias multi indigni ad summam potentiam euecti fuerunt: ad quam cum aspirarent, fautores suos

habuerunt, qui in populi multitudine eos calumniabantur, qui ipsis resisterent. Harum rerum multa exēpla adducere possemus: sed tamen vnum tantum proponam. Cum Florentinorū exercitus, Ioanne Guicciardino duce, Lucam obsedisset: accidit vel ob rem malè & imprudenter administratam, vel ob aduersam fortunam, vt eam occupare nequiuert. Sed quacunque de causa id acciderit, de Guicciardino sparsa fama fuit, quod à Lucensibus corruptus, urbem expugnare lubens noluisse. Quæ calumnia ab eius aduersarijs aucta, atque approbata: Guicciardinum furijs propemodū exagitauit. Nam etsi seipsum in vincula tradere vellet, vt se purgaret à crimine, quod impingebatur: tamen eam suspicionem de se amouere non potuit: tantum ob id: quod Florentiæ non esset ratio quædam legitima, audiendarum defensionum, accusationum, & puniendi calumnias. Itaque orta odia & indignationes inter eius familiares (qui erant omnium ciuium potētissimi) & eos qui calumnias, rerum nouarum cupidi, spargebant, eò usque processerunt, vt cū ob hanc rem, tū alia quædam, sequuta sit Reipubl. ruina. Manlius igitur Romæ, cū hæc, quæ iam narrauimus, de patribus spargebat, non erat

erat accusator, sed calumniator: eoque exemplo præclarè docuerunt Romani, quæ ratione calumniatores punire oporteat. videlicet ut illos cogamus ex calumniatoribus accusatores fieri, & siquidem publicè probare queant, id verum esse, quod clanculum impingebant: vel præmio aliquo, vel certe nullo damno afficere: si probare nequeant: sicuti Manlium punire.

*Quàm multum intersit, in instituenda Re-
pub. planè noua, ut omnis potentia ab
vno solo dependeat?*

CAPVT IX.

Videbitur cuiquam me de Romanorum rebus, totaque Reipub. institutione plura hîc disputasse, quàm oportet: cum de ipsius vrbis cōditore & legiflatore, itemq; de legib. ad religionis cultû, ac disciplinam militarè pertinetibus, prius differere decuisset: Non differemus igitur amplius lectorem: sed hanc rem iam aggrediemur. Quo loco primùm occurrit considerandum, quod multis videtur mali fuisse exempli, Romulum primum vrbis conditorè, statim ab initio Remum fratrem interemisse: & paulò post in T. Tatij Sabini, què regni sociû elegerat, cædè consensisse.

Potuif-

Potuisse enim posteros id factum imitari, & cum ad principatum aspirarent, simili ratione aduersarios suos aut æmulos interficere. Quod quidem etsi probabiliter dicatur, necesse tamen est considerare scopum, qui Romulo in hac fratris cæde propositus fuerit. Atque hîc primùm pro certo statuere oportet, nullam Rempublicam ac nullum etiam regnum, siue à primis initijs rectè institui: siue iam ante malè formatum & institutum, nouis plane legibus rectè emendari posse: nisi huius rei potentia ab vno solo dependeat: ex cuius animi sententia omnes ordines ac leges nouæ promulgentur. Quicumq; igitur prudens est, idemque ita Rempubl. instituere cupit, vt publicæ vtilitati potius, quàm sibi profit, & patriæ toti potius, quàm suis posteris: in id incumbere debet, vt solus potentiam habeat nouas illas leges & ferendi & rogandi. Neque quisquam prudens, quempiam facile accusare debet, qui vt solus Rempubl. aliquam rectè instituere possit, insolens aliquod factum patrauerit: aut si maximè factum ipsum damnet, ex ipso scopo tamen & fine qui inde consequitur, idem ipsum excuset. Nam bonus euentus, vt qui ex cæde Remi sequutus est, factum semper excusat: neque is qui benefaciendi, sed is qui male-

malefaciendi causa vim infert, reprehensione dignus est. Sed interim permultum interest, ut ille idem qui sibi hanc potentiam usurpat, vir bonus sit, neque illam posteris suis hæreditatem faciat. Nam cum homines ad malum magis quam ad bonum natura proclives sint, facile accidere poterit, ut quam potentiam quis sibi boni publici causa usurpauit, eandem eius posteri ad malos usus conuertant. Præterea, etsi Rempublicam vnicus rectè instituere possit: custodia eorum tamen, quæ ab vno homine benè rectèque instituta non sunt, non vni sed pluribus committenda est: quod plures simul, id quod optimum est in Reipublicæ institutione, ob diuersas sententias apprehendere certè nequeant: sed ij dè si iam optimas leges sancitas, omniaque rectè instituta esse intellexerint: nō patientur facile de ijs quicquam aboleri. Ad Romulum verò ut redeamus: dicimus eum, quod fratrem interemerit, & in Tatij cædè consenserit, excusari posse: eo quod id non ambitione, sed boni publici causa fecisse videatur: neque enim aliàs subito Senatū creasset, cuius consilio in rebus agendis vteretur. Nam si rem diligenter consideres, comperies Romulum eam tantum potestatem sibi soli seruasse, ut patres conuocaret, &

ret, & si ijdem communi consilio, bellum alicui faciendum suasisissent: ipse esset exercitus imperator. Neque cum successu temporis, eiectis Tarquinijs, ciuitas libertatem consequuta fuisset, abolita fuit ea potentia, quam sibi Romulus conseruauerat, cum in locum Regis, bini Consules fuissent creati: ex quo apparet, Romulum ab initio in instituenda Reip. forma, magis Remp. liberã cõstituere voluisse, quam ad Monarchiam, aut Tyrãnidem aspirasse. Possemus hoc loco etiam adducere exempla multorũ aliorum, Mosis scilicet, Lycurgi, & Solonis, qui omnes boni publici causã, solis vsurparunt sibi potentiam ferendarum legum, & constituendæ Reipu. Quæ notiora sunt, quàm vt de ijs disputare sit opus. Vnum hoc silẽtio non est prættereundum, quod Agides Spartanorum Rex, considerãs quantũ suis ciuib. de antiqua virtute decelsisset, ob id, quod à Lycurgi legibus recessissent: decreuit Rempub. emendare, & in Pristinum statum reuocare: sed cùm id moliretur, ab Ephoris interemptus est, tanquã si id, tyrannidis occupandæ causã, facere conaretur. Cleomenes, qui illi in regnũ successit, Agidis cõsilio, scriptisq̃ue institutus, idem tenuit. Sed cum interim facilẽ intelligeret, se non posse patriam suam tanto bono afficere,

cere, nisi deriuata ad se vniuersa potentia :
quod vel paucorum ambitio obstabat, quo-
minus publicum hoc bonum promoueri
posset : idcirco arrepta occasione, cum E-
phoris, tum cæteris omnib. quos sibi im-
pedimento fore timebat, in vnum locum
conuocatis, ipse Lycurgi leges reuocauit,
& populo propositas de nouo cõfirmavit.
Quæ res vt Spartanorum vires, virtutem-
que restaurare, & ipsi perinde, vt alteri Ly-
curgo gloriam conciliare faciliè potuisset,
nisi Macedonum potentia nimis aucta, &
cæterarum Græciæ ciuitatum vires tanto-
pere debilitatæ fuissent. Nam cum nõ lon-
go post tempore à Macedonibus inuade-
retur, & adhuc infirmior esset, quã vt ipsis
resistere posset, nec suppeterent aliunde
auxilia, superatus est, antequam ex legum
Lycurgi illa iusto cõsilio suscepta renoua-
tione, dignum labore fructum percepisset.
Quæ cum ita se habeant, concludo, quod
in præclarè instituenda aliqua Reipub. for-
ma, necesse sit potentiam ferendarum le-
gum, penes vnicum hominem existere, &
Romuli facinus in fratris, socijque cæde
patratum, cum eò specterit, excu-
sari, non damnari planè
debere.

Vt laus

*Ut laude digni sunt, quicunque aut Regni
aut Reipub. alicuius iusta fundamenta
ponunt: ita vicissim vituperandos
esse omnes, quicunque
instituant Tyrannidem.*

CAPVT. X.

*Qui homi-
nes laude
aut vitu-
perio di-
gni.*

INTER viros excellentes illustresque summa laude digni sunt, qui Religionis cultum rectè constituerunt. Secundum locum tenent, quicunque Reipub. aut Regni alicuius fundamenta posuerunt. Tertium exercituum duces, qui sua virtute vel suum ipsorum, vel Patriæ imperium auxerunt. Quartum locum obtinent viri literati omnis generis, secundum studiorum diuersitatem, singuli sua laude celebrâdi. Denique ex infinita reliquorum hominû multitudinem, quibuscunque artis quam exercent præstantia, aut longus vsus aliquam nominis celebritatem comparauit. Excellentibus hisce atque illustribus viris ex aduerso respondent obscuri, aut etiam infames: inter quos summopere vituperandi sunt Religionis contemptores, & corruptores: deinde qui Regna atque Respubl. destruxerunt: deniq; qui virtuti, literarum studijs,

studijs, cæteris ingenuis artib. quæ humano generi vtiles honestæque sunt, inimici fuerunt, in quorû numero sunt impij, seditiosi, ignorantes, inertes, desides, otiosi & inutiles. Et quamuis ita natura comparatû sit, vt ex vniuerso hominum genere, nullus sit, siue stultus, siue sapiens: siue bonus siue malus, qui ex iam propositis binis excellentium atq; obscurorum hominum differentijs, non laudet excellêtes, & obscuros vituperet: nihilominus tamê plerique, nescio qua falsa boni specie, aut inani gloria decepti, relicto excellentium virorum ordine, ad eos descendunt qui vituperio digni sunt: eumq; in instituenda Republ. ijs, magno cum honore ac gloria, vel regnum, vel liberam aliquam Reipub. formam instituere liceret: Tyrannidem efformant: nec animaduertût interim, quantam gloriam, honorem, tranquillitatem, atque quietem amittentes, in pericula, vituperia, infamiãque incurrant. Nec dubiû est, quin omnes homines, quicunque vel priuatã vitam degunt, aut quos fortuna principes fecit, siquidem historiẽ rerum antiquarum cognitionem haberent: non malint priuati quidã in sua Repub. Scipiones esse, quàm Cæsares, aut Principes: Agesilai, Timoleontes ac Diones haberi potius, quàm vel Nabi-

des, vel Phalares aut Dionysij: cum cernere sit illos summa cum laude celebrari, hos verò summoperè vituperari. Præterea constat etiam Timoleonem, & cæteros illi similes, in sua quemq; Rep. non minus potuisse, quàm vel Phalaris vel Dionysius, sed interim tamè quietè, & sine omni metu vitâ traduxisse. Neq; verò est vt quisquâ, nominis celebritate deceptus, Caij Cæsaris felicitàte admiretur, ob id quod eius laudes à multis scriptorib. decantare audit. Id enim propter ipsius potètiâ factū est, sub qua etiâ qui vixère scriptores: non ausi fuerunt, quæ de illo sentiebant, verbis exprimere. Quod si viris ingenuis tutum fuisset, illa omnia de ipso scribere, quæ sentiebant, procul dubio de illo perinde vt de Catilina scripsissent, quò Cæsar tãtò adhuc deterior fuit, quantò peior existimandus est, qui facinus patrauit, eò qui id patrare desiderauit. Quod vt ita se habere intelligas: considera quantis laudibus Brutum Cæsaris hostem extollant: nam cum Cæsarem ob potentiam vituperare nō liceret, ausi sunt tamen eius hostem laudare. Postquam verò Romanorum res in vnius Imperatoris potentiam redactæ fuerunt: si consideraueris quanta cum laude imperauerint principes boni, qui seipso legibus submisserūt, & ex
earum

earum præscripto vixerunt: comperies Ty-
 rum, Neruam, Traianū, Adrianum, Anto-
 ninum, & Marcū charos omnib. fuisse, neq;
 ad sui custodiā opus habuisse vel legionib.
 multis, vel prætorianis militib. quod ipso-
 rum boni mores, & populi Senatusq; be-
 neuolentia ipsos defenderet, atq; custodi-
 ret. Econtrā verò Caligulam, Neronē, Vi-
 tellium, cæterosq; sceleratos Imperatores,
 opus habuisse geminis exercitibus, partim
 ad Orientem, partim ad Occidentem in-
 structis, quibus ne defendi quidem potue-
 runt ab aduersarijs, quos malis moribus, &
 scelerata viuendi ratione sibi comparaue-
 rant. Quæ quidem si rectè considerentur,
 omni principi documento esse possunt, vs-
 que adeò, vt ex illorum rebus gestis, tota-
 que vita: rationem consequendæ veræ glo-
 riæ atque laudis intueri, & vituperij trucu-
 lentiaëque vitandæ modum habere facile
 possent. Quid enim magis memorabile
 esse potest, quàm quod ex xxvi. Impe-
 ratoribus, qui Caium Cæsarem ad Maxi-
 minum vsque sequuti sunt xvi. truculen-
 ta morte interempti, soli autem decem, se-
 cundum communem naturæ legem ex hac
 vita migrarunt? Quod si qui etiam ex bo-
 nis, cruenta morte interierunt, vti Galbæ
 & Pertinaci accidit, id factum est propter

malitiam prædecessorum, qui milites prauis morib. corruperant: & si quibusdā malis ac sceleratis, contigit secundum naturæ legem ex hac vita migrare, veluti Seuerō: id rursus vel fortunæ prosperitati, vel alicui qualicunq; tandem virtuti debuerunt. Ex eadem hac Romanorum imperatorū antiqua historia, cognoscere licet, quæ ratio sit Monarchiæ bonæ constituendæ: cum videamus omnes Imperatores, quicunq; hereditario iure successerunt in imperiū: sceleratos homines fuisse, vno Tito excepto: qui verò eligebantur, viri boni erant, sicut cernere est in ijs quinque, qui Neruam ad Marcum vsq; sequuti sunt. Rursus quæ postquam ad hæredes imperium rediisset, cœpit in peius ruere. Rectè igitur feceris in instituendo principe, si tempora contuleris, quæ inter Neruam & Marcum fuere, cum ijs quæ & ante fuerunt, & postea sequuta sunt: ei quæ optionem dederis, malit ne his, aut illis tēporibus regnare. Videbit enim, quo tempore boni Imperatores regnarunt, eos inter suos subditos tutos pace ac tranquillitate frui: Ius ex æquo omnibus dici: Magistratus omnis generis in honore haberi: viros virtute præditos suis laudibus illustrari, omnes ciues in vniuersum, res suas sine periculo possidere. Sublata verò

verò populi licentia, ambitione, nullas esse factiones neque seditiones : Aurea esse secula, quibus tutò liceat de quacunque re in vtramque partem disputare , principem sua gloria, populum pacè, ac tranquillitate omnium applausu frui. Quod si tempora iam ingrediaris reliquorum Imperatorum, eaquè diligèter consideraueris : sceleribus & atrocitate plena comperies : tot bella ciuilia, tot seditiones, tot principes ferro interemptos : Italiam miserrimè afflictam, tot calamitatibus vndiquaque oppressam, eius vrbes partim dirutas, partim spoliatas, Romã toties incensam, Capitolium à proprijs ciuibus dirutum, templa antiquissima destructa, Religionis cultus prophanos, adulterijs totam urbem repletam : Mare exulibus plenum, scopulos vndique sanguine conspersos: in vrbe infinita scelera summa crudelitate patrari : maiorum splendorem, opes, honores, ipsam denique virtutem pro vitijs haberi : Calumniatores præmijs affici : seruos contra dominos suos instigari : liberos contra parentes insurgere : & si quibus hostes desint, eos ab amicis opprimi. Quæ omnia si quis secum diligenter animo contempletur, non potest, nisi natura humana planè exutus, non ab omni recordatione horum tempo-

rum abhorrere : aliorum autem desiderio accendi. Quæ cum ita se habeant, nulli principi maior occasio consequendæ summæ gloriæ contingere potest, si quidem vir bonus esse velit, quàm ei, qui cum ad principatum euehitur: subditorum mores corruptos deprehendit, ut eos componat, & Rempublicam dirutam, non ut C. Cæsar planè destruat, sed rursus restauret, & ut fecit Romulus, instituat. Quod si quis ad principatum euectus nō possit corruptam Rempub. benè instituere, nisi amisso principatu : excusationem aliquam meretur quod id non faciat: sin & principatus dignitatem retinere, & nihilominus corruptam Rempubli. emendare possit, nec faciat: is nullo iure excusari debet. Quibus igitur dii huiusmodi occasionem dederūt, ij cogitare debent, duplicem sibi viam esse patefactam: alteram qua benè Rempub. instituentes, tranquillam vitam degant, & post obitum, honestam nominis sui commemorationem posteris relinquant : alteram qua malè rem administrantes, in perpetuis molestijs viuant, nec vnquam post obitum, illorum honesta mentio fiat.

De Religione Romanorum.

CAPVT XI.

QUAMVIS à Romulo Roma primam originem traxerit, eumq; vt filia patrem meritò agnoscere debeat: nihilominus tamen viderunt dii immortales, quod leges à Romulo latæ & institutæ: ad tantum imperium acquirendum non sufficerent. Quamobrem, eo ex hac vita migrante, Senatum mouerunt, ad Numam Pompilium successorem eligendum: vt is videlicet ea suppleret, quæ à Romulo neglecta fuissent. Cùm is ergo ad Imperium peruenisset, populum Romanum ad belli artes institutum, ferocemque deprehendit: quem cum ad pacem, & tranquillitatem instituere cuperet, ad religionis cultum instituendū, omne studium cōuertit. Quem tam præclare instituit, vt multis seculis, nusquā gentiū tantus timor Dei extiterit, quantus apud Romanos, ex Numæ institutione erat: quæ res omnia illa instituta permultum promouit. Atque hæc quidem ita se habere intelliges: si eorum res gestas singillatim perpēderis, cū publicas, cū quæ à quibusdā etiam priuatis patratae sunt, quos magis iureiurando, quā legibus promoueri solitos nouimus, ob id

nimirum quod diuinam potentiam pluris facerent, quàm humanam. Id in Scipionis & Manlij Torquati exemplis euidentissimè apparuit. Quorum ille post cladem, quam P. Romanus ad Cannas acceperat, cum permulti nobiles iuuenes L. Cæcilio Metello duce, tãta clade pauefacti, Italiam deferere, & conscensis nauibus ad regem aliquem transfugere decreuissent: stricto ferro eos coëgit iurare, quod patriam deserere nollent. L. Manlio autem qui postea Torquatus fuit dictus, à M. Pomponio Tribuno plebis dies dictus erat: quod cum rescuisset Titus eius filius, Pomponium adiuit, strictoque ferro necem minatus est, nisi iuraret se à patris accusatione desistere velle: quod cum ille mortis metu facere cogeretur: tantopere iusiurandũ veneratus est, vt & odium vetus, quod illi cum patre intercedebat, & recenter acceptam à filio, mortem minitante, iniuriam neglexerit, & causæ dictionem remiserit. Quemadmodum etiam nobiles illos iuuenes, cum neque patriæ amor, neque leges in Italia retinerent, retinuit iusiurandũ, quod vi coacti præstiterant. Quæ omnia à Reuerendo illo Religionis cultu dependebãt, quem Numa Pompilius Romæ instituerat. Tantum scilicet populo Romano profuit cultus religionis,

gionis, cùm ad frenandã militum licentiã,
 cùm ad plebẽ reconciliandam, & omnes in
 vniuersum viros bonos in officio cõtinen-
 dos, & peruersos à malitia deterrendos.
 Vsq; adeò, vt si quis argumenta in vtramq;
 partem ponderans, quærat cui Roma plus
 debere videatur, Romulo ne an Numæ
 Pompilio? credo hũc plus laudis meruisse:
 quod vbi religio hominib. inest, illic etiam
 disciplina militaris percõmodè introduci
 possit: vbi carẽt religione homines, quam-
 uis disciplinam militarem habeant, ad eam
 tamen nunquã rectè instituuntur. Romu-
 lus etiam ad Reipub. institutionem, Sena-
 tum constituendum, & alias leges sancien-
 das, non opus habuit diuinam aliquam au-
 toritatem prætere: quod tamen Numæ
 necessarium fuit: ob quas causas fingebat
 se cum Nympha consuetudinem habere,
 & ab ea edoceri illa omnia, quæ populo
 Romano præscribere oporteret: quod qui-
 dem ob eam causam faciebat, quoniam ad
 novas leges de cultu religionis sanciẽdas,
 non existimabat suam autoritatẽ apud po-
 pulũ satis ponderis habere. Id ipsum quoq;
 ab alijs factitatum legimus, quòtcunque
 planè novas leges in Rempublicam intro-
 duxẽ: neq; enim aliàs potuissent persua-
 dere hominibus vt illas amplecterentur:

Quamobrem si qui viri sapientes tale aliquid moliantur, dant operam ut id diuino instinctu facere videantur: quemadmodum Lycurgum & Solonem fecisse nouimus. Pop. Romanus igitur Numæ Pompilij bonitatem simul atq; sapientiam admirationi habebat, & quicquid ille consuluiſſet, amplectebatur. Sed neq; hoc illi parum profuit, quod ijs temporibus essent homines natura magis religiosi, atq; simplices, quibus quæcunque oportebat, persuadere facile poterat. Nam si quis etiamnum quærat, qui homines faciliores sint, ad amplectendam nouam Reipub. cõstitutionem, optimis legibus instructam? Respondere oportet simplices illos, quales sunt qui loca montana incolunt: nam qui in vrbib. habitant, corruptis moribus sunt, & quæ ignorare debebant, nimis peruersè ſciunt. Aptiores sunt igitur Simples illi, ut rectè instituantur, & bonam disciplinam amplectantur, quemadmodum etiam marmor rude, & nullo modo dolatum, aptius est ad suscipiendam statuæ formam, quàm id quod à malo artifice dolatum, & cui lineamenta sinistrè impressa fuerunt. Quæ cum ita se habeant, cõcludo cultum religionis à Numa Pompilio institutum, vnã è primarijs causis extitisse, propter quas Romani in rebus gerendis tam felices

felices fuerint. Nam ubi religio est, locum habent bonæ leges, ac bona disciplina, ex quibus fortunati, felicesq; rerum euentus, in expeditionib. præsertim bellicis nascuntur. Sicuti econtrà etiam, sublata religione, corruere Rempubl. oportet: quoniâ sublato Dei timore, sequitur impietas, ex eaque ruina imperiorum. Nam etsi princeps ipse fortasse pius sit, & subditorum impietatem virtute sua aliquo modo compenset: quia tamen is est mortalis, & fortè etiam vitæ brevis, necesse erit, ut eo moriente, virtus quoque, quæ supererat sensim vna cum imperio labatur. Quæcunq; enim imperia vnius tantum hominis virtute fulciuntur, diuturna esse nequeunt, quod rarissimè cōtingat, ut illa eadem virtus in nouo successore deprehendatur. Qua de re Dantes Poëta Italus sic cecinit:

*Non sicut in ramos ex imo stipite succus
Influit: in liberos sic orta parentibus ipsis
Descendit Virtus. — — —*

Cum igitur res ita se habeat, non existimare debemus eum fortunatam, felicemq; Rempubl. instituisse, qui illâ ita ordinauit, ut quandiu ipse viuit, rectè sub suo vnius imperio gubernetur: sed si quis eam ita instituit, ut etiam si ipse intereat, extet tamen nihilominus ratio, qua conseruari queat: is
verum

verum finem fuerit assequutus : Huiusmodi verò formam reipub. planè nouam : etsi difficilius sit persuadere hominib. ciuili uitę quocumq; modo assuefactis, quàm simplicibus, & sparsim montana loca incolentibus : non tamen pronuntiamus planè impossibile esse, quin & illi eam amplectantur. Florentinus populus certè neque simplicem, neq; ignorantem se esse arbitratur : at eidẽ huic Hieronymus Sauanarola monachus persuasit, sese cum Deo colloquia habere. Quod non in eum finem dico, vt verum ne, an falsum fuerit, pronuntiare ausim : neq; enim de tanto viro aliter quàm cum quadam reuerentia loquendum existimo. Sed affirmo infinitos homines Florentiæ extitisse, qui id pro certo crediderint : quãuis ab illo nihil miraculosum patrari vidissent : quod vitę sanctimoniam, doctrinam, & res ipsa quam tractabat, omnia talia erant, vt fidem ei adhibendam testarentur. Quę cum ita se habeant, non debent, qui bonam sanctamq; Reipub. formam instituere cupiunt, desperare, ne sint finem suum consequuturi, cum id alijs persępè contigerit : quoniam homines, vt in proœmio huius libri docuimus, semper iisdem naturę legibus oriantur, viuunt, & intereant.

Quantum

*Quantum intersit ad conseruandam Rem-
pub. ut ratio diuini cultus atque Religionis
habeatur: & quod in Italia, propter Ro-
manam Ecclesiam, deficiente ea-
dem religione, ruina impe-
rj sequuta sit.*

CAPVT XII.

QUICVNQVE Principes atque
Respub. semetipsas conseruare cu-
piunt, in id vnum præ cæteris in-
cumbere debent, ut verum religionis cul-
tum rectè instituant, & venerentur: nec
certius indicatiū de Religionis alicuius rui-
na atque interitū vnquam habere poteris,
quàm si in ea, diuinum cultum despectui
haberi ac sperni cognoueris. Id verò ut ita
se habere intelligas: obserua cui fundamē-
to Religio innitatur eius loci, in quo vnus-
quisque nascitur: quod omnis cultus reli-
giosus alicui fundamento insistas. Genti-
lium religio innitebatur responsis Oracu-
lorum, Aruspicum, & Coniectorum, ex
quorum instituto omnes cæteræ ceremo-
niæ, atque sacrificia dependebant. Nam
cū crederēt, eum Deum, qui tibi vel fau-
stum vel infaustum quippiā prælagire no-
uisset: id ipsum quoq; tibi posse largiri: tē-
pla,

pla, sacrificia, ac supplicationes illis decreuerunt, quibus eos varijs ritibus venerabantur: atque ita fiebat vt Oraculum Delphicū, & Iouis Ammomij, in vniuerso propè orbe, hominibus timori & venerationi esset. Sed postquā eadem hæc oracula cœpere imperiosè respondere: animaduertunt homines dolum subesse, nec modò vllam illis fidem amplius habuerunt, verùm etiam impij ex ea re facti sunt, & ad omnia perturbanda prompti. Itaque in id diligenter incumbere debent, quicunq; Reipubl. aut regno alicui imperant, vt eius Religionis quam ipsi colunt, & venerantur, fundamenta sarta rectaque conseruent: qua quidem re ciues suos pios, deuotosq; efficiēt, & aptos ad concordiam colendam. Quæcunque ergo in Repub. eò spectant, vt ad fidem fundamentis Religionis eius conciliandam facere videantur, ea omnia sapientes Reipub. gubernatores fouere debēt, et si non vsque adeò constitierit omnib. quod certa veraque fuerint: quod quidem tantò magis etiam curare debent, quantò magis sapientes & rerum naturalium periti fuerint: cùm id à sapientib. viris obseruatū esse nouerimus: ita quidem vt in falsa quoque religione miracula approbarint falsa, si modò eò spectarent, vt hominib. Religio quædam

dam ac pietas imprimeretur. Huiusmodi apud Romanos multa extiterunt: veluti cū Veientum ciuitatem diriperent, & eorum aliqui Iunonis templum ingressi, eius simulachrum interrogassent, vellent ne cum illis Romam ire? tunc visum est quibusdam annuisse: quibusdam verò etiam verbis id ipsum affirmare. Quæ omnia illis contigerūt, quod templum sine tumultu, & singulari quadā deuotione animi ingressi sunt, vt apud Liuium legere est: Itaq; cum tanta veneratione interrogassent: visum est ipsis tale responsum audiuisse, quale se audituros prius sibi pollicebantur: nec eam opinionem ex illorum animis eripere voluit aut Camillus, aut cæteri viri principes: sed eam confirmandā potius censuerūt. Quod si hæc tam diligens cura diuini cultus à Reipub. Christianæ principibus obseruata esset, secundum primam institutionem, & præcepta eius, qui illam nobis primū tradidit: longe maiori fœlicitate, ac pace in orbe Christiano frueremur. Nunc cū nusquam minus vel pietatis vel religionis sit, quam in ijs hominib. qui Romæ viciniore habitarent: eaque Christianæ religionis caput censetur: facilè conijcere potes, Christianum orbem magnoperè periclitari. Quod si quis etiam diligenter cōsideret cum

De principib. Christianæ religionis.

eum religionis cultum, qui nostra ætate in
vfu est, eumque conferat cum Prima Chri-
stianæ religionis institutione, ac veris fun-
damentis: is nō potest vel illius interitum
non metuere, vel diuinam vltionem non
formidare. Et quamuis non desint qui opi-
nantur, omnem quam Italia habeat fœlici-
tatem, ab Ecclesia Romana dependere: ta-
men cōtrariam sententiam quis veriore
existimauerit: cōsiderando eos, qui in Ro-
mana Ecclesia nequaquam secundū Chri-
stianæ religionis præcepta viuunt, sed ea
adulterant atque corrumpunt. Quibus hoc
etiam accedit, quod eadem hæc Romana
Ecclesia in causa est, cur Italia in partes di-
uisa, diuersis principibus pareat: cum ta-
men nulla regio verè fœlix sit, nisi sub vnus
siue Reipub. siue Principis imperio pareat,
vt nostra memoria Galliæ, Hispaniæque
accidit. Cuius rei ratio est, quod cum non
modò in res sacras, sed etiam in res huma-
nas imperium sibi vendicauerit Romana
Ecclesia: non habuit illa quidem tantas vi-
res, vt vniuersam Italiam occupare potue-
rit: sed neque interim tam debilis fuit, quin
euocare posset ad se aliquem præpotentem
principem, aduersus eos, quorum potentia
illi in Italia formidolosa videretur. Id mul-
tis exemplis patet, cū vetustis, tū re-
centi-

Centibus. Nam & Caroli magni auxilio, Longobardos expulit, qui propemodum toti Italiæ imperabant & patrum nostrorum memoria Gallorum auxilio, Venetorum potentiâ fregit: eosdemq; Gallos postmodum Heluetiorum copijs ex Italia eiecit. Ecclesia Romana igitur, cum neq; tantas vires tueretur, quibus ipsa potuerit vniuersam Italiam occupare: neq; etiam alteri, vt eâ occuparet permiserit, causa fuit, ne sub vnius imperium redigeretur, sed in varias partes diuisa, multis Principibus parere cogèretur: ex eo accidit, vt ob discordias principum debilitata, non modo Potentum atq; Barbarorum; sed cæterorum quorumcunq;, qui illam inuadere ausi sunt, libidini in prædam cesserit: quod quidem nos Itali soli Romanæ ecclesiæ debemus. Quod si quis hæc omnia, quæ de Romanæ curiæ deprauatione narraui, certo experimento cognoscere veller, eum tam potentem esse oporteret, vt illam ad Heluetios, qui soli nostro tempore veterem religionis cultum & disciplinam militarem cōseruare videntur, ad habitandum cogere posset: concessa illi videlicet isthîc eadem potentia, quam in Italia habet. Nam certum est, si id fieret, breui temporis spatio, illorum quoque hominum mores; huius Curiæ

prauitate tantopere corruptos iri, quanto-
pere id illis, ex vlla alia causa contingere
vnquam queat.

*Romanos per sæpè Religionis prætextu vsos
esse: cum ad instituendam Rempub.
tùm ad suscipienda bella, sedans
dasq; seditiones, atq; tus
mulius.*

CAPVT XIII.

NON abs re facturum me puto, si pro-
positis exemplis ostendam, Roma-
nos ope Religionis sæpe perturbatam Ré-
pub. instituisse, & expeditiones quasdam
suscepisse. Huiusmodi exempla cum a-
pud Liuium multa sint, ego tamen pauca
hæc tantum adducam. Postquam Pop. Ro-
manus tribunos plebis consulari potesta-
te creasset: ijque dñnes, præter vnicum
plebei essent: orta est eodem anno Romæ,
pestilentia grauis, atque annonæ caritas,
præterea alia quædam pòrtétosa apparue-
runt. Hinc igitur Patricij sumpta occasio-
ne, asseriebant has calamitates Pop. Roma-
no à dijs immortalibus immittas, ob abu-
sum maiestatis Imperij, & malè vsurpatam
tribunitiam potestatem, neque eos placari
posse

posse aliter,quàm si legitima tribunitiæ po-
testatis ratio restitueretur: qua re pauca-
sta plebs,tribunos omnes ex Patriciorum
ordine creauit. In Veiorû obsidione lôgis- *Liuius lib.*
sima etiam,cùm milites tedio pertæsi Ro- *5.*
mam redire vellent,religionis quodâ præ-
textu,ad obsidionem continuandam à du-
cibus retenti fuere. Nam cùm Albantus la-
cus excreuisset: Oraculû Apollinis ita sunt
interpretati, ac si illa aquarum innûdatio,
urbem eo anno expugnatam iri nuntiaret:
adhibitusq; ad Albani huius prodigij pro-
curationem,& placandos deos,Vates,qui
Romæ captiuus tenebatur. Quibus omni-
bus miles persuasus,patienter belli mole-
stias tolerauit:atque inde factum, vt Ca-
millus Dictator creatus urbem expugna-
rit: quam Pop.Romanus toto decennio
oppugnauerat. Quæ quidem Romani nû-
quam tam fœliciter perfecissent, neq; tri-
bunitiam potestatem ad Patricios reuoca-
re potuissent, nisi religionis prætextu ad-
iuti, cùm milites, tùm plebem in officio
sciuissent continere. His exemplis simile *Liuius 3.*
est,quod accidit tunc,cum Terentillus tri-
bunus plebis legem Terentillam, de qua
postea differemus, promulgare vellent:
nam etiam tunc ad sedandos illos mo-
tus, quos ea res pepererat, vsi sunt patres

religionis quodam prætextu , duplici ratione. Primum enim Sybillinos libros per duumuiros adire iusserunt: atque inde nūtiarunt periculum imminere ciuitati, libertatis eo anno amittendæ, nisi seditionibus abstineretur. Quod etsi Tribuni criminerentur, à patribus factum ad impediendam legem: plebis animos tamen vsque adeò permouit, vt Tribunos tanto ardore non amplius sequeretur. Deinde, cum per eosdem tumultus Appius Herdonicus quidā, ope exulum atque seruorum, quos quater mille & quingentos secum habebat, noctu Capitolium atque arcem occupauisset, periculumq; esset, ne si aut Æqui aut Volsci, Romani nominis hostes perpetui; aduentassent, vrbeni essent expugnaturi: nec desinerent etiam tum tribuni, legis promulgationem urgere: assererentq; id quoque à patribus fictum esse, vt legem impedirent: tum è Senatu egressus P. Valerius consul, vir grauis atque disertus, minas argumentis miscens, demonstrauit populo, quæ pericula vrbi ob Capitolium captum imminerent: quam intempestiua illa esset legis ferendę occasio: tantumq; effecit vt iuramento omnes astringerentur, se à Consulibus voluntate non discessuros: Eum ergo sequuta plebs Capitolium recuperauit.

Sed

Sed cum in ea expugnatione P. Valerius fuisset interfectus, ei que L. Quintius Cincinnatus in Consulari successisset: ne plebi ocium relinqueret, aut ansam præberet eandem Terentillam legem meditandi, atque vrgendi, in Volscos & Æquos legiones ducere decreuit. Sed cum id Tribuni eludere conarentur, quærerentque quonam pacto exercitum educturi Consules essent, quod delectum habere Tribunorum nemo passurus esset? Tum Quintius, nobis verò nihil delectu opus est, inquit, cū quo tempore P. Valerius ad recipiendum Capitolium arma plebi dedit, omnes in verba iurauerint: conuenturos se iussu Consulis, nec iniussu abituros: edicimus itaque ut omnes qui in verba iurastis, crastina die armati ad lacum Regillum adsitis. Quibus dictis etsi Tribuni resisteret, plebemque exolvere Religione conarentur, quod id iuramentum non Quintio, qui tunc priuatus homo erat, sed Consuli præstitissent, tamen plebs permota religionis reuerentia, maluit cōsules sequi, quam videri in iusiurandum vlla ratione peccasse: vsque adeo scilicet fœlicia erāt illa tempora, hominesque minimè mali: & ut Liuius inquit: Non dum hæc, quæ nunc tenet seculum, negligentia deūm venerat, nec interpretando

sibi quisque iuramentum, & leges aptas faciebat, sed suos potius mores ad ea accommodabat.

Hiscē ita constitutis cū Tribuni cerne-
rent, se non posse resistere Coss. in eorum
voluntatem & ipsi descenderunt, metu a-
mittendæ dignitatis: pactumque ut toto
anni spacio, neque ipsi de lege Terentilla
quicquam agerent, nec consules plebem
ex urbe ad bellum euocarent. Atque hīc
quoq; cernis, Senatum religionis ope, tur-
bulentos hos tribunitiæ potestatis mo-
tus sedasse, & præsentēs difficultates su-
perasse: neq; eas sine illa superare potuisse.

*Romanos interpretari solitos auspicia, ita
ut ad illorum institutum atq; voluntatem
accommodarentur: Quod si quando Reli-
gionem negligere cogebamur, prudenti
quadam explicatione, se eam ob-
servasse simulabant. Si quis ta-
men illam temerè contem-
pisset, eum punie-
bant.*

C A P U T X I I I .

ERANT apud Gentiles Auguria, ut
ante diximus, religionis, quā illi co-
lebant, fundamentum: apud Romanos
autem

autem permultum ad res bene gerendas etiam conferebant: atque hinc fiebat, ut illorum potissimam curam haberent: nam & in comitijs consularibus ijs utebatur, & in suscipiendis expeditionibus, & in praelijs committendis, & omni denique Actione, quæ magni momenti esset domi militiæque: nec unquam expeditionem quampiam suscepissent, quin prius militibus persuassissent, id deorum immortalium instinctu à se fieri, qui victoriam Pop. Romano promississent. In exercitu autem variorum auspiciorum usus erat, & inter cætera, genus *Pullaria* quoddam habebant, quod à Pullis Pullarium vocabatur, eoque antequam prælium committerent, semper utebantur: ac siquidem pascerentur bulli, bonis auspicijs se prælium committere putabant: sin minus, à dimicatione abstinendum iudicabant. Quæ ratio auspiciorum, etsi talem significationem habere putaretur: si quando tamen evidentes rationes dimicandum esse suaderent, id faciebant per se etiam contra Auspiciorum præfagia: sed interim eadem præfagia, contra communem significationem, dextrè interpretabantur, ne se contra illam quicquam fecisse, aut religionem contempsisse viderentur. Tale quiddam præstitit Papyrius consul, in prælio, quod

Liuius lib.
10.

apud Aquiloniam contra Samnites maximum commisit, & quo vires illorum quam maximè fregit. Nam cum ad pugnandum ipse, atque in exercitu omnes prompti paratique essent, & ex prælio victoriam certam sibi polliceretur: pullarium auspiciū tentauit. Sed cum pulli non pascerentur, & tamen Pullarius ipse, & qui cum illo erant nouissent, quam prompti paratique essent, cum ipsius Imperatoris, tum cæterorum omnium animi ad pugnandum: ne ijs rei benè gerendę occasionem præiperent, ausus est Pullariorum primarius auspiciū mentiri, & tripudium Solistimum Consul nuntiavit, ac bonis auspicijs prælium cōmitti posse indicauit. Quibus ita cognitis, Papyrius aciem summa diligentia instruit. Sed interim dum his intentus esset Imperator, altercatio inter Pullarios orta de auspicio eius diei: exauditaque ab Equitibus Romanis, qui rem haud spernendam rati, Sp. Papyrio fratris Cōsulis filio, de eius diei auspicio à pullarijs ambigi renuntiarunt: quod cum ille inquisiuisset, & rem ita se habere intellexisset, ad Consulem detulit: Cui ille, Tu quidem macte virtute diligentiaque esto: Cæterum qui auspicio adest, si quid falsi nuntiat, in semetipsum religionē recipit: mihi quidem tripudiū nuntiatum,

Pop.

Pop. Romano, exercituique egregium auspiciū est. Quæ cum dixisset, ut euentus suo præfagio responderet, mandauit centurionibus, ut Pullarios inter prima signa constituerent. Itaque dum signa promouerent aduersus hostes, priusquàm clamor tolleretur, & concurreretur, emissio temerè pilō iactus Pullarius ante signa cecidit, quod ubi Consuli nuntiatum est, Respondit, iam omnia bonis auspicijs successura, cum Pullarius suo interitu mendacium expiasset: iamq; deos placatos exercitui adfuturos. Quo loco cernis manifestè, Papyrium ita interpretatum esse auspicia, ut nec pugnandi occasionem omiserit, contrà quam illa viderentur suadere: nec tamē quis illi posset etiam obijcere, quod auspicia, & religionem contempsisset. Contrariū accidit Appio Pulchro, cum primo bello Punico in Sicilia prælium committere vellet. Nam postquam Pullarij respondissent, pullos nō pasci. Videamus, inquit, num fortè bibere velint? & in mare coniectis pullis, cum hostibus manus conseruit: sed cum victus eo conflictu succubuiſſet: Romæ damnatus est, non tam ob aduersam fortunam, quàm quod auspicia temerè contempsisset. Papyrio verò, quod prudenter auspiciū significationem fuisse interpretatus, hono-

82 DISPUTATIONVM NIC.

res decreti fuerunt. Eò autem spectabant huiusmodi auguria omnia, vt miles ad dimicandum alacrior redderetur: ex qua alacritate victoria vt plurimum sequebatur. Fuitque hæc auspiciandi ratio, non modò Romanis vsurpata, sed alijs quoq; gētibus, cuius exemplū capite sequēti subiiciemus.

Samnites ad R. legionem, seu ad summum extremumq; remedium, rebus afflictis, confugerunt.

C A P V T XV.

*Linus lib.
v.*

SAMNITES à Romanis persæpè prælio superati, & demum in Thulcia amisso exercitu ac ducibus militaribus, planè fracti esse videbantur, cum neque à Tuscis, Gallis, aut Vmbris, qui socij fuerant & vnà cum ipsis erāt superati, auxilium expectare possent. Eoque iam redierat illorum res, vt de illis Liuius dicat: Nec suis nec externis viribus iam stare poterant, tamen bello non abstinebant, adeò ne infeliciter quidem defensæ libertatis tædebat: & vinci, quam non tentare victoriam mallebant. Ad huiusmodi angustias adducti, cum extrema quæque tentare decreuissent, & intelligerent tamen se vincere non posse, nisi obstinatissimos haberent ad dimicandum, mili-

militum animos: ad Religionē ceu extre-
 mum remedium confugerunt. Nam ex li- *Sacrificiū*
 bro vetere, sacerdote Onio Pacio, homine *veterum*
 magno natu, sacrificiū ex antiqua Samni- *Samnitū.*
 tium religione petierunt. Sacrificio perfe-
 cto, eorū Imperator per viatorem iubebat
 acciri nobilissimum quemque. Apparatus
 Sacri talis erat, qui animū religione per-
 fundere posset. Nam locus erat cratib. cō-
 septus in medio castrorum, puteisq; ac lin-
 teis cōtectus, patens ducentos pariter pe-
 des in omnes partes: In medio Aræ, victi-
 mæque circa cæsē, & circumstantes centu-
 riones strictis gladijs. Admouebatur alta-
 ribus miles, vt victima magis, quàm vt sa-
 cri particeps: adigebaturque iureiurando,
 quæ visā auditaque in eo loco essent, non
 enūtiaturum: deinde iurare cogebatur di-
 ro quodam carmine, in execrationem ca-
 pitis familiæque & stirpis composito, nisi
 esset in præliū quò imperatores duxissent:
 & si aut ipse ex acie fugisset, aut si quem fu-
 giētem vidisset, nō ex templo occidisset.
 Id primum quidam abnuentes iurare: ob-
 truncati circa altaria sunt, iacentes deinde
 inter strages victimarum, documento cæ-
 teris fuerunt, ne abnuerent. Hoc sacra-
 mento astrictos, vt maiore religione tene-
 rentur, varijs etiā signis ornauerūt: nam ex
 qua-

quadraginta millibus, quos collegerat, mediam circiter partem vestimentis albis induerunt, ijsque arma, insignia, & cristatas galeas attribuerunt, ut inter ceteros emerent: tandemque ad Aquiloniam confederunt. Sed aduersus eos tamen Papyrius Consul dimicaturus, ea omnia parui fecit, & suos ne huiusmodi religioso sacramento tenerentur, alloquens. Non, inquit, Cristas vulnera facere, sed per picta, atque aurata scuta transire Romanum pilum, & candorem vestium fulgentemque aciem, ubi res ferro geratur, cruentari. Hæc omnia denique in illorum caput transitura, cum nephando sacro, hominum, pecudumque cædem miscuerint, & ob fracta toties fœdera, deos, ciues, atque hostes aduersus sese irritarint. In conflictu tandem vicere Romani, quod illorum virtus, maiorem Samnitibus metum incussisset, ob memoriam toties acceptæ cladis, quam ijs religio potuerit vel virtutis vel pertinaciæ ad pugnandum infundere. Quod etsi ita sit, videmus tamen manifestè, quod rebus tantò opere afflictis, ad religionem tãquam extremum remedium confugerint: nec in vlla alia re tantam spem recuperaudæ virtutis posuerint: ex quo intelligere licet, quantum præsidij quis in veræ religionis

recto

recto usu habere queat. Itaque de hac re,
hoc loco differendum putaui, tanquam de
ea, quæ ex maximè necessarijs Romanæ
Reipublicę constitutionibus dependebat.

*Si quis populus consuevit sub Principis im-
perio viuere, non posse eum libertate
frui, nec eam conseruare, quam
vis illam casu aliquo ac-
quirat.*

CAPVT XVI.

SI quis populus sub Principis imperio
viuere consuevit, & casu aliquo acqui-
rat libertatem, vt Romanis accidit, post-
quam Tarquinius expulissent: ei diffi-
cile est libertatem conseruare: vt historicis
exemplis quamplurimis probari potest.
Neque caret hæc res suis causis, & rationi-
bus: nam plebs habet simile quiddam cum
fera, quæ etsi sua natura in syluis pastum
quærere, & latebras suas habere soleat: si
quæ tamen captiua à teneris annis, in car-
cere nutrita fuerit: ea deinde si in liberos
campos libera dimittatur, neque pastum
quærere, neque latebras, in quibus se oc-
cultet, inuenire nouit: itaque facile rursus
incidit in castes cuiusuis, qui illā deinceps
venari conabitur. Idem accidit populo, qui
con-

confuevit sub aliorum imperio viuere, & ad nutum aliorum gubernari. Nam etsi casu quodam libertatem consequatur: tamen neque rationes nouit quibus se defendere, aut alios offendere possit, nec cum Principibus vicinis aliquam notitiam habet, per quos auxilium aliquod sperare queat, ad conseruandam libertatem. Itaque sponte redit sub idem iugum aut etiam deterius quam id, quod modo excusserat: idque illi accidit quamuis non sit omnino corruptis moribus. Quod si planè corruptis moribus fuerit, tunc ne pauxillum quidè temporis poterit frui libertate: uti postea docebim⁹. De eo populo ergo nostra sit instituta oratio, in quo si non omnes, attamen maior pars viri boni fuerint. Nā & in eo alia quedam & quidem præcedēte maior difficultas sese offert: Quoniam excusso iugo tyrannidis, si quando libertas acquiritur: nō fieri potest, quin hostes simul acquirantur, quorum interest ne libertas duret: econtrà autem non acquiruntur amici, quorum inter sit ut illa cōseruetur. Id ita intelligas velim. Quicunq; durante tyrannide Principi familiares erant, & muneribus ab eo præfecti illius opibus fruebantur: ij omnes egrè ferunt, se excusso tyrānidis iugo, loco motos esse: quamobrem operam dant, si quæ

occasio se offerat, vt in priorē dignitatem
 restituantur, atque ita libertatis hostes, ad
 tyrannidē rursus aspirant. Amici verò, quo-
 rum intersit vt libertas conseruetur, quique
 tanto studio eam tueantur, excussa tyran-
 nide, non acquiruntur: quoniam in libera
 Repub. honores, officiaque ijs tribuuntur,
 qui vel sua virtute, ac benefactis erga Rem-
 pub. vel alia aliqua honesta ratione eos me-
 riti esse videntur. At si quis id, quod videtur
 meritis esse, à Repub. obtinet: nihil singu-
 lare ei debere se putat, quoniam id suis me-
 ritis, nō Reipub. liberalitati, aut gratiæ tri-
 buendum æstimat. Præterea nemo est etiā,
 qui communem illam libertatis vtilitatem
 ex æquo ad omnes redundantem, rectē
 agnoscat: quique rectē æstimet, quam bo-
 num iucundumq; sit, vt res suas liberē pos-
 sidere sine cuiusquam metu possit, & vt cō-
 iuges, liberosque suos ab omni iniuria tu-
 tos conseruare queat. Nemo enim est, qui
 se fateatur quicquam ei debere, à quo non
 læditur, eò ipso quod non lædatur. Quæ
 cum ita sint, nulli conciliantur nuper partæ
 libertati tales amici, qui putent tantum in-
 teresse sui, vt libertas conseruetur: quātum
 putant interesse sui hostes illi, qui excussa
 tyrannide, suis muneribus priuati deiectiq;
 de illo dignitatis gradu, fuerunt. Quod si
 ratio-

rationem quæris, qua possit quis in Repub.
quæ fortè ex casu libertatem acquisiuit, re-
medium opponere ijs malis, quibus liber-
tas amitti queat per huiusmodi domesti-
cos hostes? Ad id ego respondeo, Roma-
norum exemplum imitari oportere: qui
Bruti filios necauerunt, quod ipsi vnà cum
alijs quibusdam è summa nobilitate aduer-
sus patriam coniurassent: eò quod sub Cõ-
sulum imperio nõ liceret ipsis frui ea licen-
tia, qua durante Tarquiniorũ regno frue-
bantur: existimarentque populi Romani
libertatem in suam seruitutẽ vertisse. Quod
si quis ergo Populum quempiam guberna-
re cupiat, siue ita vt liber sit, siue vt suo im-
perio pareat: in id præcipuè statim à prin-
cipio incumbere debet, vt tutus sit ab ijs,
quos existimabit huic suo imperio hostes
esse: alioquin enim neutiquam diu re-
gnabit. Sed interim neque hoc ignorare
oportet, quod is Princeps infœlix sit, qui id
non possit aliter facere, quam per cædes,
& homicidia: Nam cum populo inuisum
fieri certum est: & quo maiori crudelitate
ad sui defensionem vti cogitur, tantò ma-
gis infestam semper habebit populi multi-
tudinem: & hoc ipso infirmiores vires ha-
bebit: nec vllum maius remedium esse po-
test imperij confirmandi, quàm vt tibi po-
puli

puli beneuolentiam concilies. Et quia ex disputatione de Repub. per occasionem ad Monarchiam digressi sumus, ne opus sit alibi de hac re differere: hinc quoque ostendam breuiter, quid de prima illius institutione sentiam. Quod si quis patriæ suæ imperium fortè obtinuerit, cupiatque populum qui illi offensus sit, reconciliare, sibi que beneuolum efficere: is considerare debet, quidnam sit, quod is populus maximè appetat. Deprehēdet autem eum duas res maximè desiderare: nam & vindictam aduersus illos, qui amittēde libertatis causa fuerunt, optabit, & ut in pristinam libertatem restituatur. Horum alterum populo largiri potest, eumque voti planè compotem efficere: alterum etsi nō possit omnino cōcedere, potest tamen eius aliquam speciem dare. Prioris exemplum in promptu est. Clearchus Heracliensium tyrannus semel in exiliū pulsus fuerat: sed cum ciuitas recuperata libertate intestinis factionibus laboraret, cernerētque optimates, se à plebeis vinci: cōiuratione facta, urbem, erepta populo libertate, Clearcho tradiderūt. Clearchus occupato vrbis imperio, cum se in media cū plebeiorū, cū optimatū turba constitutum cerneret, simulque animaduerteteret se, cum horum immensis cupiditatib.

satisfacere, tum illorum rabiem, qui amissæ libertatis dolorem conquerebantur, simul non posse sedare: decreuit syreta optimatum superbia, plebem sibi conciliare: arreptaq; occasione, optimates omnes interfecit: eaque in re præclarè satisfecit iracundiæ plebis, quam ob amissam libertatē aduersus optimates conceperat. Alteri plebis desiderio, quo in pristinam libertatem restitui cupit, cum Princeps per omnia satisfacere nequeat: causas certè expendere debet, propter quas id plebs expetat: quæ quidem duæ ferè erunt. Quidam enim, sed perpauci, id petēt, vt ipsis dominari & publicis munerib. præfici liceat: Ceteri omnes non nisi propterea liberi esse cupiūt, quàm vt rebus suis tuto & pacatè frui queant. Ex priorum numero perpauci esse solent, cum in libera Repub. rarò plures quàm quadraginta aut quinquaginta esse soleant, qui rerum potiātur, quam obrem se aduersus has munire poterit princeps, partim eos è medio tollēdo: partim etiam illorum operam in administrandis rebus vsurpando. Posteriores longè plures sunt, quibus satisfieri potest, si leges ferantur quibus & de Principis potentia, & plebis securitate eadē ratione caueatur. Id enim si Princeps fecerit, neq; deinde hasce leges vlllo modo violauerit;

uerit: efficiet breui tempore, vt populus se
totum esse intelligat, & pacificè quieteque
viuat. Exemplo nobis esse potest Gallię re-
gnum, quod ob eas causas pacatum est,
quia Reges eius multis legibus ad conser-
uandam populi securitatem obligantur.
Nam à principio ita institutum fuit hoc re-
gnum, vt reges & redditibus pro arbitrio
fruerentur, & quæ ad rem bellicam perti-
nent pro libito administrarent: de cæteris
nihil, nisi secundum leges disponderent. Si
quis Princeps ergo, aut Respublica, non se
statim à principio aduersus huiusmodi pe-
ricula muniuerit: tunc saltem id faciat o-
porteret, quod Romani necatis Bruti filijs
facere, prima quaque occasione: eam si
quis neglexerit, seram pœnitentiam ager.
Populus Romanus certè expulsis Tarqui-
nijs, oblatam libertatem non nisi ijs ratio-
nibus, de quibus iam differuimus, conser-
uauit: ad quam rem illi plurimum profuit,
quod nondum essent corrupti ciuium mo-
res: quod si corrupti fuissent, neque hisce,
neque vllis alijs remedijs id facere po-
tuisset. Nam neque alibi id fieri po-
test, vt capite proximo
differemus.

*Quam difficile sit ut populus, qui corruptos
mores habeat, partam nuper liberta-
tem conseruare possit?*

CAPVT XVII.

NISI Reges statim fuissent expulsi
Roma, necesse erat, ut mihi certè
videtur, urbem debilitari, & pristi-
nam virtutem roburque amittere. Cõside-
ra enim quam prauis corruptisque morib.
essentiam tum re, es illi? Quod si eadẽ cor-
ruptela ad tertium vsque succellorem pro-
pagata fuisset, facilè serpsisset etiam in po-
pulum, eoque infecto, nunquam potuisset
ciuitas restaurari, & vires, virtutemq; suam
recuperare. Sed quoniã perniciēs hęc occu-
pauerat quidẽ Reipubl. caput, membra cæ-
tera nondum infecta erant: potuerit, subla-
to pernicioso illo capite, reliqua membra
sanari, & parta libertas cõseruari. Pro certo
enim statuere oportet, ciuitatem eam, quæ
principis imperio consueuerit parere, & in
qua mores hominũ planè sunt deprauati,
nõ posse cõseruare sibi libertatẽ, si eam oc-
cupauerit, ne quidẽ si vniuersa eius princi-
pis familia extirpetur: sed subinde nouis
dominis parẽre cogetur, qui se mutuo ex-
pellent: absq; principe verò nunquam sub-
sister:

sistet: nisi vnus aliquis fortè in ea ciuis extiterit : cuius tùm virtus heroica, tùm bonitas illam aliquandiu conseruet. Sed neq; id quidem diutius durare poterit, quam vita eius qui illam conseruat: vt Syracusanis accidisse nouimus: qui Dionis, & Timoleonis virtute diuersis temporibus libertatem conseruarunt : sed ijs vita functis, sub antiquum tyrannidis iugum redierunt. Omniũ vero euidentissimum est exemplũ Romanorum , qui ciectis Tarquinijs, rationem conseruandæ libertatis statim apprehēderunt: sed interempto C. Cæsare, sublatoque C. Caligula, atq; Nerone vnâ cum tota Cæsarium stirpe, nec cōseruare libertatem, nec eius aliquod principiũ introducere potuerunt. Cuius diuersitatis ratio ex eo tantum pendebat, quod Tarquiniorũ tempore nō esset corrupti populi Romani mores, sicuti postea C. Cæsaris, Caligulæ, atque Neronis ætate fuerunt. Id autem vel ex eo colligere potes, quod tunc, ad conseruandum populi aduersus tyrānidem studium, sufficiebat iusiurandum, quo iurauit nunquam se consensurum, vt quis Romæ regnaret : sed interfecto C. Cæsare, nec Bruti autoritas, atque seueritas, neque legiones ad Oriẽtem dispositę, populũ permouere potuerunt, vt libertatem, quam ad primi illius Bruti imi-

rationem in urbem introduxerat, constan-
ti firmoque animo defenderet. Tanta scili-
cet corruptela infecti iam erant popul. Ro-
mani mores, præsertim eorum, qui Maria-
næ factionis fuissent: in qua cum C. Cæsar
principatum obtinuisset, plebem sibi con-
ciliauerat, sensimque subiecerat, tanto arti-
ficio, vt iugum quod ceruicib. eorum im-
ponebatur, non sentirent. Hoc Romano-
rum exemplū propositæ disputationi con-
uenientissimū est: sed neque desunt exem-
pla eorum populorum, quibus idem quod
Romanis, nostra quoq; ætate accidit. Nam
Mediolanenses & Neapolitani, quocunq;
modo seruitutis iugo liberentur, liberta-
tem nunquam conseruare possunt: idque
illis accidit ob deprauatos corruptosque
omnium mores. Mediolanenses ipsi, mor-
tuo Philippo vicecomite libertatem con-
sequuti erant: eiusque conseruandæ ratio-
nem introducere voluerūt, sed conseruare
non potuerunt. Romanis ergo faustum
fortunatumque fuit, quod eorū reges mox
insollescere & deprauatis moribus esse cœ-
perint: nam ita factum est, vt expulsi fue-
rint, antequam illa morum corruptela etiā
in populum serpere potuerit: quæ si eum
etiam infecisset, non potuissent tot plebis
senatusque contentiones postmodū ortæ,
tam

tam felicem finē sortiri, ut vrbi profuerint potius, quàm damnū vllum attulerint. Ex quibus nō inferri posse dicimus, lōgè pluris interesse, ut populus probatis moribus sit, quàm ut bonas leges habeat. Neq; enim illæ in corrupta ciuitate prodesse possunt, nisi ab aliquo præpotenti seueroque ciue custodiantur, vrgeanturque eò vsq; donec homines ijs parere consuescāt. Sed idipsū quam difficile est? Nam etsi quæ ciuitas ob corruptelam populi, declinare versus interitum incipit: eam quoque restaurari non posse ostendimus, nisi fortè singulari alicuius ciuis virtute, qui bonas leges in vsū reuocet: Idipsumque non diutius durare monstrauius, quam idem hic vir superstes sit: eo vita functo redeunt denuo omnia in antiquum statum: sicuti Thebanis accidisse legimus, qui Epaminondæ auxilio atque virtute, Rempubl. rectè institutam conseruariūt tandiu, quandiu ille vixit: sed postquam ille ex hac vita migrasset, ad antiquam morum prauitatē redierunt. Ratio est, quod nemo tā longæuus esse possit, ut malis morib. lōgo tempore assuetā ciuitatē, ea morum prauitate exuere queat, & alijs bonis moribus assuefacere. Oporteret enim eum qui tale quiddam præstare conetur, longissimæ vitæ esse, aut certe plures

eadem virtute sibi mutuo succedere: quod ubi non accidit, ad interitum rursus omnia rendere oportebit; nisi quis multis cædibus, atq; periculis in huiusmodi deprauatam ciuitatem, planè nouam Reipubl. formam, eamque meliorem introduxerit. Si ne magnis enim motibus nequit rectè institui ciuitas, ad conseruandam libertatem, quæ ad ipsū ob prauos populi mores, inepta erat: propterea quod in ea soleat esse magna distributiue iustitiæ inæqualitas, quæ sine magnis motibus ac vehementibus remedijs, emendari non potest: & perpauca sunt qui ijs rectè vti, aut velint aut nouerint, quæ de re alio loco differemus.

In ea ciuitate, cuius populus corruptos mores habeat, si qua occasio libertatis se offerat, qua ratione quis eam vel conseruare præsentem, vel absentem aut cupare, atq; instituire queat?

CAPVT XVIII.

NON ab re mihi facere videor, si ijs quæ hætenus à nobis disputata sunt, quæstionē adiungam, qua quæritur, nū in ciuitate, quæ corruptos habeat ciuiū mores, vlla ratio sit cōseruandæ libertatis, si quan-

si quando ex aliquo casu illi contingeret? aut si illa non sponte se offerat, num aliquis eius comparandæ modus esse queat? Hac de re ego certè pronuntio, vtrumque propositæ quæstionis membrum difficillimū esse: & quamuis in re tam dubia, difficulter certi quippiam cōstituere queamus, quod in moribus ciuitatis corruptis, etiam magnum discrimen sit secūdum magis & minus consideratum; tamen cū de cæteris omnibus subtiliter disputare decreuerimus, neq; hoc problema negligere decreuimus. Quod si ergo corruptelam morum ciuitatis summam esse: tantò quoque maiorem difficultatem confiteri oportebit, ad id quod propositum est consequendum: quod vix vllæ leges summam populi corruptelam frenare queant. Nam neque boni mores, in ciuitate absque bonis legibus: neque bonæ leges nisi per benè moratos homines conseruantur. Sed neque leges, quæ in ipso ortu Reipub. à bonis viris latæ lancitæque sunt, sufficientes vtilesque sunt ad eos ciues frenandos, qui in eadem Republ. à maiorum virtute degenerarunt, & prauī facti sunt. Quibus deinde hoc etiā accedit, quod etsi leges in Repub. quandoque mutantur, & ad præsentem necessitatem accommodentur, antiquæ tamen con-

suetudines atque statuta rarissimè immutantur: eoque fit vt leges nouæ minus prodesse queant, ad tollenda vitia quæ regnât. Quæ vt rectè intelligas, sic accipe. Romæ antiqua consuetudo antiquumq; statutum erat, quo Respubl. in Senatum atque Populum diuisa erat, pendebarq; omnis potestas vel à populo, vel à Senatu, vel à Consulib. vel denique à tribunis plebis. ratio item creandi magistratus ferendarumque legum antiqua quadam consuetudine dependebat. Hæ consuetudines in Repub. ex nullo vnquam motu, vel certè parū omnino immutatæ sunt: certæ leges subinde fixæ & refixæ fuerunt, prout, quæ subinde grassabantur vitia, idipsum postulare videbantur. Atque hæc ratio fuit legis de Adulteris, legis item Sumptuariæ, Ambitus atque aliarum hisce similiū, quæ subinde ferebantur, prout occasio id postulabat. Sed eædem tamen non poterant in tanta morum corruptela, solæ bonos ciues efficere: quod eos tunc non aliter ad frugem reducere liceret, quā si cum nouis hisce legibus etiam antiquæ illæ consuetudines atq; statuta immutata fuissent, & noua planè forma Reipu. introducta. Nam quod antiquæ illæ consuetudines nō amplius ex vfu Reipubl. essent, cum ciuitas in tantam morum

corru-

corruptelam incidisset: id ex modo creandorum magistratuum maximè, ac ferendarum legum ratione manifestum esse potest. Quod enim nec consulatus neque reliquæ summæ dignitates cuiquam conferebantur, qui non ad ea ex professo aspiraret, eaq; peteret: id antiquitus quidem rectè usurpabatur. Neque enim quisquam indignus ad illa officia aspirabat: & si qui digni illa petiissent, non facile patiebantur repullam, quod cum boni ciues essent, non ea ignominia quemquam afficerent. Sed hæc ipsa consuetudo, postquam corrupti fuisset civium mores, Reipub. nequaquam amplius salutaris aut utilis erat: nam hinc fiebat, ut ad hos magistratus aspirarent, non qui virtute sed qui potentia, & gratia reliquos superabant: qui tenuiores erant, quamvis virtute excelleret, huiusmodi honores petere non audebant, metuentes repullam. Atq; hic creandorum magistratuum abusus, non subito, sed sensim, ut & in cæteris rebus evenire solet, irrepsit in Remp. Nam postquam domassent Asiam, & Africam, totamque ferè Græciam in suam potestatem redeigissent: securi esse videbantur, neque hostes se habere putabant à quibus libertati suæ aliquod periculū impedere posset. Hæc ipsa autē securitas, & quies effecit,

ut in

*Creandi
magistra-
tus ratio
apud Ro-
manos.*

vt in creandis magistratibus, Pop. Romanus primo Consulatum non tam ijs cōferret, qui virtute excellerent, & hostes superare possent, quam ijs, qui gratia valerent, quiq̃ue homines præhensare, & eorum beneuolentiam sibi conciliare nouissent. Secundò adhuc in peius ruens, eundem conferebat illis qui potentia valerent: sicq̃ue paulatim factum est, vt virtutis nulla ratio haberetur. In ferendis autem legibus licebat Tribuno plebis, & cæterorum quoque ciuium vnicuiq̃, legem, quam ex vsu Reipub. esse putaret, Populo disputandã proponere, vt omnes ac singuli ciues, quid de ea sentirent, publicè propuntiare possent, antequam illa sanciretur. Quæ consuetudo olim, cum ciues omnes viri boni beneq̃ue morati erant, Reipubl. vtrique prodebat: cum inter sit, vt si quis est cæteris prudentior, id possit in communem ciuium vsum conferre, quod nouit Reipu. utile esse: & refert etiam non parum, vt de eo quod publicè rogandum sit, vnicuique sententiã dicere liceat, vt plebs, auditis omnium sententiis, optimam quamque eligere queat. Sed postquam ciues deprauati, & in tãtam morum corruptelam lapsi sunt, non utilis, sed perniciosa fuit eadem cōsuetudo, quod soli potentes leges proponere auderent, &

cas

Ratio ferendarum legum Romana vt in abusū venerit.

eas quidem tales, quibus magis ipsorū potentia confirmari, quam libertas publica conseruari posset: nec audebat etiam contra hasce eorum leges quisquam disputare, quòd illorum potentia formidabilis esset: atque ita fiebat, vt eas populus in suam ipsius perniciem amplecteretur. Hæc vnica ergo ratio erat, qua Roma in tanta morum corruptela libertatem potuisset conseruare: si & nouis legibus vitia, quæ grassabantur, subinde emendassent: & legum fundamenta ipsas antiquiss. ferendarum legum creandorumque magistratuum consuetudines planè immutassent, & præsentī temporī accommodassent. Neq; enim possunt eadem fundamenta legum conuenire ei Reipubl. quæ ciues habet malè moratos, malosque, vt conueniebant ei, quæ ciues bonos ac benè institutos habebat: quod contraria subiecta non debeant eodē modo tractari. Sed quoniam huiusmodi antiquarum consuetudinum mutationem, necesse est vel simul ac statim fieri, postquam cognitæ fuerint præsentī temporī nō conuenire: aut sensim paulatimque antequam ab omnibus id animaduertatur: dico vtrumque difficillimum esse. Sensim enim si mutantur huiusmodi antiquę consuetudines: necesse est id ab aliquo sapiēte ciue institui,

stitui, qui è longinquo videat, quam sint future Reipub. periculose. Sed quã facile rursus huic sapienti, se alij ciues opponere poterunt? quibus non persuadere poterit, id quod ipse è longinquo cernit. Præterea omnes ita sumus affecti, vt ab antiqua viuendi consuetudine non libenter discedamus. Quod si emendandæ sunt hæ antiquæ consuetudines tunc, cum iam constat eas Reipubl. inutiles periculosasque esse, & proinde simul tollédas è medio: ne id quidem sine magno periculo atque difficultate fieri potest: quod ad eam rem non sufficient media legibus consentientia, quæ neque ipsa quidem periculo vacant: sed confugiendum sit ad nouas quasdam rationes, adeoque ad arma ipsa veniendum. Nam antequam Reipub. formam plane innouare possis, eamque ex animi tui sententia instituere: necesse est vt ipse, vel per vim, imperium eius obtineas. Sed quia is qui Rempub. ad libertatem conseruandam instituere informareque vult, vir bonus esse debet: Urbis imperium verò occupare per vim, non esse solet viri boni officium: idcirco vix inuenietur qui propositum habes tam bonum Reip. benè instituendæ finè, vt id efficere queat, eius imperiũ per vim occupare conetur. Neque etiam facile inue-

nies

nies eum, qui imperium vrbis malis artib. sibi comparauit, postea velle hanc suam potentiam, quam malè quæsiuit, ad populi salutem vsurpare. Ex hisce causis omnib. ergo dependet difficultas, propter quam ciuitas corruptis deprauatisque moribus, libertatem vix conseruare, ac multò minus etiam comparare eam possit. Quod si autem vlla ratio extet id efficiendi: ad eam existimo plurimum cōferre, si Reipub. forma ita instituat, ut ad Democratiam vergat: nam hoc modo fortasse licebit insolentiam ciuium, quæ legibus frenari nequit, proposita nescio qua potentia, quæ illis regia videbitur, corrigere, & in officio continere. Quod si quis per vim id tentet, nequaquam effugere poterit crudelitatis notam. Nam etsi Cleomeni, qui Ephoros interemit, & Romulo, qui fratrem Remū, ac postea etiam T. Tatium Sabinum è medio sustulit, res benè successere, quod benè, & ad Reipub. salutem potentia sua vsi fuerint: tamen id obseruare oportet, quod neuter illorum ciues haberet ea morum corruptela imbutos, de qua hic disseruimus: eaque causa fuit, ut potentia sua benè uti: & crudelitatem bonitate

eventus excusare poterint,

Si Prin.

Si Principi, quæ excellenti animo, & virtute fuit, succedat is, qui ei virtute inferior sit: posse eum subsistere: sed si huic rursus alius succedat, qui ei idem parum excellens sit: non posse eum conseruare imperium.

CAPVT. XIX.

SI virtutem Romuli diligenter quis cõtempletur, & vitæ ratione item eorum, qui ei successerunt, Numæ Pompilij, Tulli Hostilij, & aliorum, non potest non admirari, quàm fortunata Roma ijs Regib. fuerit. Primus ferox fuit, & bellicosus. Secundus tranquillus, & religioni deditus. Tertius primo similis, belli potius, quàm pacis studiosus. Necesse quidem erat Romanis, vt ad politicam viuendi rationem à principio vrbs constituerentur, quod Numma præstitit: sed tamen nisi reliqui Reges postea, Romuli virtutem imitati fuissent, eodemque belli studio flagrassent, effoeminati fuissent ciuium animi, & vrbs alicuius vicini principis præda extitisset. Atque hîc obseruandum est, si præpotenti, ferocique principi alius succedat, qui non sit tâta virtute, vt antecessor erat: posse eum tamé vel sui prædecessoris virtute imperium conseruare.

uare. Sed si vel ipse diuturnioris vitę fuerit, aut post illum alius succedat, qui non insistat vestigijs primi, eiusq; virtutem imitetur: necesse erit eius imperiũ ruerę. Quod si verò ecõtrà bini excellenti virtute se mutuo consequantur, quam plurima præclare præstare possunt, vt eorum nominis gloria latissimè extendatur. David proculdubio vir fuit cùm doctrina, cùm rei militatis peritia & prudentia insignis: tantaq; fuit eius virtus, vt deuictis omnibus suis vicinis, Regnum Salomoni filio pacificum quietumq; tradiderit: qui id pacis non belli artib. conseruauit, ob paternę virtutis memoriam, qua fructus est. Non potuit tamen id regnũ Rhoboamo filio tale relinquere, quale ipse à patre acceperat: nam cùm is neque eiusdem cum Auo virtutis esset, neque eadem vteretur fœlicitate, qua pater Salomon vsus erat vix sextam eius regni partem possidere potuit. Baïsettus Sultanus Turcicis etiam, quamuis pacis magis quam belli studio delectaretur: potuit tamẽ imperium, quod à Machomete patre, principe bellicosissimo firmissimum acceperat, conseruare: sed nisi filius eius Selymus, qui nostra ætate regnat, Aui artes denuo sequutus fuisset, collapsum fuisset eius imperium: sequitur autem hic aut etiam superat aui sui

gloriam. Itaque vel ex hisce exemplis colligere licet, quod post principem bellicosum atque excellentem, imperium conseruare possit etiā successor pusillanimis : sed si eundem pusillanimum atque infirmum sequatur alius similis, is non potest imperium conseruare, nisi fortè, vt in Galliæ regno cernimus, antiquæ consuetudines atque leges id muniant atq; defendant. Infirmos autē dico esse omnes principes, quī belli artibus non sunt exercitati : tantā autem fuisse Romuli virtutem & rei militaris peritiam, vt qui eum sequutus est Numa Pompilius, pacis artibus urbem per multos annos prædecessoris sui beneficio gubernare potuerit. Numam sequutus est Tullus Hostilius, qui eadem cum Romulo ferocitate atque animi magnitudine, idem quoque nomen apud exteros mox sibi cōparauit. Huic successit Aruus, qui & pacis & belli artibus pollebat. Sed cum primo pacis studio se dedidisset : animaduertit se a vicinis contemni : & pro effœminato homine haberi : oportere ergo ad vrbis imperiū conseruandum Romuli, potius, quam Numæ vestigijs insistere. Atque hic licet exemplum desumere omnibus Principib. vtile : quicunque enim ex illis Numæ vestigijs insistere volent, ij aut conseruabunt,

aut

aut non conseruabunt imperium , prout fortuna illis fauerit : Sed qui Romulum imitari potuerit cùm armis , tùm prudentia : is semper imperium conseruabit, nisi summum aliquod infortunium eum opprimat. Certum est etiam, quod nisi Tertius Romanorum rex talis extitisset, qui sibi armis auctoritatem nomenque Romuli comparasset: vix vnquam potuisset ea vrbs ita emergere, vt tot tantasque res patreret. Quandiu enim Regibus paruit, tandiu obnoxia fuit periculo, ne sub aliquo aut infirmo, aut pernicioso rege pessundaret.

Quod si bini Principes excellenti virtute continua serie in imperium succedant: posse eos multa præclara facinora præstare. In liberis quoque Rebus publ. necesse esse ad illarum fælicitatem augmentum-que imperij, vt continua serie boni gubernatores sequantur,

CAPVT XXX.

Postquam Reges Roma pulsi fuissent, liberata est vrbs ijs periculis , de quibus ante diximus : ne si quis aut infirmus aut infœlix , perniciosusque succe-

deret, ruinam pateretur: nam summa imperij ad Consules redacta est, qui nec iure hæreditario, nec malis artibus aut ambitione, sed liberis ciuium suffragijs maturo consilio eligebantur: Cum ergo illi essent semper viri virtute præstantes, non difficile fuit vrbi Romæ, vt eorum virtute innixa, adiuuante etiam eorum temporum cōstitutione, quæ illis fortunata esse videbatur: tanto temporis spacio, quanto sub Regibus fuisset, ad illud imperij fastigium ascenderet. Quod si enim binorum principum virtute excellentium continua successio, vt Philippi & Alexandri magni, orbis prope modum totius imperium occupare potuit: multo magis contingere id ipsum potest tali Reipub. penes quam est eligere, non binos sed infinitos principes virtute excellentes, qui sibi continua serie succedant: cuius rei cura in Repub. bene instituta, præcipua esse debet.

*Vituperandum esse illum Principem, atq;
eam Rempub. quæ non possit proprio milite
uti, neque ciues ad militiam
idoneos habeat.*

CAPVT XXI.

Qui Principes atque Respub. nostro tempore imperant, si ad sui defensionem,

tionem, aut etiam cum alijs bellum inferendum est, non possint proprio milite uti, neq; suis subditis cōfidere audent: eos merito pudere debet. Et Tullij Hostilij exemplo cognoscere licet, eius rei causam non à subditis pendere, quoniam ubiq; gentium nascantur homines apti ad arma tractanda: sed ab ipsis magistratibus, qui populū militari disciplina instituendum non curauerunt. Nam cum Tullus in regnum Numæ successit, pacem habuerat vrbs annis quadraginta, nec quisquam ciuiū erat, qui vnquam in bello fuisset: nihilominus tamē cum bellum gerere decreuisset, neque Samnitum opera uti voluit, neq; Tuscorum, neq; vllorum aliorum, quicumq; tandem essent, quamuis in armis perpetuo fuisset: sed ut erat prudentiss. proprijs ciuib. uti voluit: itaque eos etiam disciplina militari ita instituit, ut breui tēporis spacio præstantissimos eos effecere milites. Ex quib. facile intelligis, verissimum esse quod pronunciaui prius, sicubi homines sint inepti ad arma tractanda: id neque à loci natura, neq; vlla alia causa, quā Principis negligentia pēdere, qui non instituit disciplinā militarem, qua subditi exerceantur. Huius rei extat exemplū aliud adhuc recēs. Omnes enim scimus Regē Anglię, superiorib. an-

nis cum Galliæ regnū inuasisset, nullo alio milite quam Anglico vti voluisse: quamuis Angliæ regnū triginta annos pacē habuisset, nec extaret in eo quisquā aut miles aut dux, qui in militia fuisset: cum ecōtrā Galli tunc in bellis Italicis diutissimè versati, & exercitati essent. Quæ omnia facere ausus fuit tunc Rex prudentissimus, quod sciret se ita regnū suum instituisse, vt etiā pacis tēpore belli studia tractarentur, & disciplina militaris exerceretur. Pelopidas etiā atque Epaminondas Thebani, liberatis Thebis ex seruitute Spartanorū, quāuis ciues haberent, qui seruire, & imperio aliorum parēre cōsueuissent, ac proinde effœminati viderentur, ita eos tamē disciplina militari instituerunt breui tēpore, vt illorū opera p̄dire in campū & cum Spartaniis congregi, eosq; vincere potuerint. Quo factū est, vt occasionē dederint scriptoribus, id de ipsis prædicandi, q̄ satis superq; monstraerint, non tantū apud Lacedæmonios nasci milites: sed quocūq; loco nascūtur homines, illic quoq; milites nasci, si modo extet, qui eos disciplina militari instituat: sicuti Tullum Romanos instituisse legimus, quā rem Vergilius præclarè expressit his versibus:

————— *Residesq; monebit*
Tullus in arma viros —————

Quid

*Quid potissimè observandum in historia
de triumpho Horatiorum Romanorum, &
trium Curiatorum Albanorum confictu.*

CAPVT XXII.

CONVENERAT inter Tullum Romanorum Regem, & Metium Sufferium dictatorem Albanorum, ex binis populis is alteri imperaret, cuius tres ciues, quorum iam meminimus, alios tres vicissent. Curiatij Albani tres omnes interierunt: ex Horatijs Romanis vnus victis interemptisq; Albanis omnibus, euasit: atque ita factum vt Populus Albanus sub imperium Romanorum redactus fuerit. Cum autem Horatio huic victori in urbem redeunti, soror, quæ vni ex Curiatijs Albanis desponsata fuerat, ante portam occurrisset, & sponsi mortem cognouisset: sparsis crinibus eius nomen flebiliter inclamaret: ægrè ferens ferox iuuenis, eamque verbis simul increpans gladio transigit. Quod factum patribus plebiq; atrox visum est: itaq; Duumuiris ad iudicium traditus est, à quibus cum ad populum appellasset, patris precibus ac recenti merito, virtutis admiratione magis, quàm iure causæ fuit absolutus. In hac Historia autem tria sunt quæ observari

Linium 54.1

debent. Primum est, ne omnes nostras fortunas in periculum adducamus tale, quod non omnibus etiam viribus propulsare queamus. Alterum quod in Repub. bene instituta nō debeant bene merita scelerib. compensari. Tertium denique, quod ea pacta nequaquam sapiēter paciscamur, de quibus dubitari possit, ne non obseruentur. Nam cum tantū intersit, num Respub. aliqua præclara alteri imperet aut pareat: nō exilimare debebat quisquam, eos Reges atque Populos, fortuna illa contentos fore, quam ipsis trium suorum ciuium dimicatio peperisset. Quod in Metio statim apparuit. Nam etiamsi, victis suis Curiarijs, Romanis se dedidisset, eorumque imperio parere promississet: tamen in prima expeditione, quam aduersus Veientes suscepunt, Tullum decipere voluit: videlicet quod eum serò iam pœnituisset eius, quod cum Romanis imprudenter pactus fuisset. De cæteris duobus quæ in hac historia memorabilia sunt, sequentibus binis capitibus differeamus.

Non

Nō debere nos omnes fortunas nostras adducere in tale aliquod periculum, quod nō possimus omnibus viribus nostris propulsare : ob eandemq; causam persapè periculosum esse, cum angustis locorum præclusis, transitus exercituum impediuntur,

CAPVT XXIII.

IS nunquam iudicari debet sapienter fecisse, qui omnes suas fortunas in periculum adduxit tale, cui nequeat se opponere omnibus suis viribus. Id cum pluribus modis fieri queat, præcipuè tamen accidit, si quis Tullum, atque Metium hoc loco imitetur: qui tot præstantissimorum virorum, quos vterq; in exercitu habebat, virtutem, ipsamque patriam vniuersam, fortunæ commiserunt, quæ ex sola ternorum vtriusque exercitus virorum dimicatione pendebat. Neque enim animaduvertebant, se hac ratione irritos facere omnes maiorum suorum labores, quibus defuncti fuerat in Repub. ad libertatem instituenda: ac potestaté facere tam paucis viris ea omnia perdendi, quæ maiores sui summo labore peperissent, vt non absurdius quicquā videantur vnquam bini illi principes consue-

luisse. In idem absurdum autem videntur ij
 etiam incidere, qui aduenientibus hostib.
 se opponunt, præclusis itinerum locis an-
 gustioribus, quæ res, siquidem nequeas id
 omnibus viribus tuis præstare, semper pe-
 riculosa est: quod si quæ locorum angustie
 tales sunt, ut eas præcludere queas, adhibi-
 tis riteque dispositis omnibus copijs tuis:
 eas non incommodè præcludes: sin loca
 fuerint aspera, in quibus præcludendis ne-
 queas adhibere omnes vires, periculosum
 est ea interciperere velle. Hoc ut ita pronun-
 tiem mouent me exempla eorum, qui cum
 regionem montibus circumdatam incole-
 rent, tamen cum à præpotente hoste bello
 peterentur: non existimarunt sibi in locis
 asperis, & angustijs montium cum illo esse
 dimicandum: sed aut ultra montes pro-
 gressi hosti obuiam profecti sunt, aut eum
 domi in planitie intra montes expectarunt.
 Cuius rei causa ea est, quam iam com-
 morauimus: neq; enim in huiusmodi mō-
 rium angustijs multi homines hostem præ-
 potetem expectare, & se ei opponere pos-
 sunt, cum neq; loca multos capere queant,
 neque com meatus multis hominibus ob
 montium asperitatem suppetere. Hosti au-
 tem potenti per easdem locorum angu-
 stias transire, magno etiam cum exercitu
 non

non est difficile, cum non in ijs hærere: sed transire quam citissimè contendat. Ei qui hostem expectat, difficile est in huiusmodi locis magno cum exercitu hærere, cum illum expectare cogatur, neque sciat quando sit venturus: atque interim commeatus deficere soleat. Quo fit ut cum vel ex huiusmodi necessitate, ea loca deferere coguntur in quibus maximè confidebant: magno timore percellantur hominum animi, usque adeò, ut eorum virtutem amplius experiri nequeas: atque ita exigua parte tuarum virium, adducis omnes fortunas tuas in summum discrimen. Quanta cum difficultate Annibal transiuerit Alpes, quæ Galliam cisalpinam à transalpina diuidunt: atque eas etiam quæ cisalpinam Galliam à Tuscia separant, omnes nouimus: Romani tamen illi non in eorum montium angustiis occurrerunt: sed expectarunt in planitie, semel quidem ad Arthesin fluuium: deinde in Campis Aratinis: ac maluerunt exercitus suos vel occumbere in planitie: in qua liceret virtutem suam demonstrare: quàm eos in Montium angustias adducere, & locorum asperitate consumere. Idem factitatum esse cõperies ab omnibus præstantibus ducibus: cum ob rationes, quas iã adduximus, tùm quod

quod etiam plures viæ inueniri queât, huiusmodi montes transeundi, quæ hostibus ab incolis demonstrari solēt, vt ne sic quidem transitu prohiberi queant. Huiusmodi exemplum recens extrat, nam cū Anno salutis nostræ M. D. XV. Franciscus Galliarum rex, in Italiam transire, ad Galliam Cisalpinam recuperandam, decreuisset: quī se illi opponebant, summum præsidium in eo ponebant, vt Heluetij locorum montanorum angustias illi præcluderent, ac transitu prohiberent. Sed mox apparuit quā vanum hoc consilium fuisset: nam rex declinauit per alia loca prius incognita, ijs quæ custodiebantur præteritis, ac prius in Italia fuit, quā ij qui loca custodiebant, id animaduertissent: quæ res subito tantū timorem omnibus inculsit, vt exercitus omnes Mediolanum sese receperint: ipsæ verò ciuitates Mediolanensi imperio subditæ, statim Gallis se dediderint: postquam se videlicet frustratos esse intellexissent ea spe, qua putabant, Gallos in alpibus transitu prohibitos iri.

Quæ Respub. benè instituta sunt, ea & bonis premia, & pœnam malefactoris seorsim constitutā habent, neq; alterum altero compensant.

CAPVT XXIII.

PRæclarum erat Horatij de Republica meritum, cum sua virtute Curiatios superasset: sed & facinus eius atrox erat, cum sororem suam interemisset: idque vsque adeò Romanis displicuit, vt recens meritum non curarint, sed Duûmuis eû, vt perduellionem secundum legem iudicarent, tradiderint. Quod quidem si quis superficietenus consideret, videbitur ingritudinis populi Romani exemplum esse: At si rem diligenter intueamur, & expēdamus, quibus legibus in Repub. nos vivere deceat: comperiemus populum Romanum ob id potius vituperio dignum, quod illum absoluerit, quàm quod ad iudicium rapi eum curauerit. Ratiõ huius rei ex eo pendet, quod nulla Rēspub bene instituta cuiusquam facinora, eius qui illa patrauit beneficiis atque meritis compensare, atque tegere debeat: sed bonis operibus præmia seorsim constituta habere, & sceleribus itidem seorsim pœnas: & postquam præmiis quempiam benemeritum affecerint, si idem peccarit, punire. Hæ rationes si legitime obseruentur, conseruari potest Reipub. libertas: in alterum alteri misceatur, corruere eam oportet. Nam si quis ciuis c-

gregium quippiam pro Republica patravit: ac eo ipso non tantummodo præmium, atque laudem ob rem hanc præclarè gestam, acquirit: sed audaciam quoque, atque securitatem, ut existimet si quid pravi commiserit, se non punitum iri: efficietur insolens, petulans, atque ita tolletur civilis æqualitas. Necesse est profectò, ut vitia suis pœnis iure afficiantur, præmijs quoque virtutem donare: quod Romæ certè observari solitum videmus. Et quamvis Respub. tenuis sit, convenit tamen ut de illa quoque tenuitate, bene meriti ciues præmijs donentur: qui si egregij sunt, etiam exigua dona pro magnis meritis boni consulunt, & eo ipso se honore affectos esse existimant. Nam ut ex historia novimus, Horatius Cocles, & Mutius Scævola de Repub. præclarè meriti erant: cum ille solus dimicando, hostes in ponte Tybridis eò usque sustinisset, donec pons post se fractus, deiectusque, omnem transeundi potestatem illis ademisset: alter Porſenam regem adoriri cupiens, ac pro eo scribam, errore quodam necans, dextram suam coram rege, ut Romanorum virtutem, constantiamque testatam faceret, exussit. Sed eadem hæc tam præclarè merita Senatus agro remuneravit, Mālius Capitolinus pulſis Gallis, qui

Liuius lib.

2.

qui noctu Capitolium occupauerāt, egregium virtutis specimen ediderat: eidem verò vniuersi milites qui vnà cum illo obsessi erant, selibras farris, & quartarios vini, ad ædes eius quæ in arce erant contulerunt. Quod munus, vt se tunc habebant Romanorum res, nequaquam exiguum æstimabatur: Cum autem idem Manlius postmodum seditionis apud populū auctor fuisset, & regnum inuidia motus affectasset: nulla habita fuit ratio prioris meriti, sed damnatus, & de eodem Capitolio, quod prius magna cum gloria cōseruauerat, deiectus in præceps: vt idem locus in vno homine & eximiæ gloriæ monumentum, & vltimæ pœnæ fuerit.

Si quis antiquam Reipub. formam innouare recte q̃, informare velit: cum oportere, vel vmbra saltem antiquarum legum retinere.

CAPVT XXV.

Q Vi Reipub. formā innouare vult, in id incumbat necesse est, si hāc innovationem non ingratam populo esse velit: vt si res ipsas, sicuti ante erant, non retinere queat, earum saltē vmbra retineat: sic enim

enim efficietur, ut plebs non putet quicquam esse immutatum: quamuis omnia re ipsa innouata sint: nam populus non solet res profundius intueri, sed quæ videntur & foris ita esse apparent, eas perinde ac si reuera ita sint accipit. Animaduertere id Romani, cum pulsus regibus libertatem comparassent: itaque in locum regis binos Cōsules suffecerunt: sed ne duplicatus terror videretur, ut vnus tantum fasces haberet voluerunt, & quidem totidem numero, quot reges vsurpare solerēt. Et quia etiam quædam publica sacra per ipsos reges factitata erant, nec ubi Regum desiderium esset: Regem sacrificulum creant, qui hisce sacris præesset, idque sacerdotium pontifici subiecerunt, ne additus nomini honos, libertati aliquid officeret. Quo quidē modo effecerunt, ut plebei, ne hisce quidem sacris quicquam ademptum esse sibi persuaderent, neque causam vllam haberent Reges expetendi. Exemplum iis omnibus imitandum, quā antiquas leges statuta quæ abolere, ac nouam planè liberamque Reipub. formam introducere cupiunt. Semper enim in rerum mutationibus eò spectandum, ut antiquarum rerum umbra aliqua retineatur: & quamuis exempli gratia, magistratus quidam planè noui creentur

tur, planeque noua munera hominib. imponantur: sunt tamen illa eadem nominibus antiquorum cum magistratuum, tum munerum insignienda, vt eadem cum illis esse putentur. Quod cum in omni Rerum publ. mutatione sit obseruandum, tamen ab illo non ita sunt considerata, qui Monarchiâ, quam aliqui tyrannidem vocant, instituere in animo habet: in ea enim res omnes innouare oportet, vt proximo capite disceremus.

Si quis Princeps nouus aut urbem aut regionem aliquam occupet, & Reipub. formam planè nouam instituentem esse.

CAPVT XXVI.

QVI vrbis aut regionis alicuius principatum occupat, quantò se viribus infirmiorẽ esse intelligit ad imperium conseruandum, siue legitimè regnando, siue liberam Rempub. instituendo: tantò magis in id vnice incumbat oportet, vt sicuti ipse nouus princeps est, ita in suo principatu omnia innouet: nouos magistratus nouis nominibus insignitos creet, ad eosque eligat nouos homines: bona opulentorum hominum pauperibus distri-

buat, eosq; dicit: & ut de Dauide rege fer-
tur, sic de illo dici queat: Esurientes imple-
uit bonis, & diuites dimisit inanes. Eidem
huic nouæ vrbes condendæ, antiquæ di-
ruendæ, habitatores transferendi de vno
loco in alium: adeoque ita omnia erunt in-
nouanda, ut neque opes, neque honores
quisquā in ea prouincia possideat, qui non
cogatur cōfiteri se illa ab ipso Principe ob-
tinere. Exemplo nobis esse potest Philip-
pus Macedoniæ Rex, Alexandri magni pa-
rens: qui hisce rationibus totius Græciæ
imperium comparauit, cū prius exiguum
regnum possedisset. Crudelis est hæc do-
minandi ratio, & non modo Christianæ,
sed humanæ quoque vitæ aduersa: quam-
obrem ab omnibus fugienda, ac longè ma-
gis præferenda vita priuata, quàm ut cum
tanto hominum dispendio, atque calamit-
atē regnare velis. Quod etiam si ita sit, ta-
men si quis est, qui alia ratione imperium
conseruare non possit, nec tamen id amit-
tere velit: cum felicem viuendi rationem
ingredi nequeat, in infaustam hanc inci-
dat, oportet. Multi ignorantes mediam
viam ingrediuntur, nec planè boni, nec
omnino peruersi esse volunt: quod
illis nequaquam prosperè
succedit.

Ratum

*Rarum quiddam esse, ut homo possit aut
omnino prauus, aut omnino
bonus esse.*

CAPVT XXVII.

IVLIVS Pontifex eius nominis secundus, anno salutis M. D. V. Bononiam exercitum duxit, ut Bentiuolorum familiam, quæ eius urbis imperium centum iam annos tenuerat, loco moueret. Eademque in expeditione etiam Ioannem Pagosum Baglioneum tyrannum Perusinum sua se de expellere decreuerat, ut cæteros item qui vrbes Ecclesiæ per vim tenerent. Eius rei causa cum ad Perusinam urbem accessisset, & notum iam omnibus esset quid in animo haberet: tamen impatiens moræ, noluit exercitum expectare, sed inermis quasi urbem ingressus est, in quam Ioan. Pagolus defendendi sui causa, non exiguas copias contraxerat. Is autem, eodem furore quo res suas administrare solebat, una cum milite, cui custodiam sui corporis demandarat, sese in Pontificis potestate dedit: à quo abductus est, relictusque; alius qui Ecclesiæ nomine urbem gubernaret. Hac ipsa in re magnopere admirati sunt viri sapientes, qui Pontificem comirabantur, cum Pontificis ipsius temeritatem, tum abiectum, vilemque; Ioanni

Pagoliani animus: nec causam intelligebant ob quam permotus idem Pagolus, hostem suum inermem (quod illi cum perpetua nominis sui memoria facere licebat) non subito oppresserit, & tam præciosa spolia diripuerit? cum Pontifex urbem ingressus fuisset, Cardinalibus tantum suis stipatus, qui præciosissimas quasque suarum rerum secum habebant. Neque enim credebatur Pagolus à tanto facinore, vel sua bonitate, vel animi conscientia abstinuisse: quod in hominem sceleratum, qui & propria sorte utebatur, & consobrinos, nepotesq; dominandi causa è medio sustulerat, huiusmodi pij affectus cadere non viderentur. Cum igitur hac de re variæ essent Sapientum virorum sententiæ: concluderunt tandem id ei accidisse, quòd ita comparatum sit, ut homines neq; planè pravi esse queant, neque perfectè boni. Pravi perfectè esse nequeunt, propterea quod ubi tale quoddam scelus est, in quo aliquid magnifici, ac generosi inest, id patrare non audeant. Nam cum Pagolus neque incestum prius horruisset, neque parricidio abstinuisset: tamen cum oblata esset occasio, pravi quidem, sed memorabilis, atque æternæ memoriæ facinoris patrandi: id attentare non ausus fuit; cum id sine infamia præstare licuisset,

fuisset, quod rei magnitudo omnia priora scelera obtegere potuisset, & à periculo cō-feruare. Quibus accedit, quod illi gratulati fuissent etiam quamplurimi, si primus ausus esset Pontificibus monstrare, rationem dominandi, totiusque humanæ vitæ vsum, ab illis nimis parui pendì.

Qua causa Romani erga suos ciues minus ingrati, quam Athenienses erga suos fuerunt?

CAPVT XXVIII.

QVI diuersarum Rerumpub. res gestas considerat, subinde exempla quædam ingratitude earum, erga suos ciues deprehendet: sed pauciora tamen Romæ, quàm vel apud Athenienses, vel apud aliam aliquam Rempub. Cuius rei rationē fuisse existimo, quod Romani causam non habuerint, toties suos ciues suspectos habendi, quoties Athenienses eandem habuerunt. Nam post exactos reges nunquam amisit Roma libertatem, vsq; ad tempora Syllæ & Marij: itaque neque occasionem habebat de ciuibus suis suspicandi, quod quisquam eorum tyrānidem affectaret: & quia deerat suspicio, nō habebat occasionem in quemquam quicquam durius

patrandi Contrarium accipit Athenien-
sibus, quos in ipso flore Pisistratus oppres-
sit, & sub specie declarandæ beneficentiæ
ijs libertatē ademit. Itaq; postquam liberta-
tem deinde recuperassent, memores erant
iniuriarum atque ipsius seruitutis, quā per-
pessi fuerāt: & vel ex leui occasione de suis
ciuibus malè suspicabantur: cumque seue-
ri libertaris defensores esse vellent, non de-
lictā ciuium solummodo, verum etiam de-
lictorum suspicionem, persæpe puniebant.
Hinc factum est vt tot viri excellentes par-
tim exilio, partim etiā morte fuerint mul-
ctati. Hinc leges Ostracismi & aliarū mul-
ctarum, quibus populus aduersus optima-
res vrebatur, natæ sunt. Nam vt ijdem scri-
ptores testantur, populus qui libertatē re-
cuperauit, seuerior est illius vindex, quā
is, qui eam à maiorib. suis acceptam cōser-
uauit. Hęc si quis diligenter consideret: ne-
que Arhenienses ob hasce res vituperādas,
neque laudādas Romanos intelliget: sed
damnandas esse solummodo causas, quæ
Athenienses ad tantam austeritatē permo-
uerunt: quæ si in vrbē Romam incidissent,
nō magis quā Athenæ, erga suos ciues aut
pia, aut misericors extirisset. Id exemplo
Collatini & P. Valerij constat, quorum il-
le ob Solum Tarquiniōrum nomen, quo
vocabatur

vocabatur in exilium missus est: cum tamē expellendis regibus strenuam operam impendisset. De P. Valerio autem, malè suspicari cœperunt, ob id quod Consul cum esset, domum in summa Velia, loco urbis editiori, extruere decreuisset: ob quam rem parum abfuit, quin eodē modo vt Collatinus puniretur. Quæ cum ita sint, dubium nō est, quin Roma si eodē modo, quo Athenarum vrbs, sensisset aliquos suorum ad tyrānidem aspirare, aut aliquoties ab aliquo oppressa fuisset, erga suos ciues non se aliter, quàm Athenienses, gessisset. Sed de hac Rerumpub. erga suos ciues ingratitudine, sequenti capite copiosius agemus.

Virum populus, aut principes erga subditos benemeritos, magis ingrati esse soleant?

CAPVT XXIX.

QUONIAM hanc de ingratitudine disputationem ingressi sumus: non abs re mihi facere videor, si quæramus porrò, vtrum populus, an viri Principes erga benemeritos, magis ingrati esse soleant? Id vt commodius explicare queamus, obseruare oportet, Ingratos solere homines esse, aut avaritia, aut suspicione.

Nā si quis aut Populus, aut Princeps quempiam insigni virtute virum, gerendo alicui bello, exempli gratia, præficiat, isque id præclarè conficiat, eaque re & sibi gloriam, & principi aut Magistratui suo honorem atque virtutem compareret: dignus est, qui ab eodem aut Principe aut Populo, pro re benè, fœliciterq; gesta remuneretur. Quod si autem illi nec gratiam referant, sed aut avaritia, aut aliqua suspicione mori, eum vel dehonestent, vel ostendant, vel etiam debitum stipendium denegent: ingratitude est perpetuis contumelijs damnanda. Quot etsi omnes ita se habere confiteantur, non desunt tamen permulti, qui à tanto vitio abstinere nequeunt. Nam, ut Cornelius Tacitus inquit, Procliuius est iniuria quam beneficio vicem rependere, quia gratia oneri, ultio in quæstu habetur. Quod si autem non avaritia, sed suspicione aliqua motus aut Princeps, aut Populus, bene meritū ciuem remunerationis loco offendant: suspicione ipsa aliquo modo excusantur: multaque admodum inueniuntur huiusmodi ingratitude exēpla. Nam si quis militaris dux singulari virtute hostes deuicerit, & imperium domino suo pepererit, simulque militem ditauerit, tunc tanta esse solet eius nominis celebritas, cum

cum apud hostes, tum apud suos, & vniuersos sui Principis subditos, vt victoria principi non tam grata deinde esse possit: quoniam sue glorię aliquid detrahi videtur, ob honorẽ qui victori militi attribuitur. Quibus etiam accedit, quod cum natura simus omnes aliquo modo ambitiosi, & facilẽ itẽ suspicari soleamus: non potest huiusmodi militaris dux, post partam tantam gloriã, non augere, aliquo dicto aut facto, conceptam sui principis de se suspiciõẽ: ex quo deinde sequitur, vt Princeps muniendi sui rationes meditetur, ac cogitet de illo vel è medio tollendo, vel saltem minuẽda illius autoritate, quam apud exercitum atque alios omnes acquisiuerat, in quem finẽ spargere solent hinc inde, quod huiusmodi victoria non tam ipsius virtute & industria, quàm fortunæ prosperitate, aut hostium metu, aut aliorum militarium ducum, qui illi adfuẽre, prudentia, parta fuerit. Exemplo nobis esse potest Vespasianus, qui cum esset occupatus in bello iudaico, à suis militibus imperator est renuntiatus: Per idẽ tempus Antonius primus cum exercitu erat in Illyrico, ac Vespasiani partes sequutus, in Italiam traiecit aduersus Vitellium, qui Romẽ iam dominabatur: fractis quẽ binis illius exercitibus, singulari virtute Ro-

*Vespasiani
ingrati-
tudo.*

mam occupauit: vt cum Mutianus Vespasianus
 iussu ad hoc bellum conficiendum eò
 peruenisset, omnes difficultates Antonij
 virtute superatas inuenerit. Sed ingrata
 fuit eius virtutis remuneratio: primū enim
 exercitū illi Mutianus ademit: deinde sen-
 tim eò reduxit, vt priuatus Romæ viueret:
 cuius rei causa, cum ad Vespasianum in A-
 siam profectus esset, ab eo ita inhumaniter
 tractatus est, vt breui tempore ab omnibus
 publicis munerib. remotus, propè despe-
 rabundus ex hac vita migrârit. Huiusmodi
 exemplis pleni omnes sunt libri. Nemo est
 qui nesciat, quanta cum virtute, nostra me-
 moria, Consalvus Ferdinandus regnum
 Neapolitanum, expulsis Gallis, Ferdinan-
 do Arragoniæ regi comparauerit: sed pro
 tantis meritis eam mercedē retulit, quod
 Ferdinandus Arragonicus Neapolim ap-
 pellens: primum exercitum, deinde loca
 munita præsidijs, illi ademerit: denique il-
 lum in Hispaniam secum abduxerit, vbi
 absque vlllo publico honore viuens, mox
 deinde obiit. Vsque adeò scilicet procliues
 esse solent viri principes, ad malè suspican-
 dum de illis, qui illorum nomine aliquid
 magni ac præclari patrauerint: vt gratos
 sese erga ipsos exhibere nesciant. Quod si
 ergo ab hoc vitio abstinere, neque Principes

Populi er-
 ga bene-
 meritos
 ingratitu-
 di.

pes viri possint: nemini mirū videri debet, si ab eodem Populus cauere sibi nequeat. Is enim in libera ciuiate duplicem finem habere solet, vt & fines dilatare, & libertatem possit conseruare: vtrumq; autem nimio desiderio ab illo expetitur, efficit, vt in hoc ingratitudinis vitium incidat. De finibus dilatandis alio loco dicemus. Libertatis verò conseruandæ nimio amore, persæpè eos lædit, quos præmijs afficere decebat, & quibus confidere debebat, de illis malè suspicatur. Quæ res incorrupta ciuitate tam pernitiōsa est, vt quandoque benemeritos, qui suis præmijs fraudantur, ad Tyrannidem inuadendam impellat, vt Romæ C. Cæsari accidit, qui sponte sua arripuit ea, quæ sibi à Pop. ingratitudine negari existimabat. In ciuitate, qua mores hominum integri sunt, persæpè etiam solet hic ingratitudinis metus ciues cohercere, & in officio continere, vt minus mali, ambitiosi que sint, & libertas diutius conseruetur. Ex omnibus autem Rebus pub. quæ amplum imperium possederunt, Roma mihi ab hoc ingratitudinis vitio, maximè videtur abstinuisse: neque illius vllum aliud exemplum singulare extareputo, quàm id quod aduersus Scipionem ediderunt. Coriolanus enim &

Linus lib.
28.

Furius Camillus exilio iure mulctati fuerunt, propter iniurias, quibus plebem affecerant : Et Coriolanus quidem hostilem aduersus Pop. Romanum animum conseruauit, nec proinde in urbem reuocari potuit. Furius Camillus non modò reuocatus ab exilio, sed per reliquum vitæ tempus singulari in honore habitus fuit. Aduersus Scipionem ingratissimi fuerunt: idque illis accidit propterea, quod de illo nescio quæ suspicarentur, propter rerum ab illo gestarum magnitudinem, & singularem beneuolentiam honoremque, quem illi apud omnes sua virtus conciliauerat: quæ omnia tanta erant, ut ipsius autoritas etiam senatoribus ipsis formidabilis videretur.

Hæc cum prius Romæ inusitata fuissent, multis sapientibus disciplicebant, usque adeò, ut M. Porcius Cato, vir tantæ autoritatis ipsius Magnitudinem allatrare sole-
ret: eoque autore existimantur Tribuni & viuo diem dixisse, & mortuo rogationem promulgasse: asserēbat enim is, eam Rempublicam liberam esse non posse, in qua vnus viri potentia, etiam senatoribus ipsis formidabilis esset. Huius auctoritatem si Pop. Romanus sequutus, id aduersus Scipionem patrauit, aliquam vtique excusationem meretur: quemadmodum etiam viros

viros principes venia quadam dignos esse docuimus, cum propter suspicionem erga suos ingrati sunt. Sed iam ut finem de hac quæstione differendi faciamus: dicimus, cum & principes, & liberi populi erga benemeritos ingrati esse soleant, partim avaritia, partim suspicione: Populum propter avaritiam, in hoc vitium incidere nunquã, propter suspicionem verò etiam longè rarius, quàm Principes soleant: quoniam eas suspicandi causas non habet, quæ principibus contingunt, ut paulò post ostēdemus.

Qua ratione viri principes & Respub. ingratitude vitium evitare possint. Et benemeriti ciues item, atque duces militares, ne ab iisdem opprimantur, cauere?

CAPUT XXX.

SI quis Princeps huiusmodi suspicionū occasiones evitare velit, ne pro beneficijs erga suos ingratus esse cogatur: eū oportet ipsummet rebus gerendis interesse: quemadmodum primi Romanorū imperatores olim, & nostra ætate Turca, cæteri que insigni virtute principes facere solent. Nam si præsentēs sint, & rem præclare fœ-

rè fœliciterq; gerant, ad eos omnis laus atque gloria pertinet: Sin ipsi absentes, per alios rem benè gerant: tūc quia videtur summa laudis penes eum esse, qui negòtio interfuit, non putant se parta victoria ex animi arbitrio frui posse, nisi extinguant laudē illius, per quem res tam benè gesta est: atq; ea ratione iniusti ingratiq; euadunt. Et quāuis ipsi sibi videātur laudem lucrari eorum, quos hoc modo offendunt: tamen si quis rem diligenter expendat: comperiet illos plus amittere quam lucrari. Quod etsi ita sit, tamen fieri non potest, quin in huiusmodi errores incidant, quicunque aut per imprudenciam, aut negligentiam domi otiosi manent, rerum administrationem autem alijs ducib. suis demandant: nec vlla ratio est eos iuuandi, quo minus eò, quò natura ipsos ducit, ferantur. Qui verò dux militaris, re præclarè gesta, euitare vult sui principis ingratitude, duorum alterum faciat oportet. Nam postquam victoriam obtinuit, aut statim, exercitu tradito alteri, ipse se in sui principis clientelam supplex committat oportet, sibi que ab omni superbia, atque ambitione temperet: qua sola ratione principis animum demulcere poterit, ne de illo quicquam suspicari queat, sed causam manifestam habeat illum græmio afficien-

afficiendi, non autem lædendi. Aut si facere non velit, sciat tamen ingratum principem se habiturum: vnicum habet præfidiū se aduersus ingratitudinem tuēdi, si victoriam partam sibi reseruet forti animo, nec eam ad principem pertinere ostendat: militum & præcipuorum exercitus ducum animos vel sibi conciliet, vel si quos nequit benignè conciliare, eos muniendi sui causa è medio tollat: cum vicinis populis amicitiam contrahat, loca munitiora subinde occupet, præfidijsque confirmet. Hac enim ratione ingrato domino vicem rependere poterit. Hæ solæ sunt rationes quibus benemeritus ciuis cauere potest, ne ab ingrato domino opprimatur: sed quia ita comparatū est, vt homines nesciant esse vel planè boni, vel excellenter mali: itaque neque post victoriam partam, exercitum statim reddere nouerunt, nec modestè atque humiliter se gerere: nec excellenti ac magnifica quadam malitia vti sciunt: itaque dubij inter duo extrema hærentes opprimuntur. Liberæ autem Reipubl. non præscribi possunt eæ euitandæ ingratitudinis rationes, quas iam viro principi præscripsimus, quod in ea necesse sit, vt ciuis aliquis ad cōficiendum bellum eligatur: itaque hoc vnum illi superest remedium, vt Romam imitetur

eo ipso, quo illam ostendimus cæteris ciuitatibus minus ingratham fuisse erga suos. Id totum à Reipub. forma dependebat: nã cum in militia vterentur omni genere ciuium, siue nobiles siue plebei essent: nec à bellis quietem vnquam haberent: facile accidebat, vt ex assiduo armorum exercitio, subinde excellentes virtute viri multi orirentur, varijsque decorati victorijs: cumque eorum tot, tamque multi essent; qui se mutuo obseruarent: non habebat Populus occasionem quicquam de illis suspicandi: ipsimet enim cauebant, ne ambitione aliqua laborare viderentur: vsq; ad eò, vt qui illorum vel ad Dictaturę fastigiũ conscēdiissent, ij plurimum laudis inde reportarent, qui rebus quàm citissimè compolitris, sese mox ea abdicassent, ob quas causas neque suspicionibus locus dabatur: neque ex suspicione ingratitude sequebatur. Romani igitur, ceu optimum exemplum ad imitandum sibi proponant omnes illæ Respublicæ, quęcunque cauere sibi cupiunt, ne in benemeritos ciues ingrati esse cogantur: eiusdemque vrbis ciues etiam intueantur, quicunque de patria benemeriti, ne pro gratia referant ingratitude, eaque opprimantur, cauere cupiunt.

Romanorum exercituum duces, non vehementer puniri solitos, quamvis aliquando in rebus agendis capiendisq; consiliis errârint: ne tunc quidem quando eorum mala consilia Reipub. damnum aliquod perirent.

CAPUT XXXI.

ROMANI non modò minus, quàm cæteræ ciuitates erga suos ciues ingrati fuerunt, ut prius ostēdimus: sed in puniendis etiam ducum militarium erroribus, magis clementes & considerati, quam vllæ aliæ Respub. Nam si qui malitia sua quippiam deliquissent, eos puniebant clementer: Si error ex ignorantia natus esset: non modo non puniebant, sed præmijs potius, perinde ac si rem benè gessissent, afficiebant. Idque non sine graui consilio faciebant: nam permultum interesse putabant, ut qui exercitui præficeretur, ab omni metu liberi essent, & rerum agendarum consilia ex ipsis occasionebus arriperent: nec haberent quod formidarent. Rei enim quæ per se ardua atque difficilis est, aliq̃ difficultates atque pericula adiungenda non sunt, ne virtuti impedimenta obijciantur. Nam

si quem, exempli gratia, aut in Græciam aduersus Philippum Macedonem: aut aduersus Annibalem in Italiam: aut aduersus alios aliquos populos, quos vicere iam olim, cum exercitu miserunt, ei cura iam incumberebat eorum omnium, quæ ad rem bene gerendam requiruntur: quæ cum sint per se graues atque difficiles: nequaquam alijs curis aut periculis aggruari debuerunt. Nam si præter harum rerum curam, is dux etiam ante oculos posita habuisset exempla eorum, qui ob rem minus prosperè gestam, à Senatu graui supplicio affecti fuissent: nequaquam tot curis periculisque circumdatus, rem fortiter aggredi ausus fuisset. Quæ cum ita se haberent, existimârunt eos qui fortunæ aduersitate rem minus feliciter gessissent, ipsius rei dedecore atque pudore iam satis punitos, nec alijs pœnis esse deterrèdos. Eorum qui malitia potius, quàm ignorantia rem malè gesserunt, exemplum extat Sergij, & Virginij. Nam cum ad Veios castra haberent, & exercitum ita partiti inter sese fuissent, vt Sergius ex vna parte ad Tuscos sustinendos cum suis confedisset: Virginius ex altera parte castra metatus esset: Sergius fortè à Faliscis alijsque populis oppugnatus, non prius auxilium à Virgino petijt quàm amisso exercitu in fugam

fugam se coniecisset. Neque Virginius illi
 spōtè suppetias tulit, sed maluit Romano-
 rum exercitum cum patriæ dedecore fra-
 ctum videre, quàm ei, qui non supplex pe-
 rijffet, auxiliari. Memorabile sanè exem-
 plum, quod si Respublica non punijffet, ar-
 gumento fuisset magnæ corruptionis mo-
 rum. Puniti ergo fuerunt ambo, sed nō nisi
 mulcta pecuniaria: cum hoc delictum ab a-
 liqua alia Republ. facilè capitali supplicio
 fuisset affectum. Romani mitiores in hisce
 esse voluerunt, non quod delictum maiore
 pœnam nō mereretur: sed quod nihil face-
 re vellent præter cōsuetudinem, quæ apud
 ipsos multis rationibus approbata videre-
 tur. Erroris in bello per ignorantiam com-
 missi, euidens ac memorabile exemplū est
 Varronis in pugna Cannensi, cuius teme-
 ritate Romani ab Annibale victi, tantam
 cladem acceperunt, vt in discrimen amit-
 tendæ libertatis adducti fuerint. Sed quia
 tamen id non dolo malo sed per ignoran-
 tiam ei contigisset. Romani illum non mo-
 dō punire noluerunt, sed honore potius
 afficiendum censuerunt: quam obrem ad-
 uenienti illi processit obuiam Senatus v-
 niuersus, & cum ob rem benè gestam illi
 gratias agere non possent: ob id tamen
 eum laudarunt, & gratias egerunt, quod

Linus
lib. 22.

Linus
lib.8.

rebus eorum tantoperè afflictis, nō desperasset, sed in urbem rediisset. In eādē sententiam, cū Papyrius Cursor Dictator de Q. Fabio magistro equitum supplicium sumere vellet, quod contra suum mandatum cum Samnitibus dimicasset: Fabij pater inter cætera argumenta, quibus Dictatoris furori respondebat, populum Romanum ad eum usque diem, nunquam tales pœnas, ob rem malè gestam, à quoquam exigisse dixit, quales ipse à Fabio, qui fœliciter pugnasset, exigeret.

Viros Principes & Rerumpub. gubernatores non debere beneficia, quæ subditis præstare volunt, eò usque differre, donec videantur necessitate compulsi ea præstitisse.

CAPVT XXXII.

Linus
lib.2.

ROMANIS fœliciter successit liberalitas illa, quam plebi declararunt post Regis Porfennæ aduentum: qui Romam cum infesto exercitu venerat, ut Tarquinius reges restitueret. Tunc enim senatus metuens, ne plebs Romana metu perculsa, receptis in urbem regibus, pacem cum seruitute acciperet: multa ei blandimenta

menta dedit. Annonæ imprimis habita cura, salis vendendi arbitrium, quod impenso præcio venibat in publicum, omni sumptu adeptum, concessum: portorij quoque & tributo plebe liberata: pauperes enim satis stipendij pēdere, si liberos suos Reipub. educarent. Quæ omnia in eum finem fecēre, ut populus ad ferenda belli onera promptior esset. Sed hoc exemplum nemini ita censeo imitandum, ut beneficia illa, quibus conciliatur plebis animus, eò usque differantur, donec ea præstare coacti videantur: neque enim alias tam feliciter succedet, ut hoc loco Romanis succedat. Nam qui beneficia à te, in tanta necessitate acceperint: ij non tam tibi quàm aduersario tuo, gratiam debere sese putabunt: metuentque ne, postquam ea necessitate liberatus fueris, quicquam amplius illis sis largiturus. Quod autem Romanis prosperè successerint tarda illa blandimenta plebi data, causa manifesta est. Noua enim erat adhuc illa Reipub. forma, nec dum confirmata, & senserat antea quoque populus leges quasdam ferri, quibus autoritate suam augeri censebat: veluti erat lex de prouocatione ad populum: atque ob has causas putabant à Senatu sibi hæc beneficia conferri, non tam metu noui hostis, quàm beneuo-

lencia, qua ipsos complecterentur. Quibus hoc etiam accedebat, quod recēs adhuc esset expulsoꝝ regū memoria, à quib. multis iniurijs affecti fuissent. Sed rarū est, v̄t tot causas concurrentes & coadiuuantes, quis in huiusmodi tardis beneficijs habeat: quā obrem debent omnes magistratus & principes, statim ab initio considerare tempora & casus, quos fortunæ aduersitas parere illis possit: & aduersus illa ita se munire, vt cogitet quorum hominum opera ijs temporibus opus sit habiturus: eosq; sibi conciliare maturè, & ita cum illis viuere, & adueniente necessitate promptos eos paratosq; habeat. Nam qui magistratus & Principes præsertem aliter agunt, existimantque cum Necessitas venerit, se eos beneficijs sibi conciliare, quos longè prius offenderant: nō modo sine suo frustrabuntur, sed ruinam, interitumq; suum accelerabunt.

Si quod malum vel domi in Repub. vel aduersus Rempub. foris vehementer autum sit: satius esse id ferre aliquandiu, quam in id eniti, vt violentè extirpetur.

CAPVT XXXIII.

CVM Romana potentia cresceret, vicini populi, qui parum ab initio considerata-

siderauerant, quantum noua hæc Respub.
 si caput extulisset, ipsis nocere posset: erro-
 rem suum tardè agnouerunt. Cui cum re-
 medium adhibere vellēt, fœdus inter sese,
 aduersus Romanos, quadraginta ferè po-
 puli pepigerunt. Sed Romani periculo co-
 gnito, præter ea quibus ante uti solerent,
 nouum aduersus hoc malum excogitarunt
 remedium. Dictatorem enim creare decre-
 uerunt, cui potestatem dabant, ut ex ani-
 mi arbitrio consultaret, & ea quæ ex usu
 Reipub. fore putaret, absque impedimen-
 to exequeretur. Atque id ipsis, & ad præ-
 sens periculum superandum, deuincendos-
 que populos illos omnes utile fuit: & se-
 quentibus temporibus, cum auctū impe-
 rium fuit, in multis procellis sedandis, &
 superandis difficultatibus salutare. Quæ
 res nobis documento esse debet, ut si quod
 malum, vel domi in Repub. vel aduersus
 Rempublicam foris, tāt opere auctum fue-
 rit, ut timorem incutiat: tunc satius esse id
 aliquandiu ferre, & occasionem expectare:
 quam ut nos subitò ei magna cum violen-
 tia opponamus, & extirpare conemur:
 quoniam si extirpare id subitò enitemur:
 maius incendium efficiemus, & id quod ex
 illo malo metuebatur, plerunque promo-
 uebimus. Huiusmodi incendia persæpè

in Republica accenduntur, & quidem ab internis causis citius quam externis: veluti cum permittimus vt vnus ciuis potentia, plusquam ex vsu Reipublicæ sit, augeatur: aut leges aliquæ paulatim aboleantur, quibus libertas innitebatur: quod malum aduertente nemine eò vsque incrementum accipit, vt satius sit ferre id postea, quam extirpare conari. Tantoque etiam difficilius est, talia & quæ huiusmodi sunt morborum initia obseruare, quantò magis optimus quisque nascentibus rebus fauere cõsuevit: præsertim cum honestæ videantur, & à iuuenibus patrentur, in quibus aliqua virtus enitere videatur. Nam exempli gratia, si in Repub. iuuenis alicuius nobilisque viri virtus emergere videatur: in eū omnes homines intentos habent oculos, fauoreque eius studia prosequuntur: quod si ille clàm ambitiosus sit, eo hominum fauore ad tantum fastigium ascendit, vt antequam errorem suum agnoscant ij, qui tantopere ei fauebant: non amplius extet remedium, nimiam illius potentiam minuendi: & si quis aduersus eam quippiam tentarit, augendæ illius potius, quàm minuendæ occasionem dabit. Huiusmodi rerum permulta exempla in medium producere possem: sed vnū sufficit ex nostramet Florentina vrbe desum-

sumptum. Cosmus Mediceus, à quo Medicea familia nobilitatis & potentie suæ originem traxit, ob prudentiæ existimationem, cæterorum verò ciuium ignorantiam, tantum fauorem omnium sibi conciliauit, ut eius potentia Reipub. formidabilis esset: atque hinc fiebat, ut & periculosum videretur aliquid aduersus illum tentare, & horrendum si illius potentie non aliquod frenum iniiceretur. Viuebat per id tempus Nicolaus Vrzanus vir prudentissimus, & cuius autoritas plurimum valebat: qui cum primum errorem suum cæterorumque ciuium agnosceret, quod nimis tardè obseruassent, tanto hominum fauore, nimis auctam iri Cosmi potentiam: à secundo certè errore Senatum retinuit: nec quandiu ipse vixit, vnquam permittere voluit, ut aduersus eum quicquam tentaretur: quod præuideret, si quid tale fieret, ruituram iri Reipub. libertatem. Eo vita functo, discessere reliqui ab illius præcepto, & collectis viribus Cosmum Florentia expulerunt. Sed non longo tempore post, qui ipsius factionis erant, hanc iniuriam ægrè ferentes, eum ab exilio reuocarunt, & Florentiæ Principem effecerunt: ad quem gradum nunquam ascendisset, si hanc aduersus illum seditionem, prius ciues non concitassent. Idem

Romanis cum C. Cæsare contigit, cuius virtus à principio, cum Pompeij tum aliorum favore adiuta, postmodum illis terro-
 ri fuit. Sed nimis tardè, vel Ciceronis testi-
 monio, cum cæteri, tum Pompeius ipse Cæsarem timere cœperunt: nam cum po-
 stea de minuenda eius potētia cogitassent, eo ipso Reipub. ruinam accelerarunt. Quæ cum ita sint ac difficile sit huiusmodi mor-
 borū initia obseruare: quod rerū omnium principia dubia sint: melius est, auctos iam eò usque hosce morbos, vt agnosci possint, ferre, & commodam aliquam occasionem expectare, quàm eos subito oppugnare: quod temporis successu fieri queat, vt vel spontè extinguantur, vel certè vt hæc ma-
 la non tam cito erumpant. Id autem vel imprimis viri principes obseruare debent, ne si cuius vicini nimiam potentiam sup-
 primere conentur, occasionem dent illi, vt maius incrementum accipiat, ac semet-
 ipsos in discrimen adducant. Metiri igitur oportebit te, vires tuas simul atque hostis: ac si te hoste superiorem esse certò cogno-
 ueris, forti animo illum adoriri licebit: sin minus, tutius est eum relinquere, ne ti-
 bi idem contingat, quod ijs populis, qui vicini populo Romano habitantes, fœdus aduersus eum pepigerant: quibus vt ex
 cuentu

euētu apparuit, longè satius fuisse à bello abstinere, & pacis artibus illorum amicitiam conciliare, quam auctam iam illorum potentiam irritare, & ad excogitandas nouas artes bellicas impellere. Nunquā enim Romani ad tantum fastigium ita subito ascendere potuissent, si illa coniuratio illis occasionem non dedisset extrema quæque experiri, & Dictaturæ rationem instituendi, quæ res illos successu temporis, à quam plurimis difficultatibus liberauit.

*Dictatura imperium Pop. Romano utile,
atque salutare fuisse: neque solere perniciosam esse Reipub. eam ciuium potentiam,
quam legitimè per suffragia acquirunt:
sed illam, quam spontè & per
ambitionem sibi sumunt.*

CAPVT XXXIIII.

EXTITERE quidam scriptores qui reprehendere pop. Romanū, ob introductā creandi Dictatoris rationē: existimauerunt enim ex ea successu temporis ortā esse tyrannidem: & primum eorum, qui vrbis imperiū sibi vindicauit, sub Dictatoris no-

mine imperasse: nec potuisse C. Cæsarem, si Dictaturæ nomen non extitisset, vlllo honesto titulo tyrannidem occultare. Sed id ab illis minus prudenter dictum cenſeo: neque enim Dictatura urbem ſeruituti obnoxiam fecit: ſed autoritas illa, quam Cæſar diuturno imperio ſibi apud ciues conciliauerat, & ſi Dictatoris nomen deſuiſſet, aliud aliquod inueniri facile licuiſſet: cum non ex nomine potentia, ſed ex potentia nomen facile concilietur & inueniatur. Dictatura quandiu ex præſcripto legum uſurpata fuit, nec eam quis propria potentia ſibi aſſumpſit: ſemper Reipubl. profuit. Nam qui magiſtratus præter legem præſcripta occupantur, ij ſolent eſſe pernicioſi: non autem qui ſecundum leges hominibus conferuntur: idque experientia ipſa Romæ comprobauit: in qua vrbe Dictatores tanto temporis ſpacio nil vnquam nocuerunt. Sed neque rationes deſunt. Primùm enim eis, qui Dictaturæ titulo imperium inuadere voluiſſent, in vrbe libera, in qua mores hominum nondum corrupti eſſent: ingentibus opibus opus fuiſſet: & quamplurimis clientelis, & qui conſilij eſſent participes: quæ in libera ciuitate, nemini ſimul omnia contingunt, quandiu leges obſeruantur. Præterea non credebatur Dictator, niſi vr-
gente

*Dictatoris
officium.*

gente aliqua necessitate, nec durabat eius magistratus diutius, quàm eò vsque, donec eam rem confecisset, propter quam dictus fuisset. In qua conficienda potestatem habebat absolutam atque liberam, cum fontes puniendi, cum còsultandi, & ea quæ consultasset expediendi, nec à Dictatore vlla cuiquam prouocatio dabatur. Sed ad alias res non sese extendebat ipsius potentia: quæ ad immutandum statum Reipub. facerent: non antiquas leges abrogare, & nouas condere, nec Senatus maiestatem minuire. Quæ cum ita se haberent, ac Dictaturæ potentia certo tempore, certisque limitibus circumscripta esset, in populo moribus integris, nunquam fieri potuisset, vt Dictator extra suos fines egressus, tyrannidem inuasisset. Dictatura ergo rectè usurpata pop. Romano semper profuit: vsque adeò, vt inter summa Reipub. præsidia connumerari debuerit, & ad eas causas referri, quibus ad tantam imperij magnitudinē ascendit. Sed neque in magnis vrbibus, absque tali præsidio ex vrgentibus periculis promptè vnquam euadere licet: cum nullus ciuium sit, qui solus imminenti pericula auertere possit: sed referenda sint omnia ad multorum consilia, quæ & plurumque diuersa sunt, & longo tempore opus

*Dictatura
vsus.*

pus

*Venetorū
Dictatura.*

*Dictatoris
electio a-
pud Ro-
manos.*

pus habent ad deliberandum, antequam inter ea cōueniat: quæ res, cum imminenti pericula celeritate indigeant, sæpe plurimū detrimenti afferunt. Quamobrem ex usu Rerumpub. vel maximè tuerit: aliquod aduersus subita pericula remedium, Dictaturæ simile, constitutū habere. Veneti certè, quorum Respub. hodierno die celeberrima est, paucis quibusdam talem quandam potentiam attribuerunt, vt in subitis vehementibusque periculis, soli deliberare, & quod facto opus illis videatur, exequi possint. Nam vbi tale remedium in ciuitate deest, necesse est, si ingruant subita pericula, vel antiquum modum consultandi sequentes, vehementer periclitemur: vel eum tunc urgente necessitate immutantes, occasionem demus etiam alia, non sine detrimento Reipub. innouandi. Neque enim perfectè instituta est ea Respubl. quæ non de omnibus aduersis casibus, quicunque incidere queant, certis legibus prospexerit. Et in vehementibus periculis necesse est Remp. ruere: si non vel ad Dictaturam, vel ad quid aliud Dictaturæ simile liceat confugere. Romani verò, non modò vt Dictator suo tempore crearetur, prospexerunt: sed modum illum eligendi percommodum constituerunt. Nam cum ma-
iestas

iestas consulum, Dictatura quodammodo imminui videretur, quod ipsos quoque Dictatori, perinde ut cæteros ciues parere oporteret: idcirco Dictatoris eligendi potestatem penes ipsos Cōsules esse voluerunt, ne causam haberent ægrè ferendi regiam illam potestaté, quam ipsi ad pericula enerenda, ex vsa Reipub. esse existimassent, ac ciui cuiquam contulissent. Nam natura ita sumus affecti omnes, ut minus doleamus ab ijs rebus, quas ipsi nobis fecerimus, quam ab illis, quæ aliunde nobis contigerunt. Successu temporis autem, persæpè tradita fuit etiam iplis Consulibus regia illa Dictatorum potestas, quando nimirum Senatus in hanc sententiam decernebat: *Videat Consulne Respub. quid detrimenti capiat.* Quæ cum ita se habeant, cernimus eos populos qui aduersus Romanos coniurauerant, eò ipso quod illos opprimere conabantur, potentiam illorum excitasse, fortioresq; effecisse, cum ad defendendam, tum augendam Rempub.

Qua de causâ Decemviratus apud Romanos publicæ libertati noxiis fuerit, cum tamen publicis suffragijs eligeretur?

SVperiore capite docuimus, illam potentiam, quæ secundum leges & ipsa populi suffragia alicui confertur, Reipub. periculosa non esse: sed illam solum, quam quis sibi per vim arripiat. Cui disputationi obstare videtur Decemviro-
rum electio, qui à populo Rom. ad cõdendas leges statutaque Reipub. electi: paulò post, sua malitia imperium Reipub. occuparunt, libertatemque sustulerunt. Itaque limitandum est id quod pronuntiaui-
mus, habendaque ratio cum modi, quo potentiam in aliquem conferimus, tum etiam temporis, quo illa duratura sit, vtrum in longum aut breue tempus alicui concedatur? nam quæ in longum tempus conceditur summa potentia, vel in vnum annum saltem, periculosa est, & ad tales effectus producendos accommodata, qualis est animus eorum, quibus conceditur. Erat autem Decemviro-
rum potentia longè maior, quàm illa, quæ Dictatori tribuebatur: nam electo Dictatore, stabat nihilominus Consulum atque Senatus Maiestas, & potentia tribunorum, quibus septum videbatur Dictatoris Imperium. Et quamuis Dictatori liceret quempiam vel Consulatu remouere,
vel

vel à tribunitia potestate deponere: non poterat tamen is in vniuersum vel Consul, vel ordinem Senatorium, vel Tribunitiam potestatem abolere & nouam Reipublicam formam introducere: sed cum horum omnium oculos intentos in sese haberet: cogebatur vel nolens ea tantum tractare, quæ ex usu Reipublicæ forent. Sed diuersa fuit Decemvirorum ratio, quod in hos omnes P. Rom. imperium translatum fuisset, sublaris consulis atque Senatu, & consopita quasi etiam Tribunorum plebis potentia. Itaque cum essent creati sine prouocatione, soli quæ omne imperium obtineret, neque quisquam alius magistratus esset, qui illos obleruaret: facile illis fuit, ut altero, postquam creati fuissent, anno, Appij Claudij ambitione commouerentur, & in tantam insolentiam inciderent. Quæ cum ita sint, eam potentiam secundum leges & populi suffragia collocatam, dicimus Reipublicam perniciosam esse non posse, quæ iustis de causis tribuitur, quæque suis limitibus ac certo temporis spacio terminatur: non eam quam Populus, vel largitione, vel sua imprudentia persuasus, absolutam & nullis terminis circumscriptam, largitur, cuiusmodi illa fuit, quam Pop. Romanus Decemviris contulit. Id ita se habere intelliges, si commemoratas iam

causas expenderis, propter quas & dictatores benè, & Decemviri Rempublicam malè administrauerint. Et modum etiam obseruari, quo alię benè institutę Respub. magnam potentiam suis attribuerint: veluti Spartani suis Regib. & Veneti suis Ducibus tradiderunt: vtriq; enim limites eorum potentię constituerunt, & custodiam quandam illi pręfecerunt, ne si mali essent, possent potentia sua in perniciem Reipub. vti. Neque enim sufficit si huiusmodi potentia in viros bonos conferatur: quod vbi summa potentia est, ibi facilè corrumpantur boni mores, contrahanturque amicitia, opes acquirantur, clientelę comparentur, & infinita alia eius generis breui temporis spacio oriantur: quemadmodum ex Decemvirorum historia apud Romanos satis superque apparet.

Si quis ciues summos magistratus gesserunt, eos non debere postmodum aspernari minores.

CAPVT XXXVI.

Marco Fabio, & C. Manilio Coss. præclaram de Veientibus, Hetruicisq; victoriam populus Romanus obtinuit: sed in conflictu occubuit Q. Fabius

bis Marci Frater, qui superiori anno Consul fuerat. Quod loco sese offert præclara occasio, admirandi præclaram Rom. Reipub. formam, statutaq; ad imperiū augendum quam maximè accomodata: à quorum institutis, quo magis recedunt Respub. quæ nostro tempore florent, tantò magis eas aberrare certum est. Romani ciues certè etsi gloriæ quam maximè auidi essent, non dedignabantur tamē quandoq; ijs in exercitu parère, quib. ante ipsi imperassent, & in eo exercitu quandoq; stipendia mereri, cuius ante duces fuissent. Huic rei aduersantur nostro tempore homines, vsq; adeò, vt Venerijs etiam publicis legib. quis recusare possit munus aliquod in exercitu, si prius cum maiori dignitatis gradu militauerit. Quæ res etsi ad priuatorum hominū dignitatem tuendam facere videatur, Reipub. tamen inutilis est: Primum enim ei qui maius aliquod munus administravit, facilius audebit Respub. minus demandare, quam ei maius committere, qui nō nisi in minoribus se exercuerit. Nam iuueni, ac nouo homini non tutò committuntur res tanti momenti, nisi stipati fuerint viris virtute cōspicuis, quorū consilio eas administrare possint. Quod si apud Rom. idem q, Venerijs, & in alijs Rebuspub. obseruatum.

fuiſſet: nec quicquam qui ſemel Cōſul fuiſſet, aliter quā vti Cōſul militare voluiſſet: multa ijs accidiſſent, quibus libertas periclitari potuiſſet. Præterea ſi nouis hominibus tantum imperium ſolis fuiſſet demandatum, nec ij ſecum habuiſſent qui ſæpe alijs muneribus præfuiſſent, quos obſeruare deceret: multa in Reipub. pernitiē perpetrare facile potuiſſent.

Legem agrariam populo Romano multas ſeditiones turbasq; peperitſe ſemperque periculoſum eſſe Reipub. ſi quis legem condant antiquæ conſuetudini aduerſam.

CAPVT XXXVII.

Obſeruatum eſt ab antiquis ſcripto-ribus homines ab aduerſa fortuna affligi ſolere, ſed à proſpera deinde occæcari: & ab vtroque eodem poſtmodū affectus dimanare. Quando enim homines nulla neceſſitas ad pugnam impellit, ambitione impelluntur: quæ tantum poteſt in hominum animis, vt ad quemcunque gradum aſcenderis, nunquam tamen contentus ſis, ſed altius ſemper enitaris. Atque id hominibus propterea accidit, quod natura omnes apti ſint ad appetendas

tendas res quasuis, sed non ad eas conse-
 quendas: cumque maius sit desiderium,
 quam vis comparandi res desideratas: non
 acquiescit animus ijs, quæ iam possidemus.
 Hinc nascitur deinde omnis fortunæ va-
 rietas: nam cum semper plura omnes ap-
 petamus: iidemque etiam metuamus, ne illa
 quæ iam possidemus, amittere queamus:
 in suspensiones incidimus, atque hinc in ini-
 micitias, ac funebre bellum descendimus:
 ex quo ruina Reipub. consequitur. Hæc in
 eum finem disputauimus, ut melius Ro-
 manæ plebis naturam cõtemplareris: quæ
 necessitate quadam impulsæ sese aduersus
 Patritios, Tribunitia potestate, munire
 coacta fuit. Sed postquam hoc obtinisset,
 ad quod appetendum necessitas vrgebat:
 ambitione ipsa commota, honorib. & opi-
 bus etiam cum Patricijs certare voluit: ex
 qua re seditiones ortæ sunt de lege Agra-
 ria: ac demùm Reipub. interitus. Cæterum
 quia necesse est, ut in Repub. rectè instituē-
 da, ratio potior habeatur publici, quam
 priuati boni: non potuere Romani, in ijs
 quæ ad hanc legem pertinebant, non errasse
 à principio vrbis: quod illam non talē cõ-
 stituerint, ut de ea successu temporis non
 opus esset tot altercationib. dimicare: nisi
 fortè pronuntiare velimus: rectè quidem à

principio omnia, quæ ad illam pertinebāt constituta esse: sed temporis successu fuisse obliterata. Vtut se res habeat, Romæ certè nunquam facta mētio est huius legis, quin magnæ controuersię atque turbæ sequutę fuerint. Duo autem erant illius capita. Primum, ne cuiquam ciuium Romanorum liceret possidere amplius, quàm certum quendam iugerorum agri numerum. Alterum vt agri qui ex hostib. capti essēt, P. Romano viritim distribuerentur. Vtrumque autem patrib. aduersabatur: nam cum plerique plus agri possiderent, quam hæc lex illis permetteret: publicabantur hoc plebiscito illorum fortunæ: & cum viritim diuidendi agri essent, qui ex hostibus caperentur: auferebatur iisdē patribus occasio, quo minus ditescere possent. Quæ cum ita essent atque hæc lex patrum potentiaē tantopere aduersaretur: nunquam eius mentio à tribunis fiebat, quin ijs patres sese magno conatu opponerent tanquam pro aris & focus dimicaturi: Cæterum tribunitijs furoribus prudentia occurrebāt: nam cum eam rogationem promulgare vellent: patres vt impedire possent, expeditionem suscipiebant, exercitū conscribebāt, aut per aliorum tribunorum intercessionem, eorum qui rogationē promulgassent potestatem

tem dissoluebant: aut nouas Colonias deducebant. Quemadmodum accidit tunc, cum Antium Colonia deduceretur: quo tempore quum in magno Agrariorum Patrumq; certamine, hoc remedium vnicum pacis inuentum fuisset: per pauci tamē fuisse, vt Liuius inquit, qui ad accipiendum agrū nomina darent, vt ad explendū numerū Coloni Volsci adderētur: cætera. n. multitudo poscere agrum Romæ malle, quam alibi accipere. Subinde tamen repullulabant huiusmodi agrariorum cōtentiones, vt cogerentur, earum sedandarum causa, exercitus ad extremas Italiæ oras, atque etiam extra Italiæ fines educere: ita enim accidebat, vt cum agri qui ex hostib. caperentur, procul ab vrbe distarent, nec plebi eorum colendorū ratio aliqua, nisi difficilissima superesset, sopirētu Agrariarū legum rogationes. Cæperunt etiam mitiores esse Romani in mulctandis agro hostibus: & si qui tamen agro suo expellerentur: tunc eò Colonias deducebant. Hisce artibus illas contentiones sopiuerunt vsq; ad Gracchorum tempora, à quibus de nouo excitatæ, Reipublicæ causam præbuerunt, amittendæ libertatis. Nam cum firmiores iam essent Patriciorum vires: tantum inter eos & Plebem certamen effecerunt, vt ad arma

perueniretur: quibus cum Magistratus obuiam ire nō posset, & partium studia exardescerent: eō vsque ventum est, vt vtraque pars de eligendo sibi principe cogitaret. Plebs ergo Marium sibi delegit, eumque quater Consulem fecit: atque ille deinde auctus imperio, & potentia, rursus seipsum ter consulem creauit. Aduersus huiusmodi incendium, cum patres non aliud remediū haberēt, ad Syllam sese conuerterunt, quē cum suarum partium ducem creassent, bello ciuili exarsit Reipublica, ac varia fortuna, sæpiusque multo sanguine pugnātū est, donec patres superiores euaserunt. Vltimò denique eadem studia C. Cæsaris & Cn. Pompei temporibus excitata, ruina Reipublicæ pepererunt. Nam cum Marianarū partium C. Cæsar, & Pompeius Syllanarū princeps esset: vicit Cæsar, & primus fuit qui tyrannidē Romę occupauit, post cuius tempora, nunquam amplius libertatem ea vrbs consequi potuit. Huiusmodi fuit cōtentionum de Agraria lege initium: huiusmodi etiam finis fuit, quibus repugnare videtur illa disputatio, qua capite quarto huius libri contendimus, discordias, quę Romæ inter plebem & Senatum fuerunt, ad augendum Imperium & conseruandam libertatem conduxisse, cum subinde occa-

sionem

fionem darent bonis legibus fanciendis,
 quæ ad libertatem populi conseruandam
 facerent. Ad quod ego respondeo: Nil im-
 pedire legis Agrariæ exitum, quo minus
 vera sint, quæ eo loco differuimus: tanta est
 enim magnatum ambitio, vt nisi illa varijs
 modis in ciuitate frenetur, mox sit imperiũ
 occupatura. Et cum viderimus Agrarias
 contentiones grassatas esse trecentos an-
 nos, antequam Reipub. libertatem euer-
 tere potuerint: existimare oportet, Patri-
 tiorum ambitionem eam longè citius cor-
 rumpere potuisse, nisi plebs ei, cùm hisce
 Agrarijs, tũ aliarum rerum contentioni-
 bus frenum iniecisset. Quo loco obserua-
 re oportet etiam opes ab hominibus ma-
 gis in pretio haberi, quàm honorum gra-
 dus: nam patres Romæ cum de honoribus
 cum plebe certarent, sine vehementi mo-
 ru cesserũt. Sed cum de opibus certari cœ-
 prum esset, tanto conatu eas defenderunt,
 vt maluerint ad incendia illa peruenire,
 quàm eas amittere. Eorum incendiorum
 causam Grachi ferè suppeditarunt, quorũ
 voluntas & studium erga plebem melius,
 quàm prudẽtia laudari potest. Nam extir-
 pare velle malum aliquod, quod lógo tẽ-
 pore in Republica durauit, & sancita lege
 tempora emendare dudum præterita, res

est periculo plena, & quæ ad id malum augendum potius, quàm tollendum facere queat: quod si verò id patienter feratur, nō tam citò ad extremam perniciem pervenire solet, & quandoq; etiam spontè aboleri.

Respublicas debiles plerunque consilio destitutas esse, & quæ facienda sibi discernunt, ad ea necessitate magis quàm prudenti consilio impelli.

CAPVT XXXIII.

CUm Romæ pestilentia olim grassaretur, existimarunt Volsci & Æqui oblatam sibi occasionem vrbis opprimendæ, quamobrem coniunctis viribus Hernicos Latinosque inuasērunt infesto exercitu. Id illi populo Romano significare coacti, auxilium ab ipso petierunt. Sed Romani pestilentia afflictī responderunt, se illis eo tempore subuenire non posse: darent igitur operam, ut ipsi met sese defenderent. Quo loco admirari licet, Senatus, Populi que Romani Sapientiam, atque prudentiam, qui ipse met quidem statuere voluit de ijs, quæ fieri oporteret, quicunq; fortunæ status esset, sed interim non dedignatus est, for-

fortunæ aduersitatem moderatè ferens, id
 cōsiliū arripere, ad quod occasio duceret,
 quamuis non videretur esse ex sua dignita-
 te. Nam cum iisdē hīc populis aliās inter-
 dixissent, ne ipsimet arma caperent, ac se se
 defendērent: potuissent eis videri, nisi prę-
 sentem rerum statum considerassent, quod
 eo ipso, quod illis defendendi sui potestati
 facerent, de suo iure cedere viderentur. Ac
 populus imprudentior & minus confide-
 ratus ob hasce causas id illis non permisit-
 set: sed Romani prudenti consilio omnia
 administrantes, id malum quod altero mi-
 nus esset, necessitate coacti, tanquā si bo-
 num esset admiserunt & acceptarunt. Nam
 cum neq; ex ipsorum dignitate esset, quod
 subditos suos ipsi defendere nequirēt, ne-
 que Reip. cōmodum, ut iisdem subditi pro-
 prijs viribus se hostib. opponerent: tamē
 cum intelligerēt fore omnino, ut oppressi
 arma caperēt, ac se defendere etiam iniussi
 conarentur: Id consilium, quod honestius
 erat, arripuerunt, & permiserunt ipsis ut ar-
 ma caperent, saltem ut pop. Romani iussu
 id facere viderentur: neq; alias pro suo ar-
 bitrio aut libidine idem auderent tentare
 per se. Quod consilium per se bonum, etiā
 tale videtur, ut quælibet Respublicæ in hu-
 iusmodi casibus illud sint amplexuræ: sed
 quæ

eum Florentinis, se illis Pisas recuperaturū, si quadraginta millia aureorum illi solverent: ob eamque causam verlus Pisas exercitū suum misit Boemontio Gallo duce, cui Florentini non parum confidebant. Hic cum inter Cascinam & Pisas iam esset, & ea quæ ad expugnandam urbem pertinerent, instrueret: peruenēre ad eum Pisani Oratores, & obrulerunt Boemontio urbem, si regia fide promitteret, quod eam antè quatuor menses non esset Florentinis traditurus. Sed cum hoc pactum Florentini nō admisissent, urbem obsedere frustra, & tandem ab obsidione cum summō dedecore discedere coacti sunt. Respuerunt aut id factum Florentini, quod de regia fide dubitarēt, quamvis necessitate coacti, se in illius Clientelam deditissent, nec interim aduertebāt, facilius esse regi, ut Pisas illis traderet, si illas possideret, quàm promittere, se eas traditurum, quas nondum occupasset: quibus accedit, quod si constituto tempore eas non retinuisset, certum argumentum habuissent regię erga se voluntatis, nec promissiones eius tāta pecunia comparassent. Itaque longè magis è re Florentinorum fuisset, ut Boemontium passis essent Pisas, quacunque tandem cōditione occupare, quàm ut ea pacta respuerent

rent. Idq; experientia ipsa tertio anno post comprobauit. Nam cum Aretini defecissent, & rex Galliæ ad eos subigendos Iubaltum quendam Florentinis auxilio misisset, postquã is aliquandiu eos obsedisset, cæpit cū illis de deditiōe consilia tractare. Illi igitur perinde vt Pisani sub certis conditionibus Iubalto se dedere cupiebāt, quod etiam si Florentini denegarēt, Iubaltus tamen Florentinorum imprudentiam admiratus, sua sponte ac nescijs Florentinorum legatis, cū Aretinis vt potuit transiegit, confectisque pactis cum exercitu suo Aretium ingressus, Florētinis significauit, eos esse imprudentes & rerum bellicarum imperitos, quod si Aretium habere vellent, id à Rege peterent qui ipsis illud iam, cum in eo exercitum habeat, melius tradere possit, quàm ante, cum illud foris obsiderent. Florentini etsi à principio Iubaltum calumniari non desinerent: tamen cognouerunt tandem, quod si Boemuntius Iubalto similis fuisset, Pisas quoque sicuti Aretium fuissent recuperaturi. Hæc igitur illis, sicuti cæteris quoque Rebus publ. quæ infirmæ sunt, ob consilij inopiam acciderunt, nunquam enim benè consultare possunt eæ, neque consilia acceptare, in quibus aliquid scrupulosè videtur inesse,
nisi

nisi scrupulus illis externo quodam casu
eximatur.

*Eosdem casus sæpe diuersis gentibus
accidere.*

CAPVT XXXIX.

SI quis præsentēs res conferat cum præ-
teritis, & quæ iam olim gesta sunt, cum
ijs comparare volet, quæ subindè fieri vi-
demus: is facile intelliget eadem & nunc
& olim vitia regnare, easdem cupiditates,
eosdem denique furores hominum ani-
mos exagitare. Quò fit, vt qui in Reipubli-
cæ administratione, res aliquas diligenter
examinet, facilè queat de futuris provide-
re, & futura pericula ijsdem remedijs auer-
tere, quibus veteres vsi sunt, siquidem illa
in promptu fuerint: aut si non suppetant,
de ijs cogitare queat. Sed quia negligitur
hæc contemplatio, aut certè ab ijs qui res
antiquas legunt, non intelligitur: ab ijs ve-
rò qui Rempub. administrant planè nesci-
tur: idcirco fit, vt subindè eadem incen-
dia, eademque mala vt olim oriantur. An-
no Seruatoris nostri 1494. amiserant
Florentini magnam imperij sui partem,
cum inter cætera Pisæ quoque defecissent:
idcirco vt id recuperarent, bellum gerere
coge-

cogebantur: sed quia præpotētes erant hostes, à quibus hæ fuerant ablatae, magnos sumptus faciebant Florentini, nectamen quicquam præclarè gerebant. Sumptuum magnitudo populo grauis erat, atque illinc multae querelae oriebantur aduersus Decemuiros, qui antiqua consuetudine in Republica Florentinorum rebus bellicis præfecti erant, quæ res eò usque aucta est, ut publicè omnes auderent in Decemuiros referre causas & bellorum & onerum, quæ ob bella ferēda essent, assererentque, si hic Magistratus è Republica tolleretur, fore etiam ut finis bellorum sequeretur. Hinc accidit, ut cum tempus esset Decemuiros eligendi, nullos prioribus subrogare voluerint, & rei quoque bellicæ curam Senatui commiserint. Sed hoc ipsum Reipublicæ tam perniciosum fuit, ut non modò finem bellis imponere, ut vulgò putabatur, nequiuert, verum nouas bellorum causas pepererit. Nam sublati ijs, qui prius bellum prudentia quadam, ac rei militaris peritia administrabant, præter Pisas, etiam Aretium amiserunt, & multa alia loca: quamobrem agnito suo errore Florentinus populus, & animaduerso quod ea mala, non ex medico, sed ipso febris incendio nascerentur: intermissum Decemuiorum Magistratū, resti-

restituerunt. Huic casui similis alius fuit Romę, cum aduersus Consules Plebs odio flagrare cœpisset. Nam cum illic quoq; subinde noua bella repullularent, vt ne respirandi quidem facultas dari videretur: existimare debebant id accidere sibi propter ambitionem vicinorum, qui eos opprimere conarentur: sed ipsi causas in Consules reijciebāt, & Patriciorum cupiditates, tanquam si ij, cum Romę plebem Tribunitia potestate munitam vexare satis nō possent: eam extra urbem educere, & sub consulum imperio fatigare, vel planē opprimere vellent. Idcirco necesse esse aut tolli consulum imperium, aut certe legibus ita limitari, vt neque domi, neq; militiæ plebi molestum esse posset. Qui primus ea de re legem rogauit, fuit Terentillus Tribunus plebis, qui suadebat, vt quinque viri eligerentur ad limitandam Cōsulum potentiam. Ob eam rem quamuis patres vehemētissimē indignarentur, ac imperij maiestatem imminutam contenderent, si sua dignitas ipsis non aliter conseruaretur: tamen vicit Tribunorum pertinacia, vt extingui consulum nomen oportuerit. In quorum locum cum tribuni cōsulari potestate crearentur, consulis appellationem odio prosequēbātur, rem ipsam atque potentiam retinebāt, sub

*Comparatio binorū
Casuum
in Romana & Florentina
Repubblica.*

alio nomine: idque eò vsque obseruatum,
donec errore cognito, sicuti Florentini ad
Decemuiros, ita illi ad Cōsules redierunt,

*Quæ fuerit ratio Decemuiratus Romæ?
Quid in eo memorabile? Et quantum tale
quoddam institutum possit, cum ad ops
primendam, tum ad confirman-
dam Rempublicam.*

CAPVT XL.

Liuius lib. **D**Einceps differemus de ijs, quos De-
cemuiratus Romæ peperit, motibus
2. quod vt melius facere queamus, modum
& causas enarrabimus, quib. permotus po-
pulus Romanus ad Decemuiros imperium
traduxerit: Deinde quid in ea re memora-
bile sit, & obseruandum, cum ab ijs qui pa-
trię libertatem conseruare cupiunt, tum ijs
etiam, qui occupandę tyrannidis deside-
rio tenentur. Nam multa ac memorabilia
exempla in hac historia continentur erro-
rum, quos & Senatus Populusq; Romanus
publicę libertati perniciosos, & Appius
Claudius Decemuirorum princeps ad ty-
rannidem aspirans, instituto suo aduer-
sos, commiserunt. Post multas variasque
patrum ac plebis concertationes, vt finem
tandem certaminum facerent, & Rem-
publi-

Publicam huiusmodi legibus formarent, quæ utrisque vtilis & acquirendæ libertati commodæ forent : misi legati Athenas Sp. Posthumius Albus, A. Manlius, & Sulp. Camerinus, iussique inclytas Solonis leges describere, ut ad illarum normam ipsi quoque Rempublicam formare possent. Postquam ij cum legibus redijssent, deliberatum est de ijs, qui has leges intueri, cōtemplarique deberent, & ad illorum normam Romanas condere, ad quam rem, decem ciues elegerunt, & inter eos Appium Claudium nobilem, sed inquietum hominem, ut anni spacio has leges conderent. Quod ut maiori cum autoritate ab ijs præstari posset, voluerunt ne quis alius eo anno magistratus esset ullus, eosque sine omni prouocatione crearunt, quo fiebat, ut vniuersum vrbis imperium penes ipsos iā esset, cum neque consules neque tribuni ulli iam extarent. Hæc cum ita se haberent, totius Imperij principatus iam penes Appium erat fauore plebis, qui nouum ingenium induerat, ut plebicula repente, omninoque auræ popularis Captator euaderet, pro truce sæuoque insectatore plebis. Per cætera tamen summa æquitate erga cæteros omnes utebantur, modesteque sese gerebant, falces non nisi duodecim erant, qui

ei præferebantur, qui tum cæteris præiret, adeoque vnius rei exemplo, licet eorum moderationis argumentū sufficienter desumere. Nam cum sine prouocatione creati essent, tamen cum homicidam quendam deprehendissent, ei apud populum diem dixerunt, & populum id iudicare voluerūt, & antequam reges sancirent, populum in concionem aduocarūt, cuius ipsi legitimi iudices essent. Ius decem tabulis comprehenderunt, quod fœlix faustumq; sit Reip. & ipsis liberisq; eorum, ire & legere leges propositas iussere: se quantum decem hominum ingenijs prouideri potuerit, omnibus summis infimisq; iura æquasse: plus pollere multorum ingenia, itaq; perpenderent singuli, quid in vnaquaque re plus minusue esset: Eas leges populum Romanum habiturum, quas consensus omnium inuexisset, ne iussisse leges magis, quā tulisse eas videretur. Sed cū hę leges latis correctæ viderentur, perlatęq; essent, vulgatur Appij Claudij arte per urbem rumor, deesse adhuc binas tabulas, quib. adiectis, absolui possit veluti corpus omnis Romani iuris. Ea expectatio cum dies Comitiorum appropinquaret, desiderium decemviros iterum creandi fecit: cui rei plebs facile assensit, cum & Consulum nomen perinde

Ius duodecim Tabularum.

inde ut regium odisset, neque tribunitium auxilium desideraret, cum decemviri tanta moderatione uti viderentur. Itaque cum iam Decemviris creandis comitia indicta essent, magna exarsit inter primores patrum ambitio, usque adeo, ut honorem quem ipsi prius impugnassent, à plebe, cum qua contendere solerent, undique supplices peterent. Sed inter omnes Appium Claudium maximè stimulabat continuandi magistratus desiderium, quamobrem ut candidatus potius, quam Decemvir in foro versabatur, cum infimis quibusque se plebi vendicans, eamque undique prehensans, ut eius collegæ, qui prius illi addictissimi fuerant, nihil in eo synceri suspicarentur: neque enim gratuitam in tanta superbia comitatè esse solere. Itaque ut eius institutum impedirent, ipsi habendorum comitiorum munus iniungunt, ne ipse seipsum creare posset, neque enim eò usque quèquam id ausum fuisset. Sed ille pro occasione hoc illorum impedimentum arripuit, & se imprimis Decemvirem creavit, non sine magna omnium bonorum admiratione, neque enim quisquæ id ausurum crediderat. Hisce peractis, cepit animadvertere populus Romanus errorem suum, Appio enim iam finis erat ferendæ alienæ personæ, suoque deinceps

viuere ingenio cœpit, & nouos collegas, priusquam inirent magistratû, in suos mores formare. Initio igitur Magistratus, primum honoris diem, denûtiatione ingētis terroris insignem fecerunt: Nam cum ita priores Decemuii serualsēt: vt vnus fasces haberet, & hoc insigne regium in omnes per orbē iret: ipsi subito omnes cum duobus denis fascibus prodiēre, centum viginti Lictores forum impleuerant, & fascibus securis illigatas præferebant. Atque hic terror aliquādiu adæquatus inter omnes fuit, paulatim vertere in plebem cœpit. Si quis ab vnus Decemuii redditû sibi ius, collegæ appellatione corrigi petiisset, vt priores Decemuii permisērāt, ab eo ab quem venerat, ita discedebāt vt pœniteret, nō prioris decreto steterit. Hinc iā circumspicere patriciorum vultus, plebei & inde libertatis captare auram, vnde seruitutē timendo, in eum statum Rempub. adduxerant. Primores patrum Decemuiros oderant, nec probabant illa quæ fierēt, sed haudquaquam indignis plebeis ea accidere putabāt, cum auidè ruendo ad libertatem, in seruitutē sese præcipitassent: gratas ergo illis esse eas iniurias, vt tædio præsentîû, Consules duo & status pristinus in desiderîû venirēt. Iam processerat maior pars anni, & duæ tabulæ
legum

legum ad prioris anni decem tabulas erāt adiectæ, sed nondum tamen centurias comitijs perlatæ. Decemuii comitorū nullam mentionem faciunt: sed qui prius tribunitios homines circum se ostentauerāt plebi: patritijs iuuenibus iam se perant latera, quib. bona eorum donabant, qui ab ipsis supplicio affecti fuissent: qua mercede iuuentus nobilis corrupta, non modò Decemuirorum iniurijs non ibant obuiā, sed p̄palā licentiam suā malle, quā omniū libertatem affirmabant. Hæc cū ita agerentur, Sabini & Æqui magna manu incursionem in agrum Romanum fecerunt. Decemuii quid facto opus sit cōsultant agnoscuntq; se inter patrum & plebis odia destitutos: nam absq; Senatu bellum ritè suscipere non poterant, & Senatū conuocātes imperiū suum amittere videbātur. Necessitate tamen coacti Senatū cōuocant: is varia aduersus Decemuirorū tyrannidē disputauit, præsertim L. Valerio, & M. Horatio autoribus: sublataq; tunc fuisset eorum potentia, nisi obstitisset odiū plebis. Nam Seniores ac Cōsulares ab residuo tribunitiæ potestatis odio, cuius desideriū plebei multò vehemētius quā Cōsularis imperij esse rebantur: malebant postmodū sponte sua Decemuiros magistratu abire, quā

illorum inuidia exurgere plebem rursus:
 sperabantque si per interualla, & interie-
 ctis bellis res leniter ad Consules redisset.
 posse plebem in obliuionem tribunorū ad-
 duci. Silentio patrum ergo tandem educi-
 rur delectus, eductique gemini exercitus
 Decemuirorum ductu. Appius Claudius
 ad componendos urbanos motus relictus,
 Virginiae plebeiae Virginis amore nephā-
 do captus est, quam, cum per vim sibi ut ser-
 uam adiudicasset, Virginius pater tuendae
 pudicitiae causa, necauit. Atque hinc ortus
 tumultus, cum Romae, tum in exercitu, ef-
 fecit, ut plebs in sacrum montem secede-
 ret, à quo discedere noluit, donec creatis
 Consulibus & Tribunis plebis, Res publi-
 ca pristinum statum, & antiquam libertatē
 recuperasset. Hæc est Decemuiratus apud
 Romanos historia summatim comprehen-
 sa, in qua obseruare oportet, Pop. Romanū
 ob easdem ferè causas sub huiusmodi iugū
 incidisse, propter quas & nunc multis Re-
 bus publicis contingit in seruitutem prola-
 bi. Huiusmodi sunt nimirum libertatis de-
 siderium in plebe, nimiaque dominandi
 cupiditas in patricijs, ob quas causas, si
 quando altercantur, ut non conuenire in-
 ter eos possit, conuertuntur vtriusque stu-
 dia in vnum aliquem cui vtrique confidunt,
 atque

atque is postmodum tyrannidē occupat. Decemuiros crearunt Romæ tanto patrū plebisque consensu, tantaque cum potentia, propter odium, quo illi Tribunitiā potestatem, hæc verò consulare imperiū prosequēbatur. Vbi creati fuissent, simulauit Appius, se popularem esse, & pro causa plebis strenuum futurum: itaque plebem facile sibi conciliauit. Quotiescunq; autem in vrbe populus eò adducitur, vt extollat euehatq; eum, per quem aduersarios suos puniri posse sperat: tunc si hic industrius gnauusque est, imperium vrbis occupare potest. Nam populi auxilio optimates opprimeret, & sublati optimatibus, populum quoque sub iugū seruitutis redigere poterit, cum non habeat iam, ad quē deficere queat, aut cuius auxilium implorare possit. Antequam autem optimates extinxerit, nunquam se ad opprimendum populū cōuertere debet. Hac ratione vsi sunt, quicumque cum quadam industria patriæ tyrannidem occuparunt: quam si Appius sequi potuisset, non tam citò malè partū imperium amisisset, sed is impotentia quadā animi, contrariam viam ingredi voluit: nā cum retinere tyrannidem decreuisset, nil tam stolidè ab illo fieri poterat, quā quod populum, cuius fauore eam occupauerat,

& cōseruare potuisset, opprimere conatus, sibi infensum reddidit: & patres qui neque eam illi concedere, neque cōseruare potuissent, placare, & amicos sibi facere eos voluerit, qui amici esse nunquā potuissent. Nam etsi optimates atq; nobiles libenter imperitent & tyrannide in exerceant: tamen cum tyrannus aliquis vr̄bis imperiū per vim occupat: tunc quotquot illorum participes esse nequeunt fructuum tyrannidis: neq; opima munera administranda obtinent: ij omnes tyrannum canepius & angue oderūt: neq; potest etiā fieri, vt tyrannus omniū volūtati, ambitioni, & avaritiæ satisfaciāt, cum neq; tantę opes, neq; honorum gradus suppetant. Hisce accedit, quod necesse sit eum, qui vim facere velit, fortio rem esse eo, quem opprimere nititur. Itaq; si quis in retinenda tyrānide populū amicū, optimates verō infensos habuerit: fortior tutiorq; erit, quam is, qui populum infensum, & optimates amicos habet, maiores enim semper sunt populi, quam nobilium vires in ciuitate, vt tyrānus solis ijs absq; externis auxilijs se tueri queat. Id in Nabide Spartanorum tyrāno apparuit, qui cum amicum haberet populū, paucos autem optimates hostes, sublati optimaribus populi fauore, sed aduersus pop. Romanum

num vniuersamq; Græciâ defendit, quod nunquam facere potuisset sine populi fauore. Qui verò optimatib. stipatus populū habet inimicum, absque externo auxilio se tueri non potest, quamobrem & Satellitib. indigebit ad custodiam sui corporis, & milite armato, & denique amicitia vicinorum principum ac populorum, quorum Clientela defendatur. Hisce tribus instrumentis fortè seipsum defendere poterit, & malè partum imperium conseruare, quam plebem aduersam habuerit. Sed Appius cum nihil horum fecerit, aut facere potuerit, in primo tyrannidis initio statim corrui. Sed neq; minores fuere Senatus Populiq; Romani errores, quos aduersus libertatem in creâdis Decemviris cômiserunt. Nam etsi prius ostenderimus, cum de Dictatore dissererebamus, eos tantum magistratus libertati publicæ perniciosos esse, qui ipsi per vim imperiū occupant: nō eos, qui populi suffragijs, ac secundum certas leges eliguntur: necesse tamē est, vt cum Populus novos magistratus eligit rationem simul excogitet, ne ij facile possint ad tyrānidē degenerare. Romani autem cum Decem viris custodiam quandam præficere debuissent, ne si fortè cuperent tyrānidē exercere, liceret: ijs potius licentiæ occasionē dederunt,

cum illos solos eo anno imperare voluerint, sublati omnibus cæteris Magistratibus: Quæ quidem omnia admiserunt quod occæcati essent nimio desiderio opprimendi se mutuo, cum & patres tribunitiam potestatem, & populus imperium consulare tantopere sublatum cuperet. Accidit igitur Romanis hoc loco id, quod Ferdinandus Arragoniæ rex sæpè dicere solebat, Homini- bus perinde accidere, eum se mutuo oderunt, ut accidit auibus, dum prædam magna cupiditate persequuntur: nam minores aues in prædam incitatæ, nõ observant alias maiores ceruicibus suis imminentes, à quibus æquè citò dilaniandæ sint. Sed hæc iã satis à nobis sunt disputata, de malo cõsilio Populi Romani, quod ad Decemuiros conseruandæ libertatis causa imperium traduxerit: & Appij Claudij stultitia, qua malè partum imperium amisit.

Imprudenter facere eum, qui cum esset humanus & humilis, statim superbus fit: & eum etiam, qui statim ex bono, crudelis fit sine intermedys.

CAPVT XLI.

INter cætera quæ Appius, postquam occupatam tyrannidem conseruare conabatur,

batur, imprudenter egit: non parui momenti fuit subita eius morum mutatio. Astute ille quidem, & callidè se, ut popularem, à principio plebi venditavit: id enim ad tyrannidem occupandam commodum erat: quemadmodum etiam modus, quo effecit: ut Decemviri in alterum annum crearentur, ad suum institutum præclare faciebat: nec imprudenter fecit, quod præter omnium optimatum expectationem, se ipsum Decemvirum creare, sibiq; tales collegas, quibus confidere posset, adiungere ausus fuit. Sed postquam hæc omnia perpetrasset, stultè egit, quòd mores tam subito mutavit, plebiq; ex amico hostem se declaravit: Quod si id tamen facere decrevisset, non tam subito fieri oportebat, sed sensim, ne dolus patefieret, utq; aliquas eius mutationis causas reddere posset. Nam qui boni viri speciem aliquandiu præ se tulit, decrevitq; prauus esse: is hanc mutationem instituere debet secundum octationes, ut antequam amicos perdas, qui tibi prius, ut bono viro fauebant, alios hisce contrarios, malefaciendo sensim compares. Nam si hoc neglexeris, ac statim nequitiam tuam patefeceris omni amicorum auxilio destitutus, peribis.

Quam

*Quam facile mores hominum cor-
rumpantur.*

CAPVT XLII.

DIGNVM obseruatione est atq̃ hoc,
in historia Decemuirorum: quam
facile hominum mores mutantur, & in
contrariam quasi naturam degenerent,
quamuis boni prius, ac benè educati fue-
rint. Cum intelligamus nobiles illos iuue-
nes, quos Appius sibi adiunxerat, munerib.
corruptos, tyrānidi fauere, & licentiam il-
lam suam, quam publicam libertatem mal-
uisse. Q̃ Fabium autē virum optimū, inter
secundos Decemuiros, ambitione quadam
& Appij malitia persuasum, Appio similem
effectū. Quę res si diligenter obseruētur, le-
gislatores monere debēt, vt hominū cupi-
ditates frenent legib. ne quisquā qui Rei-
pub. gubernandę præficitur, sperare queat,
se impunè laturum, si quid tale deliquerit.

*Eos esse bonos ac fidos milites, qui glorię
ac laudis comparandę studio
dimicant.*

CAPVT XLIII.

Ex eadem hac Decemuirorum histo-
ria animaduertere licet, quantum in-
ter sit ad rem benè ac prosperè gerendam, vt
militum

militum animi paccati sint, & parati ad di-
 micandum pro gloria comparanda, nō au-
 tem inquieti, & pro cuiusvis ambitione
 pugnare coacti. Nam cum exercitus Pop.
 Romani Consulū imperio ducti, semper
 victoriam de hostib. reportare consuevis-
 sent: sub Decemviroꝝ insignib. semper
 victi cæsiq; fuerunt. Atque hinc etiam co-
 gnoscere licet, quam parum tutum sit, mer-
 cenario milite uti, quem nil aliud ad virtu-
 tem incitare potest, quam exiguum illud sti-
 pendij, quod à te sperat: Id autē non tanti
 momenti est, ut eum tibi tam fidum effice-
 re queat, ut mortem pro te oppetere velit.
 Nam in quo exercitu miles, erga eum pro
 quo militat, non singulari quadam beneuo-
 lētia affectus est, vsq; adeo ut particeps esse
 videatur victorię, quę comparabitur: is ho-
 sti præpotenti vix vnquam resistere pote-
 rit. Huiusmodi autē amor militū erga im-
 peratorē, non esse potest, nisi tunc, quando
 subditi pro bono principe, aut legitimo
 magistratu, aut pro aris & focis dimicant.
 Itaq; necesse est eā Remp. aut principē, qui
 se se suaq; tueri velit, suosmet subditos di-
 sciplina militari instituere, ut eorū opera tu-
 to uti possit, cū opus fuerit: idq; ab omni-
 bus ijs vsurpatum esse nouimus, quicunq;
 in re bellica præclari quippiā præstituerūt,
 Inerat

Inerat certè P. Romani exercitibus eadem virtus sub Decemuiris , quam & olim sub Consulibus declarauerant : sed quia non ita erga Decemuiros affecti erant , vt erga Consules & patriam prius: idcirco non eadem virtutis specimina , vt olim edebant. Sed postquam extincta fuisset Decemuirorum tyrānis, & patriæ libertas recuperata: tunc eodem, vt prius erga Rempub. animo affecti, eadem iterum virtutis specimina ediderunt:

Populi multitudinem sine ductore nil proficere: nec oportere ei minari, à quo sis quippiam petiurus.

CAPVT XLIIII.

Cum plebs Romana, cæde Virginiae excitata. in Sacrum montem armata secessisset , Senatus missis ad illam binis consularibus suis , quæsiuit qui sibi vellet , quod armati Auentinum obsedissent, desertoque bello patriam suam cepissent? Tantum autem valebat apud plebem Senatus autoritas, vt cum nondum ducem haberet, nemo responsum dare auderet: & vt Liuius inquit: Non defuit quid responderetur: deerat qui responsum daret, nullo dum certo ducē, nec satis ardētibus singulis

gulis inuidiæ se offerre. Quo loco obseruare decet, quam parum proficere queat populi multitudo absque certo duce: idq; iam tum, cum à cæteris, tum Virginio præcipuè obseruatum est: quamobrem curauêre tunc, vt ex ipsis, viginti tribuni militum crearentur, qui summæ rerum præessent, & cum Senatu de ijs agerent, quæ postularent. Cæterum cum ante creatos hos viginti tribunos à multitudine cõclamatum esset, non duros se responsum, nisi ad eos mitterentur Valerius atq; Horatius: Placebat Senatui Valerium Horatiumq; in Auētinum ire: sed illi negabant se aliter ituros, quã si Decemuii deponerent insignia magistratus eius, quò anno iam ante abissent. Quòd cum Decemuii post multam concertationem facere coacti fuissēt: Valerius Horatiusq; ad Plebem profecti, intellexêre, id eam velle vt tribunitium auxiliū sibi restitueretur: præterea vt deinceps ab vno quoque magistratu, liceret ad populū appellare: Decemuiros denique sibi ad supplicium tradi, quos viuos igni crematuros minabatur. Ad quæ Legati, placere sibi cætera postulata; eaq; vltro illis offerendā: vltimū damnarūt: nam crudelitātē, inquiunt ad plebē legati, metuitis, crudelitatis odio in crudelitatem ruitis: & priusquam liberi

fitis, dominari iam in aduersarios vultis. Non oportere ergo nunc eius rei facere mentionem, cum recuperatis magistratibus. legibusque, iudicia essent penes eos futura: ac tunc de vniuscuiusque capite atque fortunis, prout causa fuerit, constituere posset. Hic verò obseruare oportet, quàm stultè agant, qui cum impetrare quippiam conantur, antequam id obtineant, ostendunt in quos usus eam conuertere decreuerint, præsertim si illi futuri sint formidolosi. Perinde enim est ac si dicas, concede mihi arma ut te iugulare queam: satis est arma solum postulare, cum ea obtinueris, ea facere quod libebit.

Mali exempli rem esse, si Legislator eam quam ipse tulit legem, non seruet: præterea, admodum periculosum esse vrbis moderatori, si antiqua odia nouis iniurijs subinde res nouet.

CAPVT XLV.

COMPOSITIS motibus qui ex Decemuirorum tyrannide orti fuerant, & restituta in pristinam libertatem Repub. Virginius Appio diem dixit. Cumque ijs patricijs iuuenibus stipatus; in forum

rum descendisset: Virginius eum in vincula conijci iussit: Appius ad Populum prouocat, Virginius negat eum, qui iura prouocandi iustulisset, prouocare posse: neque fidem illius populi implorare, cuius omnia iura obruisset. Appius e contra, implorare lenes de prouocatione eo ipso anno latas. Contra ea Virginius, vnum Appium Claudium & legum expertem & ciuilis & humani iuris esse aiebat. Inter has contentiones Appius in carcerem coniectus, & antequam dies iudicij adesset mortem ipse sibi consciiuit. Atq; hic pronuntiare oportet, Pop. Romanum leges iam iam ab sese latas, ne in Appio quidem violare debuisse, quamuis eius vita omni genere sceleris cōtaminata fuisset. Nihil equidem tam mali exempli in Re pub. esse credo, quam si leges nuper late non obseruentur, ne ab eo quidem qui illas tulit. Cum Respub. Florentinorum anno Domini 1494. in pristinum statum restituta fuisset, auxilio Hieronymi Sauonarolę monachi, cuius scripta de ipsius sapientia, doctrina, atque animo satis restantur: isque legem obtinuisset magno labore ad ciuium libertatem defendendam, qua prouocare licebat à Senatu, & Octouiris ad Populum, accidit paulò post, vt quinque ciues à Senatu damnati ad populum prouocarent:

nectamen ijs id permissum fuerit. Quæ res Monachi huius auctoritatem vehementer imminuit. Nam si ex vsu Reipub. erat lex illa de prouocatione, nunquã pati debuisset, vt contra illa statim deinqueretur: si non ex vsu Reipub. erat: nõ debuisset prius eam tanta contentione obtinere. Atque id in illo Monacho tantò magis fuit obseruatum, quod in tot cõcionibus, quas habuit, postquam in eam legem peccatum fuerat, neque vnquam eos reprehēdit, qui in eam peccauerant, neque excusauit: tanquam si id peccatum, quod tunc in ipsius commodum cederet, excusare non vellet: quæ res eum ambitionis insinulauit, auctoritatem imminuit, & deinceps multas molestias peperit. Periculosum est etiam Reipubl. cū nouis supplicijs veterum iniuriarum redintegatur memoria: quemadmodum Romę factum est, cum plebs, Decemuiris deiectis, tribunitium auxilium recuperasset. Nam & Decemuiri omnes, & ciues insuper alij accusati sensim damnatiq; fuerunt, vt ingens metus patres incessest, neq; tribunos iam aliter, quàm prius Decemuiros formidarent. Quæ res magnum Reipub. periculum certè peperisset, nisi M. Duellius tribunus plebis, inhibito salubriter modo nimix potestatis, finem supplicijs imposuisset:

fuiſſet:is enim edictum promulgauit, ne eo anno cuiquam amplius diem dicere, aut in vincula quemquam cōijcere liceret, eaque moderatione Patrib. merum dempſit. Atq; hinc cognoſcere licet, quàm periculofum ſit, cū in libera ciuitate adminiſtranda, rū gubernanda monarchia, ſi ſubditorum animi perpetuo ſuppliciorum metu ſolliciti ſint: quod hinc ad varias cogitationes atq; conſilia, de conſeruandis ſe ac rebus ſuis moueātur: audacesq; ſiant, minusq; horreant etiā grauiffima facinora patrare. Quod ſi ergo huiusmodi motus aliquando oriantur, eos ſedare oportebit, aut abſq; cæde & ſanguine vllō: aut ſi plane fieri nequeat, quin de quibuſdam ſupplicium ſumendū ſit: in id certè incumbendum, vt ſimul & ſemel puniantur omnes, quos punire oportet, & poſtea quieti operam dare, vt placētur hominum animi, tutique à periculis eſſe videantur.

Homines ſubinde magis magisq; ambitioſos fieri: primò enim eò ſpectare, ne ab alijs opprimantur, poſtea eò etiam eniti: vt ipſi alios opprimere poſſint.

CAPVT XLVI.

POST QUAM Populus Romanus recuperata libertate in priſtinū ſtatum

redijſſet, tantoque etiam maiora tuendi ſui
fundamenta poſuiſſet, quantò plures leges
aduerſus patriciorum potètiã obtinuif-
ſet: occaſionem habere videbatur iuſtamq;
cauſam quieſcendi, & concordiam colen-
Liuius
lib. 3. di: Quod etſi ita eſſet, tamen ſubinde noui
motus oriebantur: quarum rerum cauſas
& rationes cum Liuius mihi videatur præ-
clarè exprimere: non ab re fore putaui, ſi
ſummam eorũ, quæ de hac re diſputat hoc
loco recenſuerim. Alter ſemper ordo, in-
quit, grauis alterius modeſtię fuit: quieſcẽ-
ti plebi ab iuniorib. patrum iniurię fieri cœ-
ptæ. Vbi tribuni auxilio humiliorib. eſſent,
imprimis parum proderat: deinde neque
ipſi quidem inuiolati erant. Seniores cõtrà
patrũ, vt nimis feroces ſuos credere iuue-
nes, ita malle, ſi modus excedendus eſſet,
ſuis, quã aduerſarijs ſuper'eſſe animos. Ad-
eò moderatio libertatis, cum æquari velle
ſimulãdo, ita ſe quiſq; extollit, vt deprimat
aliũ, in difficili eſt: cauendo ne metuãt ho-
mines, vltro metuendos ſe efficiũt, & iniu-
riam à nobis repulſam, tanquam aut facere
aut pati neceſſe ſit, iniungimus alijs. Hæc
Liuius. Nos verò ex hiſce colligere iã poſ-
ſumus, cauſas diuerſarum conſultationum
quæ in ciuitate inſtituuntur, eò quod ho-
mines ſubindè magis magisque ambitioſi
euadant.

evadant. Vt verissimum esse videatur quod apud Salustium C. Cæsar inquit: Omnia mala exempla ex bonis initijs orta esse. Nam qui ciues in Rep. ambitiosi sunt, ij primum muniendi sui rationes tales ineunt, ne ipsi vel ab alijs ciuibus, vel etiam ipsis magistratib. lædi & iniuria affici queant, ob quam rem amicitias sibi atque clientelas comparant, cum largitionib. tñ varijs officijs. Quæ res quia cum virtute coniunctæ videntur, idcirco tolerabiles sunt: nec quisquâ esse solet, qui se à principio hisce hominib. opponere velit: quod accidit eas ad tantum fastigium quandoq; ascendere, vt & priuatis hominib. postmodum terrori sint, & magistratib. ipsis formidabiles. Postquâ ad tantam potentiam ambitiosi homines peruenerunt, nemine eorum principijs obstante: periculosum est eos inuadere, propter causas de quibus supra cap. 13. disputauimus. Nam tunc eò res redijt, vt necessum sit, aut magno cum periculo huiusmodi homines opprimere, aut sub illorum seruitutis iugum perpetuum reduci: nisi spes aliqua sit, fore vt morte interueniente, olim sponte intereat ipsorum potentia. Interim verò dum durat, nemine audente vel illos, vel ipsorum clientelas attentare: facile illis est de ijs, quæ coram ipsorum tribunali propo-

buni, contenta plebs fuit, quod existimarent hoc modo extinctam iri Cōsulum potentiam, si ipsi quoque huiusmodi honorū participes fierent. Cum autem creādus hifce tribunis consulari potestate comitia indicta fuissēt: populus omnes patricios creavit, contentus eo, quod ratio habita plebeiorum esset. Atque ita docuit eorum comitiorum euentus, vt Liuius ait, alios animos in contentione libertatis dignitatisque: alios secundum deposita certamina, in incorrupto esse. Cæterum dum mecum animo verso, quid in causa fuerit, quod cū tanta contentione obtinuerint, vt liceret hos tribunos de plebeis quoque creare: tamen patricios postea omnes crearint: Inde illis hoc accidisse existimo, quod cum Populus de rebus generalibus differit, errare vt plurimum soleat: sed cum ad singularia accedit, non facile aberrer. Videbatur sibi Romana plebs, dum rem generatim, & in abstracto considerabat, æquè digna esse cōsularu, atque essent patricij: cum plures plebei quàm patricij in vrbe essent, præterea cum in gerendis bellis hostium vim ipsi sustinere cogerentur, adeoque ij ipsi essent, quorum opera Romani imperij potētia augeretur, & liberè conuersaretur. Itaque summa contentione obtinuit, vt tribuni il-

li, qui consulari potestate creabantur, tam ex plebeis, quàm ex patricijs eligi possent. cum iam accedendum esset ad singulos plebeios, ut de ijs iudicaretur, quinam ad hunc honorem essent euehendi? agnouit suos homines patricijs inferiores esse, usque adeò, ut quod munus plebs ipsa vniuersa mereri videretur, ad id sustinendum nullum plebeium hominem idoneum inuenerent: itaque ad patricios se conuerterunt, & ex illis tribunos illos omnes elegerunt. Quam iudicij æquitatem Liuius suo tempore admiratus his verbis extollit. Hanc modestiam, æquitatemque & altitudinem animi, ubi nunc in vno inueneris, quæ tunc populi vniuersi fuit? Huic exemplo simile est illud Pacuuij Calauij Campani, qui post cladem Cannensem, cum afflicta Italia, vrbs quoque Capua ad defectionem inclinare videretur, ob discordias quæ inter plebem, & Senatum erant: decreuit imperandi desiderio, rationem quandam inire, qua Senatum seruaret, & sibi plebiq; obnoxium faceret. Senatu ergo conuocato, periculum quod imminabat, aperuit, plebem enim eò spectare, ut per cædem Senatum vacuum Rempublicam pœnis traderet: eo se periculo liberare eos posse, si se permittant sibi, &

certa-

*Liuius
lib. 23.*

certaminum in Republ. obliti, credant. Cum omnes victi metu permitterent, claudam in curiam vos, inquit, & tanquam & ipse cogitati facinoris particeps, approbando consilia, quibus nequicquam aduersarer, viam salutis vestræ inueniam. In hoc fidem, quam vultis, ipsi accipite. Fide data egressus, claudi curiam iubet; præsidium in vestibulo relinquit, ne quis adire curiam iniussu suo, néve inde egredi possit. Tunc vocato ad concionem populo. Quod sæpius, inquit, optastis! Campani, ut supplicij sumēdi, ex improbo ac detestabili senatu, potestas esset: eam nunc, non per tumultum expugnātes domos singulorum cum summo vestro periculo, sed tutam habetis ac liberam. Clausos omnes in curiam accipite, solos, inermes, Ac ne quicquam forte aut temerè faciatis: vobis de singulorum capite ius dicendæ sententiæ faciam, ut quas quisque meritus est, pœnas pendat. Sed ante omnia vos ita iræ indulgere oportet, ut potiore ira salutem atque utilitatem vestram habeatis. Etenim hos senatores odistis quidem, sed senatum tamen omninò nō habere nō vultis: quippe aut Rex, quod abominandum est, aut, quod unū liberę ciuitatis cōsiliū est, senatum habere oportet. Itaque duę res simul

agendæ sunt vobis , vt veterem senatum
collatis, & nouum coopretis. Citari singu-
los senatores iubebo , de quorum capite
vos consulam , quod de quoque censueri-
tis, fiet. Sed priùs in eius locum virum for-
tem ac strenuum nouum senatorem coo-
ptabitis, quàm de noxio supplicium suma-
tur. Inde confedit , & nominibus in urnam
coniectis, citari, quod primum forte nomē
excidit, ipsumque ex curia produci iussit.
Vbi auditum est nomen ; malum & impro-
bum pro se quisque clamare , & supplicio
dignum. Tunc Pacuuius , video quæ sen-
tentia de hoc sit data : eieitur pro malo at-
que improbo : bonum ergo senatorem &
iustum eligite. Primo silentium erat, inopia
potioris subiiciendi : deinde cum quis o-
missa verecundia quempiam nominasset,
multo maior extemplò clamor oriebatur :
cum alij negarent nosce , alij nunc probra,
nunc humilitatem sordidamque inopiam,
& pudendæ artis , aut quæstus genus ob-
ijcerent. Hoc multo magis in secundo ac
tertio senatore factum est , vt ipsius pœni-
tere homines appareret: quem autem in e-
ius substituerent locum , deesse videbant:
quia nec eosdem nominari attinebat, cum
ad nihil aliud quàm ad audienda probra
prius nominati viderentur, & cæteri mul-
tò hu-

tò humiliores , obscurioresque essent. Ita dilabi homines cœperunt , notissimum quodque malum maximè tolerabile dicētes. Atque hinc Pacuvius occasione sumpta, qui interest , vt Senatum habeatis, inquit, eoque omnino carere non vultis: nec tamen in antiquorum Senatorum locum, meliores subtitere potestis: satius erit, cū ijs in gratiam redire. Nam & ij hoc periculo perculsi, vobis deinceps benigniores erunt, quàm si novos in eorum substituere- tis locum. Hac arte Pacuvius plebi, imprimisque sibi reconciliauit senatum: quo loco rursus apparuit, quomodo plebs generatim differens de rebus errer: sed ad individua accedens errorem agnoscat. Existimabat indignos esse eo honore illos , qui tunc senatores erant : sed cum sigillatim deliberandum esset, qui novi quibus antiquis suffiendi essent: animaduernerūt posteriores fore illis deteriores. Errat etiam populi multitudo generatim de rebus differens, cum ex alijs causis illas oriri putat, quàm verè oriantur: quas rursus particulatim intuens , & animaduertens agnoscit. Anno Servatoris 1494. pulsi erant Florentia principes eius Reip. nec erat vlla æqualis rerum moderatio, sed licētia quædam popularis, qua omnia in peius ruere, & mi-

nari ruinam videbatur. Ea de re plebei per plateas & forum cursitantes disputabant, & potentium ciuium ambitionem accusabant, tanquam si illi hos inordinatos motus nutrent in eum finem, vt tandem Rempub. ex suo arbitrio constituere, & publicę libertati quamplurimum detrahere possent. Hęc differentes quamplurimos calumniabantur, simulque minabantur, si ad gubernacula Reipub. peruenirēt, se hos dolos patefacturos, & fontes punituros. Sed interim persæpe accidebat in eo statu Reipub. vt aliqui illorum ad summos magistratus peruenirent. Ac tunc, cum eo peruenissent, ac rerum causas viderent, eaque considerarent: agnoscebant se prius errasse: neque enim aliquorum optimatum ambitionem, sed temporum eorum difficultatem, eos motus, eaque pericula parere: itaque alios animos induere, & aliter sentire quam prius solebant. Sed cæteri interim, qui eosdem hosce prius de Republ. differentes audiuerant, cum eos mutasse sententiam, & reliquis similes factos intellexerent: à cæteris corruptos muneribus esse, non rerum ipsarum peritiores factos putabant. Hęc verò cum permultis euenerent: abiit res in prouerbiū tandem, vt vulgò dicerentur ij, qui ad Rempub. adhi-

heban-

bebantur, alium animum in foro & alium in Senatu habere. Quod si igitur hæc omnia perpendamus: inueniemus hanc esse rationem, qua errantem plebem possimus eò perducere, vt errores animaduertat: si illam à generalibus, & rerum abstractarum à materie disputationibus, ad particularem rerum singularem intuitum reducamus: sicuti vidimus Pacuuium Capuæ, & Romæ Senatum fecisse. Quibus hoc etiam addendum puto, neminem sapientem debere subterfugere populi iudicium in ijs rebus, quæ particulares sunt, veluti quæ ad honorum distributionem, & collationem magistratuum pertinent: quod in hisce solis populus sanum iudicium habere soleat: & si quando illum errare contingat: id tamen vsque adeò rarum sit, vt per paucorum obstinationi potius, quam communi populi iudicio attribui queat & debeat. Quæ cum ita se habeant, deinceps ostendemus quem modum Senatus Romæ obseruare soleret,

si quando plebem in vniuersalibus deceptam, ipsorum particularium experientia agnoscere errores cuperent.

Qui

*Qui vult cauere, ne Magistratus in humi-
les personas & viles conferatur: eum in id
eniti debere, vt ad illum aspirent simul
& summae nobilitatis & insi-
mae conditionis
homines.*

CAPVT XLVIII.

QVando Patres Romæ metuebant,
ne tribuni, qui consulari potestate
eligebantur, ex plebeiiorum ordi-
ne crearentur: duorum alterum facere so-
lebant ad id præcauendum: nam aut effi-
ciebant, vt primores patrum cum magi-
stratum peterent: aut certè, vt reliquis ple-
beis candidatis, viris egregijs, alij se se im-
miserent, itidem plebei candidati, infi-
mæ fortis ac conditionis homines. Alte-
ro enim efficiebant, vt populus honorem
petitum denegare non auderet: altero, vt
puderet in huiusmodi homines sordidos
conferre. Atque hæc omnia eò spectant,
vt intelligas rectè à nobis pronuntiatum
esse, plebem de rebus in genere disse-
rentem aberrare: sed de sin-
gularibus nequa-
quam.

Si urbes, quæ à prima origine liberae fuerunt, tamen difficulter leges consequuntur, quibus libertas earum conseruetur, ut in urbe Roma apparuit: necesse propemodum esse, ut quæ à principio aliorum imperio obnoxia fuere, libertatem non possint consequi.

CAPUT XLIX.

ARDVAM atque difficilem esse rem, ut in constituenda Reipublicæ forma, omnibus ijs provideatur, quibus libertas, tēporis successu, labefactari queat: id exemplo Romanorum satis manifestum esse potest. Nam etsi eorum libertati legibus prospectum esse videretur, cum à Romulo primo conditore, tum à Numa Pompilio, Tullo Hostilio, Seruio, & denique à Decemuiris, qui ad leges condendas creati fuerant: tamen in ipso rerum usu, subinde apparebat aliquid desiderari eorum, quæ ad conseruandam libertatem facerēt. Hinc quoq; orta est Censuræ creandorum ratio, qui libertati, quam plurimum profueret. Nam cum morum arbitri quidam essent, prohibuerunt, ne morum tanta corruptela in Rempublie. cirò irrumpere potuerit.

Et quamuis à principio non sine errore statutum esset, vt in quinquennium crearentur: tamen Mamerci Dictatoris prudentia, postmodum sublatus hic error fuit, ac constitutum, vt non nisi in octodecim menses crearentur. Id quod eos Censores, qui tunc erant, tam malè habuit, vt postmodum ab illis idem Mamercus senatoria dignitate remoueretur, non sine senatus ac plebis indignatione. Quo loco admirari licet, vtrū historici negligētia omīssa sit illius defensio? an verò per lēges non potuerit se contra censores defendere? Iniquum enim est, eum qui legem publicæ libertati salutarem tulisset, ob eā ipsam causam, postmodū ea iniuria affici posse, nec habere defendendi sui instrumenta. Sed vt redeamus eò vnde sumus digressi, ex eiusdē huius Censuræ institutione dicimus manifestum fieri posse: quod si ijs ciuitatibus, quæ à prima origine liberæ fuerunt, difficile est sese talibus legibus institutisque communire, quibus libertatem conseruare, & pacificè viuere queant: neminem debere admirari, si quæ à principio aliorum imperio paruerūt, id successu temporis ex quocunq; tandem casu assequi nequeant. Huic rei documentum esse potest Respub. Florentinorum, quæ à primis initijs Roman. imperio paruit, & ab ex-

*Florenti-
norū Rei-
pub. origo.*

ab exteris hominib. gubernata, lógo tempore de libertate ne cogitauit quidē. Postmodum cum respirandi facultas quædam data esset, suis legib. viuere cœpit: quæ cum mixtæ essent antiquis statutis ad seruitutem potius, quàm libertatem comparatis, non potuere firmum ponere libertatis fundamentum. Hoc modo 200. ferè annos cōstituta, imperium tamen nullum sub ditione sua habuit, quantum quidē ex historijs eius colligi potest. Easdem quoq; difficultates perpessæ sūt omnes illæ ciuitates, quæ à primis initijs aliorū imperio subiectæ fuerunt. Et quamuis Florentiæ per se pècò vsq; peruentum sit, vt paucis quibusdam plena potestas concederetur, nouas planè leges condendi, ac nouam Reipu. formam instituendi: tamen pauci illi non tam communem omnium libertatem ac publicum bonum, quàm proprium vsum in ferendis legibus spectârunt: ex qua re non ordo & æquabilitas libertatis in Repub. sed atroxia orta est. Nā vt de ceteris in præsentia taceamus, hoc certè vel imprimis in Repub. obseruare oportet, in quorum potestate rerū Capitaliū iudicia, & ius supplicium de ciuib. sumēdi cōstituatur. Cui rei Romani præclare prospexerant, cum à quocunque tandem iudice liceret ad populum prouo-

care:& si quādo prouocatio , propter executionis moram, Reipub. periculū creare potuisset: remedium ei malo ipsam dictatam excogitauerant, qua subito mandabatur res iudicata executioni: nec tamen ad id remedium vnquam , nisi urgente necessitate veniebant. Sed Florentini cæteri que omnes , qui aliorum imperio subditi sunt, nō in suis ciuibus , sed exteris hominibus, hanc potestatem positam habebant, ijs nimirum, quos Imperator illorum gubernationi præfecisset. Quam consuetudinem etiam post partam libertatem seruarunt, cum haberent exterum hominem rerum capitalium iudicijs præfectum, quem Capitaneum appellabant: eaq; res periculosa erat, cum à potentiorib. ciuibus vnus hominis iudiciū facile corrumpi posset. Successu temporis deinde, vt solent omnia mutari, successerunt in Capitanei locum, octo viri, rerum capitalium iudices : quæ mutatio non modo vtilior non fuit , sed priori statu longè deterior: semper enim paucorum gubernationi præfecti, optimatū ministri esse solent, contempta populi multitudine. Huic rei Veneti longè melius prospexerunt: Nam etsi Decemviri apud illos potestatem habeant quemcunque ciuium sine prouocatione puniendi : tamen quia
ad

ad potentiores ciues puniendos vix sufficerent : subsidium habent in alijs positum magistratib. maioribus , vt quod Quaran-
tios vocant , & Concilium Prægaium , quĩ
summus est magistratus : in eum finem , vt
ad frenandam potentium ciuium libidinẽ ,
neque accusatores , neq; iudices deessent.
Quod si igitur in Repub. Romanorum , quę
à primis principijs libera fuit , & tot tamq;
sapientum virorum consilijs instituta & le-
gibus formata est : tamen ipso vsu rerum vt
gente , subinde opus fuit noua quędam sta-
tuta excogitare , tanquam libertatis præsi-
dia : nemini mirum videri debet , si in cæte-
ris vrbibus id fieri oporteat , quę neque à
principio statim liberę fuerunt , neque tot
sapientibus viris instructę , qui omnibus ,
quę tempus afferre posset , incommõdis ,
prouidere potuerint.

*Nulli magistratui tantam potestatem at-
tribui debere ; vt consuetas Reipub.
functiones sistere atque impe-
dire queat.*

CAPVT L.

T. Quintius Cincinnatus , & C. Iulius
Mentus Cõsules , cum propter exor-
tam inter eos discordiã Reipub. no-
cerent , nec quicquam eorum expedirent ,

quæ per ipsos fieri oporteret, iamq; omnia iura silerent cæteraque omnia negligerentur: Senatus hortabatur eos ad Dictatorem creandum, per quem Respub. rursus constitueretur & eorum discordiæ modus imponeretur. Sed Consules in cæteris rebus omnibus discordes, in hoc vno conueniebant, ne Dictator crearetur: ob quam causam patres, cum aliud remedium nõ esset, tribunorum opem implorarunt, qui Consules ad creandum Dictatorem coegerunt. Quo loco rursus apparuit tribunitiæ potestatis auxilium, non solum ad patriciorum aduersus plebem insolentiam frenandam utile: verum etiam ad compescendam inter optimates ipsos altercationem & ambitionem salutare. Atque hinc obseruare oportet, quod in republica maximè cauendum est: ne pauci quidam qui rerum potiuntur, cõsuetas necessariasq; Reipublicæ Actiones aut sistere aut tollere queant. Itaque si qui præficiuntur distribuendis honoribus, aut conferendis officijs, aut ad aliam aliquam rem expediendam: simul etiam illis necessitas quædam exequendi officij est imponenda, aut remedium quoddam constituendum, quo, si negligentes fuerint, cogi possint. Id enim nisi fiat, nequaquam benè constituta esse potest eius rei administratio:

stratio : veluti ex eodem hoc Romano-
rum exemplo cernere licet : ex quo faci-
le apparet, si tribunorum auxilium Con-
sulum discordiæ opponi nequiuisset : quam-
plurima Reipub. negotia neglecta fuisse. In
Venetorum Rep. penes senatum, quæ ma-
gnum Consilium vocant, sita est potestas
distribuendorum honorum, eligendorum-
que magistratuum, qui cum in ipsa vrbe,
tum foris per ipsorum imperium ad rerum
gubernacula accedunt. Accidebat autem
quandoq; olim, vt Senatorum multitudo
ex occasione aliqua indignata, aut iracun-
dia commota, nec domi neq; foris succes-
sores, ijs qui magistratibus abiissent, crea-
ret : ex quo non sine magno Reipubl. peri-
culo fiebat, vt ciuitates suis iudicibus ac
magistratibus carerent, idque eò vsque du-
rare solebat, donec aliqua ratio inuenire-
tur, eosdē senatores placandi. Quæ res suc-
cessu temporis Reipubl. plurimum detri-
mēti asferre potuisset : nisi à sapientib. viris
huic malo remedium excogitatum fuisset :
qui arrepta occasione legem obtinuerunt,
ne quisquam magistratus seu domi, siue fo-
ris per ipsorum ditionem, ab sua sede & of-
fij administratione discederet, priusquā
nouus in ipsius locum substitueretur : qua
legē sublata est iam occasio, ne Senatorum

multitudo, ex aliqua causa incitata, remorari queat ea, quæ sine damno publici boni cessare in Republica nequeunt.

*Si quid in Republ. aut Imperio tuo facere
cogeris: simulandum esse, sponte tua id
facere te, quod necessitas facere
cogit.*

CAPVT LI.

*Finis lib.
4. sub finē.*

SAPIENTES Viri gratiam sibi comparant etiam ex ijs rebus, quas necessitate inducti præstant: quæ res à patribus Romæ eleganter obseruata, magnam beneuolentiam illis apud plebem conciliauit: in eo præsertim negotio, quo decreuerunt militib. ex publico ærario stipendia, qui prius cogebantur proprijs sumptibus militare. Nam cū diuturna bella ante oculos posita cernerent, & oportere etiā exercitus suos ad eā conficienda procul à patria duci: faciliè intelligebant, nisi ex publico stipendia soluerentur, nihil horū effici posse. Itaque necessitate urgente Senatus stipendia militib. ex publico decreuit: sed id tanta industria fecit, vt ex eo, quod necessitas facere cogebat, magnam sibi beneuolentiam compararit: nam id præstitit, antequam vel à tribunis, vel à plebe vlla eius rei

rei mentio facta esset. Itaq; nihil acceptum
vnquam à plebe tanto gaudio traditur: cõ-
cursum enim ad curiam esse, prehensasque
exeuntium manus, & patres verè appella-
tos: effectumque esse, vt nemo, pro tam
munifica patria, donec quicquam virium
superesset, corpori aut sanguini suo parcer-
ret. Sed tribuni plebis, communis ordinũ
lætitiæ concordiaque soli expertes, nega-
re tam id lætum ac prosperum consilium
fore, quam ipsi crederent: id enim specie
iam melius esse, quam vsu appariturum:
vnde enim eam pecuniam confici posse, ni-
si tributo populo indicto? ex alieno igitur
patres esse largitos querebantur. Sed quic-
quid illi diceret, plebi id gratissimum fuit:
quod vt patres perseueranter tueri pos-
sent: cum ex censu summa fide contulif-
sent, de suo primi contribuerunt: post
quos, primores plebis, nobilium amici, ex
composito conferre incipiunt: quos vt &
à patribus collaudari, & à militari ætate
tanquam bonos ciues conspici vulgus ho-
minum vidit, repente sperto tribuni-
tio auxilio, certatim in militaria
stipendia conferre
cœperunt.

Eam unicam esse tutam rationem reprimenda nimia ciuis alicuius potentia, atq; insolentia in Repub. si via illi praecludatur, ne ad eam potentiam peruenire queat.

CAPVT LII.

EX superiori disputatione licet obseruare, quantam beneuolentiam patres sibi apud plebem conciliarint, cum ex decreto de militari stipendio, tum modo contribuendi in publicum, ut stipendiū solui posset. Itaque si deinceps eandem beneficentiam declarassent populo in ceteris rebus, dubium non est, quin eum sibi tantopere deuinxissent, ut omnium tumultuū ac seditionum tribunitiarum causas sustulissent: quod in patres potius quam tribunos salutis suæ spem posuisset: sublataque Tribunorum apud plebem autoritate, sublata simul fuisset eorū aduersus Patres potentia: ut tot tantasque procellas excitare amplius nequiuissent. Neque enim vlla tutior meliorque ratio est opprimendæ nimia ciuis alicuius potentia atque ambitionis, quam si impedimentum obijcias rationibus & instrumentis, quib. ille ad eam potentiam peruenire conatur: idque maxime tunc faciendum, cum mores hominum

in

in Repub. corrupti fuerint. Quam viam si ingressi fuissent, aduersus Cosmum Medicum Florentini, qui illi aduersabantur: lōgè plus præstitissent, quam dum illum vrbe per vim expulerunt. Oportebat enim populi fauorem, quo ille nitebatur, beneficijs ad sese conuertere: qua solatione ex illius manib. potentiam eripuissent, sine tumultu, & absque armis. Petrus Soderinus per idem ferè tempus collatis in plebem beneficijs, magnam sibi apud populum auctoritatem conciliauerat: vt ab omnibus vndique publicæ libertatis defensor, protector, & haberetur. Qui igitur illi inuidebant ciues Florentini, tutius longè se illi opposuissent, si eadem, qua ille utebatur, ratione, plebem beneficijs sibi conciliaissent, quam quod suum studium atque operam Mediceo, Soderini aduersario, cōferentes, in causa fuerunt, vt Respub. tota euerteretur. Nam si populi fauorem in sese conuertissent beneficētia aliqua, potentiā, cui ille nitebatur, sine strepitu, & absq; armis minuisset: & in senatu deinde apertè eius sententijs contradicere, & absque vllō populi metu resistere potuissent. Quod si quærat hīc aliquis, num eadem ratione Soderinus ipse, aduersariorum inuidiæ obuiam ire potuerit, impedimenta obijciendo instru-

mentis, quibus ab ipsis oppugnabatur? Ad id ego respōdeo: potuisse illum quidem id tentare: sed neque honestum nec facile factu fuisse. Nam qui Soderino aduersabantur, utebantur Mediceorum opera, quorū auxilio eum tandem oppresserunt. Non licebat igitur illi, qui publicæ libertati conseruandæ præfectus esset: derelicta publicæ libertatis defensione, ad Mediceorum partes transire. Quibus accedit, quod neque Mediceorum fauorem sibi tam subitò & clanculum conciliare potuisset, quin populus eius rei certior factus, beneuolentiam, qua eum prosequabatur, in odium conuertisset: atque ita aduersariorum impetum minus sustinere potuisset. Nam quicumque se Mediceis fauere quocunq; modo ostendisset: is statim in odium plebis incidebat. Necessse erit igitur in rerum gerendarum deliberatione, occasiones rerum considerare, & diligenter perpendere, quantum vna quęque periculi, aut vtilitatis secum afferat: & ea consilia vitare, quę plus periculi, quàm vtilitatis continere videntur: quāuis ad scopum nobis propositum facere videantur: ne idem tibi contingat quod M. Tullio accidit: qui eo ipso auxit M. Antonij vires, quo illas frangere conabatur. Nam cum ab Senatu Antonius hostis Reipub. iudicatus

dicatus fuisset:&magnas copias tamen secum haberet, ex ijs militibus, qui Cæsaris castra sequuti fuerant: suavit Cicero, vt Octauium cum nouo exercitu ipsis Consulibus comitatum aduersus Antonium mitterent: sicut enim fore, vt quamprimum Antonij milites Octauij nomen audirent, ad ipsum, qui Cæsaris nepos esset, & iam se Cæsarem nuncupabat, deficerent: & Antoniũ inermem facile opprimi posse. Sed ea res illi præter spem euenit: nã Antonius cognito rei periculo Octaviũ in suas partes pertraxit, relictisq̃ Tullio & Senatu, coniunctis viribus Rempub. oppresserunt. Optimatum verò potentiam planè sustulerunt. Quam rem à principio coniecturis apprehendere oportebat, aut Cæsarem ipsum, qui tanta virtute hostes suos expugnauerat, & principatum in vrbe occupauerat, aut eius agnatorum quemquam pro publica libertate aliquid præclari gesturum fuisse.

Persape accidere, vt Populus vana quadam spe deceptus, suam ipsius ruinam atque interitum appetat: eum enim magnis promissionibus facillimè moueri.

sæpe decipi falsa quadam boni specie, & suum ipsius appetere interitum : eamque rem, causam existere posse multorum malorum in Republ. nisi plebs ab aliquo, cui ipse confidat, erudiatur, & ab errore suo reuocetur ad sanum iudicium. Quod si quando plebs prius aut ijsdem rebus, aut hominibus decepta, benè in præsentī casu momentib. cōfiderē nō ausit, aut nolit : tum facto quasi in perniciem suam trahitur : ex quo accidit illi, veluti Dantes de Monarchia loquitur, vt persæpè interitum suū clara voce expetat : salutem abhorreat. Hinc persæpè etiam accidit vt Respublicæ in deliberationibus, saniora cōsilia cōtemnāt : sicuti Venetis accidit cum, vt ante docuimus, à tot hostibus simul impeterentur : Nam tunc nunquam ausi sunt tentare, si quempiam ex hostib. in suas partes pertrahere possent, restituendo illa, quæ alijs per fas & nephas ademissent, & quorū causā bellū illis esset indictum, antequam ab illis opprimerentur. Quod si rationes intelligere cupis, quibus, suaderi ne aliquid populo possit annon? cognoscere queas : in id oculos intentos habere oportet, vt obserues : id quod suasurus es, sit ne vtile an non : deinde videatur ne honestatē quandam atque animi magnitudinem præ se ferre : an verò turpitudi-

rudinem? Nam si populo proponas rem, quæ prima frõte vtilitatem & lucrum præfens videatur continere, itemque animi magnitudinem quandam: facile illam persuadebis, quamuis re ipsa & penitus inspecta, nec vtilis nec honesta sit. Contrà autem, si quid reuera Reipubl. vtile, & salutare sit: tamen si id nõ ita euidēs sit, vt omnibus manifestè appareat: nunquam sine summa difficultate plebi persuadebitur. Hæc plurimis exemplis probare possem, cùm antiquis, rùm recentibus, domesticis & peregrinis. Hinc Romæ tot olim de Fabio Maximo suspensiones, qui Pop. Romano persuadere non poterat, satius esse cunctando sensimque progrediendo Annibalem distinere, quam vt subito vniuersus exercitus periculum fortunæ subiret. Quæ quidem propterea illi accidebāt, quod Populus Romanus turpes existimaret esse illas cunctationes: nec quam vtilis Reip. forent, recta ratione meriretur. Sed neq; Fabio argumenta suppetebant, quibus consilia sua populo persuadere posset. Vtique ad eò enim cæci quandoque sunt homines, cum laudis atque gloriæ præmia proposita esse videntur: vt tunc Populus Romanus Magistro Equitum potestatem fecerit, cõtra Dictatoris imperium, dimicandi: qua

occa-

occasione prælium semel committens, in summum discrimen rem Romanam adduxisset, nisi Dictatoris prudentia malo consilio remedium inuenisset. Atqui Varronis Consulis exemplo eos edoceri oportebat, qui cum vndiq; per plateas publicis locis promitteret, se Annibalem victurum, si ei potestas fieret cum illo dimicandi: tandem autor fuit cladis ad Cannas acceptæ, qua Romanum imperium propemodû interiit. Huic exemplo simile est & illud M. Centurionis, qui postquam Annibal decem iam annos in Italia bellum gere- *Linus lib. 25.* rens, tot Romanorum strages edidisset: in Senatum venit & à patribus petit, vti sibi quinque millia militum darentur, se, peritû & hostis & regionum, breui tempore opere precium & facturum: & quibus artib. Romani duces & exercitus ab Annibale capti & cæsi essent, ijs se aduersus eum, qui illas inuenisset, vsurum. Quod etsi stolidè ab eo promitti Senatus intelligeret: metuebat tamen, ne, si hoc illi fuisset denegatum, populus infensus sibi redderetur: satius ergo esse periculo committere illos, qui eum vel sponte sequeretur, quâ vt nouam aliquam dissensionum inter plebem & senatum, causam præberent. Itaque pro quinq; octo millia cōcessit, quibus ex agris accesserunt

& alij voluntarij: collecto ergo ex exercitu M. Centenius, qui magna ex parte tumultuarius ac semiermis erat, Annibalem sequutus est, cumq; statim adortus prælium comisit, & cum omnib. suis interiit. Apud Athenienses Nicias vir grauissimus ac prudentissimus, dissuadere populo nõ potuit, quin Siciliam inuaderent: itaque suscepta est illa expeditio cõtra sapientum virorum consilium: & simul Atheniensium interitus causa fuit. Scipio quoque cum Africam Consul sibi designari à patrib. peteret: Carthaginemque deleturum se esse promitteret, nec ei Senatus, Fabij Maximi sententia permotus, vellet assentiri: minatus, se id Populo propositurum: quem sciebat huiusmodi magnis ausis gauisurum. Possumus etiam exempla adducere ex nostra Florentinorum vrbe in eandem sententiam: cuiusmodi illud est Herculis Brentiuoli, qui cum esset exercitus nostri imperator, & ab Antonio Iacomino adiutus Bartholomeũ Aluianum ad S. Vincetium superasset: persuasit militi se Pisas quoque occupaturum, ad eamque obsidendam se accinxit, contra quàm multi sapientes ciues illi suaderent: populus enim magnis illius promissionib. occæcatus, quin illi assentiretur impediri non potuit. Atq; hinc facile videmus, eam
vnicam

vnicam esse ac facilem viam augendæ Reipub. si quis populum eius, qui liber sit & alicuius virtutis, in re militari perpetuò exerceat, facile enim parebit cum illi aliqua gloriæ, & vtilitatis spes proposita fuerit: nec cōtrarium suadenti obtemperabit. Quod si autem in huiusmodi rebus gerendis fortuna aduersetur, vt Reipub. ruina sequatur: tunc vel imprimis periclitantur illi, qui suasores huiusmodi expéditionum, aut duces militares fuerunt: nequē enim tunc cum res malè successit, in fortunę aduersitatem causa refertur, sed in imperatorum ignorantiam maliciamque: quo fit, vt eos vt plurimum, vel in vincula coniiciant, vel necent, vel in exilium expellant: quod multis egregijs Carthagenensium ducibus accidisse videmus. Nec solet in huiusmodi casibus ratio haberi earum rerum, quæ prius benè præclareque gestæ, gratiam meruisse videtur. Sicuti vidimus Antonio Iacomino accidisse, qui cum, vt se facturum persuaserat populo, Pisas expugnare nequiuisset: in tantum populi odium incidit, vt non suis meritis prioribus, sed gratia quorundam, qui pro illo intercesserunt, vitam conseruârit.

*Quanta esse soleat viri alicuius grauis
autoritas in sedandis tumultibus.*

CAPVT LIIII.

EX eadem hac P. Romani disputatione & concertatione, qua quærebatur, num esset transmigrandum ad Veios: dignum obseruatione est, quântum viri grauis autoritas apud populum valeat ad tumultus sedandos: vt non immeritò Virgilius cecinerit:

*Tum pietate grauem ac meritis si forte virum quem
Conspexere silent, arrectisq; auribus astant.*

Snaserim autem ei, qui meritis ac virtute excellens, forte ad huiusmodi tumultus sedandos accedédum sibi esse videbit, siue domi, siue militiæ fuerit, vt habitu ipso corporis etiam atque insignibus membris, se quam maximè poterit reuerédum efficiat. Erat ante paucos annos Florentia vniuersa in binas factiones diuisa: quarû vna à Monacho Monialsì, altera à rabie, qua furere videbatur, Rabiosa vocabatur. Ventum est ad arma & Moniales victi, inter quos erat Paulus Antonius Soderinus, vir ijs temporibus summæ autoritatis: ad eius ædes diripiendas cum miles contéderet: forte domi habuit. fratrem suum Franciscum Volatera-

lateranum Episcopum, qui nunc est Ecclesiæ Romanæ Cardinalis. Is audito tumultu, Episcopali habitu indutus, ipsamq; Pontificiam mitram in capite gestans, armato militi obuiam iuit, & cum vultus sui reuerentia, tum grauitate atq; eloquentia eum continuit, ne domum fratris diriperet, non sine magna totius vrbs admiratione. Nihil enim est ad sedandos tumultus accomodatius vtiliusque, quam grauis alicuius viri autoritas: idque tum maximè apparuit, cum plebs Romana furore concitata, Veios transmigrare conabatur: & aduersus Senatum, qui recta ratione metiebatur detrimentum, quod inde Reipub. nasci poterat, permota, arma capere volebat. Nulla enim res tunc alia plebem à manib. temperare coëgit, quam quod ubi rixæ committendæ clamor oriretur: solerent principes Senatus, primos sese turbæ offerre, seque peti occidi ac feriri iubentes: à quorum ætatibus dignitatibusque & honoribus violandis dum abstinebatur, ad reliquos quoque similes conatus verecundia iræ obstabat, atque sedebatur tumultus.

*Facile administrari posse Respub. in quibus
mores hominum probati atq; integri fue-
runt: neque Monarchiam introduci posse,
quando æquabilitas quædam inter
ciues existit: nec Aristocra-
tiam, ubi nulla est æ-
qualitas.*

CAPVT LV.

*Lilius
lib. 5.*

SUPRA à nobis disputatum est, quid
de corruptis ciuium moribus sperari
in ciuitate queat, cui disputationi ad-
iungendum puto Furij Camilli institutum,
quo post expugnationem Veiorum decre-
tum est, vt decima pars prædæ Veientanæ
Apollini sacra esset. Est enim in ea re admo-
dum memorabile, quod cū populus illam
prædam iam haberet, & de ea vnusquisque
tantum, quantum inter diripiendum cui-
que fortuna attulisset: audebat tamen se-
natus decernere, vt vnusquisque decimam
partem eorum quæ fuisset prædatus, in
medium conferret. Nam etsi Senatus post
modū euitandi odij plebeiorum causa, aliā
rationem inuenerit, qua se religione exol-
ueret: debemus tamē existimare eum, non
ob aliam causam id decreuisse, quam quod
certò consideret religioni ciuium, quos
/ spera-

speraret omnino decimam partem omnium .
eorum quæ cuique contigissent, collatu-
ros in medium. Sed neque huic edicto ci-
ues fraude obuiam ire decreuerunt: quum
possent tanto minus conferre, ne ipsis illa
contributio onerosa foret: sed apertè indi-
gnati. Principes ipsos & Camillum præ cæ-
teris, Veientanam prædam publicando sa-
crandoque ad nihilum redigisse quereban-
tur. Hoc igitur exemplum vnà cum alijs
iam ante à nobis adductis, eò pertinent, vt
intelligamus, quā integri fuerint ciuitatis
mores ijs temporibus, quam religiosi ho-
mines & quanta de ipsis spes iam tum con-
cipi posset. Neque est quod in prouincijs,
quæ nostro tempore tantam habent mo-
rum corruptelam, quicquam tale quis, vt
iam tum de pop. Romano, sperare aut ex-
pectare debeat. Summa corruptela morum
est ætate nostra in Italia & in Gallia, Item &
Hispania, quæ Italiæ proximæ sunt: nec tam
hominum bonitate (quæ apud ipsos propè
nulla est) quam regum suorum imperio &
antiquis eorū regnorum legibus continē-
tur, quo minus tot tamq; insignia turpitu-
dinis ac scelerum exempla committant, vt
in Italia committi atque patrari quotidie
videmus. In sola Germania extant adhuc *Germania*
antiquæ illius Romanorum virtutis atque *laus.*

bonitatis insignia quædam exempla, quo fit vt multæ in ea vrbes libertate fruantur: bonarum legum enim tam studiosi sunt, vt ea res sola illos conseruet, ne seruitute opprimantur. Quod si Argumentum aliquod insigne habere cupias de probitate, quæ etiamnum apud Germanos viger: exemplum adducam, simile ei Romanorum decreto, de quo paulò ante differuimus. Si quando enim pecunia opus habent ad vsus publicos: tunc tributum indicunt: iubentque vnumquemq; prout ditior aut minus diues est, plus aut minus soluere, videlicet centesimam vnâ, aut duas suorum bonorum partes. Qua re per magistratus ita constituta: vocantur singuli & iuramento primum astricti, se tantum soluturos, quantum se debere intelligant, pro quantitate suarum opum ratione, in arcam illud conijciunt quod se debere putant, nec quisquam testis adhibetur ad probandum, quod iustè soluerit tantum, quantum eius opes requirant, quam cuiusquam conscientia: ex quo facile est cognoscere, quantum in hisce hominibus antiquæ pietatis, & morum bonitatis adhuc insit. Neque enim dubium est, quin singuli iustam portionē soluant: quod alioquin totam summam contributæ pecuniæ minorem fore oporteret, quam aliàs esse

esse soleret: atque illinc patefacta fraus, aliā indicendi colligendi que tributū rationem suā fuisset. Atque hæc morum integritas tantò magis admirationi esse debet, quod nostra ætate in sola Germania superesse videatur. Idque ei regioni contrigisse propterea censeo, quod à commercijs & negotiationibus abstinerit: nec conuersati sint eius incolæ cum vicinis regionibus corruptissimis siue Gallis, siue Italicis, aut Hispanicis: sed domi mansere, contenti ijs cum cibis, tum vestimentis, quæ illorū terra supeditat, nec peregrinos mores didicere. Præterea quæ ipsorū vrbes libertate fruuntur, in ijs est ciuium æquabilitas quædam: nec tulere eos nobiles, qui nobilium Italarum more vitam degunt, ex redditibus suis fastum pompamque præ se ferentes, nullis vtilibus negotijs occupati. Nam qui in Germania tales sunt, ij ab omnibus odio habentur, tanquam principes omnis corruptelæ morum, ob quas causas persæpe in liberis ciuitatibus è medio tolluntur. Vocamus enim Nobiles in Italia eos homines, qui *Nobiles* ociosi sunt & ex suis prouentibus victum *Italarum.* sufficientem habent: neque vllis negotijs vtilibus, siue mercaturæ, siue agriculturæ, siue alijs operam nauant: eiusmodi Reipublicæ planè inutiles sunt: & inter reli-

quos omnium maximè perniciosi ijs, qui non modò prouentus illos sufficientes habent, verum etiam subditos quosdam obtinent & arces atque vicos possident, quibus pro animi libidine imperant. Plurimi autem huiusmodi nobiles habitant per regnum Neapolitanum, Latium, Æmiliam, Flaminiam atque Insubriam: quo factum est, ut in ijs regionibus nulla Respublica cum quadam æqualitate iuris institui vnquam poterit: tantum scilicet aduersantur huiusmodi homines politicis viuendi rationibus: nec ullus modus existit in regionibus iam commemoratis legitimam politicæ rationem instituendi, quam si sub vnius Monarchæ imperium omnes redigantur. Nam cum tantopere corrupti sunt mores hominum, ut ad eos frenandos leges non sufficiant: necesse est vim quandam adhibere & Regia potestate potentiorum hominum libidinem & ambitionem cohercere & in officio continere. Hæc verò, quæ iam diximus ita se habere, vel Hetruriæ exëplo quis discere queat, in qua regione minimè ampla, tres amplissimæ Respub. Florentia, Sena & Luca libertatem diutissimè cōseruant, & cæteræ eius ciuitates etsi imperio pareânt aliarum, homines tamen habet qui toto animo & libertatem amant & legibus
itidem

itidem instructæ sunt, quæ eodem spectant.
 Quæ omnia ob eam causam huic prouin-
 ciæ contigerunt, quod in ea paucissimi no-
 biles sint, & ex eorum numero nulli, qui
 arces & subditos possideant: sed magna
 incolarum æqualitas, usque adeò, ut si illis
 sapiens aliquis vir contingeret, qui singu-
 lari rerum antiquarum & iuris cognitione
 polleret, facile eos ad veram politiæ ratio-
 nem reducere posset, & ad libertatem con-
 seruandam instituere: Hactenus tam fortu-
 nari certe non fuerunt, ut talem quempiam
 virum habere, aut ex sese producere potue-
 rint. Nobiles verò ex tota hac disputatione
 hoc colligere licet: quod si quis liberam Rem-
 pub. illic instituere velit, ubi permulti po-
 tentes nobiles habitant: ei necesse est ut
 omnes hosce opprimat, priusquam quic-
 quam operæ precium præstare possit: Sed
 neque Manarchiam introducere licet eo
 loco, ubi est magna æqualitas ciuium: ita-
 que necesse tunc fuerit ambiciosos homi-
 nes ex æqualitate illa ad altiorem gradum
 euehere, eosque opibus potius quam nomine
 ipso nobilitare & potentia augere, ut Mo-
 narchia illis stipatus tutus esse, & ipsi sub
 Monarchæ tutela ambitionis & libidinis
 suæ habenas laxare: Cæteri verò deinde il-
 lud seruitutis iugum ferre cogatur, quod via

& potentia principis imposuit: atque hæc gubernationis forma eò vsq; durare solet, donec iusta proportio Imperantium potētiæ cum subditorum tolerātia fuerit subla-
ta. Difficile autem est, liberam Reipub. formam introducere in eam gentem, quæ sub vnius Monarchæ imperio viuere consue-
uit: sicuti etiam ecōtrā, illam gentem quæ suis legibus vixit, liberaque fuit, sub vnius imperium reducere: Et opus est ad id præ-
standum, singularis ingenij atq; autorita-
tis viro: quo sit, vt multi id tentarint, sed pauci ad felicem finem perducere potue-
runt: sed ipsa operis magnitudine aut op-
pressi aut terrefacti, in ipsis principijs desti-
tere. Sed ad id quod pronuntiauius hoc loco: non posse liberam Reipub. formam constitui in ijs locis, vbi multi nobiles ha-
bitant: obijci posse videtur Respub. Vene-
torum, in qua honores & magistratus so-
lis nobilibus conceduntur. Verum si rectè consideres, nihil id disputationi nostræ re-
pugnare comperies: quod Veneti nobiles, sint nomine potius quam re ipsa: cum neq;
arces singuli, neque subditos: nec iurisdic-
tionem vllam habeant, sed prouētus col-
ligant ex Mercatur & rebus mobilibus, in quibus sitæ sunt summæ illorum opes. Est enim Nobilitas apud Venetos honoris &
dignita-

*Nobiles
Veneti.*

dignitatis appellatio, sed quæ nulli earum rerum insistit, propter quas in reliquis ciuitatibus nobiles viri nuncupantur. Nam ut in cæteris vrbibus, ciues distingui in quosdam ordines cernimus: ita tota Venetorum ciuitas diuisa est in Nobiles & plebeios: quorum illi apti sunt ad Reipub. administrationem, & ad honores quoslibet adeundos, plebei ad nulla munera publica adhibentur. Id verò Rempub. nullo modo perturbat, propter causas supra à nobis commemoratas. Itaque cum hæc ita se habeant, necesse est eò spectare Politicū hominem, ut liberam Rempubicā ijs locis instituat, quibus est magna æqualitas incolarum: Monarchiam verò in quib. multi sunt præpotentes, & reliquis logè superiores: quod si contrariam viam sequatur, Reipub. formam instituet minimè durabilem.

Magnos motus prædici solere, cum in vrbibus, tum prouinciis: idq. signis quibusdam, aut hominum præagiis denuntiari.

CAPVT LVI.

VT causam facile confitebor me ignorare: ita rem ipsam cum ex antiquis tum nouis exemplis agnoscere oportet, &

confiteri omnes magnos motus, quicunque aut vrbi alicui aut regi oni euenerunt, vel à coniectoribus, vel à reuelatione aliqua, prodigijs aut cœlestibus signis prædici ac prænuntiari solere. Et ne procul petitis exemplis hoc demonstrare velle videar: domesticis utar. Nouimus omnes Florentiæ, Caroli viij Galliæ Regis aduentum in Italiam, ab Hieronymo Sauanarola longè antè prædictum fuisse: & eundem per Hetruriam multis alijs signis prælagitum, & inter cætera, supra Aretium visos esse exercitus prælium committentes. Quid deinde notius est, quam paulò ante obitum Laurentij Medicei, qui sapientia sua Italiam in pace conseruabat, tactam esse cœlesti ignis supremam partem summi templi, & maximum ei ædificio detrimentum inde ortû. Quis ignorat præterea antequam Petrus Soderinus Florentini populi signifer loco moueretur, & virbe pelleretur: prætorium igni cœlesti percussum esse. Possem huiusmodi rerum plurima alia exempla adducere: sed vnum ex veterib. tantum adijciam. Narrat Liuius ante Gallorû in Italiam aduentum, è M. Cæditio homine Plebeio nuntiatum tribunis, se in noua via, per noctis silentium, audiuisse vocem clariorem humana, quæ magistratibus dici iuberet Gallos

Gallos aduentare. Huiusmodi rerum causas ab ijs explicari posse credo, qui rerum naturalium ac supra naturalium cognitione insignes sunt: à qua me alienum esse fateor: nisi forte cum philosophis quibusdam pronuntiandum censeamus, aërem plenum spiritibus & intelligentijs esse, quæ res futuras præuidentes, & casibus humanis condolentes, eas hominibus per huiusmodi signa prænuntient, ut se aduersus eas tempestiuius præparare & cõmunire queât. Vt ut se res habeat, Experientia certè cõpertum habemus, taliâ signa sequi solere magnos aliquos motus.

Plebem vniuersam simul fortem ferocemque esse: singulos plebeios esse debiles & timidos.

CAPVT LVII.

POST cladem à Gallis acceptam, cõcesserant multi Romanorũ Veios, ad habitandum cõtra ediçtum magistratum: Senatus itaque publico mandato iussit eos omnes intra certum dierum spacium redire Romam, ne vrbs deserta foret. Sed illi primum magistratus iussa contemnere: postquam verò cõstituta dies adesset, obedire omnes magistratui voluerunt & ut

& vt Liuius eo loco inquit, Ex ferocib. vniuersis, singuli metu suo obedientes fuere. Quo loco percommode licet plebis naturam obseruare : quæ vniuersa simul ac primo impetu audax est, vique adeò vt etiam principum decretis contradicere auit : sed postmodum cum ante oculos positos pœnas vident, non fidunt singuli singulis, sed dilabuntur, & principum mandatis obedire metu ipso coguntur. Habenda ergo ratio est eorum, quæ à plebe iactantur, quando, quomodo & quo tempore dicantur : & vtrum pro te an aduersus te faciant. Et si pro te faciunt, eodẽ fauore, vt porro te prosequantur prouidendum : sin tibi aduersentur, cauendum à primo impetu, ne obruaris. Idque vel imprimis considerandum est in ijs motibus, quos populus excitat, vel dolore amissæ libertatis, vel amore pulsi principis sui, quem vnicè diligere solet : nam hi motus præ cæteris omnibus maxime formidabiles sunt, nec sine magnis remedijs sedari queunt. Reliqui populi tumultus non magnopere metuendi sunt, præsertim si plebs nullum ducem habeat. Nã et si nil propè horribilius esse videatur, plebe sine certo duce concitata : tamẽ idem illè furor exiguas vires habet, & facile euitari potest, si modo facultas detur primum
eius

eius impetū effugiendi. Postquā enim primus iracundiæ furor ille deferbuit: cogitare solent singuli, de salute sua suisq; fortunis conseruandis: itaque pacisci cum hoste cogitant aliqui, nonnulli dilabuntur, alij alio aliquo modo sibi consulunt. Quod si quis populus ergo necessitate aliqua excitatus, operæpretium quippiam præstare velit: ei prouidendum ab initio statim fuerit, vt ducem aliquem habeat, cuius ductū sequatur, & in officio contineatur: id enim nisi præstiterit, perinde ei accidet atq; Romanis ijs, qui Veios cōtra Magistratus edictum transmigrauerāt, quos Liuius inquit primo impetu feroces fuisse: sed paulò post ex ferocib. vniuersis, singulos metu pænæ obediētes fuisse. Id autem præclārè animaduertit plebs postea, cum Virginiae cæde excitata, Sacrum montem occupasset. Ibi enim vel Virginio ipso monente statim viginti tribunos militum creauit, penes quos summa rerum esset.

Populum constantē magis esse magisq; prudentem, quam principes esse soleant.

CAPVT LVIII.

INCONSTANTEM, variam, ac mutabilem esse populi multitudinem, cū Liuius multis in locis, tū cæteri scri-

ptores testantur vno fère ore. Nam ex reiū
 gestarum narratione constat, persæpe acci-
 disse, vt qui à plebe concitata damnatus &
 morti traditus fuit, paulò post ab eadem
 summopere desideretur & expetatur: quod
 pop. Romano accidit in M. Manlij Capito-
 lini causa: quem ob affectatum regnum da-
 mnauit & de Saxo Tarpeio deiecit: Sed
 Lib. 25. eundem populum, breui posteaquam ab
 eo nullum periculum erat, desiderium eius
 tenuit. In sequentib. libris deinde cum mo-
 tus enarrat Syracusis ortos, ob eundem Hie-
 ronymi regis, qui Hieronis nepos esset: in-
 ter cetera de incōstantia vulgi. Hęc, inquit,
 natura multitudinis est: aut humiliter ser-
 uuit, aut superbe dominatur. Quæ cum ita
 se habeant, nescio an operæ precium factu-
 rus sim, quod hoc loco contrariā quasi par-
 tē defendendam susceperim: sed cum id
 rationibus, non vī præstare constituerim:
 vitio mihi non debere verti existimo. Itaq;
 quod hac de re sentio est. Varietatis eius &
 Inconstantie, cuius vulgus hominū vbiq;
 accusatur: omnes singulosq; homines ac-
 cusandos esse, & viros principes imprimis:
 quod horū vnus quisq; si legib. solutus sit,
 ex iisdem causis permotus, eodē hortum vi-
 tiorū exempla edet, vti stulta populi multi-
 tudo. Quod vt planum facere queam, hinc
 exor-

exordiar. Ex earū principum numero, qui legibus soluti fuerunt, plurimi mali, boni autem perpauci extiterē. Id ut intelligas: distinguere oportet principes legibus solutos, ab ijs, quibus ab initio imperij, leges administrationis formam præscripserūt & frenum eorum cupiditati iniecerunt. Huiusmodi erāt antiquissimi reges Ægyptiorum & Spartanorum, qui ex receptarū iam confirmatarumq; legum præscriptio administrabant regnū. Nōstra ætate simile quidam in regibus Galliæ cernere licet, quod id regnum antiquas easq; bonas leges, præ ceteris habere videatur. Qui igitur leges & principes sub huiusmodi legib. nascuntur, & ex eorum præscripto viuerē coguntur: ij non conferendi sunt cum multitudine legibus soluta & concitata: ut ita expendas, in quibus inconstantia maior dominetur. Sed conferendi sunt cum populo iustis itidem legibus statutisque instructo: qualis erat populus Romanus ante ruinam Reip. quem facile comperies, neq; seruire humiliter consueuisse, neque superbē dominari: sed cum quadam seueritate gradum dignitatemq; suam, magistratuum suorū opera tueri voluisse. Si quando necessitas postulabat, aduersus optimatis alicuius nimiam potentiā insurgebat, eamq; frenabat: quod

Manlio, Decem viris, & alijs quibusdam accidisse nouimus, qui opprimere libertatem publicam conabantur: Interim tamē, prout decebat, Consulibus atque Dictatorib. suis, pro salute publica benè consulentibus, parere ritè nouerant. Nec mirum videri debet, quod Manlij desiderio postquā condemnatus fuisset, tenerentur. Id enim eius virtus merebatur, quam tantam alijs in rebus declarauerat, vt obeam homines illi meritò condolare deberent. Idemq; accidere potuit vel optimo principi: quando, ex omnium scriptorum sententia, virtus in hoste quoque laudabilis fit. Quod si tunc, cum maxime desiderio eius Romani tenebantur, Manlius à mortuis resurgere potuisset: verisimile est, à populo eodem modo fuisse acceptum, vt prius cum victum eum ex carcere liberauerat: nam libertatū ex vinculis, cum affectati regni conuinceretur, de Saxo Tarpeio, deiecerūt. Nec defuerunt etiam sapientes principes, qui eorum summo desiderio caperentur, quos vel ipsi interfecissent, vt Alexandro ex Clitice, & Herodi ex morte Mariamnis accidit. Non igitur eam multitudinem Liuius, aut seruire humiliter aut superbè dominari asserit, quæ legib. instructa est, vt pop. Romanus: sed illam quæ soluta est legibus & effrena-

effrenata, veluti Syracusana in ijs tumultibus, qui morte Hieronymi excitati fuisset: in quibus perinde se gessit, ut solent homines quoque cæteri, quando iracundia & furijs concitantur: ut de Alexandro & Herode paulò ante docuimus. Non igitur accusanda multitudinis magis, quàm Principum inconstantia aut furor: quando utrisque ex æquo errare ac furere etiam contingit, præsertim cum nullus pœnæ metus subest. Cuius rei tot extant exempla apud Imperatores Romanorum, reliquos principes atque tyrannos, ut eos maioris incōstantiæ & morum varietatis accusare possis quàm vllam plebeiorum multitudinē. Quamobrem assero ego, contra cōmunem scriptorum sententiam, Populum concitatum & pœnas nullas metuentem, esse quidem varium, inconstantem atq; ingratum: sed eadem hæc vitia, in principibus adhuc magis regnare. Quod si quis ex æquo, & Principes & populi multitudinem huiusmodi vitiorum causa accuset: is non procul aberrat: sed qui principes alienos ab his vitijs putat, is vehemēter decipitur. Populus enim gubernationi rerum præfectus, si rectè legib. institutus sit, constans erit, prudēs & minimè ingratus: perinde ut quisquam vel sapientissimus princeps esse queat, &

sapientissimos etiam superat. Quod si e contra princeps quispiam legibus solutus sit : cum non minus inconstantem imprudentem ingratumq; deprehēdes , quam vel leuissimā plebem. Et si quæ diuersitas est harum rerum in Principibus ac populo : ea nō ex diuersa utrorumq; natura depēdet, cum ex æquo omnes sint hisce cum vitijs , tum virtutib. obnoxij , nisi quod populus semper aliquantō melior est principibus : sed prout magis aut minūs hi aut illi obseruantes fuerint legū earum, ex quarum præscripto videndum fuerit. Pop. Romanum certē si rectē consideres : deprehendes quadringētos integros annos tyrānidis , adeoque etiam Regiæ potentiaē hostem fuisse : glorię verò atque laudis cupidissimū : boni publici studiosissimū : idque ab illo quamplurimis exemplis esse demonstratū. Quod si obijcias mihi ingratitude erga Scipionem declaratam : ad eam respondeo id ipsum , quod suprà copiosē de Principum atque Rerum publicarum erga benemeritos ingratitude cap. 29. disseruimus : quo loco ostendimus principes sæpius eo vitio laborare , quā populum. Is enim per se consideratus prudentior magisque constans est , quam Princeps : vt non immeritō Populi bene instituti Vox, Diuinæ Voci simili-

similis videatur: quod singulari quadā vir-
 tute, eum res futuras, cum faustas, tū in-
 faustas prælagire sibi sæpe intelligamus. In
 pronuntianda de rebus dubiis sententia,
 rarò cōperies populum errare, si bios de
 eadem re in contrariam partem differentes
 audiat, qui æquales sint in disputando: est
 enim capax veritatis, quam explicari audit.
 Quod si in ijs rebus suscipiendis quandoq;
 errat, in quibus laus quædam fortitudinis
 proposita esse videtur, aut præmiū: errant
 etiam principes cū in hisce, tū alijs re-
 bus, ob varias animorum perturbationes,
 quib. magis obnoxij sunt, quā populus.
 In eligendo autem dexterior est populus,
 quā princeps. Neque enim vnquam per-
 suadebis populo, vt ad singularem hono-
 ris gradum, euehat hominē infamem, & quem
 constet corruptis morib. esse: cum id Prin-
 cipi vel mille modis persuadere queas.
 Quod si quāpiam rem populus vehemē-
 ter odio prosequatur, eadem in sententia
 diutissimè durabit: sed princeps senten-
 tiam facile mutat. Quibus omnibus rebus
 argumento esse potest populus Romanus:
 qui tot sæculis vix quater in creandis con-
 sulibus aut tribunis tantopere aberrauit, vt
 illum facti pœniteret: Regiū autem no-
 men tanto odio semper est prosequutus,

ut nulla virtus, nullaq; merita Reipubl. declarata, eum à debitis pœnis liberare poterit, qui quocunque modo regnum affectasset. Hisce accedit, quod ex historiarum lectione cognoscere licet, eas vrbes, quæ libertatem habuerunt, maius incrementum accepisse & imperiũ acquisuisse, quàm quæ Principis imperio paruerunt: Id enim vel Romanæ vrbis exemplo apparebit, si conferas eius incrementum post expulsos Reges, cum illo quod sub Regum imperio habuit. Idemque Atheniensibus contigisse videbis, postquam Pisistrati tyrânide liberati fuerunt. Quæ omnia inde oriri oportet, quod melior sit administrationis Reipubl. ratio, quæ à libero populo instituitur, quam illa, quæ ab vnus principis potestate ac voluntate dependet. Nec potest Liuij oratio, paulò ante, de Syracusanorum leuitate adducta, hâc nostram sententiam impugnare. Nam si quis omnes percurrat populi errores, quoscunq; fecit vnquam, aut facere solet: ijsque deinde Principum virorũ delicta ex aduerso opponat & conferat: longè vehementius errare principes quàm populos cõperiet: Et si econtrà, præclare gestas res à liberis populis conferas cum ijs, quas Principes viri gesserũt, maiorem rursus esse illorum quàm horum gloriam

riam laudemque intelliges. Quod si magis industria esse videtur principum quam populorum opera in Rebus publ. rectè instituendis, & legibus, quæ ad civilem vitam spectent, condendis: Populus deinde, in conseruandis ijs, quæ semel rectè sunt instituta, Principes superat longo interuallo: Præterea cum & Monarchias inuenias, & liberas Resp. quæ longo tempore durarunt: necesse fuit sicuti illas, ita hæc bonos quosdam legum conditores habuisse: nam & princeps vir legib. solutus persæpè ineptit: & Populus dissolutus nullam legum rationem habens, non rarò parum sapit. Si conferantur igitur Principes ex præscripto legum imperantes, cum populis certis legibus institutis: plus in his, quàm illis virtutis deprehendes: Sin utrosq; legib. solutos inter se comparare voles: inferiora longe minoraque comperies Populi, quàm Principum delicta. Quib. accedit hoc etià, quod ad sanandos morbos tumultusq; illos populares, faciliora magisque prompta semper remedia suppetunt, quàm ad principum furores sedandos. Cum sciamus pop. seditiones vel vnus grauis atq; eloquentis viri oratione: sæpè esse compositos: sed iracundus princeps neminem audit, solo ferro iram extinguere solet. Ex qua re non leue argu-

mentum sumere licet: cum de populi tum Principum malitia & bonitate: cum illius iras sola sedare queat oratio, horum exca-
descencia nō nisi ferrum postulet. Maiores ergo sunt illi morbi, qui vehementiorib. re-
medijs egent. Præterea cōcitato ac tumultuante populo, non tantopere formidolosi
esse solēt eius, quos per seditionem cōmit-
tit, errores: de ipso euentu tantum solliciti
esse solemus: ne inde quis occasionem ca-
ptans, tyrannidem occupet. Contrariū ac-
cidit in Principe, qui corruptos prauosque
mores habeat: cuius præsentia omnes hor-
rent formidantq;: de futuro tēpore omnes
meliora sperant, existimantque fore, ut ali-
quando sublato eo libertas recuperetur: ut
ipso quoq; præsentium futurarumq; rerum
discrimine, bonitas malitiaq; cum princi-
pum tum populi distinguatur. Solet popu-
li multitudo etiam, non nisi in eos crudeli-
tatē exercere, quos ipsa metuit, quiq; bona
publica inuadūt: sed Principes in eos, à qui-
bus ipsi metuuntur: & quib. id, quod illorū
priuatum bonum est, adimunt. Sed quod
de populi multitudine tam multa variaque
factantur, in causa est, quod liberius sit eius
vitia quam Principum patefacere. De prin-
cipib. n. nemo nisi cum metu quodā dicere
audet quicquam: Sed iam hæc à nobis satis
copio-

copiosè explicata esse videntur. Superest hoc vnū nunc, vt occasione ex superiori disputatione sumpta; porro differamus de fœderib. quæ sunt vel cū liberis populis ac Rebus pub. vel cū Principibus & queramus ex hisce quæ nā magis aut minus tuta sint.

*Quibus fœderibus magis confidere ausis,
ijs ne, quæ cum Reipub. libera, an cum
Principe inita fuerint?*

CAPVT LIX.

QUONIAM persæpè accidit vt & Principes cum Principib. & Respu. liberæ inter sese & cum Principib. fœdera percutiant & cōtrahant amicitiam: nō abs re fore putauī, si hoc loco disquiramus, quorū fides esse firmior soleat, Principūne an Rerumpub. & vtris magis cōfidere queas? Quam rem dum mecū ipse diligenter cōsidero: videor cernere multis in rebus, similiter cū à principibus, tū Rebus pub. seruari frangiq; fidem: in quibusdam aliquod esse discrimen. Primum enim quæ vi cogēte promittuntur, ea neutris seruantur. Quādo etiam imminet periculum amittendi imperij, si pacta initaque fœdera seruentur: tunc nec principib. nec Rebus pub. cōfidere tutò queas, quod vtriq; & si

dem frangere & ingrati erga benemeritos
esse soleāt. Demetrius Poliorcetes Atheniē
ses infinitis beneficijs affecerat : sed post-
quā victus ab hostibus, ad eos tanquā ami-
cos & cōfēderatos cōfugit: repulsus est nec
in ciuitatē admissus: ex qua re maiore sensit
dolorem, quā ex ea fortunæ aduersitate,
qua imperiū suum amisisset. Pompeius au-
tem à C. Cæsare in Thessalia victus, ad Pto-
lomæū Ægypti regem cōfugit, quem lōgo
tempore prius in regnū restituerat : sed ab
eodē interfectus est. In binis hisce exēplis
videtur utrobique eadē ingratitudinis causa:
vehementius tamen Princeps Ptolomæus,
quā Atheniensium Respublica in beneme-
ritū peccauit : ut ut sit, cum periculū immi-
net, neutri fidē seruant. Quod si quis Prin-
ceps aut Respub. etiā cum interitus sui pe-
riculo, fidē aliquando seruare conetur : id-
ipsum quoque ijs dem de causis facere solēt.
Accidit enim quandoque, ut Princeps poten-
tioris alicuius & amici Monarchæ partes
sequatur, quamuis videat eum in præsentia
defendi nō posse, ac imperio suo pulsū iri:
sed id facit, partim quod speret eum, post-
modum restitutum iri: partim quod existi-
met se, cū illius hoste in gratiam redire non
posse. Tale quiddam accidit omnib. Nea-
politani regni principib⁹, qui Gallicas par-
tes

tes sequuti sunt. Et inter Resp. aliquid his principib. simile perpeſſe sunt, olim Saguntus in Hispania, cuius ciues vltimū interitū subire maluerunt, quā à fide Romanorū deſicere, & anno Seruatoris noſtri M. D. XII. idem propemodū paſſa eſt Reſpublica Florentinorū, vt in fide Gallorū permaneret. Quæ omnia ſi mecū paulò altius repeto, & cogito quid facturæ ſint cū Reſpublicæ, tūm principes, ſi fidē ſeruantib. periculum impēdere videatur: id vnum diſcrimen cōperio, quod Reſp. paulò firmiores ſint atq; cōſtantioreſ, vel ob motus tarditatē. Nam magis lentē progrediūtur & diutius deliberant: atq; ita mora quēdam interiicitur, antequā fidē frangant. Quando autē ſolius vtilitatis cauſa fœdera frangūtur, tunc Reſpublicæ in fide ſeruāda longē cōſtātiores ſunt, quā principes. Quarum rerū exempla non deſunt: nam conſtat quādoq; principem exigui lucri cauſa fidē fregiſſe: Rempub. verò à fide diſcedere noluiſſe vel maximo præmio propoſito. Themistoꝑles, cū aliquādo in Concione ſe conſiliū dare poſſe Athenienſib. vtiliſſimum diceret: ſed id nō poſſe palām proponi, ne cognito eo, rei gerendæ occaſio tolleretur: ij Ariſtidē elegerunt, cui conſiliū aperiretur: vt prout illi videretur, de ea re conſultarent. Themistoꝑ-

cles ergo Aristidi ostendit, totus Græciæ classem eo loco esse cōstitutam, vt facile ab Atheniensibus opprimi posset, atque inde Græciæ imperium comparari. Sed cum eadem Græciæ clasis se prius in fidem Atheniensium commisisset: visum est hoc consilium Aristidi vtile esse. honestum autem nequaquam: itaque cum Atheniensibus id retulisset: noluerunt illi vtilitatem honestati præferre. At si eadem occasio Philippo Macedoni sese obtulisset, aut alijs quibusdam principibus: nequaquam tantam habuissent curam honestatis, vt pauci fuissent, rei tam benè gerendæ occasionem è manibus suis elabi. Nam consueuerunt illi, & Philippus præ cæteris, fidem fallendo, rerum gerendarum occasiones captare. Hæc de proposita questione à nobis disputata sufficiat: nam de cæderibus quæ fictis de causis renūtiantur (vt cum à confœderatorum aliquo pacta non observata fuerint) hoc loco nihil differere constituimus: sed de ijs tantum, in quibus fides data fallitur: quæ in re Principes viros magis errare, quàm Populum arbitramur.

Ad Consulatum ceterosq; magistratus euehi solitos ciues Romanos, nulla habita ratione ætatis.

CAPVT LX.


NOVIMVS ex historia Romanorum: postquam Consulatus Imperiū consequendi, plebeis quoque potestas facta fuisset: euectos esse ad id munus, cæterosq; magistratus, ciues Romanos, nulla habita ætatis ratione, aut generis: sed vnius virtutis respectu, siue illa in iuuenib. siue esset in senibus. Idq; in Valerio Coruino apparuit, qui annū agens vicesimum tertium, Cōsul creatus est: ob quā causam militē alloquens, dixit, Consulatum præmium esse virtutis, non sanguinis. Sed vtrum id ab ijs recte factum, ambigere quis potest. Generis atque Nobilitatis familię, non habendā esse rationem, in euehēdis ad tātos honores hominib. necessitas ipsa persuasit Romanis: idemq; obseruari oportet, vbicunq; propositum fuerit augere Rempubl. vt illi fecerunt: quā de re prius quoque est à nobis disputatum. Neque enim ad certum quēdam scopum contendunt homines, nisi illis præmium proponatur: & sublata spe consequendi præmij, non ad scopum tanto conatu amplius contendunt. Æquum ergo erat, vt plebeis quoque hominibus spes proponeretur, cōsularis imperij consequendi: qua spe longo tempore nutriti,

triti, tandem rem ipsam quoq; eos habere oportuit. In qua enim Repub. plebs ad nullas actiones adhibetur, quæ aliqua singulari laude dignæ sint, in ea facilius compescitur & damnatur illa, ut in principio huius libri disputatum est: sed Reipub. quæ imperium augere cupit: Romanorum exemplū imitari debet & plebi habenas aliquantò laxare. Temporis quoque non habendam esse rationem aut ætatis hinc constat. Nam ut ad insignem magistratū quempiam eligatur iuuenis: necesse est eum insigni aliquo virtutis specimine populo innotuisse: quo in iuuenili homine senilem prudentiā demonstrarit. Quare ita constituta, & concessio eo, quod iuuenis cum sit, tamen singulari virtute excellat: perniciosum esset institutum, si ob ætatem non liceret ei, virtutem suam in Reipubl. vñs conferre: sed expectandum foret, donec animi vigor ille consenesceret cum ipso corpore: nec Reipub. in ea ætate prodesse posset, qua Valerium Corvinum, P. Scipionem & C.

Pompeium patriæ tantoperè profuisse nouimus, ut triumphos summa cum laude meruerint.

Finit libri primi, disputationum Machiavelli de Repub.

NICO-



NICOLAI

MACHIAVELLI
DISPUTATIONVM, DE
REPVBLICA ROMANO-

RVM, EX PRIMA DECADE

T. Liuij.

LIBER SECVNDVS.

*Ad Zanobium Bondemontium & Cos-
mum Rucelatum.*

PRÆFATIO,



Audant homines antiquita-
te semper, præsentia tempora
accusant: at non ubiq; iustis
de causis, ut mihi quidem vi-
detur. Vsq; adeò enim rerum
antiquarum studiosi sunt, ut
non solum, eas res, quæ litera-

rum monumentis celebrantur, sed illas quoq; lau-
dibus efferant, quas ipsi iâ senes, olim in iuuentute
viderūt. Ego vero hanc illorū opinionem persæpe fal-
sam esse existimo: varijsq; de causis adduci eos, ut
ita sentiant. Primum enim absolutam vetustarum
rerū cognitionem assequi nequimus. Nam plerumq;

R

fit in rebus enarrandis, ut quæ turpitudinis quæpiam
 continet, silentio prætereantur: quæ cum virtute
 coniuncta sunt & laudè merentur, ea & diligenter
 enarrantur & amplificatur. Vsq; adeo enim multi
 attribuere solent fortune Victoriæ Historici, ut au-
 gendæ illorū laudis gratia, non solū res ab ipsis præ-
 clare gestas amplificent, sed hostiū quoq; facta tri-
 toperè illustret: ut posteri deinde ea e longinquo in-
 tuentes, causam habeant antiqua illa tēpora, & ho-
 minū, qui tunc vixerunt, virtutē admirandi atq; æ-
 mādī. Hisce accidit quod cū aut timore aut invidia
 alienam virtutē odio prosequi soleamus: & neutrum
 horū in rebus antiquitus gestis officere quicquā pos-
 sit: duæ summæ causæ deesse videntur, in virtute
 quicquam deprehendēdi: cum neq; amplius nocere
 possint, neq; invidia cuiusquā obnoxie sint. Cōtra-
 rio modo se habent res præsentēs: nā hæ quales sint
 vniuersæ, cognoscuntur: nec quicquā habent siue bo-
 ni siue mali, quod latere possit. Itaq; accidit, ut quo-
 niam vna cum virtute præstantiaq; rerū quæ nunc
 geruntur, vitia etiā videmus: cogimur quodāmodo
 eas antiquis illis, quarū sola virtus appareret, vitia la-
 tent, pot' ponere, quāuis persæpè præstantiores sint.
 Neq; hæc intelligi volo de artium pulcherrimarum
 præstantia & perfectione, quæ tanta est, ut tempo-
 rū mutatio parū illis aut addere aut adimere queat.
 De moribus hominū loquor & vita civili, in quibus
 non tam insignia virtutis exēpla ætate nostra appa-
 rent, ut apud veteres fuisse videntur. Non iniuria
 ergo laudatur vetustas: sed neq; iure vituperantur
 semper, quæ ætate nostra geruntur, & vetustu illis

deteriores putantur, perinde ac si nunquam suis erroribus carerent. Res humana omnes in perpetuo motu existunt, & necessario aut crescunt, aut sensim dilabuntur. Cernas urbem aut regionem quampiam, si a quo excellenti viro semel recte instituta fuerit, augeri longo tempore virtute, opibus, & imperio. Qui igitur homines in ea provincia nascuntur, interim dum omnia crescunt, siquidem res vetustas eiusdem regionis recentibus praeferant, illi laudent, has vituperent: ebriamente errant, & erroris sui causas habent eas, quas tam commemoramus. Qui vero in illa tempora incidunt, quibus ad interitum vergunt omnia: nequaquam errant, si antiqua laudent & praesentia vituperent. Hoc dum mecum diligenter considero, Mundum vniuersum existimo semper sibi similem fuisse, & tamundem olim atque nunc boni maliq; continuisse: sed permuati & transire de vna regione in aliam hac bona malaq; ea ut in qua lego tempore virtus regnauit, postmodum virtutis pulsas, sequatur alio temporibus vitia. Ita ex transmutatione regnorum & Imperiorum citius esse potest, quae prout hominum mores mutabantur, ita ipsa quoque de vna provincia in aliam transferebantur. Minus ipse mihi permittat sed eius praecipua virtutes semel quidem apud Athenienses in totum mundum transferebatur ad Medos & ad Persas: deinde, in Italiam ad Romanos peruenit. Post Romano imperium, si nullum adhuc existit totum finem, ut totus Mundus virtus in eo sedem habuisset, iure dicique: tamen ea enim virtus quae prius in Romano imperio sita erat, post ipsius interitum, sparsa est in varias regiones & praesentia

ulnicum atq; illinc nam regnum Francorum: Regna
 Turcicum: Regnū Sultanicum: Imperium Germano-
 norum: Sarracenorum item Secta, quæ ob multas re-
 giones & p̄uincias occupauit vastamq; ut oppres-
 sa, imperij Romanorum virtutem adhuc obtulit ali-
 quid de antiquo illo fulgore, quo. I. nō sine magna cau-
 sa, aliter apud alios laudari potest ac debet. Quibus
 ita constitutis, si quis natus in his regionibus quibus
 Romani imperij vix diducta diuisaq; videtur. præ-
 sentia tempora vituperet, laudet aut eiulde regio-
 nis vetustos incolæ facile errat. At si quædam Ita-
 lia habitet, nec Germanus, Turca, aut ex alijs con-
 titibus sit, quibus aliqua Romanorum virtutis pars
 communicata videtur, is non iniuncto vniuersalem
 summus laudibus efferre, præsentia tempora vitupe-
 rare potest. Nam in illa admirabilem quandam vir-
 tutem inuehitur, in his temporibus omnis gene-
 ris vitia præfari deprehendet: nullam regionem ra-
 tionem haberi: nullam militarem disciplinam con-
 seruari: legum iuris atq; iusticie cultum non esse: nec
 omnia de his vario impudens genere infecta &
 contumelia trahi. Quæ omnia tãto magis vituperanda
 deprehensibilia sunt, quanto magis in his viget, qui p̄ter-
 bunus, miseris, alijque opibus & ipsi adorari cupiunt.

Sed ut eo vnde digressi sumus redeamus, obijciunt
 nobis, non merito quispiam, non debuisse senes viros
 tantopere aberrare, in conferendis presentibus rebus,
 cum quæ, quæ in iuuentute gestas videtur, siquidem
 erroribus presentia damandi, & vetera extollendi,
 extollendi, ex causa nobis paulo ante commemorata.

dependet. Nam Senes ex aquo intelligere potuerūt,
 & ea quæ iuuenes olim viderunt, & illa quæ iam
 fieri cœperunt: nunc autem in his quidem virtutem si-
 mul & vitia contemplantur, in vetustate solum,
 quod cum virtute coniunctum est nouerunt. Cui rei
 respondeo, Homines non idem sentire ac iudicare
 semper, ne de vna eademq; re quidem, sed cum æta-
 te mutari iudicium, mutari animi affectus atque
 cupiditates. Itaque mutatis animi affectibus & ra-
 tionali anima aliter nunc, quam prius constituta:
 aliter de rebus iudicamus, quamuis tempora ipsa nō
 mutentur: nam quomodo possint eadem res homi-
 nibus in iuuentute & senili ætate placere eodem mo-
 do ac displicere, cum diuersissima sint vtriusq; æta-
 tis studia & cupiditates. Nam vt cetera omnia tamus
 quanto vires corporis senescentibus decrescunt, tã-
 tō augetur prudentia & ratio recte de rebus iudi-
 candi: atque hinc fit, vt quæ iuuenibus tollerabilia
 videbantur, senibus displiceant: quapropter non
 tempora accusare oportebat, sed falsum agnoscere
 iudicium potius, quo res malas, tunc bonas esse exi-
 stimabant, quas nunc prudentiores facti malas esse
 intelligunt. His omnibus accedit hoc etiam, quod
 hominum cupiditates immēse sunt nec satiari pos-
 sunt: & natura ipsa apti sumus ad appetenda quā-
 plurima, quæ fortuna postea singulis denegare so-
 let: atque hinc fit postea, vt suis quisque rebus mi-
 nus soleat esse contentus, quas dum fastidit, presen-
 tia temporis avel absq; vlla ratione damnat, prateri-

laudat, de futuris optima quæq; sperat. Quæ enim
 era sint, nescio ego sane, an ex eorum numero sit
 & ipse sim, qui in hisce meis disputationibus, ni-
 mum laudem tempora illa, & antiquos Romanor-
 um mores, nostra autem vituperem. Eumque non
 non esset virtus, quæ in ijs hominibus lucebat, huius
 meridiana clarior: vitia autem, quæ tunc nostra
 omnis generis dominantur, nobilissima paulo no-
 deratius loquerer, ne in id vitium inciderem, quod
 in multis iam accusavi. Sed cum hæc tam enigmata
 sint, audacter dicam quid de nostris & antiquis
 temporibus sentiendum putem, ut iuvenum & illorum
 hisce nostris scriptis admoniti, euitare discant vitia,
 quæ nunc grassantur, seq; preparare ad virtutem il-
 lam antiquorum imitandam. Ut si fortuna alia
 occasionem offerret, in sua Reipub. ad antiq. virtutis
 normam quippiam instituendi, ex doctrina & insti-
 tutione nostra aptior sit. Est enim viri boni officium,
 ut quæ vel fortuna adue, sitate, vel temporum inui-
 dia ipse prestare Reipub. non potuisti: saltem alios
 doceas: ut si quando ex plurimu unus felici aliquo
 fidere ex itatus, id prestare queat. Quamobrem
 absolutis ijs, quæ superiori libro disputavimus de
 Romanorum institutis Urbanis, quæq; domi in pa-
 ce ad Rempub. feliciter instituendam pertine-
 bant, deinceps alium librum subiiciam,
 in eoq; disseram de ijs, quæ foris a Pop.
 Romano rectè instituta, ad im-
 perij augmentum con-
 duxere.

VIR-

Cohæren-
 tia libri
 primi cum
 secundo.

VIRTUS NE AN FORTUNA

maior causa extiterit Romanis acquirendi tanti Imperij?

CAPVT I.

EXistimarunt multi, & inter cæteros Plutarchus grauiſſimus author, Pop. Rom. in acquirendo tanto imperio, maiore fortunæ prosperitate, quàm virtute vſum eſſe, id quæ vel ipſiuſmet Pop. Romani autoritate conſtare. Neq; enim fortunæ tot templa dedicaret, niſi ei victorias ſuas acceptas tuliſſet. Nam Romæ nulli deorum, dearumve tot erant polita templa, vt fortunæ. Eidem huic ſententiæ videtur Liuius quoq; ſuſfragari, eo quod in recitandis orationibus imperatorum, nūquam ſolius virtutis mentionem facit, ſed fortunæ auxilium adiungit. Ego verò contrarium ſentio, neq; Plutarchi hanc opinionē defendi poſſe contēdo. Nam ſi nulla extitit Reſp. quæ tantū Imperium, vt Roma acquiſiuit: cū id fortunæ potius, quàm bonis ipſius legib. & institutis tribuamus? Virtus exercituū, & imperatorum ſingularis induſtria, imperiū Romanū peperere: res autē partas cōſeruarunt bona Reipublicę institutio, reſtaque gubernandi ratio à primo legiſlatore conſtituta: vt

deinceps copiosius differemus. Obiciunt, qui contrarium sentiunt, fortunæ fuisse non virtutis Romanorum, quod nunquam geminis magnis ac difficilibus bellis, simul impliciti fuerint. Neq; enim cum Latinis bellum gesserunt, donec Samnitum vires fregissent: neque cum Tuscis dimicârunt, donec Latinos sub iugum rede gissent, Samnitesque planè oppressissent. Quod si à binorum horû populorum, potentissimis exercitibus simul petiti bello fuissent, dubium non est, quin in summum discrimen Romanorum res adducta fuisset. Vt res se habeat hoc certè constat, eos nunquam geminis maximis ac difficillimis bellis simul fuisse occupatos: sed sub finem vnus alterum cœpisse, & principiū secundi prioris finem imposuisse. Id ex serie constat bellorum ab ipsis gestorum. Nam vt de ijs nil dicamus, quæ ante captam à Gallis urbem confecerunt. Interim certè dum bellum gessere cum Æquis & Volscis, non habuerunt alios hostes, quandiu horû vires firmæ fuissent. His perdomitis, ortum est bellum cum Samnitibus: quod etsi primò non planè esset confectum, eò vsque tamen perductum erat, cum Latini bellum mouerunt, vt ad Latinos compescendos, auxiliū Romanis tulerint. Latinis subiugatis redintegratum

gratum est bellum contra Samnites: Fractis Samnitibus, ortū est bellum cum Tuscis: Rebus cum Tuscis compositis, tertio redintegratum cum Samnitibus bellum, Pyrrhi in Italiā aduentu. Pyrrho Italia pulso, cœpit primum bellum Punicum: Eo cōfecto, Galli & qui trans alpes & qui cis alpes habitabant, omnes simul aduersus Romanos coniurârūt: Victis ijs, ac magna strage inter Pisas & Popoloniam, vbi nunc est Turris S. Vincentii, cæsis, pacē viginti propè annis habuerunt, quibus nil singulare gestū est: tantum Ligures & reliquæ quædam Gallorum in Gallia Cisalpina deletæ. Postea ortum est secundum bellum Punicum, quod Italiam quindecim annos afflixit. Confecto hoc bello magna cum laude, ortum est Macedonicum: subiectis Macedonibus, ortum est bellum Asiaticum cum Antiocho: Victo Antiocho, nullus extabat iam amplius aut Princeps aut Respub. quæ vel sola vel cum alijs coniuncta, Romanorum potentia resistere posset. Ante ultimā hanc victoriam certè, si quis seriem bellorum à Pop. Romano gestorum diligenter intueatur, & modum progrediendi ab eo obseruatum consideret: fortunæ prosperitati immixtam deprehendet singularem virtutem, & rei militaris peritiam, ex qua feli-

cium successuum causam potius delūmere, quam in vnam fortunam omnia referre malim. Postquam enim Monarcha aliquis, aut libera Respublica, ad tantam potentiam peruenit, ut vicinorum vel principum, vel Rerumpublicarum nulla ei sola bellū mouere auit: tunc liberum semper erit Monarchæ illi, ac potentissimæ Respublicæ, cum quocunque volet suorum vicinorum bellum gerere, cæteros in amicitia continere: quod illi potentiam eius formidantes, & blanditijs deliniri, & facile placari queant. Qui verò lōgius illinc absum Monarchæ, aut Resp. tanquam si ea res ad se nihil pertineat, parum curant, quid isti inter se agant, permanentq; in eo errore, donec malum ad ipsos quoque sensim perueniat. Cum incendium ad ipsos vlq; peruenit, non nisi proprijs suis viribus resistere possunt: atque hæ si non sufficiant, potentia illius resistere nequeunt, & ipsi quoque opprimuntur. Nil dicam de Samnitib. nunc, quomodo passi sint Volscos & Æquos a Romanis superari, tanquā si ea res ad ipsos nihil pertineret, ad Carthaginenses accedat, quorum potentia magna erat eo tempore, quo Pop. Romanus cum Samnitibus & Tuscis, bellum gerebat. Nam vniuersam Africam iam tūc possidebant: Sicilię præterea,

rerea, Sardinie, & Hispaniæ imperabant, Eadem hac sua potentia decepti, & cum procul à Populo Romano abessent, nunquam in animum induxerunt tunc de bello ei faciendo, aut suppetijs Samnitibus, ac Tuscis ferendis: sed (ut plerunque facere solemus in rebus novis & sensim crescentibus) favore potius & amicitia Romanos prosequerantur, nec errorem suum animaduertunt, donec Populus Romanus subiugasset omnes intermedios populos, & iam cum ipsis de Sicilia & Hispaniæ Imperio contendere cœpisset. Quod Carthaginensibus accidit, Gallis quoque euenit, Philippo Macedoni, & Antiocho. Nam horum linguli existimabāt, interim dum Populus Romanus alijs bellis esset occupatus, fore ut vinceretur: & temporis adhuc satis superesse, ut se defendere vel armis, vel aliqua amicitia possent. Quæ cum ita sint, verisimile mihi certè videtur, eandem fortunæ prosperitatem contingere posse cuicumque vel principi vel Reipublicæ, quæ eadem virtute & industria uti nouerit, qua Romanos vfos esse scimus. Atque hinc non incommode etiam dicere possemus, de industria qua alienas prouincias inuasunt: nisi de ea re copiose dissennissemus in libro de Principum institutione,

Hoc

Hoc tamen silentio prætereundum non est, Pop. Romanum semper operam dedisse, ut in alienis provinciis amicum quempiam haberet, qui ad illam intrandam aditum patefaceret, & ad illam conseruandam postmodum auxilio esset. Sic Campanorum opera in Samnium ingressi sunt: per Camertinos in Tusciam: per Mamertinos in Siciliam: per Saguntinos in Hispaniam: per Massani Tm regem in Africam: per Aetolos in Græciam: per Eumenem & alios quosdā principes in Asiam: per Malsilienses in Galliam: & aliorum denique amicorū auxilio indicioque in alias regiones & provincias ingressi sunt: & postquā eas occupassent, etiam retinuerunt. Hanc rationem, si diligēter obseruetur, talem esse comperies, quæ secum fortunæ prosperitatem adiunctam habeat, ut non opus sit fortunam, illam deam, implorare. Quò autem hanc disputatiōem magis illustrare possimus: & demonstrare quod longè plus possit virtus, quàm fortuna ad Imperium comparandum, differemus capite sequenti de populorum natura, quos Romani bello subegere, & quam pertinaciter iidem libertatem suam defendere conarentur.

Cum

*Cum quibus Gentibus Romanis dimicans-
dum fuit, & quàm obstinate illi liberta-
tem suam defenderint? quanti item
libertas sit facienda?*

CAPUT II.

Difficilem arduamque de vicinis &
aliis quibusdam populis victoriam,
Pop. Romano fecit amor conseruandæ
libertatis, qui tunc multis gentibus in-
sidebat. Eam enim tanto studio defendere
conabantur, ut non nisi singulari quadam
virtute vinci & superari potuerint. Cuius
rei argumentum habes tot periculorum e-
xempla, quæ adire eius defendendæ ac re-
cuperandæ causa voluerunt: tot tamque
horrenda supplicia de iis sumpta, qui illius
amittendæ causam præbuisent. Sed neq;
obscurum est ex lectione historiarum, quã-
ti facienda sit libertas, & quatum & quàm
difficile sit Populo iugum seruitutis. Ætate
nostra vnica gens superesse videtur, in qua
liberæ ciuitates sint: olim per omnes mun-
di plagas extabant populi liberrimi. In Ita-
lia certè inter Alpes, quæ Galliam Cisalpi-
nam à Tuscia diuidunt, & extremam Ita-
liæ oram, multi liberi populi habitabant,
Tusci, Romani, Samnites & alij: nec men-
tio

tio sit vllorum Regum, qui tunc impera-
 runt in Italia, præter Reges Romanorum,
 & Porfennam. De cuius stirpis excidio, etsi
 historiæ nihil memoriæ prodiderint: con-
 stat tamen Tusciam, cui Porfenna impera-
 uerat, liberam fuisse eo tempore, quo Ro-
 mani aduersus Veios bellum susceperunt,
 & libertate quidem tanta cum voluptate
 usam, tantoque odio Monarchiæ appella-
 tionem habuisse, vt cum Veij defendēdi sui
 causâ Regem creassent, & auxiliū à Tuscis
 contra Romanos petissent, Tusci re diu
 deliberata, tandē censuerint non ferendas
 ijs esse suppetias, donec Regem haberent:
 neque enim decere ijs auxilium ferre, qui
 patriam vnus viri imperio subiecissent.
 Sed neque sine causâ insidet populo omni
 libertatis amor. Testatur enim experien-
 tia, nullam ciuitatem suos ciues ditare, ni-
 si tempore libertatis, neque etiā imperiū
 comparare, aut publicas opes quocunque
 modo augere. Admiratione summa di-
 gnum est Athenienses Pisistrati tyrannide
 liberatos, centum annorum spacio, vi-
 ces atque potentiam suam tantopere au-
 gere potuisse. Et longè magis stupendum
 adhuc, Romanorum Rempublicā, expul-
 sis Regibus, ad tantum fastigium peruenire
 potuisse. Eueniunt autem hæc omnia, quo-
 niam

niam non priuatorum opes, sed quæ publica communiaque sunt, Rempublicam augent: neque habetur ratio boni publici, nisi in liberis ciuitatibus, in quibus id, quod ex æquo prodesse potest omnibus, aut quàm plurimis, semper decernitur, nec habetur ratio paucorum quorundam, quibus nocere forte possit id, quod vniuersis prodest. Contrà quàm accidit in ijs ciuitatibus, qua Principis alicuius imperio parent. Nam in ijs plerunque fit, vt quod Principi prodesse potest, vniuersis ciuibz noceat. Quod fit, si libera Respublica sub tyrannidem alicuius redigatur, inter leuissima detrimenta, inde sibi orta, hoc numerare queat, quod iam neque opibus, neque imperio amplius augeri queat: Sed decrefcere etiam paulatim incipiat. Nam etsi concedamus Tyrannum hunc, sub cuius imperium redacta est, virum esse industrium & bellica virtute præstantem: tamen id, quod ille comparat, in suum priuatum commodum, non in vsus publicos conuertit: cum neque ex subditis suis, quibus tyrannicè imperat, deligere aufit excellentissimos ac præstantissimos quosque, vt eos præficiat rebus gerendis, metu nimirum vindictæ. Quod si quas præterea vrbes occupabit, non certè huic tributariis

butarias faciet: cum tyranni scopus sit, non augere potentiam subditorum: sed subditam sibi conseruare, & vires, quibus aliquando iugum excutere queant, opprimere. Qua de re multa præclarè apud Xenophontem, in libro de tyrannide, leguntur. Quæ cum ita se habeant, nemini mirum videri debet, veteres tanto libertatis studio flagrasse, & tyrannorum nomē tanto in odio habuisse: vt cum nūtiū olim ad exercitum peruenisset, de interfecto Hieronymo Hieronis Siracusani nepote, ac milites omnes fremerent aduersus coniuratos: tamen cum paulò post nuntiaretur, proclamari libertatem publicè Syracusis: deposita iracundia contra coniuratos, de modo conseruandæ libertatis deliberare cœperunt. Ob easdē causas ingentibus supplicijs persequēte affecti sunt ij, qui amittendæ libertatis auctores esse voluerunt. Quorum exempla cum plurima extent, hoc loco vnum tantum, idque horrendum & memorabile adducam, quod in Corcyra accidit, tempore belli Pelopōnesiaci. Nam cū tunc vniuersa Græcia in binas factiones diuisa esset, quarum vna Atheniensium, altera Spartanorum amicitiam retinere conabatur: & in Corcyra optimates superiores facti, populo libertatē semel eripuissent: factum

*Pœna cre-
ptæ liber-
tatis.*

tum est postea, ut populus, Atheniensium
 auxilio adiutus denuò optimates deuice-
 rit. Itaque seruitutis iugo excusso, optima-
 tes omnes in magnum quendam carcerem
 incluserunt: ex eo deinde denos singillatim
 educentes, tanquam si illos in exilium mit-
 tere vellent, varijs supplicijs afficiebant.
 Cuius rei tandem certiores facti reliqui in
 carcere: decreuerunt, quocunque modo
 se à tam fœdis supplicijs defendere: facto
 igitur impetu in eos, qui carceres ingredie-
 bantur, illos repellebant, & aditu prohibe-
 bant. Sed eare cognita populus, concitato
 tumultu, tabulatum carcerib. impositum
 aperuit, & ruina murorum vniuersos simul
 suffocauit. Huiusmodi crudelitatis exem-
 pla, pro defensione libertatis tunc plura
 quoque alia euenerunt: maiori tamen cum
 impetu solent homines ereptam liberta-
 tem vindicare, quàm in eos, qui eam eripe-
 re voluerunt ferri. Sed non immeritò pos-
 sit quispiam hoc loco admirari causam, cur
 antiqui illi longè magis laborasse videantur,
 pro libertate publica, quàm id ætate nostra
 fieri videamus. Ego verò ob eandem cau-
 sam id fieri puto, propter quam ijdem illi
 etiam fortiores viri erant, quàm nostri: at-
 que illam maiore ex parte pendere ex ipsa
 educatione, & religionis illorum nostræq;

diuersitate. Nam cum ex religione nostra
veritatem rerum intueamur : discimus ex
illa statim honores & pompam huius mū-
di cōtemnere. Sed Ethnici hæc omnia ma-
gni faciebant, & in ijs summum bonum si-
rum esse putabant : quapropter promptio-
res ferocioresque erant huiusmodi rerum
defensores. Id ex multis eorum institutis
apparet : nam si vel eorum sacrificia cum
nostris conferas : in illis magnificentiam
quandam horrendam, in nostris delicatam
quandam molliciem cernes. In illis, pom-
pæ & magnificentiæ cedes multorum ani-
malium adiungebantur, qui terribilis aspe-
ctus homines etiam feroces reddebat, no-
stra his omnib. caret. Ethnicorum religio
non reddebat homines beatos alijs rebus,
quã gloria & laude virtutis, pro rebus be-
nè fœliciterque in bello aut pace gestis : ex
nostræ religionis institutione, beatiores
putantur humiles, & qui rerum diuinarum
contemplationi dediti sunt, quàm qui res
magnas gesserunt. Summum præterea bo-
num statuit in humilitate & contemptu re-
rum huius mundi. Ethnici omnia contra-
rio modo se habere credebant : nam sum-
mum bonum existimabant in magnitudi-
ne animi positum esse, & corporis viribus
cæterisque omnibus, quæ à fortissimis vi-
ris fie-

ris fieri solent. Hæc vitæ institutio Christianum orbem imbellem fecisse videtur, ut sceleratis ac perfidis principibus certa præda esse soleat. Nam plerique mortalium spe vitæ beatæ cogitant potius de tolerandis iniurijs, quam de ijsdem vindicandis: tanquam si oporteret cælum sine armis ullis solo ocio comparare: sed non erat errore ista Religionis nostræ explicatio, & qui illam ita sunt interpretati, abiecti homines fuere, quibus otium potius quam virtus cordi fuit. Nihil enim religioni Christianæ aduersatur patriæ defensio, imperijq; eius per legitimū modum actio: permittitur omnibus Patriam amare, in honore habere, & ad illius defensionem se præparare. Sed inépta illa educationis ratio efficit, ut si per vniuersum orbem ætate nostra percurras, neutiquam tot populos liberos, tot liberas Respub. ut olim erant, inuenire queas, nec homines libertatis amatores, atque eiusdem acres defensores. Equidem Romani imperij magnitudo, non parum etiam ad id fecit, cum per vniuersum orbem liberas Respub. sub suum iugū subiecerit: sed neq; destructo imperio Romano tamen potuere pristinam libertatem recuperare, nisi per pauca quædam. Quo tēpore augebatur Romanum imperium, inue-

niebantur in omnibus regionibus multi liberi populi, multæ liberæ Respub. præclare institutæ: & libertatis defensores acerrimi: nec proinde à Populo Romano absque singulari virtute vinci, ac superari potuerunt. Exemplo esse possunt vel soli Samnites: quos Liuius testatur tam potentes pace ac bello fuisse, & tam acres libertatis defensores, vt quadraginta sex annos bellum cum Romanis gesserint, nec vinci omninò potuerint, ante tempora Còsultus Papyrij Cursoris, qui Papirij primi filius fuit: quamuis infinitas strages perpessi fuissent. Quo magis miseratione dignum est, si quis eam regionem ætate nostra propemodum desolatâ videat, quæ olim à tot liberis hominibus incolebatur, tot liberis & præclare institutis ciuitatibus exornata erat. Quæ omnia diuersitatis suæ causam habent, ex libertate & seruitute. Quæcunque enim ciuitates ac regiones libertate fruuntur, augentur opibus, & imperio, & hominum multitudine. Quis enim nò libentius procreet homines in ijs locis, vbi matrimonia, & opes liberæ sunt, quàm vbi metus est, ne si quid labore tuo ad educandos liberos comparasti, id tibi à tyranno aliquo auferatur? Vbi libertas est, non modo tibi polliceri potes, liberos fore non seruos, quos procreas

*Libertatis
laus.*

creas filios, sed siquidem virtuti operam
 dent, etiam ad Reipub. gubernationē ad-
 hibitos iri. Augentur opes hīc, non ex agri-
 cultura modò, verum etiam ex omnib. alijs
 honestis artibus: quod omnes ita affecti si-
 mus, vt eo loco libenter acquiramus, quo
 speremus, rebus partis tutò frui posse: In
 huiusmodi locis omnes certatim, cū pu-
 blicorum, tū priuatorum commodorum
 rationem habent, ea que augere conantur.
 At vbi seruitutis iugo oppressi sunt homi-
 nes, contrario modo eueniunt omnia, id-
 que tantò magis, quantò durior seruitus
 fuerit. Durissīma videtur seruitus earum
 ciuitatum atque regionum, quæ imperio
 liberæ Reipub. parent. Primum enim diu-
 tiissima esse solet, vt nulla spes consequen-
 dæ libertatis proposita sit. Deinde solent
 liberæ Respub. augēdarum suarum virium
 gratia, subiectarum imperio suo ciuitatum
 potentiam imminuere, & succum omnem
 propemodum exugere, secus quàm solent
 principes nō omninò barbari, quales sunt
 ætate nostra orientales omnis ciuilis vitæ
 corruptores. Cæteri humanis artibus in-
 stituti, æquiores esse solent, & subditos di-
 ligere consueuerunt, permittuntque non
 solum, vt consuetis artibus rem faciant: sed
 statuta antiqua & leges reliquunt integras,

vt si ob hanc seruitutē incrementum amplius accipere nequeāt: conseruare tamē possint res prius à se partas. Et hoc quidem loco de principatu loquor, qui ab extero homine occupatur: de tyrannide quem patrię cuius inuadit, supra loquuti sumus. Quę omnia si diligenter contēpleris, haud mirum videri debet, Samnites, eo tēpore, quo libertate fruebantur, ad tantā potentiam peruenisse: amissa illa ad extremū fuisse redactos. Qua de re Liuius in bello Punico inquit, Samnites vnica Romanorū legione apud Nolam, vsq; adeò oppressos fuisse, vt legatos ad Annibalem impetrandi auxiliij causa mittere coacti fuerint: Legatos etiā de sua miseria apud Pœnum conquestos, se esse illos, qui proprijs viribus cū Pop. Romano centum annos gesserint bellum, & sæpè binos exercitus Consulares sustinuisse: nunc eò miserię redactos, vt vnicam legionem sustinere nequeant.

Romana urbis magnitudinem ortam esse, partim ex ruina vicinarū urbium, partim quod peregrinos homines ad honorum gradus, in urbe facile admiserit.

CAPVT III.

CRESCIT interea Roma Albę ruinis, inquit Liuius. Nam qui potentem

tem urbem quempia efficere vult, aptam-
 que ad imperium occupandum: in id vnicè
 debet incumbere, vt eam magno ciuium nu-
 mero repleat, siue qua re nunquã ad fasti-
 gium aliquod peruenire poterit. Id ipsum
 duob. modis præstabit, quorum vnus faci-
 lis & gratus, alter violētus esse videtur. Pri-
 mus est, si aditum patefeceris omnib. pere-
 grinis, vt tutò in urbem tuam commigrare,
 & illic habitare, & ausint, & libéter velint.
 Violentus alter est, si vicinas vrbes destru-
 xeris. Ita enim compelles earum incolas in
 tuam urbem commigrare. Vtrumque mo-
 dum obseruârunt Romani, quamobrè tam
 citò creuit Respubl. vt Sexto illorum Rege
 imperante, octuaginta millia ciuium illic
 habitarent, qui ad arma ferenda apti essent.
 Violētus ille modus similis est ei, quo agri-
 colæ in excolendis arborib. vtuntur. Nam
 vt Plantæ altius consurgant, firmioresque
 fiant, atque fœcundiores, amputare solent
 primos ramos, & stolones omnes, videli-
 cet vt succus in superiores plantæ partes
 vberior feratur, & plâta maior fœcundior-
 que fiat. Necessarium autem esse id in au-
 genda viribus atque imperio Republ. vel
 Spartanorum & Atheniensium exemplum
 documento esse potest: quæ vrbes etsi mu-
 nitissimæ essent, & optimis legib. institutæ,

non potuêre tamen Romanam potentiam adæquare, quamuis Roma minus benè instituta videretur, ob tot patrum plebisque contentiones, Cuius rei ratio est, quod Roma vtrumque modum in augendo ciuium numero seruans, potuit ex suis ciuibus ingentem exercitum producere: Athenienses & Spartani contrariam viam ingressi, nunquam potuêre plùs, quàm viginti milia ciuium suorum singuli proferre. Neque enim attribui debet id diuersitati situs locorum, solìve fœcunditati, sed causis iam expositis. Lycurgus enim, Spartanorum legislator, nulla re facilius abrogari posse leges suas existimauit, quàm peregrinorù hominum aduentu. Itaque omnia in Re-pub. eò direxit, ne ciuib. suis occasio esset, cum exteris hominibus conuersandi, aut negotiandi. Ob quas causas ne peregrini reciperêtur interdixit, & matrimonia, quæ cum exteris contraherentur, prohibuit: denique ne occasio exteris mercatoribus daretur, merces suas eò comportandi, mandauit, vt moneta ex corio vterentur, quib. omnibus de causis, nunquam potuit Spartanorum ciuium numerus vehemêter augeri. Sed cum res humanæ, quæcunque aliquid artificij continent, naturam imitari debeant, nec fieri possit, vt planta tenuis,
ponde-

ponderosos ac magnos ramos sustineat: nequaquam existimare debemus, Rempubl. exiguo ciuium numero constantem, posse occupare, aut si quando occupauit, conseruare, vrbes maiores & frequentiores, quàm ipsa sit. Nam si quando tale quiddam ei contigerit, ex leui aliquo motu rursus omnia perdet, perinde vt tenuis planta, ponderosiores ramos habens, ex leui vento confringitur. Quamobrem Spartani, etsi Græciæ totius imperium occupassent, tamen inepti fuerunt ad id conseruandum: vt deficientibus Thebis, reliquæ ciuitates simul omnes defecerint: amissoque vniuerso imperio, perinde affecti erant, vt planta sine ramis. At id Romanis non contigit, quoniam domi plantam habebant firmam, quæ validos illos ramos faciliè sustineret. Hęc precipua causa fuit magnitudinis Romani imperij, quam Liuius, vt ante diximus, præclare expressit, inquiēs: crescit interea Roma Albæ ruinis. De cæteris, quæ etiam eò faciebant, inferius dicemus.

*Respub. tribus modis solere imperium
comparare.*

CAPVT IIII.

Rerum antiquarum historiam obseruanti, tres modi apparent, quibus

Respubl. in vniuersum vſæ depræhenduntur, ad imperium comparādum. Ex ijs primus est, quem Tusci olim obseruarunt, qui inito fœdere inter sese: quo æquali dignitate eorum ciuitates compræhenderentur, subindè plures in suam societatem, ditio- nemque pelliciebant, perinde vt faciunt ætate nostra Heluetij, & olim in Græcia Achæi, atque Aetholi: Quia autem multum negotij fuit olim Pop. Romano cū Tuscis, hoc modo inter se confœderatis: explicanda est aliquatò copiosius hoc loco illorum Reipubl. ratio, de qua etsi historiarum monumentis nil singulare proditum sit: nouimus tamen, quod ante tempora Romanorum Tusci potentissimi fuerint terra mari- que. Quorum potentix argumentum est, quod in Mare superum Atriam, Coloniam nobiliss. deduxerunt, ex quo Mari Adriatico postea nomen ex ipsa impositum remansit: vnus tantum literæ mutatione intercedente. Eorum imperij limites erāt ab ima parte, Tyberis fluuius, ab altera, summæ alpes, quæ Italiam à Germania diuidunt. Sed 200. annis tamen, antequam crescere inciperent Romani Imperij vires, accepere Tusci à Gallis magnam cladē, qui Belloueso duce, siue necessitate querendatum se dum coacti, siue loci fertilitate moti, supera-

superatis alpib. eam Italiæ partem occuparunt, quam vocamus Longobardiam, & à suo nomine eam Galliam Cisalpinam nuncuparunt, expulsiq; priorib. incolis, multas in ea ciuitates extruxerunt, quas possederunt eò vsq;, donec ipsi quoq; postea Romana potentia domiti, pellererur. Hęc erat Tuscorum imperandi ratio, comprehensis æquali fœdere eorū ciuitatibus, quæ duodecim numero erant, & Clusium, Veiij, Fesulæ, Aretium, Volaterra, inter eas præcipuæ. Sed nō potuere tamē illius ope, Italię limites excedere: neq; Italiā vniuersam occupare, propter causas, quas postea cōmemorabimus. Alter imperandi & acquirendi imperij modus est, si ciuitati tuæ plurimas ciuitates socias adiungas, ita tamen, vt tibi imperij nomen, & potestas remaneat, cū ad suscipienda bella, tū in eos, quos sociorū auxilio deinceps occupare, & subigere potueris. Quæ ratio à Populo Romano obseruata est. Tertius est, quo vsi sunt Spartani & Athenienses, ij enim nō socios sibi vllos adiunxerunt: sed quoscunq; occuparunt, omnes sibi subditos fecere. Quæ imperandi & acquirendi imperij ratio, omnium imbecillima est, vt in ijsdem hñce binis præstantib. Rebus pub. apparuit. Neque. n. tam citò, ob vllam aliam causam de-

stru&æ fuerunt , quàm quod Imperium,
suis viribus maius, comparâssent. Est enim
res per se ardua, atque difficilis, imperare
per vim, & ijs præsertim, qui prius liberi
esse consueuerunt. Quod si ergo, neq; ma-
ximum habeas ciuium numerum, neq; so-
cios adiungas, quorum auxilio imperij pō-
dus sustinere possis, vix domare imperio
tuo subditos poteris. Cum autem Atheni-
enses & Spartani neutrum horum fecerint,
nemini mirum videri debet, si ineptam es-
se diximus, eorum imperandi rationem.
Romani vtrumque fecerunt: nec extare pu-
to memoriam vllius Reipub. quæ tali mo-
do imperandi vsa fuerit. Quamobrem cre-
uit etiam illorum potentia, plùs quàm vl-
lius vnquam Reipub. Multos illi sibi per v-
niuersam Italiam socios adiunxerant, qui
ijsdem legibus, vt ipsi viuerent: exceptis
imperij insignibus, quorum sedes Romæ
collocata erat: sed ita fiebat, vt iisdem socij
sensim suisque laboribus, semetipsos ma-
gis magisque Pop. Romano subijcerent.
Nam postquam idem Populus Italia egres-
sus, regna in prouincias reduceret: neque
ij, qui victi essent difficulter parerent, cum
aliàs sub Regibus viuere consueuissent: ne-
que præterea à socijs, sed ipsomet Pop. Ro-
mano superatos se esse putarent: nullū præ-
ter

ter Pop. Romani dominium agnoscebant. Quo factum est, vt omnes socij, quicunq; in Italia essent, à tot Romanorum prouincijs, quæ se eorum imperio planè subiecerant, & vrbe munitissima ac potentissima oppressi: errorem suum tardè nimis agnouerint, quod nulla iam ratio esset, eorum potentiae resistendi. Nam si qui illorum aduersus Romanos coniurarent, breui tempore opprimebantur, & ex socijs subditi fiebant. Hunc administrandi acquirendiq; imperij modum solus Pop. Romanus obseruauit, nec ullus eo præstantior inueniri potest, vel ipsa experientia attestante. Post hunc, secundum locum obtinet is, quem à Tuscis, Achiuis, atq; Ætholis obseruatum olim dècimus, & ab Heluetijs etiamnum obseruari. Nam etsi non magnum imperiū facile sit consequi per hunc: quod Respub. disiuncta in plures ciuitates eodem fœdere compræhensas, nō tam facilè de rebus gerendis consultare queat, nec tam cupidos habeat ciues acquirendi imperij, quod in tot partes postmodum diuidi oporteat: tamen ob has ipsas causas duplici nomine prodesse solet. Primum enim, si quid semel est occupatum, illud diutissimè retinere solent: deinde non facilè bellis sese immiscunt, & pace felicius vtuntur: diutius enim

de omnibus ijs, quæ occurrunt consultare coguntur, & lentius mouentur, quam ubi vnus in mœnibus omnes compræhenduntur. Solet prætereà hæc imperandi ratio, certos sui incrementi limites habere, quos non facile excedit. Nam postquam duodecim, aut quatuordecim vrbes sese eodem fœdere coniunxerunt: nō solent plures recipere in societatem, quod satis se esse, atque sufficere existiment ad sui defensionē: neque magnopere quærunt, vt alijs imperent, cum parum singulis imperium illud prodesse queat: plurium verò sociorum multitudo, confusionem potius quam defensionis auxilium allatura esse videatur. Itaque cum eò vsq; accreuerit fœderis eorū societas, vt tuti esse videantur ab exterorum incursionibus, & sufficētes ad sui defensionem: binos scopos sibi proponunt. Nā aut vicinas ciuitates & regiones in suā clientelam recipiunt, certo stipendio dato, quod inter ipsos facile diuidunt: aut modò huic, modò illi principi operam nūant in bellō. Idq; cum ab Heluetijs nunc; tum olim ab alijs factitatum esse nouimus. Quamobrem narrat Liuius, cum aliquando Philippus Macedoniæ Rex, præsentē Aetholorum prætorē, cum Tito Quintio Flaminio differeret, obiecta esse illi prætori

tori Aetholorum auaritiā , à Philippo : quod non eos puderet militem suppeditare vtrique hostium , vt in contrarijs castris sepe Aetolorum signa cernerentur. Quamobrem vel ex hoc exemplo, videtur ista administrandi , acquirēdiq̃ue imperij ratio, semper sibi similis fuisse. Alteram verò, quā subditi solummodò parantur, vt olim incommodam minimeq̃; firmam fuisse constat : Ita nostra quoque ætate Italicis ciuitatibus parū salutaris fuit. Sola Romanorum illa admirabilis fuit, cuius exemplū neque antea ab vllō populo, neq̃; post vlurpatum esse nouimus. Tuscorum, Aetholorumq̃ue Rempubl. imitantur ætate nostra soli Heluetij , & Sueuorum confœderatio. Quæ cum ita sint , ac tam multa Populus Romanus domi, militiæq̃ue præclare instituerit, & ad augendam , & ad conseruandam Rempubl. salutaria, quæ à nostris hominibus nec considerantur, nec ad imitandum proponuntur: mirum nemini videri debet, si eò res nostræ in Italia redierunt, vt præda simus cuicunque , qui nos inuadit. Nam, vt de cæteris taceamus, Tuscos certè nostros deceret , si non Romanorum illam disciplinam militarem , & augendi imperij rationem imitari se posse considerent : eam saltem imitarētur, quam antiquissimi
illi

illi Tulci excogitârunt: qua si nō magnum & Romanorum simile imperium compararunt: tamen in Italia potentiam acquisiuerunt, quantam illa administrandæ Reipubl. ratio permittit: eamque cum summa laude, & æterna sui nominis memoria, possederunt longo tempore: donec ea primū à Gallis labefactata, & denique à Populo Romano oppressa deletaque, funditus caderet, vsqueadeò, vt ætate nostra tanti illorum imperij vix vlla extent vestigia. Atque hæc ipsa ratio fuit, vt sequenti capite disputare constituerim de causis, propter quas tantarum rerum memoria aboleri possit.

Mutationem religionis, linguarumq̃, Diluuiâ item atq̃ pestilentiam efficere, vt magnarum rerum memoria aboleatur.

CAPVT V.

PHilosophis ijs, qui Mundum æternum esse contendebant, non incommodè obijci posse credo, oblitteratam rerum antiquissimarum memoriam. Neq; enim verisimile est, si Mundus ab æterno fuit, nos planè ignoraturos fuisse illa omnia, quæ ante quinque annorum millia gesta fuerunt. Sed non desunt tamen etiam cau-
sæ

ſæ, quibus maximarum rerum memoria aboleri potuit, quas dum mecum conſidero, partim ab ipſa hominum natura, partim ex cœlorum influxu dependere cenſeo. Ex hominũ natura aboletur rerũ magnarum memoria, ob mutationem religionis & linguarũ. Nam qui nouum religionis cultum inſtituere vult, imprimis operam dat, vt quæ prior religio continebat, omnia deleantur, vtque ſuæ religioni fidem conciliet. Quod ſi illi igitur, qui hanc nouam religionem inſtituunt, etiam nouam linguam introducant. facile illis eſt omnes res antiquas abolerẽ, & eorum omnem delere memoriam. Id ita ſe habere intelliges ex Chriſtianæ religionis inſtitutione: cuius primi autores in id vnicè incumbẽbāt, vt omnes Ethnicorum cæremoniæ ſtatutaque euerterentur & deleantur. Quod autem remanſit tamen aliqua memoria Ethnicorum religionis & veterum inſtitutorum: id factum eſt ob linguam non mutatam: nam Chriſtianam noſtram religionẽ Latina lingua explicarunt: quod ſi illam cum noua aliqua lingua introducere potuiſſent: facile aboleri potuiſſet omnis Ethnicorum diuini cultus memoria. Uſque adeò enim diligentes aſſiduique erant primi illi Chriſtianæ Religionis inſtitutores & moderatores,

in extirpandis Ethnicorum superstitionibus, vt & Poëtas & Historicos quibus aliquid tale contineretur, comburendos iurarent, idola deicerent, & quicquid superstitiones illas aliquo modo redoleret, id omne in vniuersum tollere conarētur. Cui illorū diligentia si noua penitus lingua accessisset, facile potuissent antiquæ illæ res in obliuionem omnes trāsire. Quod igitur fecisse nouimus Christianæ religionis patres in ea constituēda aduersus Ethnicorū superstitiones: id ipsum verisimile est ab ijs factum, qui Gentilismū instituerūt, contrā antiquorū aliquam religionem. Et quoniam quinque aut sex annorum millibus, fieri potest, vt religio bis aut ter planè immutetur: non mirū est, si cum illa mutatione, rerum quoq; antiquarū memoria aboleatur, vsq; adeò vt si quid earū ad posteros peruenit, pro fabula habeatur: perinde vt accidit Diodori Siculi historijs, quæ pollicentur narrationem rerum ante 40. annorū millia gestarū, & proinde nō iniuria pro fabulis habētur. Ex cœlorum influxu perit rerum antiquarum mēmoria, ipso humani generis interitu, qui propter pestes aut diluua aut famem euenire solet. Maxima autem est vis diluuiorum, nam qui ex ijs conseruātur, ferè esse solent homines mōtāni, historia-

historiarum & omnis antiquitatis imperiti: nec proinde posteris suis ullam earum cognitionē relinquere possūt. Quod si quis cōseruatur literatus & peritus antiquitatis: vt sibi nomē & auctoritatem apud posteros relinquat, ex animi sui sententia potius, quàm vt res verè sese habuerint, scribere solet. Neq; verò dubitandum censeo, quin statis tēporibus huiusmodi pestes, fames atq; Diluua per orbem terræ grassentur, cum earum mentionis pleni omnes sint libri historiarū: tūc etiam quod abolitā rerum antiquarum memoriam, tanquam certum eorum effectum intelligamus. His accedit quod rationi consentaneum sit, vniuersum mundum quandoque expurgari oportere, perinde vt singuli homines expurgantur. Nam in his quoq;, auctis omnibus humoribus supra modum, natura si fortis fuerit, excretionem eorum molitur, sine qua interire hominem oporteret. Idem censendum de ipso vniuerso: nam cum omnes regiones terræ, incolis plene sunt, nec vsquā nouus habitandi locus superesse potest: aucta insuper fuerit supra modum malitia hominum: necesse est purgari mundum aliqua magna clade: vt homines, numero primum imminuti, deinde pręsentis cladis intuitu consternati, meliores reddantur.

Quæ cum ita sint, non mirum est, si Tuscorum res, olim tam belli, quàm pacis gloria celebres, à Romana potentia opprimi potuerint, & usq; adeò aboleri, ut vix vlla amplius extent illarum vestigia.

Ratio progrediendi in bellis gerendis à Pop. Romano usurpata.

CAPVT VI.

SUPERIORI capite disputauimus de modo acquirendi, administrandique imperij, quem Pop. Romanus obseruabat: deinceps differemus de ratione gerendorum bellorum: ut intelligatur quantum prudentia cæteros homines superârint, utque methodo semper vsi sint quadam, ad tantam imperij molem cõparandam. Qui bellum gerit pro animi arbitrio, nulla coactus necessitate, propositum finem proculdubio habet, comparare imperium, & partum cõseruare, non amittere: ditare patriam, non ad paupertatem reducere. Ex quo sequitur, rationem habendâ esse sumptuum, ne nimis magni fiant: omnium horum naturâ Pop. Romanus vno quasi fasce comprehendit, dum bella gerenda esse stauisset magnis viribus, ut breui temporis spacio conficerentur. Itaque magnis copijs
in cam-

in campum prodibant, & hosti obuiam profecti statim dimicabant. Victis leges & pacis conditiones permittebant, aut eò Coloniam, quæ esset Romanorum finium custodia, deducebant: ex quo fiebat, ut breui temporis spacio bella conficeretur, & absque magno etiam sumptu. Nam interim dum aperte bellum indiceretur, sufficiebant Coloniae ad fines eorum imperij tutandas: bello publicè indicto, magnis cum copijs prodibant, pugnabant & victis grauiorès, quàm priùs conditiones, præscribebant: atque ita sensim eorum potentia augebatur, & hostium vires imminuebantur. Hunc gerendorum bellorum modum seruauerunt, donec peruentum esset ad Veiorum obsidionem: tunc enim aucta Re-
pub. stipendium ex ærario militibus constituerunt, ut diutius bellum protrahere possent, quæ res ante necessaria non erat, cum bella cum vicinis proximis gererentur, eademque breuissimè conficerentur. Id autem soluendorum stipèdiorum institutum, etsi eò pertineret, ut bella, quæ procul ab vrbe gerebantur, melius confici possent, & exercitus diutius sufficeret ad illa conficienda: nō tamen desierunt in id maximè eniti: ut illa quoque quàm fieri posset citissimè absoluerentur, & ut victis hostib.

cò Coloniae deducerentur. Nam præter cō-
munem Populi Romani consuetudinem,
efficiebat etiam Consulū ambitio , vt
quàm citissimè bella absoluerentur: quo-
niam annus erat eorum magistratus , nec
triumphum ducere poterant, ni prius con-
fectum bellum fuisset. Vt deducendarum
Coloniarum ratio conseruaretur , efficie-
bat utilitas, quæ ex illis ad ciues Romanos
dimanabat. Hæc progrediendi ratio igitur
à Populo Romano perpetuo obseruata est
in bellis gerendis, nec quicquam immuta-
tum, præterquàm in præda distribuenda,
in qua liberaliores à principio fuerunt,
quàm postea, id quæ ob eam causam fecê-
re, quod cum stipendia militibus solueren-
tur, magis ærarij publici, quàm priuatorum
utilitatis rationem habendam putarent. Vt
si ærarium ditesceret , stipendia solui pos-
sent, tributo ciuib. non indicto. Itaq; hisce
rationib. factum est , vt Rom. Pop. ex bellis
ditatus fuerit , non ad paupertatem reda-
ctus: cæteri principes & Respub. quæ Pop.
Romanum imitari nesciunt, nò rarò plura
amittunt quàm acquirunt. Tanta erat autē
Romæ ditandi ærarij apud omnes cupidi-
tas , vt cò redacta fuerit res , ne cuiquam
Consuli ducere liceret triumphum , ni si-
mul magnam auri, argentiq; vim, & aliam
prædam

prædam multiplicem ærario inferret. Vniuersum igitur Populi Romani institutum, quod spectabat, ut bellum breui tempore conficeret, hostem aut vinceret, aut excursionibus & prælijs fatigaret & ad conditiones pacis petendas impelleret, ipse verò subinde magis magisque discerneret.

Quantum agri distribuere solerent Romani singulis, qui in Colonias deducebantur.

CAPVT VII.

QUANTVM agri Pop. Romanus singulis Colonis diuidere soleret: vix memoriæ proditum esse credo: verisimile est autem aliquando plus, & aliquando minus cuique assignasse: prout locus magis aut minus fertilis esset, in quem Colonia deducebatur: nec tamen vnquam id valdè liberaliter ab eo factum: cum Reip. interesset, ut multi in singulas Colonias deduci possent, qui aduersus hostium incursus, tutandis finibus Romani Imperij præsidio essent. Deinde cum tenuiter viuerent ij Ciues, qui Romæ habitabant: verisimile est eos noluisse, ut qui in Colonias deducerentur, vehementer opulenti foret. Exemplo potest esse Colonia Veij, qua post captos

Veios deducta, distributa fuere singulis
 Colonis terna iugera & septem vnciæ agri,
 Liuiο teste. Existimabant enim non tam
 magnitudinem agri, quàm bonam ipsius
 culturam ad victum suppeditandum con-
 ducere. Pascua certè & Syluas eos habuisse
 oportuit, cùm ad pecora nutrienda, tùm
 ad ligna ignib. & ædificijs suppeditanda: si-
 ne quibus Colonia rectè institui nō potuit.

*Quibus de causis populi quidam, relicto
 solo patrio, aliàs regiones inuade-
 re soleant?*

CAPVT VIII.

EX præcedenti disputatione de modo
 acquirendi conseruandique imperij,
 & de Tuscorum antiquissimorū Re-
 pub. à Gallis euersa, sequi videtur, vt dein-
 cept ostēdamus, bellorum duplex esse Ge-
 nus. Alterum enim ex principū ac Rerum-
 pub. libidine siue ambitione pender, quod
 ij, augendi imperij gratia, cum vicinis bel-
 la fulcipere soleant. Huiusmodi fuerūt bel-
 la, quæ & ab Alexandro Magno & à Pop.
 Romano etiam gesta sunt, & alia item, quæ
 etiam etate nostra principes & Respub. in-
 ter se gerere solent. Periculosa illa quidem,
 sed huiusmodi tamen, vt omnes incolas ex
 regio-

regione bello deuastata expellere non soleant. Victori enim sufficit, vt victos in suam potestatem redigat, & cogat imperio suo parere: quod vbi obtinuerit, non grauatur, si maximè antiquis legibus porro vtantur. Longè difficilior magisque periculosum est alterum belli genus, quod inferri solet à gentibus exteris, quæ vniuersæ, cum liberis & coniugibus, siue bello siue fame coactæ, priores sedes deserunt, & alienas regiones inuadunt: non vt imperent ijs, qui iam illic habitant, sed vt illis aut interfectis aut expulsis, ipsi eas possideant. Horrendum est autem huiusmodi bellum, vt Salustius sub finem belli Iugurtini præclare ostendit. Narrat enim illic, quod victo Iugurtha, Galli in Italiam transire voluerint: ac cum cæteris gentibus à Pop. Romano de Imperio tantum fuisse dimicatum: cum Gallis de singulorum hominum salute pugnatum esse. In cæteris enim bellis victori sufficit eos remouisse aut sustulisse, qui imperabant: in hisce agitur de singulorum hominum salute. Nam quæ gentes alienas prouincias inuadunt, veteres Colonos omnes expellere & interficere conantur, vt ipsæ eorum bonis fruantur. Huiusmodi bella habuit Pop. Romanus terna. Primum à Gallis illatum est, qui urbem occuparunt, & Thuscis iam

tus sæpè fuderunt, sed à Mario tandem victi, delectique fuère. Quo loco obseruare licet antiquam Pop. Romani virtutem, quæ tria hæc tam periculosa bella confecit & hostes deleuit. At postquam antiqua illa virtus abolita fuisset, non potuere eiusmodi gentibus, quæ Italiam inuaserant, resistere. Nam cum Vandali & Gothi aduenissent, vniuersum occidentis Imperium occuparunt, nec quisquam eis resistere potuit. Causæ autem, quæ huiusmodi gentes excitare solent, vt relictis sedibus suis, alias inuadant, partim à fame partim à bello pendet, quibus in patria oppressi, discedere coguntur, vt nouas sedes querant. Quod si igitur ingenti hominum numero suscipiant huiusmodi expeditiones: alias regiones inuadunt magno cum impetu, incolas priores expellunt & interficiunt: opes illorum diripiunt, nouum regnum condunt, regioni, quam occuparunt nomen nouum imponunt, quemadmodum iam olim à Mose, & postea ab ijs populis factum nouimus, qui Romanum Imperiũ destruxerunt. Neque enim aliunde sunt nouæ illæ Italicarum regionum appellationes, quàm ab ijs populis indite, à quibus illa oppressa, ac deuastata est, veluti hodierna die est Longobardia, quæ olim Gallia Cisalpi-

na vocabatur: Francia à Francis, qui illam occuparunt, quæ prius Gallia Transalpina dicebatur, Schlauonia, quæ Illyria prius appellabatur: Vngaria, quæ prius erat Pannonia: Anglia, quæ fuit olim Britannia, & Moses Iudæam appellauit illam Syriæ partem, quam cum populo Israelis occupauit: & multæ aliæ eodem modo, vt hæc, nouis subinde nominibus insignitæ fuerunt: quas recensere omnes nimis laboriosum foret. Cæterum eorum populorum, qui bello è suis sedibus pulsi, alienas regiones inuadere coguntur, & earum incolas rursus expellere, exemplum esse possunt Maurusij Syriæ populi, nam cum hi de Hebræorum aduentu certiores facti fuissent, nec existimarent se eorum viribus resistere posse: satius esse putarunt, relicta regione, se suasque res mobiles, quantas secum auferre possent conseruare, quàm omnia periculo committere. Itaque relicta patria in Africam transierunt, & pulsus quibusdam populis, sedes suas illic posuerunt. Nec caret admiratione, eos qui patriam defendere non potuerunt, alienas regiones potuisse expugnare. Procopius in historia belli contra Vandalos à Belisario in Africa gesti, scribit se in columnis quibusdam legisse, ijs locis, quibus Maurusij isti confederant, hæc verba: Nos Mau-

Maurusij sumus , qui fugimus à facie Iesù Latronis filij Naue. Videlicet vt appareret causa eorum, ex patria discessus. Cum igitur extrema necessitate pulsì cogantur huiusmodi populi sedes relinquere , horrendus est illorum aduentus: nec nisi ab excellenti virtute sustinentur, si magnis viribus veniant. Sin exiguus sit illorum numerus, non tantam vim inferre possunt. Itaque arte quadam tunc solent locum quempiam occupare , & contracto cum vicinis fœdere, illum conseruare: vt fecisse legimus Æneam, Didonem, Massilientes, & alios, qui vicinorum auxilio & amicitia ea , quæ occupassent loca conseruarunt. Qui populi autem è suis sedibus maximo hominum numero egressi sunt, fuère Syri, deserta frigidaq; eius regionis loca incolentes : qui cum aucti essent numero tantopere , vt victum non haberent , coacti sunt sæpè loca mutare. Intra quingentos annos non audiuius aliquem populum hoc modo migrasse, videlicet qđ illæ regiones vnde discedere solent, vehementer sint euacuatae tunc, quando illorum aduentu oppressum fuit Romanum imperium. Deinde exultæ sunt nunc illæ Germaniæ magnæ & Angliæ regiones, ex quibus olim migrare solebant, ita vt còmodè illic habitari queat,

nec opus sit illinc migrare. Quibus accedit, quod qui in extrema Germania habitant, Poloni, Cimbri & alij viri fortissimi perpetuas habent dimicationes cum Scythiis ac Tartariis barbarissimis hominibus, eosque prohibent ne transeant, & in Italiam venire queant; quæ de re non immerito etiam gloriantur, quod nisi ipsi resisterent, sæpè foret ut Romana Ecclesia ab illis nationibus peteretur.

Quibus ex causis potissimum soleant inter principes oriri bella?

CAPVT IX.

P R I M A inter Sabinos & Pop. Romanum belli causa, eadem fuit, quæ alios etiam principes & magistratus irritare consuevit, siue illa casu, siue ex instituto penderet eius, qui bellum mouere cupit. Samnitij belli causa fortuita fuit, neque enim constituerant Samnites, cum Sidicinis bellum mouissent, etiam ad Campanos venire, & ex Campanis bellum Romam transferre, ut cum Pop. Romano, cum quo amicitia & societas vetus intercedebat, dimicarent. Sed accidit præter expectationem cum Romanorum tum Samnitum, ut Campanus populus à Samnitibus oppressus auxilium à Pop. Romano peteret,

teret, & cum id aduersus Samnites vereri
 fœdere victos aliter impetrare nō posset,
 sese in Pop. Romani ditionem potestatem-
 que dederet. Iniquū esse visum est populo
 Romano tunc, Campanis ut locijs auxilia
 ferre, eosque aduersus Samnites vetustiori
 amicitia victos armis defendere: sed post-
 quam se dedidissent, turpe etiam videba-
 tur, si dedititios suos nō defenderent, aut si
 occasionē darent alijs, qui fortè eodē mo-
 do, se essent in ipsorū potestatem dedituri,
 dubitādi de fide ipsorum. Id enim ei scopo
 magnoperè repugnabat, qui Pop. Romano
 à primo urbis initio propositus fuit, ad glo-
 riam & Imperij magnitudinem peruenien-
 di. Eadem causā ferè etiam primum bellum
 Punicum excitauit, quod aduersus Cartha-
 ginenses Romani fortè Messanenses in Si-
 cilia defendissent. Sed non fortuita fuit se-
 cunda eiusdem belli occasio: quod Annibal
 Carthaginensiuū imperator de industria Sa-
 guntinis Popul. Romani socijs in Hispania
 bellum mouisset: ut excitati ad illorum de-
 fensionem Romani, occasionem Pœno da-
 rent in Italiam traiciendi. Estq; vsitata ad-
 modum ista ratio arripiendarū belli occa-
 sionum. Nam ut fides nō violata esse videat-
 ūr, quæ certis pactis diu firma fuit, nō bel-
 lum mouent aduersus confœderatū ipsum;
 sed

sed ipsius amicum, aut clientem certò fore sperantes, ut ad ipsius defensionem sese accingens, ipsis quoque cum illo dimicandi occasionem præbeat: aut si clientem & amicum non defenderit, manifestè reprehendi queat perfidiæ, atque hac quoque ratione, facilem ad oppugnandum se hostibus aditum exhibeat. Singulare autem est & præ cæteris illustre exemplum Campanorum, cum ad belli suscipiendi occasiones intueudas & considerandas, tum ad cognoscenda arripiendaque extrema defensionis remedia: ut cum manifestè cernis, te hosti in prædam cessurum, in alterius potentis principis potestatem te dedas, à quo defendi queas, ut Campani fecerunt. Quorum exemplum Florentini imitati, cum Castrucij Senensis impetum ipsi sustinere nequiuissent, neque eos ut amicos defendere vellet Robertus Neapolitanorum rex: in ipsius ditionem sese dediderunt, ut ab illo tanquam domino defenderentur.

Pecuniam non esse neruum belli.

CAPVT X.

QUIA facile est cuique bellum mouere: at non quisque conficere potest id, quod mouit: idcirco decet, ut vires

res nostras recta ratione metiamur, antequam expeditionem aliquam suscipiamus. Sed opus est hic prudentia quadam, ne aut subditorum beneuolentia, aut situs locorum, aut quæ hîsce similia sunt, id tibi persuadeant, quod armorum tuorum robore efficere nequeas. Profunt illa quidē omnia, si cum strenuorum militum virtute cōiuncta fuerint: at seorsim, vires tuas parum augent. Sine strenuorum militum virtute nil profunt thesauri ingentes, nec situs regionis natura loci munitus: beneuolentia subditorum non diutius durat, quam illos defendere potes. Omnes montes, omnia maria, omnia loca munitissima peruia sūt, nisi viris fortib. defendantur. Pecuniæ magna vis, non modò nequit te sola defendere, sed maiori periculo adhuc te exponet: falsa q̃; est ea sententia, quæ dicit, *Pecuniam esse neruum belli*. Pronuntiavit eam primò Q. Curtius, in bello Antipatri Macedonis, cōtra Regem Spartanorum, videlicet quod Spartani pecuniæ inopia dimicare coacti fuerint, eoq̃ue prælio fracti: quod si protrahere bellum potuissent, futurum erat, vt nuntiata paulò post Alexandri morte in Græcia, victoriam sine sanguine obtinuissent. Sed quia pecunia deerat, metuebantq̃ue Spartani, ne miles diffugeret, ob idq̃ue

prælium committere coacti, succubuerūt :
idcirco dicit Pecuniam esse neruum belli.
Quam sententiā ætate nostra omnes prin-
cipes in ore habent : et non ut mihi qui-
dem videtur sapienter. Nam huic veluti
fundamento innixi, existimant thesauros
sufficere ad sui defensionem, nec animad-
uertunt, quod si thesauri sufficerent ad ho-
stes vincendos, Darius potuisset Alexan-
dram superare: Romani a Græcis vinci : &
nostra memoria Heluetij à Carolo Bur-
gundico superari. Et ante paucos dies, Pô-
tifex cum suis, tum Florentinorum viri-
bus, non tanta difficultate apud Vrbinum
debellasset Franciscum Mariâ Iulij i. i. Pôt.
nepotem. Sed omnes ij quos iam comme-
morauimus, ab ijs victi sunt, qui in fortitu-
dine militum potius, quàm Pecunia præsi-
dium posuere. Cræsus Lydorum rex Solo-
ni Atheniensi monstrauit ingêtem thesau-
rum, quæsiuitque quid de tanta potentia
sentiret? Cui ille, bella geri & prælia com-
mitti ferro solere, non auro, respondit : ac
fieri posse ut is thesaurus ei ferro eripere-
tur. Post Alexandri Magni interitum, traie-
cit in Græciam Gallorum exercitus quidā,
& ex Græcia postmodum etiam in Asiam :
tandem missis ad Macedoniæ regē Lega-
tus, cum illo de pace agere cœpit. Rex ut il-
los

los terreret, & potentiam suam demon-
straret, thesauros suos ostendit: quos cum
Galli conspexissent, magno desiderio eorū
flagrantes, nil amplius de pace agere volue-
runt: & tandem eo ventum, ut per ea ipsa
in quibus præsidium omne defensionis po-
nebat, victus ipsique spoliatus fuerit. Et Ve-
neti, ante paucos annos, cum ingētes the-
sauros cumulassent, statim uniuersam diti-
onē perdiderunt, nil adiuuante vel auro vel
argento. Contra communem ergo vulgi
opinionem pronuntio: Non Pecuniam sed
militem virtutem esse neruum belli. Neq;
aurum sufficere ad strenuos milites com-
parandos: sed per hos aurum & argentum
comparari posse. Quod si Pop. Romanus
nō ferro magis, quā auro bellū gessisset:
tam magna ac difficilia bella, ne uniuersis
quidē mundi thesauris cōfecisset. Sed cum
ferro non auro dimicaret, ne auro quidem
caruit: quod illud in castra vsque afferretur
ab ijs, qui Romanorum arma metuerent.
Quod si Spartanorum rex, ob deficientem
pecuniam fortunæ periculum subire & in-
fœliciter pugnare coactus fuit: accidit illi
ob pecuniæ defectum, quæ ex alijs etiam
causis cōtingere potuissent cum illi, cum a-
lijs. Sæpē enim accidit, ut deficiente cōmea-
tu, aut pugnandū sit, aut fame moriendum

& solent in huiusmodi casibus prudentes Imperatores, in eam partem inclinare, quę honestior est, & vbi aliquantum spei vel in fortuna ipsa positū esse queat. Accidit nonnunquam, vt cum Imperator intelligit, hostibus suppetias allatas iri, deliberet, satius ne sit, iam fortunam pugnando experiri, quàm si auctus viribus hostis fuerit, maius periculum expectare. Contingit aliquando etiā, vti Aldrubali in Picæno, contra Claudium Neronem & alterum Consulem Romanum bellum gerenti, vt aut fugiendum sit aut dimicandum: & tutius in hoc quoque casu existimat, cum periculo pugnam subire, quam fugiendo omnia certò perdere. Quę cum ita sint, multas esse videmus causas, quę Imperatorem incommodam pugnam subire cogunt, inter quas, si quando Pecunię defectus reperitur: nō est quod propterea existinemus. Pecuniā esse neruū belli, magis quam reliquas res, quib. idem efficitur. Nō est igitur, Pecunia neruū belli, sed strenuorum militum virtus: Requiritur quidem ad bellum pecuniā; sed nō vt primum instrumētum: est quę earum indigentia talis, quam strenui milites sæpe vicerūt: nec solent nisi rarò, deesse strenuis militibus pecunię, quod ipsi eas spontè inueniant & comparent. Hęc ita se habere,
testan-

restantur mille in locis historiæ. Pericles Atheniensibus suaserat, ut cum vniuersa Peloponneso bellum gererent: idque ipsos industria sua potius, quam aut viribus aut pecunia cōficere posse. Quam expeditionem i) suscipientes, industria illa sua aliquandiu prosperè rem gesserunt: sed tandem apparuit, plus valere Spartanorum militum virtutem, quàm industriam aut pecuniã Atheniensium. T. Liuius nobis hãc quæstionẽ pulcherrimè omnium decedit, in ea ducum cōparatione, qua sciscitatur, si cū Alexandro Magno bellatum foret, qui euentus Romanis rebus futurus fuerit? Plurimum, inquit, in bello pollere videtur militũ copia & virtus: ingenia Imperatorũ: fortuna per omnia humana, & maximè in res bellicas potēs. Vtrum igitur in horũ singulis P. Romanus, an Alexander plus potuerit, cōsiderat: & ex ea consideratione propositã quæstionem soluit: Pecuniæ ne mentionẽ quidem vllam facit. Credibile autem est Populum Campanum, de quo priori capite diximus, cū Sidicinis aduersus Samnites suppetias ferret, vires suas pecuniæ multitudine potius, quàm militum virtute meritum esse: sed eidem accidit, ut re duplici prælio malè gesta, sese in Populi Romanæ conditionem potestatemq; reddere cogeretur.

diique habuerunt. Idem contingere queat
 alijs quaque Italiæ principibus, vel si cum
 Maximiliano Imperatore, vel alijs Monar-
 chis procul hinc distantibus amicitias cõ-
 traxerint: nam omnes hæ, necessitate vr-
 gente, perinde vt Campani Sidicinis, plus
 nominis quàm viriũ præsidijq; afferre solêt.
 Quemadmodum igitur errasse nouimus
 Campanos, quod cum ne seipsos quidem
 defendere possent, non dubitabant tamen
 Sidicinorum tutelam defensionemq; susci-
 pere: ita etiam eos omnes errare existimã-
 dum est, qui Campanorum exemplũ imi-
 tantur. Huiusmodi fuerunt etiam Taren-
 tini, qui ausi sunt se interponere inter Sa-
 mnites & Romanos, vt pacẽ inter vtrum-
 que populum conseruarent. Nam cum op-
 pugnaret Samnites magno exercitu Pop.
 Romanus: misere Tarentini Legatos ad
 Consulem qui Senatus Tarentini nomine
 indicarêt: Tarentinos velle pacem habere
 inter Samnitium & Romanum populum
 & arma aduersus illum sumpturos, qui pri-
 mus pacem violasset. Sed ad ea Consul re-
 potius, quàm verbis respondẽs, iussit clas-
 sicum sonare, vt & præsentib. legatis præ-
 lium iniretur & ostenderetur quo loco
 habenda essent Tarentinorum
 postulara.

*Cum metuis ne bello petaris : satius ne sit
præuenire, ita ut tu prius hostem ado-
riaris, quàm ille te?*

CAPVT XII.

SUPERIORI capite disputatum est
de ijs quæ rectè aut sinistrè fiant in sus-
cipienda amicorum ac sociorum de-
fensione: nunc differemus de modo, quem
in defendendis nobis ipsis usurpare cõue-
niat. Ea de re ego persæpe viros rei milita-
ris peritissimos, differentes audiui: eratq;
totius disputationis caput hoc: Si bini sint
Principes viribus æquales, quorum vnus
alteri bellum indixerit, Vtrum satius sit ei,
cui bellum indictum est, hostem domi ex-
pectare, an ipsius fines ingredi, & veluti
præueniendo prius illum domi suæ adori-
ri? Argumenta sunt in vtramque partem,
Et illi, qui existimant satius esse præuenire,
& hostium fines ingredi, quàm domi illos
expectare, Cræli consilium adducunt, Cy-
ro regi Persarum datum, cum Massagetarū
gentem inuaderet. Nam cum Thamyris
Massagetarum regina, audito Cyri aduen-
tu, ei significaret, optionē se illi dare, mal-
let ne in suum regnum ingredi, an se foris
expectare? Si enim venire mallet, paratam
se esse domi eius impetum sustinere: si non
veni-

veniret: se prodituram illi obuiam. Qua de re cum in Cyri castris disputaretur, suavit Cræsus contra aliorum sententiam, ipsam Reginam inuadendam. Nam si illa procul à suo regno vinceretur: posse nihilominus regnum ipsi conseruari, & exercitus novos comparari. At si intra regni sui fines id fieret: neque fugę neque nouarum copiarum vllam superesse rationem: atque ita regno exui posse. In eandem sententiā aiunt Annibalem Antiocho suasisse, si Pop. Romanum subigere vellet, bellum in Italiā transferret: neque enim aliter eum vinci posse quàm erepta Italia, in qua nouorum præsidiorum penum quendam haberet perpetuum, quandiu extra Italiam esset ac bella gereret. Oportere igitur primo omnium Romam inuadere, deinde Italiam, postmodum ad reliquas eorum prouincias veniendum. Agathoclē etiam, cum Carthaginensium impetum domi sustinere non potuisset, bellum in ipsorum fines transtulisse, & illos ad petendam pacem compulisse, Scipionem eadem prudentia militari, bellum ex Italia in Africam transtulisse. Sed qui contrariam sententiam tuentur, aiunt nō posse commodius labefactari exercitus vires, quàm si procul à patria abducatur, idque vel Atheniensium exemplo notum esse pos-

se, qui, quandiu domi hostes expectarunt, semper vicerunt: at postquam procul a patria bellum gerere cœpissent, & exercitus in Siciliam transferre, & libertatem & cætera omnia amiserunt. Huc pertinere etiam Antæi Libici regis fabulam. Antæum enim ab Hercule Ægyptio petum, tandiu fuisse superiorem: quandiu eius impetus domi sustineret: ac postquā Herculis astutia extra regni fines prodisset, succubuit: vitamque cum regno amisit. Id enim sibi velle, quod Poëtæ de eo fabulantur: quod cum esset Terræ filius, quandiu terræ hæreret, amissas vires inter dimicandū ex matre resumeret: sed cum ab Hercule in altum proiectus fuisset, ne matrem contingeret: victum esse. Exempla præterea rerum, quæ patrum nostrorum nostraque etiam memoria gestæ sunt, idem arguere. Nouimus omnes, quanta fuerit Ferrandi Neapolitani regis prudentia, cum in bello, tum in pace. At idem cum biennio ante obitum cognouisset Carolum VIII. Galliæ regem aduentare, & multos apparatus fecisset: in morbum incidens, ante obitum Alfonso filio, qui in regnum successit, in mandatis dedit, vt hostem intra Regni fines expectaret cum omnibus suis viribus, nec vîquam prodiret cum vllis copijs. Sed ab Alfonso
postea

postea cum nō esset obseruatū patris præceptum, vt qui in Insubriam exercitum hosti obuiam præmisisset: accidit vt vniuersum regnum subito & absque vlla dimicatione amiserit. Præter hæc, quæ vtrinque adducuntur argumenta, obijci solet hoc etiam, quod qui hostem inuadit audacior fortiorque esse solet, quam qui eum expectat domi: quo fit vt qui exercitus in eum finem producit, maiores vires habeat. His accedit, quod is qui hostis sui agrum inuadit, multis eum incommodis afficiat, quæ ipsi non euenirent, si illum domi expectaret. Nam cum agri deuastantur, bona subditorum diripiuntur: nec eorum operaturò vti queas, nec tributum indicere absque magna difficultate possis: atque ita exiccatur fons ille, vt Annibal dicebat: unde belli præsidia manant. Præterea si tuos milites in alia regione habueris: magis urgebuntur pugnandi necessitate, & proinde fortiores audacioresque esse cogentur. Sed hisce rursus responderi solet: hostem commodius domi expectari posse, quam vbi sit inuestigari: cum & com metu & omnibus rebus necessarijs isthic te possis sine periculo munire. Præterea cum situs locorum peritiam habeas: eius consilia facile impedire & impedimenta suis locis

obicere licet. Deinde cum omnibus viribus tuis, simul & semel illi progredi obuiâ, & cum illo pugnare: quod certè extra fines tuos facere nunquam licebit. In prælio etiam, si res minus prosperè gereretur: plures sibi fuga consulere possent: atque inde facilius esset vires restaurare, quàm si omnes aut plurimi periissent, vtque res omnes summatim comprehendantur. Si domi hostem expectes, ita cum eo poteris dimicare, vt etsi omnes vires tuas simul in periculum adducas, non tamen periculo fortunæ omnia tua committas: cū ex infelici quoque pugna, quàm plurimi conseruari queant in patria. At si foris pugnandum sit, non licebit id facere omnibus viribus, quāuis fortunæ periculo simul omnia tua commiseris. Ego verò his omnibus diligenter consideratis, non puto eandem esse rationem vbique, hostem aut domi expectandi, aut foràs ei obuiam progrediendi. Sunt enim quædam regiones munitissimæ, cum natura locorum, tum robore virorum, & urbium: quemadmodum erat olim Italia, & Roma præsertim: ætate nostra autem Heluetiorum & omnium cæterorum, qui eodem fœdere continentur ditio. Quædam econtrà, nec locorum natura nec robore vallorum, ac multò minus virorum fortissimo-

simorum copia munitæ sunt: cuiusmodi erat olim Carthaginensium regio, & nostra ætate Italia, & Gallia ferè vniuersa. Quod si igitur regio tua talis sit, vt neq; virtuti subditorum, neque locorum munitionibus confidere ausis: sed necesse sit belli fundamentum ex pecunia desumi, quæ ex indictis tributis colligitur: procul à patria arce-re hostem oportet: aliàs enim omnem cõficiendæ pecuniæ modum amittes, & statim opprimeris. Exemplo sint Carthaginenses, qui ex redditibus, indictisq; tributis sufficientes sumptus colligebant, vt extra patriam bellum cum Romanis gerere possent. At cum bellum domi haberent, ne Agathoclem quidem sustinere potuerunt. Florentini nostri, cum domi bellum illis faceret Castrucius Lucensis, non potuerunt illius impetum sustinere: sed in clietelam ac deditiõem Roberti Neapolitani regis submittere sese coacti sunt; vt aduersus illum defenderentur. At Castrucio vita functo, ausi fuerunt iidem, Mediolanensium duci bellum mouere, & de eripiendõ illius imperio agere: vsque adeò scilicet in domesticis bellis abiecti fuerunt: & in longinquis virorum fortium specimina ediderunt. At si quæ regiones aut vrbes munitissimæ fuerint, vt olim Roma erat, & ætate nostra Cõ-

fœderatorum regio : tunc tanto difficilius
vincuntur eorum inculæ , quanto fuerint
patriæ propinquiores : quod hoc modo vi-
res coniungere , & vel maximos impetus
sustinere queant : quos certè extra patriam
hostes inuadendo , illis inferre nō possent.
Nec me mouet hic Annibalis autoritas, qui
Antiocho suadebat, vt Italiam primum in-
uaderet. Id enim vtilitatis suæ suorumque
Cartaginensium causâ potius dicebat, quā
quod Antiocho id vtile futurum esset. Nam
si pop. Romanus ternas illas ciades , quas
ab Annibale accepit in Italia, eodem tem-
poris spacio extra Italiam accepisset, siue in
Gallia, siue alibi: perisset eorum res vniuer-
sa. Neq; enim potuissent cæsi exercitus reli-
quias colligere, vires restaurare, & ad bel-
lum denuo se preparare, & tantis viribus
se hosti opponere. Non existimo ex-
tare exemplum exercitus pop. Romani, ad
occupandam prouinciam extra Italiam mis-
si, cuius numerus quinquaginta homi-
num millia excederet : sed ad defenden-
dam patriam armarunt in Italia contra
Gallos octodecim centena millia. Neque
eodem tanto ac tam magno exercitu, eum
hostem quem in Hetruria vicerunt, quod
Gallia Cisalpina vincere potuissent, quod
tantę vires procul à patria educi nequeant.

Cim-

Cimbri copias Romanorum in Germania superarunt: sed postquam in Italiam venissent, rursus cæsi delectique fuerunt: quod ijs magnis copijs in patria se possent Romani opponere. Heluetios extra patriam vincere queas: quod nequeant plus, quam triginta aut quadraginta hominum millia producere. Domi inuicti sunt, quod isthic centum millia armare queant. Itaque cum res ita se habeant, de proposita quæstione sic pronuntio, vt censeam eum Principem, qui fortibus viris abundat, & regionē munitam habet: sapienter facere, si in difficili & periculoso bello hostem domi expectet: non ei obuiam progrediatur. Quod si & regio minus munita sit, & homines inermes & bellis insueti: tutissimum est, vt hostem à tuis finibus arcendo te defendere coneris.

*Ex tenui fortuna ad magnum fastigium
euehi homin. s. solere, fraude magis,
quàm per vim.*

CAPVT XIII.

VERVM esse comperio, quod aut nunquam aut certe rarissimè soleant homines, ex humili fortuna, ad altum fastigium conscendere, absque vi aut frau-

fraude: dummodò non vel iure hæreditario, vel donatione aliqua partum imperiũ fuerit. Et vim solam ad id sufficere, vix cõperies: fraudem solam plurimum profuisse deprehēdes, si vel Philippi Macedonis, vel Agathoclis Siculi vitam inspexeris: præterea aliorum multorum, qui ex humili loco, ad magnum imperium ascenderunt. Hanc fraudis necessitatem explicat Xenophon in vita Cyri, & in prima præsentim eius expeditione, quam aduersus Armenię regem suscepit, fraude & dolo plenam: qua ratione potius, quam viribus, ei regnum extorsit: ex quibus omnibus, id mihi significare videtur Xenophon, quod necessaria sit ars quædam decipiendi, si altum fastigium ascendere, & insignes aliquos progressus efficere velis: neque etiam Cyrum ad tantam Imperij magnitudinem potuisse peruenire, nisi per hoc decipiendi artificium, quo & alios & Medorum Regem auunculum suum imprimis fefellit. No existimo etiam fuisse quemquam, qui per solam ingenuãq; vim, ex humili loco ad magnum imperium peruenerit: sed sola fraude eripuit Io. Galeatius Mediolanensẽ Imperium Bernardo Patruo suo. Quemadmodum autem fraude vti videmus viros principes, in imperiorum suorum inijs confirmandis: ita faciunt

ciunt etiam Respub. & quidem neccsitate ipsa cogente: donec res suas tantoperè confirmarint, vt apertam ingenuamq; vim inferre queant. Romæ habita ratio est omnium eorum, quæ possent ad Imperij magnitudinem cõparandam spectare siue id fortuito, siue ex ciuili quadam prudentia ei vrbi contigerit. Ita q; neq; hæc decipiendi ars à Pop. Romano neglecta fuit. An non enim insigni dolo constabat ea acquirendi imperij ratio, quam vsurpârunt, & de qua cap. 4. huius libri docuimus? Nam quos æquo fœdere in societatem admisissent, eos sensim sub imperium suum redigebant, ijs id non aduertentibus, donec seruiture planè oppressi essent. Huiusmodi fuerunt Latini & alij vicini populi: quorum armis & auxilio Pop. Romanus hostes suos subegit, qui circum habitarent: quib. subactis, aucta est Romanorum potentia tantoperè, vt socios iam non, vt cõfœderatos, sed vt dedititios tractarēt. Neque animaduertere potuere Latini, se falsò societatis nomine, sensim in Pop. Romani ditionem redigi: donec vidissent Samnites duplici præliò cæfos, ad Pacem petendam coactos esse: quæ victoria vt insignis fuit, ita etiam P. Romani gloriâ apud externos Reges & Principes vehementer auxit, & illu-

strauit. Ex qua re Latini cæteriꝑ; socij inuidia, ac metu etiam eius, quod ipsis impēdere cernebant, commoti, vnà cum quibusdā Colonis Latinis & Campanis etiam, qui non longe prius in Romanorum ditionem se dediderant, coniurarunt, & bellum Pop. Romano inferre decreuerunt. Id verò mouere coniurati secundum artes illas, quas cap. 9. explicauit: neque enim bellum directē indixerūt: sed Sidicinis aduersus Sānites auxilia tulerunt, cum quib. illi permissu & voluntate Pop. Romani bellum gerebāt. Neq; verò vllā alia de causa tunc aduersus Romanos coniurarunt socij illi, quā quod inciperent iam dolum subolsacere, & intelligere, se paulatim, falso societatis nomine, in seruitutē redigi. Quod quidē Annius Sertius prætor Latinus, habita ad suos oratione, his verbis præclare expressit. Nā si etiam nūc sub vmbra fœderis æqui, seruitutem pati possumus: quid obest quin proditis Sidicinis, nō Romanorum solum, sed Samnitium quoque dicto parcamus? Quæ cum ita se habeant, mani festē cernimus Populum Romanum in primis Imperij incrementis, eadem fraude vsum esse, quam necessariam esse putamus omnibus, quicunque ex paruis initijs crescere, & ad magnum quoddam fastigium cōscendere conantur.

conantur : quæ tantò minus turpis est, quantò quis magis illam poterit occultare, & honesto aliquo prætextu tegere.

*Multi decipiuntur, dum sub quadam huius
militatis umbra, superbiam euitas
re conantur.*

CAPUT XIII.

SÆpe fit, ut modestia atque humilitas, non modo nil profit, si tibi agendum sit cum insolentibus hominibus, & qui te invidia atque odio prosequantur, verum etiam noceat plurimum. Cui rei argumento esse potest eadem consultatio Romanorum de conservandis in pace Latinis, à quibus bellum illatum iri sibi metuebant. Nam cum quærentur Samnites in Senatu, se à Latinis bello peti : Senatus ne ipsos iam sua sponte ad bellum commotos, magis irritaret, & ab se alienaret : respondit in fœdere Latino nil esse, quo bellare ; cum quibus ipsi velint, prohibeantur. Ex quo responso Latini non modo reconciliati non sunt, sed ferociiores facti : ut per speciem belli adversus Samnites parandi, crebris consultationibus bellum Romanum meditarentur, & paulò post manifestè se hostes esse profiterentur. In quâ sententiâ idem Annii præ-

tor apud ipsos sic loquutus est: Tentâstis
 patientiam Pop. Romani, negandi militē.
 Quis dubitat exarsisse eos? Pertulerunt ta-
 men tunc dolorem. Exercitus nos parare
 aduersus Samnites fœderatos suos audie-
 runt, nec mouerunt se ab vrbe. Vnde hæc
 tanta modestia, nisi ex conscientia viriū &
 nostrarum & suarum? Hæc Litinius. Vt hinc
 manifestè cernere possis, ea Pop. Romani
 modestia & patientia, auctâ fuisse Latino-
 rû arrogantiam. Quamobrem rationē ho-
 noris & dignitatis suæ debēt habere prin-
 cipes omnes, nec facilè quicquā aduersa-
 rio permittere, ex quo in simulari queas ab-
 iecti animi, atq; timidi. Satiùs est etiā bello
 aperto aliquid amittere, quàm vt meru bel-
 li id condonasse videaris. Nam per sæpè ac-
 cidit vt multa condonantes auertendi bel-
 li causa, id potius aduersus nos excitemus,
 quàm arceamus, ob maliciam aduersariorû
 videlicet, qui vbi intellèxerunt te meticu-
 losum abiectumque esse, subinde alia at-
 que alia postulabant. Quib. accedit quod
 neque amici quidem prompti erunt ad te
 iuuandum, vbi te tam timidum esse cogno-
 verint. At si cognita aduersarij tui iniqua
 pètitione, statim te ad defensionem præ-
 parare coneris: nō ita audacter te inuadet:
 quamuis potentior sit quàm tu: promptio-
 resque

resque amicos, atque defensores semper habebis. Et hæc quidem ita intelligi debent, si quidem vnicum hostem habeas qui à te postulet quippiam: sin plures fuerint, qui inuadere volent, prudentissimè facies, si multa condonando & promittendo, ex eorum societate aliquem disiungere, & abstrahere coneris.

*Respublicas infirmas, & principes minus
potentes dubios esse solere in capiendis
consilijs: tardas autem consulta-
tiones esse minimè sa-
lutares.*

CAPUT XV.

EX iisdem hisce, belli inter Populum Romanum & Latinos orti, principijs & consultationibus, obseruare debemus, cum de rebus dubijs differimus: tutissimū esse, si statim de ea ipsa agatur, in qua totius controuersie cardo vertitur: nec suspensa tenere suffragia oportere, sed decernere quid faciendum sit citissimè. Cui rei documentum esse potest, eorūdem Latinorum consiliū, tunc temporis captū, cum de suscipiendo aduersus Romanos bello ageretur. Nam cū Romani de sociorū defectione subinde magis magisque suspicarentur, Linus lib. 3.

eo quod aduersus Samnites fœderatos suos bellum gererent: tamen tanquam de Samnitibus, non de se curam agerent, decē Principes Latinorū Romam euocauerunt, vt cum ijs agerent de pace cōseruanda, vt si quæ ratio esset, illos absq; armis in amicitia retinerent. Latini haud dubij super quare euocarentur, concilio habito, quid actū iri secum credant, quid ad ea responderi placeat, referunt, & cum alij aliud censerent: tum Annius eorum prætor inter cætera hæc dixit: Ad summam rerum nostrarum pertinere arbitror, vt cogitetis magis quid agēdum nobis, quam quid dicendū? facilè erit explicatis consilijs accomodare rebus verba. Hęc vera est consultandi ratio, vt ad summā rerum capita spectemus & de ijs statim decernamus, & proposita esse deberet hæc Annij sententia, omnibus qui magnas res tractant. Neque enim conuenit disputare de verbis, quibus agendum sit & aduersarijs respondendum. Sed quid facere velis aut debeas, hoc constituere oportet: quo facto non possunt verba deesse. Existimaui autem hæc Annij verba huc transferenda, propter tot errores, quos commissos esse noui, ab Consilij ambiguitatem & suspensa nimis diu de rebus iudicia, non sine magno damno, cum aliarum,
tūm

tum nostræ imprimis Florentinorum Reipub. Est enim istud peculiare vitium cum Rerumpub. tum principum omnium, quicunque parum prudentia viribus, consilioque valent, ut in consultando nimis tardi esse soleat: quæ res tunc imprimis periculosa est, quando agitur de suppetijs ferendis aut denegandis ijs, qui aut ut amici aut ut hostes tractandi sunt. Siue suspendatur huiusmodi rerum deliberationes inopia consilij & virium: siue odio eorum, quibus auxilia decernenda sint. Et qui boni patriæ ciues esse volent: neque eas deliberationes debent impedire, quibus videant auxilia decerni ijs, quos odio privato prosequantur: semper enim publica priuatis anteponenda. Cum interfecto Hieronymo Syracusanorum tyranno, bellum esset inter Carthagenenses & Populum Romanum: diuersæ erant Syracusanorum factiones: quod alij in Romanorum amicitia permanere, alij se Carthagenensibus adiungere vellent: iamque ciuitas diuersis studiis diuisa, nil certi decernebat. Sed Apollonides principum Syracusanorum vnus, ostendit illam consilij ambiguitatem perniciem ciuitati accelerare siue igitur ad Romanos, siue ad Carthagenenses inclinent omnes, gratum fortunatumque fore: sin alius aliò trahat res, nec certi

Nam cum is aduersus Ludouicum Mediolani ducem expeditionem suscepisset: cum eorum oratoribus egit, ne ipsi huic bello sese immiscerent: ita enim velle se illos in clientelam suscipere, & à periculis defendere. Hæc pacta regis cum oratoribus suis, Florentini mensis vnus spatium aut approbare rataque iubere, aut ijs renuntiare debebant. Sed illi, ob quorundam in Ludouicum studia, tandiu suspenderunt iudicium super illa re, donec rex victoriâ propè iam comparasset: Et cum pacta illa tunc approbare vellent, & à rege sibi confirmari ea cuperent: Rex qui intelligeret illos necessitate compulsos, in eius amicitiam venire pacta reiecit, & Florentinos ingenti pecunia multauit: idque non semel tantum, sed aliquoties ijs accidit. Tantò deterior autem fuit illa consilij ambiguitas, quod dum suspenderent iudicium, neque Ludouico duci Mediolanensi supplicias ferre potuerunt, quas, si fortè eorum auxilio vicisset, longè melius quàm rex remuneraturus fuisset. De hac tarditate & ambiguitate consilij primo quoque libro huius operis disputauimus, capite 38. sed cum se hic rursus illius occasio offerret: repetere non piguit id, quod in omni Repub. obseruatione dignissimum est.

*Quanta sit diuersitas militum nostræ
temporis, ab illis qui olim mi-
litabant.*

CAP. V. XVI.

ID prælium quod Pop. Romanus cū La-
tinis commisit, T. Manlio Torquato &
Decio Coll. maximum atq; difficillimum
fuit omnium eorum, quæ vllō in bello cō-
missa fuerint. Nam ita se res tunc habebāt,
vt sicuti Latinis ex eo seruitus, Romanis
dominium comparatum est: ita si Romani
non vicissent, ipsi serui facti, & Latini illo-
rū comparassent imperium. Nobiscum sen-
tit Linius, qui inquit, nihil apud Latinos
Linius lib. ab Romana Repub. dissonum fuisse: siue
8. militum virtutem, vincendi desiderium, si-
ue modum etiā spectes instituendi aciem:
solos duces fecisse discrimen, quod in ca-
stris Romanorum præstantiores fuerint.
Ita vt inter omnes Latinos Romanosque,
qui eius pugnæ memoriam posteris tradi-
derunt, facile conuenerit: vtrius partis T.
Manlius dux fuisset, eius futuram haud du-
biē fuisse victoriam. Id verò in ea pugna su-
pra modum memorabile fuit, ex binis Cō-
sulibus, alterum conseruandæ militaris di-
sciplinæ causa, filiū, quod extra ordinē pu-
gnasset, securi percussisse, quamuis de ho-
ste vi-

ste victoriam obtinuisset. Alterū se pro populo Romano deuouisse & in voluntariam mortem tradidisse. Nam bellandum erat aduersus Latinos, qui, vt Liuius inquit, lingua, moribus, armorum genere, & institutis militaribus ipsis congruebant. Milites militibus, centurionibus centuriones, tribuni tribunis, cōpares collegæque ijsdem præsidijs, sæpeque ijsdem manipulis commixti erant. Quæ cum ita sese haberent, & in cæteris omnibus conuenirent: necesse erat aliud quippiam esse, quo animi militū ferociiores, pertinacesque magis fierent ad vincendum hostem, ex qua sola siue constantia siue pertinacia posset victoria comparari. Nam quandiu illa dimicantium pectorib. inest: nunquam de fuga cogitāt: sed ad victoriam ante oculos obseruantē conrendunt. Vt autē tunc firmitus Romanorū quā Latinorum pectorib. inhæserit, effecit partim fortuna, partim virtus Consulū: quæ tanta fuit, vt ex ijs Manlius cōseruandæ disciplinæ militaris causā, filium morti tradiderit. Decius pro Po. Romano semetipsum deuouerit: tantus scilicet erat ardor ille comparandæ victoriæ. Eodem pertinebant studia rerum benè administrandarū: & ordo præsertim ad instituendā acie obseruatus, in vtroq; exercitū similis: de quo
non

*Acies ut à
Romanis
instrui so-
leret.*

non ab re fuerit disputare, & quid in ea, à nostris hominibus peccetur, inquirere. Quantum igitur ex Liuiο colligere licet, hic erat instruendi aciem modus. Vniuersus exercitus in tres ordines diuidebatur: primus in fronte erat ex pubescentium iuuenum flore constitutus, qui certis manipulis diuisi, & interuallis distantes, hastas gerebant, & ex eo hastati appellabantur. Alter deinde ordo totidem continebat ut prior, & in totidem manipulos diuisus erat, qui iustis, sed maioribus quàm primi interuallis distabant: qui ex robustiori ætate, & robore virorum constituti, vocabantur Principes. Tercius ordo omnium maximus, totidem ferè habebat, quot ambo priores. Cuius maior pars constabat ex veteranis spectatæ fidei militibus, qui Triarii dicebantur. Distabant hi quoq; certis, sed adhuc maioribus interuallis, quàm in prioribus binis ordinibus. Singulis quoq; his tribus ordinibus certus equitum numerus addebatur, qui ad dextrum sinistrumque latus constitutus, alarum speciem præbebat, ut ex eo nomen deductum sit, unde Alæ equitum dicebantur. Hi tres ordines rectè se mutuo & præcedebant & sequebantur, sed qui in primo collocati erant Hastati, angustioribus spacijs à se inuicem distabant,

stabant, ut primam pugnam ineuntes, hostem melius sustinere possent. Qui eos à tergo sequebantur Principes, maioribus intervallis à se inuicem aberant: ut si hastati rem minus bene gererent, aut cedere cogerentur: in intervalla huius ordinis recipi possent, acie integra & ordinibus nullo modo perturbatis. Maxima denique erant Triariorum, tertij ordinis intervalla, ut in ea recipi possent, cum hastati, tum principes, si ijs esset cedendum. Vbi his ordinibus exercitus instructus esset, hastati omnium primi pugnam inibant. Si hastati profligare hostem non possent, pede presso eos retrocedentes, in intervalla ordinum Principes recipiebant: tum principum pugna erat, hastati sequebantur, & principum ordinibus permixti una cum ipsis dimicabant. Si apud Principes quoque haud satis prosperè esset pugnatum: à prima acie ad Triarios sensim referabantur: vnde rem ad Triarios rediisse, cum laboratur, proverbio increbuit. Triarii còsurgentes, ubi in intervalla ordinum suorum Principes & hastatos recepissent, ex tèmplò compressis ordinibus velut claudabant vias, vnoque continente agmine, nulla spe post relicta, in hostem incedebant. Id formidolosissimum hostibus erat, cum velut victos insequuti, novam repète aciem

exut-

exurgentem, auctam numero cernebant. Hæc veterum Romanorum est instruendi ad pugnam exercitus ratio, quã planè negligunt nostra ætate, sicuti cætera quoque veterum instituta militaria. Plurimum autè interest, vt rectè instruatur ad pugnandũ acies. Nam cui dubiũ esse potest, quin longè melius sit, eam ita esse instructam, vt terrefici vires exercitus queant, & toties fortunam experiri liceat, quàm vt in primo conflictu omnia periclitentur? Quicumque in prima velitatione vniuersum exercitum fortunæ periculo committit (vt ætate nostra in orbe Christiano fieri cernimus) vehementer periclitatur: quod ex leui aliquo casu, aut perturbata acies, aut aliquid aliud interueniens, aut mediocris hostiũ impetus, amittendæ victoriæ occasionem præbere potest. Nec vlla alia ratio est, cur nostris ducibus necesse sit hoc periculũ subire quàm quod neglexerint veterum illum instruendæ aciei modum, ita institutũ, vt qui in prima acie dimicant, in interualla se seruatõ ordinibus recipere queant eorũ, qui loco posteriori sunt. Etenim qui ita instruit aciem, vt solent ætate nostra, præter consuetudinem veterum, facere: ei ex duobus his incommodis, alterum euenire necessum est. Vel enim in vtrumque latus extendere

dere oportebit plurimum ordinatorū militum series: quod si acciderit, infirmior erit acies, cum à fronte vsq; ad postremam aciem tantò minus spacijs sit, ordinato ad pugnam milite repleti, & ab hoste facilius perfringi potest. Sin exercitum minus ad vtrumque latus extendas, firmiorem habebis aciem, cum dēsius futurū sit agmen, difficiliusq; ab hoste penetrari queat: sed cum iam non ita constitutæ sint ordinatorum militum series, vt anteriores recipere se possint in interualla posteriorum: facile accidit, vt vel leui aliquo impetu pulsus primus ordo, secundū impellat, & secundus tertium, nec possint in subita ordinum perturbatione, qui posteriori loco sunt, progredi, & cum hoste dimicare: ex qua ordinum perturbatione accidit, vt alij alijs implicati, se mutuo obruāt. In prælio quod ad Rauennam commissum est, & in quo Foisseus princeps Gallicarum copiarū ductor occubuit: ita ad pugnam instructi erāt cū Gallici, tū Hispanici exercitus, vt (sicuti temporum nostrorum consuetudo fert) non malè esset in vtrumq; latus plurimum exporrecta acies, quod campi illic latissimè paterent: idq; in vtroque exercitu, ob eam, quam iam cōmemorauimus causam, fiebat, ne retroducēdo ordines perturbaren-

barentur. Sed cum locus angustior est, in id periculum semper incidunt, quod iam ostendimus: nec quisquam est qui cogitet de modo, quo huic malo remedium adhiberi queat. At tantò magis debebat cordi esse harum rerum consideratio, quod eadem pericula quæ in conflictu oriri posse docuimus, in conficiendis itineribus quoque & excursionibus contingere soleant. In bello quod Florentini nostri cum Pisanis, post Caroli Galliæ regis aduentum, gesserunt, ob ipsorum rebellionem, pugnatum est ad S. Regulm, & aliis in locis: victique fuere Florentini, quod equitatus noster in prima acie constitutus, postquam Pisanorum vim sustinere non potuisset, & retrocedere cœpisset, peditum ordines, qui à tergo erant, perturbauit, fregit, & in fugam coniecit: ut Criacus Borgeus peditatus nostri ductor constanter mihi confirmârit, copias nostras pedestres non nisi a nostris equitibus fractas esse. Heluetij id animaduertunt, uti cætera quoque præ cæteris diligenter obseruant, quæ ad disciplinam militarem faciunt. Itaque si in Gallorū castris militant, semper ad alterutrum latus collocari volunt, ne si equitibus cediendum sit, ab iis perturbentur & frangantur.

Hæc faciliè intelliguntur, nec vsque adeò viden-

videntur esse difficilia: cum tamen ex nostris ducibus nullus sit, qui illa obseruare, antiquam consuetudinem imitari, & errores nostrorum hominum emendare conetur. Nam etsi vniuerso exercitui præcursores quosdam præmittant, speculandi causa, & quosdam à tergo relinquant: id tamen, non nisi ad loca cõmoda capienda pro merandis castris conducit, ad dimicandum cum vniuersis viribus nil prodest. Non desunt, qui contendant tormentorum bellicorũ vim obstare, quo minus veteres hisce in rebus imitari queamus: sed quia id mihi non ita se habere videtur: de eadẽ hac quæstione sequenti capite disputabo.

Quanti facere oporteat in exercitibus bellicas nostri temporis machinas, & virum tantam vim habeant, quantam vulgò putantur habere.

CAPVT XVII.

DVM mecum repeto, quot quantaque prælia populus Romanus, toto eo tempore cõmiserit, quo Imperium comparauit: non ab re facere videor, si hoc loco paulò diligētius considerem id, quod vulgò putatur, Popul. Romanum nequaquam tantas tamque præclaras res gerere

potuisse, si tunc tormēta bellica in usu fuissent, quæ ætate nostra vsurpātur. His enim impedimentum obijci virtuti hominum, ne vt olim ea vires suas exercere queat: quod per illa, prælia dirimantur, & prohibeantur homines cominus pugnare: vt verisimile sit, futurum temporis successu, vt vniuersa belli ratio ex tormentorum bellicorum usu pendeat. Id vtum ita se habeat deinceps inquiremus, initio sumpto à ptima illa quæstione, qua quæritur vsque adeò ne ducum militarium virtus tormētis bellicis impediatur, vt Populo Romano ad acquirendum imperium obstaculo esse poterint? Qui bella gerunt, aut defendendi sui causa, aut lædendi alterius gratia id faciunt. Vtris horum tormenta bellica magis prodesse queāt, disputari potest: nec desunt in vtramque partem argumenta: sed mihi tamen longè magis prodesse videntur ad offendendum, quàm defendendum. Nam qui se tormētis bellicis defendit, aut in vrbe est, aut alio aliquo loco munito. Vrbs esse potest vel magna vel angusta: solēt autem cum arces, cum propugnacula alia, etiā in magnis vrbibus angusta esse. Difficillimum autem est, ex angusto loco se aduersus tormenta bellica defendere, quod nullus murus tam crassus sit, quin paucis dieb.

à tor-

à tormentorum impetu diruatur. Eo diruto si desit intrinsecus spacium, ut cedendo vel fossis vel nouis aggerib. reparare propugnacula nequeas: statim ab hoste victus eris, neq; vlllo modo illius impetum sustinere, aut tormentis tuis, quo minus per loca diruta ingrediatur in tua propugnacula, prohibere poteris. Certum enim est hoc, & experientia ipsa cõfirmatum, eos imperus, qui densato agmine magnaq; cum violentia ac celeritate fiũt: tormētis bellicis prohibere non posse: quo fit ut in Italia, qui defensionì vrbiũ præficiuntur, Germanorũ illos insultus tam violētos ferre nequeant. Italorum oppugnationes vtrique sustinent, quod non densato agmine tãtòq; impetunantur: sed leuib. prælijs dimicare consueuerint: nec possint tormentorum vim ferre. Sed qui ita ruunt densato agmine, ut posteriores impellant priores magno cum impetu: ij omnia loca diruta penetrant, nisi aut fossis aut nouis aggeribus prohibeantur. Ex tormentis pereunt aliqui, sed non tot, ut de victòria periclitentur. Hoc ita se habere comprobatur experientia: idque vidimus nos in Italia, cum in alijs locis, tum in expugnatione Brixienfis vrbis. Nam cum illa à Gallis ad Venetos defecisset: & arx ipsa solùm adhuc à Gállis

teneretur: Veneri aduersus impetum, qui ex arce à Gallis in urbem irrumpere posset, locum circumiacentem vndequaque tormentis bellicis muniuerant. Sed Foisseus princeps hæc omnia parui faciens, densato agmine ex arce in urbem per media tormenta bellica descendit & urbem occupauit: nec memorabile detrimentum aliquod sensit, quod ex tormentis accepisset. Quo fit vt pronuntiare oporteat, cum qui se aduersus tormenta bellica in loco angusto defendit, vt, fractis muris, spacium desit recedendi, & nouis fossis aut aggeribus propugnacula reparandi: suis tormentis hostem sustinere nullo modo queat. Si magnā ac spaciosam urbem defendas, in qua subinde retrocedendo liceat propugnacula detruta ab hostibus reparare, cum fossis tūm aggeribus tunc profunt nihilominus longē magis tormenta ei, qui foris urbem oppugnat, quam tibi, qui illam intus defendis. Nam si hosti tormentis tuis detrimentum afferre velis: necesse habes ea alto loco collocare: ex humili enim si tela conijcias, in hostem, facilē aduersus illa se communire poterit. In altum locum neque multa, neque tam vehemētia, attollere poteris, atque is vritur, qui foris te oppugnat; cum huiusmodi alta loca aggeres esse solēat minores,

nones , quam vt in ijs tantæ machinæ tractari queant. Et si quæ in tam alta loca attollantur, difficulter conseruari possunt: cū hostis, qui te foris oppugnat, amplissimum locum habeat, & providere faciliè possit omnibus ijs, quæ in vrbe ex loci angustia, difficultatem pariunt. Itaq; si hostis qui te foris oppugnat, tormentis bellicis abundet: neque in alta loca machinas tuas attollere permittet, neque sublatas conseruare. Vnicum hoc ergo superest; vt vrbes virtute militum defendantur, quemadmodum olim fieri solebat. Cui rei etsi paruorum minorumque tormentorum vsus non nihil conferat: tamen æquare non possunt damnum illud, quod à magnis tormentis, ab hoste in urbem contortis, accipitur. Ea enim mœnia quatiant, diruunt, fossasque replent: vt cum ferro postmodum res gerenda est, longè maius damnum ex hostium machinis senserint in vrbe, quam foris hostes, ab urbanis. Ex quo sequitur verum esse id, quod ante pronuntiauimus, machinas bellicas longè plus ijs prodesse, qui foris vrbes obsident oppugnantque, quàm ijs, qui illam intus defendunt. Quod si non in vrbe, aut propugnaculo aliquo te defendas, sed locum quempiam occupaueris, natura aut arte munitum, ex eoq; hostem tormētis

bellicis sustinere cupias, ne citius quàm ex
vfu esse videatur, manus conferere cogaris:
tunc quoque non multò plus proderunt ti-
bi ad defensionem tormenta, quàm in vr-
be. Nam si hostis tormentis suis locum al-
torem occupauerit, aut alias te adortus
fuerit priusquam castra aggeribus & vallis
muniueris: facilè te coget illinc discedere,
& manus conferere. Id enim Hispanis ac-
cidisse nouimus, antequam prælium iuxta
Rauennam committeretur. Nam etsi iux-
ta Roneum fluuium, qui olim Bidesus di-
cebatur, castra muniuissent: tamen quia
aggeres non tam altos, vt oportebat con-
struxerant, & Galli altioris collis oppor-
tunitatem nacti erant: tormentis Gallo-
rum pulsi, castra deferere, & ad prælium
committendum in aciem descendere co-
acti fuerunt. Quod si locum castris etiam
maximè opportunum occupaueris: eum-
que optimè muniueris, vt hostis te adori-
ri non auit: tamen non deerunt illi eadem
illæ rationes te ad pugnam prouocandi, &
cogendi, quæ apud veteres in vfu fuerunt,
antequam tormentorum bellicorum vsus
vllus extaret: cum excursionibus agros
tuos vastare, prædas agere, comæatum
intercipere, & multis alijs incommodis,
damnisq; te afficere possit: ad quæ omnia
aux-

auertenda quam minimè proderunt tormenta. Quibus ita cōstitutis, expende porro bella Pop. Romani, utrū defensionis potius cāsa, quam lædendi eripiendiq; aliorum imperij gratia suscepta videātur. Nam si constat, eos occupandi orbis cāsa bella gessisse: longè commodius faciliusque id, igneis hisce fulminib. adiuti, præstitissent, quàm iisdem destituti. Ad id quod multi obijciunt, sublata esse hisce machinis viri virtutem: respondeo magis equidem periclitare militem nunc, quàm olim: si vrbs quæpiam inuadenda expugnanda, admotisque scalis, aliisque huiusmodi machinis, conscendenda fuerint mœnia: Duces quoque militares, nunc in longè maiori periculo versari concedo: cum tormenti ictu peti queant, quocunque loco fuerint: nec quicquam prosit quod egregijs militibus stipari, hoc aut illo loco collocati sint. Sed idem ego contendo, ex huiusmodi periculis, hætenus nullum memorabile damnum exercitibus euenisse. Nam & in capiendis vrbibus obsidione longa veterum more potius, quam expugnatione vti cōsueuerunt: & si quæ expugnantur, non tamen multò maiori periculo id fieri videmus, quàm olim fieret. Habebant enim veteres quoque sua tela, quib. utebantur in defendēdis

urbibus: quæ si non erant tam violenta, ut tormenta nostra, ita tamen in hostem torquebantur, cum mœnibus appropinquaret, ut non minorem hominum stragē ederent, quàm soleant igneæ machinæ. Ex duobus militaribus certè, pauciores interiisse credo viginti quatuor hisce annis, quibus Italia tot tamque difficilibus bellis afflicta fuit: quàm, antequam essent inuenta tormenta, vel decennio solo interirent. Vnus Ludouicus Mirandulæ comes, Ferrariæ, cū eam Veneti ante paucos annos inuasissent, ignei tormenti ictu perijt, & præter eum Nemausij Dux ad Ciriniolam: his exceptis neminem hoc mortis genere interiisse nouimus. Nam Foisseus princeps, apud Rauennam, non ictu tormentorum, sed gladiatorum vulneribus occubuit. Quæ cum ita sint, non tam ob tormentorum vsum impediri virtutem militum pronūtiamus, quàm ob militarem disciplinam, in exercitiis minus rectè institutam, cōseruatamque, quod si in vniuerso exercitu antiqua virtus inesset, non vtrique latere posset, vel ob vsum tormentorum, vel ob aliarū quarumcunque rerum impedimenta. Nam quod aiunt quidam, impedimēto esse easdem hasce machinas, quo minus pugnare, ac manus conferere queant, futurumque tandem,

tandem, vt vniuersa belli ratio ab ijs solis depēdeat: id nequaquam verum esse, confitebuntur omnes, quicunque de antiqua militari disciplina, vel paululum quippiam degustârunt. Neque enim firmum exercitum habebis vllum, præter eum, qui congregari cum hostibus consuevit, qui gladijs vti nouit, & lacertorum robore: ob quas causas peditatui longè magis etiam, quàm equitatui confidere queas. Nam si pedites habeas expeditos, & spectatæ virtutis, minori periculo hostem tormētis bellicis instructum inuadere poteris, quàm olim potuisses, cum Elephanti, & currus falcati in vfu essent. Quod si ergo Pop. Romanus aduersus tanta impedimenta remedium inuenire potuit: aduersus tormenta profectò etiam inuenisset, & quidem tantò facilius, quantò minus diu durare possunt fulmina tormentorum, quàm Elephanti & falcati currus durabant. Hæc enim vbi pugna acerrima erat, mediam aciem penetrabant & ordines perturbabant: tormenta ante initium pugnæ fulmina emittunt: eaquæ à peditibus vitari possunt, partim si loci natura aliquo modo tegantur: partim si se interim dum illa emittuntur, humi prosterant: quibus accedit, quod magna tormēta faciliè aut nimis in altum torqueantur, &

neminem tangant : aut dum humilia , & terræ superfici ei vicina emittuntur , in terram cadant. Postquam cominus pugnare cœptum fuerit , desinit omnis tormentorum vsus. Nam si ante primam aciem collocentur , capientur statim in primo congressu : si à tergo relinquantur , non emitri poterunt in hostem , quin prius suos proprios milites contingant : si ad latera collocentur , rursus capi possunt. Huius rei si exemplum cupias , id tibi sufficiet , quod anno Seruatoris nostri M. D. XIII. ab Heluetijs patratum est. Ij enim Gallorum exercitum tormentis bellicis , & equitatu , munitissimum , absque tormentis , & equitibus , iuxta Nouariam inuasērunt , & castris exuerunt , nec à tormentorum fulminibus vllum memorabile damnum acceperunt. Indigent enim tormenta bellica singulari quadam custodia : necessumq; habent fossis , muris vallisq; communiri , alioquin hostibus in prædam cedunt : nec vllus est eorum vsus. Vt autem ad vtrumque instructi exercitus cornu adhibeatur , non potest etiam alio modo fieri , quam apud Veteres vsurpabantur fundæ & alia tela : quæ extra aciem collocabântur , vt seorsim & extra ordines hostes læderent : quod si vel ab equitatu vel alio aliquo impetu turbarentur : recedebant

Heluetiorum memorabile factum.

cedebant retrò legiones, vt ab ijs protegerentur. Hic tormentorum vnicus vsus esse potest, inter dimicandum: qui ijs aliter vti vult, plus ijs confidit, quàm re ipsa postmodum experiatur fuisse confidendum. Turca certè tormentorum bellicorum ope, de Sopho & Sultano victoriam aliquoties obtinuit: sed id illi magis accidit, propter meritum equitib. eorum, ex inusitato sonitu incussum, quam quod tormentis vllam stragem ediderit. Tunc demum igitur singulare quiddam in exercitu præstant tormenta bellica, cum in eodem milites fuerint spectatæ virtutis: quod si machinæ illæ in manus illorum incidunt, qui timidi ineptique sint, aduersus potentem exercitum nihil singulare præstare possunt.

Cùm Populi Romani auctoritate, tùm ex exemplis ab antiqua disciplina militari petitis, probari posse, pedites in bello pluris esse faciendos, quàm Equites.

CAPVT XVIII.

PERMVLTIIS argumētis exemplisq; ostendere possumus, P. Romanum nõ modò pluris æstimasse equitibus peditatum: sed in omni expeditione, roboris bellici fundamentum, in eodẽ constituisse.

Exemplo esse potest, inter cætera, prælium cum Latinis ad Regillum lacum commissum, in quo cedente iam exercitu, iussu equites ad pedes descendere, ut fessis succurrerent, quo modo redintegrata pugna, victoriam obtinuerunt: hinc apparet quãtò plus peditib. quàm equitauì tribuerent. Hoc eodem stratagemate multis alijs in locis vsi sunt Romani, ceu salutari remedio, in maximis periculis. Nec est, quod nobis hic quisquam obijciat autoritatem Annibalis, qui in pugna Cannensi, cum intellexisset, Consules eodem hoc remedio uti, ut suis laborantibus subuenirèt, dixisse fertur, *se hoc malle audire, quàm victos sibi tradi ipsos.* Nam etsi Annibal summus imperator fuerit: non debet tamen illius autoritas pluris aestimari, quàm tot Romanorum imperatorum virtute bellica excellentium sententiæ, ipsa experientia toties comprobatae. Sed neque desunt rationes, quibus idem comprobari potest. Pedes enim multa loca penetrat, ad quam eques nequit peruenire: præterea & ordinem seruare, & eo perturbato, rursus in ordinem redire nouit: Equites non nisi difficillimè seruare ordines possunt, & cum ij semel perturbati fuerint, redire in certas stationes atq; ordines planè nesciunt. Præterea ut magna est
inter

inter homines diuersitas, ita & inter equos: quod alij generosi, audacesque sint, alij viles, & timidi: persæpè verò accidit, vt auidaci equo timidus vir infideat, & vir fortis equo timido: ex qua re multa incommodè atque inordinatè fiunt. Pedites in aciem ritè distributi, longè facilius equitum ordines perturbant ac frangunt, quàm ipsi ab equitatibus perturbari ac frangi queant. Quod non modò experientia ipsa, & exempla quotidiana comprobant, verùm etiam legislatores, & quicunque de Repub. aliquid scripserunt. Ostendunt enim illi, bella primum equitatu geri solita fuisse, quod nondum certà ratio extaret vsurpandi peditatus: at postquam innotescere cœpit vis pedestrium copiarum, peditatum equitatu præferendum censuisse. Hæc verò non eò dicuntur, vt inutiles prorsus existimemus in exercitu equites. Nam necessarij sunt illi quoque, cum ad protegendos pedites, tum ad excursiones, & prædas agendas, ad fugientes hostes persequendos, atque etiam ad sustinendum hostilem equitatum. Sed robur ipsius exercitus tamen in peditibus consistit: quo factum est, vt nostræ Italiæ principes, hoc ipsum parum obseruantes, summoperè deliquerint, occasionemque præbuerint exteris principi-

bus, illius imperiū inuadendi. Omne enim studium circa equestrem militiam collocarunt: peditum nullam rationē habuerunt: idque factum est partim ignorantia principum, partim ducum militarium malitia. Nam cum viginti quinque ferè annorū spacio, omnis rei militaris cura peruenerit ad quosdā imperatores, qui modò huius, modò illius principis stipendia merebantur: in id vnicè incubuerunt, vt sibi auctoritatem, quā maximam possent, conciliarent. Id verò nulla alia ratione præstare commodius poterāt, quā si perpetuum exercitum secum haberent. Cum igitur ad magnum peditatum sustentandum; sumptus non sufficerēt: nec posset exiguus illis eam, quam cuperent, auctoritatem conciliare: ad alendos equites studium omne conuerterunt: quod ducenti aut trecenti equites imperatori non leuem existimationē conciliare posse viderentur: nec tamen sumptus tanti requirerentur ad illos sustentandos, quin ab egregio & mediocriter opulento principe solui possent. Hoc vt melius obseruare & porro obtinere possent, nullam aut certè exiguam rationem peditum in exercitu habuerunt, etiā tunc cum bella ingruerent: vt in maximo exercitu, exiguus semper peditatus fuerit: quæ res,
eum

cum alijs vitijs, quæ ætate nostra grassantur, coniuncta, vsque adeò imbellem Italiã effecit, vt ab exteris omnibus vndiquaque sit deuastata. Maior igitur peditatus, quam equitatus ratio semper habenda est. Id quæ apud Romanos ita obseruari solitum, euidentissimè patet, vel ex eo, quod in Satriculæ obsidione apud Samnites accidit. Nã cum illic ex Samnitibus imperator, ex Romanorum exercitu Magister equitum occubisset: nec ad ducum casum pertulsa magis quã irritata omnis multitudo esset: extemplo ad pedes descensum ab Romanis est: coactique idem Samnites facere: vt commodioris defensionis causa, in utroque exercitu, equestris pugna in pedestre prælium sit commutata. Evidentissimè igitur patet hinc, Populum Romanum peditatui longè plus quã equitatui tribuisse. Nam ceteris in locis iussere Còsules descendere ex equis sessores, vt laborantibus peditib. subuenirent: hinc equites cum equitibus pugnabant, & cum existimarent non posse se victoriã sic obrinere: ex equis vtrinque descenderunt, vt hinc nõ immeritò pronuntiemus, peditatum egregium, ac benè instructum, firmum esse in bellis præsidium, nec superari posse, nisi difficillimè. Crassum & M. Antonium Romanos duces, legimus,

per

per vniuersum Parthorum Imperium ex-
curriffe, exiguo cum equitatu, sed pedita-
ru firmo: nec quisquam ijs obesse potuit v-
niuersus Parthorū exercitus. Nam etsi re-
gio plana esset, montibus carens, à mari
procul sita vndiquaque, fluminibus quoq;
minimè abundans: tamen ita se communi-
uit Antonius, vt virtuti peditum Roma-
norum nullum impedimentum à Parthis
equitibus obijci potuerit. Crassus interiit
dolo magis, quàm virtute hostium, quod
eorum promissis confidēs, tandē ad com-
meatus inopiam, extremamq̃ miseriam
reductus fuerit. Sed quid opus est, exempla
tam longè petita adducere? extant recen-
tia argumenta exemplaq̃, quibus mani-
festè ostenditur, longè maiorem vim pedita-
tui, quàm equitatu inesse. Nouimus Hel-
uetiorum peditum nouē millia, apud No-
uariam, inuasisse, & prēlio superasse, decem
millia peditum, & totidem equites. Ab e-
quitibus enim nullum periculum metue-
bant: pedites parui faciebant, quod essent
Vascones, & minus benè instructi homi-
nes. Cernere licet deinde, triginta sex mil-
lia itidem Heluetiorum peditū, iuxta Me-
diolanum, Franciscum Gallię Regem ado-
riri, qui secum viginti millia equitum, pe-
ditum quadraginta millia habebat, & cur-

rus

rus bombardicis machinis onustos centū. Nam etsi Regem hīc vincere nō potuerint: cum eo tamen per biduum strenuē dimicârunt: & postquam fracti fuissent, mediam exercitus partem nihilominus conseruauerunt. M. Attilius Regulus non modò equitarum suo peditatu sustinere sperabat, sed Elephantos etiam: id quē illi si non ex voto successit, non impedit tamen, quin de peditatu egregio, summa quæque nobis polliceri debeamus: vsque adeò, vt non nisi ab alio maiori ac fortiori vinci queat. Cum olim aduersus Philippū Vicecomitem Mediolani ducem, sedecim millia Heluetiorum peditum in Italiam descēdissent: eisq; Garmignolus cum mille equitibus & peditatu exiguo occurrisset, ignarus artium bellicarum, quibus ij vterentur, putauit se illos statim in fugam conijcere posse. Sed cum infractum robur eorum animaduertisset, vt erat magni consilij vir, subitò retrocessit, assumptisque pluribus peditibus, iussit cataphractos quoque equites ex equis descēdere: atque ita Heluetijs obuiam factus, illos oppressit. Nam Cataphracti armis recti, Heluetiorū ordines sine damno penetrabant, eosque perturbabant, ex quo factum, vt omnes sint cæsi, præter eos solos, quos Garmignoli benignitas cōseruauit. Credo

equidem multis notum esse, quantum peditatus sit equitatu præferendus: nihilominus tamen ea est infelicitas nostri temporis, ut nec vetera, neque recentia exempla persuadere possint viris principibus, ut errores hosce emendent: quo fit, ut & hæc, & alia veterum instituta militaria sensim aboleantur, non sine magno eorum qui bella gerunt, detrimento.

Si quæ comparantur bello à Republ. male instituta, ea potius ad interitum illius pertinere, quàm ad imperij magnitudinem comparandam.

CAPVT XIX.

HVIVSMODI falsæ opiniones, de equitatus peditatusque usu, & differentia, in hominû animis usque adeò infixæ sunt, & pessimis exemplis confirmatæ, ut nemo cogitet, de modo emendandorum nostrorum errorum, & introducenda veterum cõsuetudine. Quis enim intra viginti annorum spacium, Italo homini potuisset persuadere, fieri posse ut decem peditum Heluetiorû millia, cum decem millibus equitû & totidem peditib. dimicarent, eosq; prælio superarêt? quod ad Nouariam omnes

omnes accidisse nouimus. Quamuis enim exemplis pleni omnes sint veterū historia-
rum libri: nemo tamen ex nostris homini-
b⁹, aut fidē veterib. adhibuisset: aut credidisset, idē nunc, quod olim, fieri posse. Omnes enim obijciūt, melius armari equites nunc, quam olim: & posse nostrorum Cataphractorum equitum agmen, non modò peditum insignem numerū pellere, verum rupes propè ipsās loco mouere. At considerare oportebat, Lucillum exiguo peditatu, quadraginta millia equitum Tigranis fregisse, inter quos non pauci erant armis eodē modo recti, vt nostri hodie muniuntur. Idem Luculli factum videmus in Italia, nouo Germanorum exemplo confirmatū. vt hominum nostrorum errores hinc facile patefieri queant. Ad veterum ergo disciplinam militarem redeundum est, siquidem Respublicæ rectæ gubernari debeant, cum in comparādo imperio qualicunq; , tum in cōseruandis ijs, quæ à maioribus parta acceperunt. Urbem liberis hominibus replere: vicinorum amicitiam societatemquē conciliare: Colonias deducere, & fines parti imperij defendere: prædas ex hostibus agere: excursionibus eorum agros vastare: prælijs potius cum illis dimicare, quā obfidionibus eorum vrbes cingere: publicā

potius quàm priuati boni rationem habere: militaribus studiis homines exercere. Hæc vera est augendarum Rerum publicarum acquirendique imperij ratio. Cæteræ omnes acquirendi rationes ad Reipublicæ perniciem potius, quàm salutem & incrementum pertinent. Itaque si qui sunt, quibus hæ non placeant: ij deuitare debent omne studium comparandi, soli defensionis operam dare: quemadmodum faciunt Germanorum Respublicæ, quæ hoc modo, pace & tranquillitate longissimo tempore vîsæ sunt. Sed vt ut conemur à bellis, inferendisquæ iniurijs abstinere, non possumus tamen semper eorum occasiones euitare, & pace perpetua frui. Nam si maximè abstinere ab iniurijs, non deerunt tamen alij, qui te lædere conabuntur: vt hinc desiderium, ac necessitas quædam, bella suscipiendi, & aliena rapiendi per sæpe oriatur, vsque adeo certa, vt si hostes peregrini defuerint: non deesse soleant domestici: ob multiplices iniurias, quibus in Repub. ciues magni afficiuntur, aut affecti esse putantur. Germanicæ vrbes pace diutina fruuntur, ob diuersam, quandam naturam cum hominû, tum ipsius regionis, quam vix alibi inuenire liceat. Nā cum essent olim Romano imperio subiectæ: veluti Gallia & Hispania: liberta-

Germanicæ tranquillitas.

bertatem tamē ab Imperatoribus Germanis, postquā insignia imperij ad eos translata fuissent, senlim simplici quadam industria, redemerunt: reseruata imperatoribus annua quadā pensione solummodo: quædam verò Austriacorum ducum prouinciæ planè defecerunt, & libertatem nactæ, vsque adeò opibus potentiaque creuerunt, vt non modo reduci amplius sub iugum seruitutis nequiuertint, sed terrori iam sint omnibus vicinis populis: cuiusmodi est Gens fœderatorum. Hinc factū vt vniuersa Germania ætate nostra diuisa sit in Heluetios, liberas Imperij ciuitates, Principes, & Imperatorem. Imperator etsi non habeat magnas vires, est tamen in maxima existimatione apud omnes, vt si quæ inter eos aut lites aut discordiæ intercedant, ab ipso facilè componantur. Atque hinc fit, vt pace ac tranquillitate fruantur, nec vllius belli memoria extet apud ipsos nūc, quàm eius, quod Heluetij gelsère cum Austriacis. Et quamuis Austriaci duces, imperij fasces multis iam annis habuerint: non potuère tamen hanc fœderatorum gentem domare, quamuis lummis viribus id attentarint. Cæteræ Germaniæ vrbes ac principes in hoc bello, aduersus Heluetios Imperatori auxilia ferre noluerunt, partim quod liber-

rati communi fauerent: partim quod cum ipsi non essent admodum potentes, non libenter viderent Austriacorum nimis augeri potentiam. Hoc ergo quasi æquilibrium constituta Germania, Imperatorum potentiam non metuit, sed reueretur, concordiaque fruitur, quod singulae vrbes, singuliq; principes, suis contenti sint, & metu vicinorum hostium, à controuersijs ac litibus abstineant. Quod si res Germanorum aliter essent affectæ, cogerentur ipsi quoque bellis operam dare, & ne ipsi opprimerentur, aliis bella inferre: & cogitare de ratione augendi imperij. In aliis regionibus, quib. non est tanta, tamq; exacta moderatio, aut proportio & æquabilitas potentiae, cum urbium, tum principum, pax cõseruari, vt in Germanianon potest: quo fit, vt potentibus Rebus pub. cogitandum sit de illa augendi imperij ratione, quam apud Romanos in vsu fuisse docuimus. Aliam quicunq; ingredi volet, non tam incrementum quam ruina Reip. molietur. Quod mille modis oñeri esse soleat recenter parta imperia: præsertim si cū ipsis, non simul etiam vires augeantur, vt res nuper partæ cõseruari possint: quemadmodum fieri solet, tunc quando cunq; plures sumptus faciendi sunt, in acquirendo aliquo dominio, quam vsus fructus

ctus illius, deinde cōpensare queat. Id Florentinis nostris ac Venetis etiam accidit, quorum vires, cum hi Galliæ Cispalinę, illi Hetruriæ imperiū acquisiuisent, imbecilliores extitēre, quàm prius, cum alij Maris Imperio, alij exigua ditione contēti erant. Omnes ad imperiū aspiramus, de modo illius comparandi, cōsēruandiq; nequaquā rectē cogitamus. Id autem turpe est. Nam cum Romanorum exemplū imitari liceat, neque id præstare sciamus, quo modo absque exemplo, verum legitimumq; modū, vt Romani fecerunt, deprehendere & inuenire queamus? Præsertim si cogitemus quantum periculi afferre quandoq; soleat, etiam benè institutis Rebus publicis, recēs parta prouincia aliqua, aut vrbs, delitijs & fortunæ indulgentia abundans: ex qua corrupti hominum mores, per contagium quasi ad nostros transire ac serpere possunt. Veluti Pop. Romano accidit, cum primum Capuam occupassent: & postmodū etiam Annibali. Tantum certē periculi inde imminebat, vt nisi Roma, quæ nequaquam procul aberat, remedium insolentiæ militum attulisset, potuisset vel inde principium oriri ruinæ atq; interitus Reipublicę. Iam tum enim, vt Liuius inquit, minimē salūbris militari disciplinæ Capua, instru-

mentum omnium voluptatum, delinitos militum animos auertit à memoria patriæ. Solent enim huiusmodi loca, tot delitijs abundantia, sine cæde ac sanguine, peculiari quadam ratione vlcisci, & pœnas de ijs sumere, à quibus occupantur. Nam cum eos prauis moribus imbuant, effœminatosque reddant: facile tales efficiunt, vt postmodum facile à quouis opprimantur. Id Iuuenalis præclare expressit, cum inquit ex conuersatione cum peregrinis hîsce hominibus, Romanorum homines fuisse immutatos, vt qui prius parcè ac duriter viuere tolerent, postea Gulæ, luxuriæque sese tradiderint. Nam is inquit:

Luxuria incubuit, victumq, vlciscitur orbem.

Quæ cum ita sint, ac constet populo Romano etiam, ad disciplinam militarem tam egregiè instituto, periculosa fuisse quarundam vrbiũ ac prouinciarum recens occupata imperia: nemini mirum videri debet, si cæteris principibus ac Rebus publicis, quæ Romanorum virtutem nullo modo possunt exequare, idem contingere posse pronuntiemus: præsertim tunc, cum non proprijs ciuibus in bello, sed mercenario milite vti coguntur.

Neque

Neque principes, neque Respubl. sine periculo uti posse auxiliario, ac mercenario milite.

CAPVT XX.

SI non alio loco disputassem ex professo, quantū intersit Reipub. ne vel mercenario vel auxiliario milite uti cogaris, sed tuorum ciuium operam vsurpare ausis, ac possis, longius de eadem hac questione hīc differendum foret: sed quoniam de hac re copiosè alibi docuimus, breuiter summa rerum capita hīc attingam: cum eius largam occasionem Lilius ipse nobis præbuerit. Auxiliarem militem illum voco, quem tibi Princeps aliquis, aut Respub. suis sumptibus auxilio mittit, sub certis Signis ac ducibus: quemadmodum is erat, *Lilius lib. 7.* quem petentibus Campanis, Romani, Samnitibus fuis, ad hybernandum Capuæ reliquerant præsidij causa, ut commodius Samnitium excursiones arcerentur. Sed idem is miles, qui præsidio vrbi esse debebat, Campanorum voluptatibus delinitus, cœpit animum à memoria patriæ auertere, & consilia in hybernis agitare, de adimenda Campanis Capua. Cur enim potius Campani agrum Italiæ vberimum, & dignum

agro urbem possiderent, qui nec se, nec suam
tutari possent, quàm Romanorum victor
exercitus, qui suo sudore ac sanguine, inde
Samnites depulisset? Sed hæc agitata oc-
cultis coniurationibus consilia, antequam
perficerentur, Consul singulari prudentia
impediuit, ut ostendamus tunc, quando de
côiurationib. differemus. In præsentia hoc
dicimus, quod Auxiliarium militum usus,
omnium maximè periculosus esse soleat.
Primum enim cum à te neque duces neque
milites stipendia accipiant, sed ab illo aut
Principe, aut Repub. à qua tibi auxilio mis-
si sunt: fasces tuos atque Imperium parum
curant. Deinde confecto bello, prædæ ope-
ram dant, eamq; non ex hostib. solum, verum
etiam ab ijs colligunt, quibus auxilio missi
sunt: siue id facere soleant propria libidine,
siue dolo principis, à quo mittuntur. Non
equidem eo animo prælidium istud Roma-
ni reliquerant Capuæ, quod quicquā mali
in animo haberent: sed miles ipse tamen,
cum ex loci opportunitate, tum effœmina-
tis Campanorum animis, quos facile op-
primi posse credebant, occasionem singu-
laris facinoris sumpserant, & oppressis ci-
uib. urbem decreuerāt occupare. Huius-
modi exempla plura huc adduci possēt: sed
quia hoc euident est, eo contenti esse possu-
mus.

mus. Atque hinc inferre licet, cum res eò
deuenit, vt non nisi huiusmodi auxilijs de-
fendere te possis: longè satius esse cū hoste
pacisci, quocunq; tandē modo. Semper e-
nim tolerabilior erit conditio, si cū eo paci-
scaris, quā si huiusmodi refugia quæsiueris.
Quod si enim cum vetera, tum recentia ex-
empla intuearis, deprehendes, si quando
huiusmodi auxiliares copiae semel profue-
runt, multoties postea nocuisse. Neq; enim
vllam commodiorem occasionem habere
potest ambitiosus Princeps, aut auara ali-
qua Respub. te opprimēdi, quam si ijs sup-
plex fias vt te defendant, & auxilia ab ipsis
postules, quib. rur⁹ esse queas. Quod si quis
igitur eò demētiæ venerit, vt nō modo au-
xiliares copias pro sui defensione expetat:
verum etiam vt bellum alijs inferre possit:
is eò contendit, quo peruenire nequit. Idq;
etiam appetit, quod non potest cōseruare,
si maximè acquirat. Nam is, qui illi ea com-
parat, etiam potest auferre. Quæ omnia etsi
ita se habeant, tanta esse solet tamen ambi-
tio hominum, vt id quod ante oculos est,
solum intueantur, de futuris nil cogitent,
præsenti cupiditati satisfacere contentur, de
præcauendis futuris malis solliciti nō sint.
At veterum exemplis commoueri oport-
tebat, & obseruare liberalitatem, quana

piam prouinciam miserit, qui non ambitione & imperandi cupiditate ab ipso missus: sed flagitâribus subditis, ad eorum res componendas, concessus. Ij. Campani fuere, qui intestinis dissidijs laborâtes, necessarium sibi fore existimarunt, ciuium Romanorum quempiam secum habere, ut ibilius auxilio, & nutu, perturbata illorum Respub. constitui posset. Eorum exemplū postea sequuti Aniates, & ijsdem ferè causis permoti, Præfectum ipsi quoque petierunt, quod iam, ut Liuius inquit, nō solum arma, sed iura quoque Romana pollebant. Hæc verò imperandi lenitas, plurimū profuit ad Imperij incrementum. Nam quæ vrbes aut gentes libertate frui consueuerunt, & proprijs legibus uti: eæ longè æquiori animo tollerant tale imperium, quod procul abesse videatur, quamuis non careat aliquo onere, quàm id, quod coràm cernere, & ante oculos perpetuò habere, ac formidare coguntur. Quibus hoc quoque accedit, quod si quæ in iure dicundo, aut puniendis delictis, grauius seueriusq; fiunt: ea minus aggrauant eum principem, qui liberè permittit subditis, ut suis legibus uiuant: quàm illum, qui per ministros suos hæc omnia exequitur: quò fit, ut hoc eodē modo causa tollatur, cōcipiendi vilius ad-

uersus principem odij. Huius rei extat, ætate nostra, recens in Italia exemplum: nouimus Galliæ regem, Genuensem urbem, aliquoties occupasse: & cum prius ad illam gubernandam Proregem ex Gallia mittere soleret: nunc ipsa rei euidentia edoctus, ut ciuium beneuolentiam magis sibi conciliare possit: liberè ipsis permittit, ut urbem gubernent, & Proregem ex suis ciuibus, quem volunt ipsi eligant. Nemo enim est qui dubitet posteriorem hunc modum, Genuensibus magis gratum esse: atq; hinc fieri, ut illorum animi, hac quasi libertate deliniti, Regi se plus debere, deuinctosque esse magis fateantur. Nam omnes homines ita affecti sunt, ut tantò magis confidant, seseque totos tradant, quantò minus metuant, ne opprimantur: tantò minus autem vnumquemque vel principem, vel Rempub. metuunt, quantò maiorem eorum & humanitatem, & beneuolentiam experiuntur. Romanorum erga Campanos comitas & beneuolentia effecit, ut Prætorem ab ijs peterent. Quod si austeriores, seuerioresque erga Campanos Romani fuissent: non modò non petiissent præfectum sibi dari Campani, sed omnibus modis eorum imperiū excutere conati fuissent. Sed quid opus est exempla à Romanis Campanisque petere,

petere, cum habeamus non minus euidentia Florentiæ, & in tota Hetruria. Nouimus Pistolam ciuitatem ante multos annos, sponte sese in Florentinorum nostrorum potestatem dedisse: Cum Pisani verò, Lucensibus, & Senensibus, plurimas inimicitias semper exercuimus. Neq; id propterea euenit, quod Pistolenses minus charam habeant libertatem, quàm vel Pisani vel alij: aut quod etiam se, atque urbem suam minoris æstiment, quàm illi: Sed ex eo orta est hæc animorum diuersitas, quod cum Pistolensibus amicè semper se gelsere Florentini, atque beneuolè, quapropter sponte se sub illorum imperium submiserunt: aduersus Pisanos, Lucenses, atque Senenses, hostilem animū perpetuò declararunt: quamobrem non modò sponte se dedere noluerunt, sed omnem lapidem mouerūt, ne in illorum potestatem vnquam venirēt. Quod si Florentini amicè magis sese cum vicinis gelsissent, & illorum amicitiam sibi conciliaissent, non inferendis iniurijs tam feroces effecissent: dudum Hetruriæ imperium comparassent. Non nego, quin armis quoque vti cogamur, sed beneuolentia prius tentare omnia oportet, arma tanquam extremum remedium existimare.

Quant-

Quantum persæpè à veritate aberrant hominum opiniones, de rebus magni momenti conceptæ.

CAPVT XXII.

QUAM sæpè errare soleant homines, cum de rebus magnis differunt: noverunt omnes quicunque huiusmodi consilijs interesse consueverunt. In hisce enim nisi adhibeantur excellentiũ virorum iudicia, facillimè aberratur. Persæpè verò etiam accidit, vt summi viri pacis tempore, in multorum odiũ incurrant, ac propè negligantur, in corruptis præsertim ciuitatibus: quamobrem instituuntur tunc deliberationes de summis rebus tales, quæ fauoris atque gratiæ plus habeant, quam quod ad publicam vtilitatem sint accommodatæ. Patescunt autem hi errores postmodum, aduersis temporibus, in quibus necesse est plerumque ad eorum consilium confugere, qui pacis tempore negligebantur. Incidunt etiam inter deliberandum accidentia, & casus quidam, propter quos facillè labimur, nisi singularem rerum experientiam habeamus, quod apti sint probabilitate quadam hominibus id persuadere, quod ipso rerum euentu fallum esse postea ostend-

ostenditur. Atque hæc in eum finem dico, ut expendamus Numisij Latinorum Imperatoris consilium de renouando bello cum Romanis, postquam cæsi fuissent: Atque etiam id, quod multi fore opinabantur, cum ante paucos annos, Franciscus Galliæ Rex, ad recuperandum Mediolanum aduersus Heluetios in Insubriam proficisci statuisset. Nam cum Ludouico XII. vita functo, Franciscus in Regnum successisset, & Mediolanense Imperium, ab Heluetiis paulò ante occupatum, Galliæ Regno restituere decreuisset: operam dabat, ut auxilio Iulij, XII. Pontificis, aliquos sibi in Italia conciliaret, per quos facilius sibi aditus esset ad illam expeditionem. Cum igitur & Venetos ante, Ludouicus in suas partes pertraxisset: & Florentinorum animos iam pertentaret, Leo decimus impediuit, quod minus illi assentirentur, quod nimis facilem Regi fore adiutum putaret, ad id Imperium occupandum: præsertim cum & Hispani Regis Gallici nomine iam Insubriam ingressi essent, & Imperator iam Veronam peruenisset. Persuasus enim erat à suis, si neutram partem sequeretur certam habiturum victoriam. Neque enim ex usu Ecclesiæ Romanæ esse, ut præpotentes aliqui in Italia regnarent, siue Rex; siue Heluetij: utrosque ergo efficiendos

esse, vt in pristinam libertatem Ecclesia posset restitui. Sed cum simul ambo superari non possent, neque etiam singuli, vt tunc res sese haberent, expectandam occasione commodiorem: fore enim vsi inter se Rex, & Heluetij, prælio dimicarent, alter eorum succumberet: aliter verò etsi vinceret, tamen ita cæsum & viribus imminutum iri, vt tunc à Pontifice facile deleri posset. Commodissimam ergo illam occasionē, ac tanto melius eam arripì posse, quod Pontifex tunc instructissimum exercitum non procul ab Insubria haberet, qui illic, sub prætextu defendendæ Ecclesiæ vrbes, hærens, euentum pugnae expectaret: quam cruentissimam fore oporteret, ob vtriusq; exercitus, siue virtutem, siue pertinaciam: fractis autē vtriusq; exercitus viribus, posse deinde Pontificem, eorum reliquias sine difficultate delere, Insubria potiri, & in vniuersa Italia pro arbitrio dominari. Hæc erant Pontificiorum consilia, & de rebus, quæ tunc gerebantur, opiniones: sed quā vanæ stultæque essent, euentus ipse docuit. Nā cum difficili prælio Heluetij victi essent: victorē Gallum inuadere, non modò ausi non sunt, nec Pontificij, neque Hispani: sed ad fugam omnes se præpararunt: nec potuissent illa fuga conseruari, nisi accessisset Galli hu-
ma ni

manitas, aut fortè segnities, qua factum ut prima victoria contentus, aliam non appetierit: sed cum Pontifice pacem certis conditionib. fecerit. Nitebantur tamē quibusdam rationib. hæc Pontificiorum consilia, quæ speciem quandam veri præ se ferre videbantur: re ipsa vanæ erāt. Rarò enim accidit, ut qui hostē prælio vincit, multos de suis amittat, quod in fuga nulli perire soleāt ex victore exercitu, sed inter dimicandū solūmodo, nec pugna diu soleat durare. Præterea si maximè concedas, prælia quādoque diu durare, & antequam victoria in alterutram partem inclinare incipiat, plurimos utrinq; interfici posse: tamē hoc rursus confiteri oportet, victoriam, tantam existimationem asserre secum ei, qui illa potitur, hostib. verò tantum incutere terrorem, ut damnum interfectorum militum vberimè compensetur. Itaq; vehementer errat is, qui victorem exercitū facilius deleri posse confidit, eò quod in comparāda victoria vires imminuerit. Nisi enim eū tātis virib. inuadas, quib. illum ante conflictū quoque, superatum iri credideris, stulè facies, quod is, qui semel victoriam obtinuit, exercitus, hoc ipso & fortunatior, & fortior esse soleat. Apparuit id quoq; in exercitu Latīnorū cuius paulò ante fecimus

mentionem. Nam cum Numisij Imperatoris consilijs persuasi, crederent Latini Romanorum exercitum, à quo victi fuerat, eo prælio vehementer fractum fuisse: vt victoriæ nomen tantum penes illum esset: fortunam vtramque aciem æquali cæde afflixisse: atque hæc toto Latio iactarentur talia esse, vt si cum intesto exercitu denuò redirent, Romanos nil minus, quàm prælium expectantes, perculsos inopinato aduëtu, facile oppressos iri. Sed falsa, vanaq; fuisse eadem hæc consilia, docuit euentus. Postquam enim collecto exercitu eos redire Romani cognouissent, obuiam progressi, illos prius oppugnarunt ac debellarunt, quàm locum castris capere possent. Idemque sibi polliceri possunt quicunq; easdem occasiones arripere, & exercitum victorem inuadere audent.

Pop. Romanum in iudicando omnia extrema spectasse, non intermedia voluisse.

CAPVT XXIII.

QUod Liuius inquit de populo Latino: eò deuenisse illum, postquam bis cum Romanis prælio dimicasset: vt neque bellum, neque pacem pati posset:

ſecid nos in genere obſervantes, pronun-
 tiare debemus atque exiſtimare, eum mi-
 ſerrimum eſſe rerum ſtatum, cum Princeps
 aut Reſpub. quæpiam eò deuenit, vt neque
 pacem ferre, neque bellum pati poſſit. Id
 vero tunc cōtingere ſolet, cum victis nimis
 duræ pacis conditiones proponuntur: vt
 eas dolore permoti aſpernētur: ad bellum
 autem tollerandum vires cum non habeāt,
 ab ijs auxilia implorare cogantur, in quo-
 rum poteſtatem mox venturi ſint. Cauſæ,
 quibus ad talem rerum ſtatum adducimur,
 ex malis conſilijs plerunque dependent, vt
 cum bella ſuſcipimus, aut alias res maio-
 iores, quàm pro ratione noſtrarum virium,
 attentamus, nec vires noſtras metimur. Id
 in Latinis apparuit, qui Romanorum pacta
 & pacis conditiones admiſere tunc, quan-
 do non oportebat: bellum verò indixēre,
 cum pacem conſeruare, ac quærere dece-
 bat: vt illis ex æquo pax atque bellum no-
 cuerint. Vicerat illos primū Manlius Tor-
 quatus: eoſdem poſtmodum F. Camillus &
 debellauit, & planè afflixit. Nam omnes
 eorum vrbes occupauit, præſidijs muniuit:
 reuerſusque in urbem, Senatui nuntiauit,
 vniuerſum Latium in Popu. Romani pote-
 ſtate eſſe. Quia autem memorabilis admo-
 dum, & obſervatione digna eſt Senatus, de

Pop. Latinorum tunc lata sententia : ideo-
 co copiosius de illa hic differendum puta-
 vi, vt in similibus casibus exemplum habe-
 remus ad imitandum. P. Romanus in de-
 cernendo, nil medium apprehendit, sem-
 per ad extrema spectauit : quod ita impe-
 randum censeret, vt subditi, vel nō possent
 nocere, vel non vellent. Nolunt autem tūc,
 cum beneficijs se affectos intelligunt, ita vt
 fortunam nullam suæ præponant. De po-
 pulo Latino Camillus ad Senatum his ver-
 bis tulit. Dij immortales ita vos potentes
 huius consilij fecerunt: vt sit Latium, an nō
 sit, in vestra manu posuerint. Itaque pacem
 vobis, quod ad Latinos attinet, parere in
 perpetuum, vel sæuiendo, vel ignoscendo,
 potestis. Vultis crudelius consulere in de-
 ditos victosque ? Licet delere omne La-
 tium. Vultis exemplo maiorum augere
 rem Romanam, victos in ciuitatem acci-
 piendo ? Materia crescendi per summam
 gloriam suppetit. Certè id firmissimū im-
 perium est, quo obedientes gaudent. Sed
 maturato opus est, quicquid statuere pla-
 cet, & illorum animos, dum expectatiōe
 stupent, præoccupare. Hæc cum consul ita
 proposuisset, Senatus secundū eius senten-
 tiā de singulis Latij populis decreuit, pro
 cuiusq; merito: ita tamen, vt nil medio cre-
 hic

hic fieret: omnia extrema summaq; essent. Quibusdam enim non modò pepercerūt, sed eosdem etiā multis beneficijs affecerunt, ciuitate donarunt, & multa alia iura, & priuilegia concesserunt, vt nullā causam haberent, vel rebellandi, vel aliās, quocunque modo, res nouas moliendi. Quibus parcere noluerunt, ijs & oppida diruerunt, & omnis generis pœnas, suppliciaque imposerūt. Nam dirutis mœnibus, eos agro spoliarunt, depulerunt, atque dissiparunt, vt bellum amplius parare nulla ratione possent. Hoc fuit Patrum de Populo Latinorum iudicium, omnibus sapientib. principibus & obseruandum, & imitandum. Quod si idem Florentini nostri fecissent, cum anno salutis M. D. 11. Aretium cum tota Cianensi valle rebellasset: imperium suum confirmassent, & Rempublicam vehementer auxissent. Adiecissent enim Florentino agrum illum, qui vnus deesse videtur, ad victum sufficientem ciuib. supeditandum. Sed illi mediam viam ingressi sunt, quæ in huiusmodi iudicijs, semper pernitiōsa esse solet. Urbem enim cōseruauerunt: primates loco mōuerunt omnes, & antiquis dignitatum gradib. deiecerunt: aliquos in exiliū expulerunt: nonnullos cōdemnauerunt. Quod si qui tunc suaderent,

mus comprobandum, pertinet & aliud Populi Romani iudicium, quod de Priuernatibus pronuntiarūt. Ex quo non modo discedere possumus, ad extrema in huiusmodi iudicijs spectare oportere, & subditos tā grauitē delinquentes, vel planē tollēdos, vel beneficijs afficiendos esse: verum etiam quod magnitudo animi, & libertas orationis, coram viris sapientibus, in huiusmodi causis plurimum reis prodesse queat. Cum in Senatu de Priuernatib. castigandis deliberaretur, qui defecissent, & per vim rursus sub Imperium redacti fuissent: & prout cuiusque ingenium erat, alijs atrocius, alijs mitius suadentibus: tum ex Legatis vnus interrogatus à quodam, qui tristioris sententiæ autor erat, quam pœnam meritos Priuernates censeret? Eam inquit, quam merētur qui se libertate dignos censent. Ad quod responsum Consul, vt mitius ab eo extorqueret aliud: Quid si pœnam, inquit, remittimus vobis, qualem nos pacem vobiscum habituros speremus? Si bonam dederitis, inquit, & fidam & perpetuam: si malam, haud diuturnam. Tum verò, etsi quidam hæc aliter interpretarentur, melior senatus pars ad meliora responsa trahere, & dicere, viri, & liberi viri vocem auditam. An credi posset, vllum populum aut homi-

nem, diutius, quam necesse sit, in ea, cum
 eum pœniteat, conditione, mansurum? Ibi
 pacem esse fidam, vbi volūtarij pacati sunt;
 neque eo loco, vbi seruitutem esse veluit, fi-
 dem sperandam esse. In hanc sententiam
 cum & Consul, & principes sententiarum
 consulares, inclinarent eos demum, qui
 nihil præterquam de libertate cogitarent,
 dignos esse asseriebant, qui Romani fierēt.
 Itaque in senatu causam obtinuerē, & ex
 autoritate patrum, latum ad populum est,
 vt Priuernatib. ciuitas daretur. Vique adeo
 scilicet egregijs, ac sapientib. viris placuit,
 liberrimum ingenui viri responsum: vt qui
 facile intelligerent, si aliter respondisset,
 nō q̃ tam res ipsa erat, fuisse dicturū, quàm
 quod præsentis rerum statui, fortunæque
 sese accommodare voluisset. Id enim certè
 de hominibus sentire oportet, qui aliter in
 huiusmodi casibus, & dicere, & promitte-
 re solent, quàm vitæ illorum conditio, &
 consuetudo ferat: qua re decepti, qui cum
 illis fœdera & amicitias contrahunt, per-
 sæpè multis motibus occasionem præbēt.
 Quæ cum ita sint, id quod in principio hu-
 ius disputationis proposuimus, ex vtroq;
 adducto iam exemplo confirmamus: cum
 de præpotente aliqua ciuitate, populo, aut
 principe statuendum est: non mediam
 viam

viam ingredi oportere, sed ad extrema enitendum: & aut beneficijs eos afficiendos, deuinciendosque esse, aut omninò opprimendos. Qui aliter statuat, errasse demum sese intelliget: perinde vt etiam Samnitibus accidit: qui tot ciues Romanos ad Fircas Caudinas conclusos, ac propemodum vinctos, cum haberent: neque eos necarunt, neque beneficijs affecerunt, quod tamen prudens ille senex faciendum suadebat: sed mille contumelijs affectos, armis spoliatus, & sub iugum missos dimiserunt. Ex quo factum, vt paulò post errorem suum agnouerint non sine magno detrimento, vt suo loco docebimus.

Arces, & loca munita, in genere considerata, plus nocere suis autoribus, quàm prodesse.

CAPVT XXIII.

Mirum fortè cuiquam videatur, cum victi debellatique Latij populi, toties rebellarent: cur Pop. Romanus, ad eos in officio continendos, compescendosque, non arces aliquas, aut Priuerni aut in alijs eorum ciuitatibus, construxerit: secus enim certè fecerunt, quàm Florentini nostri faciendum putet, qui existimant Pisas, ceteras-

rasq; ciuitates, arcibus compescendas esse. Equidem si Pop. Romanus, nostris hominibus similis fuisset, perinde fecisset, vt nostri. Sed quia in eo alia virtus, alia potentia, & aliud de rebus iudicium merat, idcirco aliter faciendum putauit: nec libera existente Repub. vnquam vel ad vrbes compescendas, vel ad prouincias defendendas, arces aliquas extruxit: ex ijs tamen quas conditas ab alijs occupauit, aliquas cōseruauit. Quæ cum ita sint, ac longè aliter sentire videatur nostri temporis principes: idcirco non ab re facturum putauit, si quærem hoc loco, vtilēs né, an inutiles sint auctoribus suis, tantæ moles? Cuius disputationis hoc principium esto, quod arces extrui soleant, vel ad arcendos hostes, vel ad subditos compescendos, & in officio continēdos. Ego verò pronuncio, ad priorem vsum eas necessarias non esse, ad posteriorem inutiles, & noxias existere. Ad compescendos subditos noxias arces existimo quoniam rebellionis periculum, quod meretur: oriri soleat ex odio subditorum aduersus dominos concepto: odere autem principes, dominosq; suos subditi, ppte acceptas iniurias: principes iniurijs afficere solent subditos, eosq; malè tractare tunc maximè, cum se illis pro arbitrio dominari, eos

ri, eos domare, ac compescere pro animi libidine posse sperant. Id verò tunc potissimum cogitant sperantque, cum in medio illorum ingenti mole extructas habuerint arces munitissimas: quod aduersus eas neminem quicquam ausurum credant. Quæ cum ita sint, non inutiles modo sunt arces huiusmodi, ad continendos in officio subditos, sed etiam noxiæ: cum ijs, plus quàm conueniat, cōfidentes principes, subditos malè tractandi plectendiq̃ue occasionem arripiant, eoq̃ue odium illorum aduersus sese concitant: ex quo rebelliones, cædes, & infinita mala dependent. Sed neque, cū bella ingruunt, tantam vim habent arces, quantam illis attribuere homines solent. Duo enim solùm sunt modi, subditos per vim in officio cōtinendi, compescendiq̃;. Alter vt in promptu habeas exercitū egregium, vt Pop. Romanus habebat, quo motos liceat componere fluctus. Alter vt rebelles planè deleas extirpesq̃;, ne amplius deficere, aut arma aduersus te capere queant. Nam si bona illorum diripias: spoliatis arma supersunt. Si arma quoque ademeris: furor arma ministrat. Si ducib. interemptis, cæteris vitæ vsum concedas: renascetur subinde alij duces, veluti Hydræ Lerneæ capita. Si arces habueris, tempore pacis au-

cis audaciorem, iniquioremq; te erga subditos efficiant : bello adueniente, cum ab hostibus, tū subditis tuis oppugnabuntur nec fieri poterit, ut utrisq; resistas. Quod si vnquam inutiles fuere arces ad compescendos subditos: nostra profecto ætate nō inutiles tantum, sed etiam perniciosæ sunt: propter bellicarū machinarum vsum, quarum impetum neque arces, neque vlla loca exigua sustinere possunt : quod ad illas sustinendas subinde retrocedere oporteat, & ruinas murorum ab ijs factas, nouis fossis intrinsecus aggeribusque compensare. Hæc cum ita se habeant, expende porrò, num per huiusmodi arces compescendus sit populus, qui iam ante ditionis tuæ fuerit, an qui nuper imperio tuo sit adiectus? Certè enim si principatum à maioribus acceptum possideas: arces, ad subditos in officio continendos, nō proderunt: propter causas iam ante explicatas : cum audaciorem & te posteros tuos efficiant, ad inferendas populo iniurias: ac proinde exponant te illorum odio : nec possint te postmodum defendere : propter hæc ergo causas, & ne vel ipse, vel eius hæredes, occasionem habeant, tyrannidem exercendi, sed populi beneuolentiam sibi conciliare conentur, sapiens princeps arces nunquā

extrue-

extruere debet. Quod si Franciscus Sfortia, qui vir sapiens fuisse existimatur, occupato Imperio Mediolanensi, tamen arcem condidit: non propterea in ea re sapienter fecit: quod illa arx posteris eius pernitiola iuerit. Ea enim se tutos esse posse sperantes, ciues variis iniuriis affecerunt: ex qua re, tantum sibi odium conflagrunt, vt primo hostis aduentu, principatum amiserint. Quamobrem belli tempore, illos ab impetu hostium defendere non potuit: pacis tempore illos insolentes iniquosque fecit, & odio populi exposuit. Quod si illa arce caruissent, & nihilominus insolentia illa vfi essent erga subditos: longè prius experiri potuissent quorundam ciuium, iniuria affectorum, malevolentiam, quàm omnium odium in se conciliaissent: atque ita cognito errore, meliores fieri potuissent, & subditorum animos recôciliare. Quod si conciliatos sibi subditorum animos habuissent: longè melius Gallorum impetum, absque arce sustinuissent: quam infensis ciuium animis, ea ad propellendum hostem iuuari potuerint. His accedit quod arces facile amittantur, vel fraude eorum, qui illis præficiuntur, vel hostium vi, vel fame, & longa obsidione. Quod si amissam quampiam urbem, arcis ope, quæ sola in fide per-

permanferit, recuperare velis : exercitu nihilominus opus habes, perinde, ac si arcem non haberes, & quidē tanto maiori, quanto verifimilius est, ciues magis infenſos tibi eſſe ob iniurias ex arce acceptas quam fuiffent futuri, ſi arce caruiſſes. Experientia ipſa docuit Mediolanenſem arcem, neque Sfortianis, neque Gallis, tepore belli, quicquam profuiſſe : pacis tempore vehementer nociuiſſe: quod vtrique tanti operis molli confidentes, nō cogitarint de humaniori aliqua ratione conſeruandi illius principatus. Guido Vbaldus certē, Fœderici Urbini ducis filius, rei militaris peritiſſimus: poſtquam imperio pulſus fuiſſet, à Cæſare Borgia, Alexandri VI. filio: idemque Imperium poſtmodum ex caſu quodam recuperaiſſet: omnes arces atque propugnacula illius demolitus eſt. Nam quia beneuolos ſubditos habebat, ad eos compescendos iis opus nō habebat: aduerſus hoſtes, illas ſine exercitu defendere ſe non poſſe videbat. Iulius Pontifex pulſis Bononia Bentiuolis, arcem ibi condidit: cuius præfectus cum partim Pontificis iuſſu, partim propria malitia, à nullis iniuriis abſtineret: Bononiēſem populum uſque adeò irritauit, vt rebellaret, & arcem quoque illi ademerit. Nicolaus Caſtellanus, Vitelliorum pater, in patriā, qua
pullus

pulsus à Pontificibus fuerat, reversus: binas arces, quas Sixtus 1111. Pont. ibi extruxisset, demolitus est: quod existimaret populi benevolentiam fore sibi munitissimam arcem, ad principatum conseruandam. Id verò & recentissimum, & euidentissimū exemplum est, ad demonstrandum, inutilem esse artium structuram, ruinam earūdem vtilem: quod Genuæ accidit, ante paucos annos. Nouimus enim postquam ea vrbs, anno salutis M. D. VI. à Ludouico Galliaë rege defecisset: isque cum magno exercitu ad eam recuperandam in Italiam venisset: recuperata vrbe, cōdidisse Regem ingentis molis arcem, quantam nullam eo tempore fuisse constat. Nam & loci natura, & arte inexpugnabilis videbatur: Godefæ promontorio super mare eminenti, insidebat, vt illinc portus vniuersus, telis feriri posset, & magna etiam vrbs pars. Nihilominus tamen, cum deinde anno Domini M. D. XII. Galli omnes Italia pellerentur; Genua quoque arcem nihil formidans, ad Octauianum Fregosium defecit, qui illam obsidione cingens, sedecim mensium spacio, fame coactam, ad deditionem compulit. Postquam eam Fregosius occupasset, omnium consilijs, qui suadebant, vt illam tanquam refugium quoddam conseruaret,

mentionem. Nam cum Numisij Imperatoris consilijs persuasi, crederent Latini Romanorum exercitum, à quo victi fuerāt, eo praelio vehementer fractum fuisse: vt victoriæ nomen tantum penes illum esset: fortunam vtramque aciem æquali cæde afflixisse: atque hæc toto Latio iactarentur talia esse, vt si cum intesto exercitu denique redirent, Romanos nil minus, quàm prælum expectantes, perculsos inopinato aduētu, facile oppressos iri. Sed falsa, vanaq; fuisse eadem hæc consilia, docuit euentus. Postquam enim collecto exercitu eos redire Romani cognouissent, obuiam progressi, illos prius oppugnarunt ac debellarunt, quàm locum castris capere possent. Idemque sibi polliceri possunt quicumq; easdem occasiones arripere, & exercitum victorem inuadere audent.

Pop. Romanum in iudicando omnia extrema spectasse, non intermedia voluisse.

CAPVT XXIII.

QUod Liuius inquit de populo Latino: eò deuenisse illum, postquam bis cum Romanis praelio dimicasset: vt neque bellum, neque pacem pati posset:

set: id nos in genere obseruantes, pronuntiare debemus atque existimare, eum miserimum esse rerum statum, cum Princeps aut Respub. quæpiam eò deuenit, vt neque pacem ferre, neque bellum pati possit. Id vero tunc cōtingere solet, cum victis nimis duræ pacis conditiones proponuntur: vt eas dolore permoti aspernêtur: ad bellum autem tollerandum vires cum non habeâr, ab ijs auxilia implorare cogantur, in quorum potestatem mox venturi sint. Causæ, quibus ad talem rerum statum adducimur, ex malis consilijs plerunque dependent, vt cum bella suscipimus, aut alias res maiores, quàm pro ratione nostrarum virium, attentamus, nec vires nostras metimur. Id in Latinis apparuit, qui Romanorum pacta & pacis conditiones admisere tunc, quando non oportebat: bellum verò indixêre, cum pacem conseruare, ac quærere decebat: vt illis ex æquo pax atque bellum nocuerint. Vicerat illos primû Manlius Torquatus: eosdem postmodum F. Camillus & debellauit, & planè afflixit. Nam omnes eorum vrbes occupauit, præfidijs muniuit: reuersusque in urbem, Senatui nuntiauit, vniuersum Latium in Populi Romani potestate esse. Quia autem memorabilis admodum, & obseruatione digna est Senatus, de

Pop. Latinorum tunc lata sententia : idcirco copiosius de illa hîc differendum putavi, vt in similibus casibus exemplum haberemus ad imitandum. P. Romanus in discernendo, nil medium apprehendit, semper ad extrema spectauit : quod ita imperandum censeret, vt subditi, vel nō possent nocere, vel non vellent. Nolunt autem tñc, cum beneficijs se affectos intelligunt, ita vt forrunam nullam suæ præponant. De populo Latino Camillus ad Senatum his verbis tulit. Dij immortales ita vos potentes huius consilij fecerunt: vt sit Latium, an nō sit, in vestra manu poluerint. Ita que pacem vobis, quod ad Latinos attinet, parere in perpetuum, vel sæuiendo, vel ignoscendo, potestis. Vultis crudelius consulere in deditos victosque ? Licet delere omne Latium. Vultis exemplo maiorum augere rem Romanam, victos in ciuitatem accipiendo ? Materia crescendi per summam gloriam suppetit. Certè id firmissimū imperium est, quo obedientes gaudent. Sed maturato opus est, quicquid statuere placet, & illorum animos, dum expectatiōe stupent, præoccupare. Hæc cum consul ita proposuisset, Senatus secundū eius sententiā de singulis Latij populis decreuit, pro cuiusq; merito: ita tamen, vt nil medio cre
hic

hic fieret: omnia extrema summaq; essent. Quibusdam enim non modò pepercerūt, sed eosdem etiam multis beneficijs affecerunt, ciuitate donarunt, & multa alia iura, & priuilegia concesserunt, vt nullā causam haberent, vel rebellandi, vel aliàs, quocunque modo, res nouas moliendi. Quibus parcere noluerunt, ijs & oppida diruerunt, & omnis generis pœnas, suppliciaque imposuerūt. Nam dirutis mœnibus, eos agro ipoliarunt, depulerunt, atque dissiparunt, vt bellum amplius parare nulla ratione possent. Hoc fuit Patrum de Populo Latinorum iudicium, omnibus sapientib. principibus & obseruandum, & imitandum. Quod si idem Florentini nostri fecissent, cum anno salutis M. D. I L. Aretium cum tota Cianensi valle rebellasset: imperium suum confirmassent, & Rempublicam vehementer auxissent. Adiecissent enim Florentino agrum illum, qui vnus deesse videtur, ad victum sufficientem ciuib. supeditandum. Sed illi mediam viam ingressi sunt, quæ in huiusmodi iudicijs, semper pernitiōsa esse solet. Urbem enim cōseruauerunt: primates loco mouerunt omnes, & antiquis dignitatum gradib. deiecerunt: aliquos in exiliū expulerunt: nonnullos cōdemnauerunt. Quod si qui tunc suaderent,

mus comprobandum, pertinet & aliud Populi Romani iudicium, quod de Priuernatibus pronuntiarūt. Ex quo non modo discedere possumus, ad extrema in huiusmodi iudicijs spectare oportere, & subditos tā grauitē delinquentes, vel planē tollēdos, vel beneficijs afficiendos esse: verum etiam quod magnitudo animi, & libertas orationis, coram viris sapientibus, in huiusmodi causis plurimum reis prodesse queat. Cum in Senatu de Priuernatib. castigandis deliberaretur, qui defecissent, & per vim rursus sub Imperium redacti fuissent: & prout cuiusque ingenium erat, alijs atrocius, alijs mitius suadentibus: tum ex Legatis vnus interrogatus à quodam, qui tristioris sententiæ autor erat, quam pœnam meritos Priuernates censeret? Eam inquit, quam merētur qui se libertate dignos censent. Ad quod responsum Consul, vt mitius ab eo extorqueret aliud: Quid si pœnam, inquit, remittimus vobis, qualem nos pacem vobiscum habituros speremus? Si bonam dederitis, inquit, & fidam & perpetuam: si malam, haud diuturnam. Tum verò, etsi quidam hæc aliter interpretarentur, melior senatus pars ad meliora responsa trahere, & dicere, viri, & liberi viri vocem auditam. An credi posset, vllum populum aut homi-

nem, diutius, quam necesse sit, in ea, cuius
 eum pœniteat, conditione, mansurum? Ibi
 pacem esse fidam, vbi volūtarij pacati sint,
 neque eo loco, vbi seruitutem esse velint, fi-
 dem sperandam esse. In hanc sententiam
 cum & Consul, & principes sententiarum
 consulares, inclinarent eos demum, qui
 nihil præterquam de libertate cogitarent,
 dignos esse aiſerebant, qui Romani fierēt.
 Itaque in ſenatu cauſam obtinuerē, & ex
 autoritate patrum, latum ad populum eſt,
 vt Priuernatib. ciuitas daretur. Vique adeo
 ſcilicet egregijs, ac ſapientib. viris placuit,
 liberrimum ingenui viri reſponſum: vt qui
 facile intelligerent, ſi aliter reſpondiſſet,
 nō q̃ tam res ipſa erat, fuiſſe dicturū, quam
 quod præſenti rerum ſtatui, fortunæque
 ſeſe accommodare voluiſſet. Id enim certē
 de hominibus ſentire oportet, qui aliter in
 huiuſmodi caſibus, & dicere, & promitte-
 re ſolent, quàm vitæ illorum conditio, &
 conſuetudo ferat: qua re decepti, qui cum
 illis fœdera & amicitias contrahunt, per-
 ſæpè multis motibus occaſionem præbēt.
 Quæ cum ita ſint, id quod in principio hu-
 ius diſputationis propoſuimus, ex vtroq;
 adducto iam exemplo confirmamus: cum
 de præpotente aliqua ciuitate, populo, aut
 principe ſtatuumdum eſt: non mediam
 viam

viam ingredi oportere, sed ad extrema enitendum: & aut beneficijs eos afficiendos, deuinciendosque esse, aut omninò opprimendos. Qui aliter statuat, errasse demum sese intelliget: perinde vt etiam Samnitibus accidit: qui tot ciues Romanos ad Furcas Caudinas conclusos, ac propemodum vinctos, cum haberent: neque eos necarunt, neque beneficijs affecerunt, quod tamen prudens ille senex faciendum suadebat: sed mille contumelijs affectos, armis spoliatus, & sub iugum missos dimiserunt. Ex quo factum, vt paulò post errorem suum agnouerint non sine magno detrimento, vt suo loco docebimus.

Arces, & loca munita, in genere considerata, plus nocere suis autoribus, quàm prodesse.

CAPVT XXIII.

Mirum fortè cuiquam videatur, cum victi debellatiq̃ue Latij populi, toties rebellarent: cur Pop. Romanus, ad eos in officio continendos, compescendosque, non arces aliquas, aut Priuerni aut in alijs eorum ciuitatibus, construxerit: secus enim certè fecerunt, quàm Florentini nostri faciendum putet, qui existimant Pisas, ceteras-

rasq; ciuitates, arcibus compescendas esse. Equidem si Pop. Romanus, nostris hominibus similis fuisset perinde fecisset, vt nostri. Sed quia in eo alia virtus, alia potentia, & aliud de rebus iudicium inerat, idcirco aliter faciendum putauit: nec libera existente Repub. vnquam vel ad vrbes compescendas, vel ad prouincias derendēdas, arces aliquas extruxit: ex ijs tamen quas conditas ab alijs occupauit, aliquas cōseruauit. Quæ cum ita sint, ac longè aliter sentire videatur nostri temporis principes: idcirco non ab re facturum putauit, si quærerem hoc loco, vtilēs né, an inutiles sint auctoribus suis, tantæ moles? Cuius disputa-

Ares duplici de causa extrui. tionis hoc principium esto, quod arces extrui soleant, vel ad arcendos hostes, vel ad subditos compescendos, & in officio continēdos. Ego verò pronuncio, ad priorem vsum eas necessarias non esse, ad posteriorem inutiles, & noxias existere. Ad compescendos subditos noxias arces existimo quoniam rebellionis periculum, quod metuitur: oriri soleat ex odio subditorum aduersus dominos concepto: odere autem principes, dominosq; suos subditi, ppte acceptas iniurias: principes iniurijs afficere solent subditos, eosq; malè tractare tunc maximè, cum se illis pro arbitrio dominari, eos

ri, eos domare, ac compescere pro animi libidine posse sperant. Id verò tunc potissimum cogitant sperantque, cum in medio illorum ingenti mole extructas habuerint arces munitissimas: quod aduersus eas neminem quicquam ausurum credant. Quæ cum ita sint, non inutiles modo sunt arces huiusmodi, ad continendos in officio subditos, sed etiam noxiæ: cum ijs, plus quàm conueniat, cōfidentes principes, subditos malè tractandi plectendiq̃ue occasionem arripiant, eoq̃ue odium illorum aduersus sese concitant: ex quo rebelliones, cædes, & infinita mala dependent. Sed neque, cū bella ingruunt, tantam vim habent arces, quantam illis attribuere homines solent. Duo enim solùm sunt modi, subditos per vim in officio cōtinendi, compescendiq̃;. Alter vt in promptu habeas exercitū egregium, vt Pop. Romanus habebat, quo motos liceat componere fluctus. Alter vt rebelles planè deleas extirpesq̃; ne amplius deficere, aut arma aduersus te capere queant. Nam si bona illorum diripias: spoliatis arma supersunt. Si arma quoque ademeris: furor arma ministrat. Si ducib. interemptis, cæteris vitæ vsum concedas: renascētur subinde alij duces, veluti Hydræ Lernææ capita. Si arces habueris, tempore pacis au-

cis audaciorem, iniquioremq; te erga subditos efficiant : bello adueniente, cum ab hostibus, tū subditis tuis oppugnabuntur: nec fieri poterit, ut vtriusq; resistas. Quod si vnquam inutiles fuere arces ad compescendos subditos: nostra profecto ætate nō inutiles tantum, sed etiam perniciosæ sunt: propter bellicarū machinarum vsum, quarum impetum neque arces, neque vlla loca exigua sustinere possunt : quod ad illas sustinendas subinde retrocedere oporteat, & ruinas murorum ab ijs factas, nouis fossis intrinsecus aggeribusque compensare. Hæc cum ita se habeant, expende porrò, num per huiusmodi arces compescendus sit populus, qui iam ante ditionis tuæ fuerit, an qui nuper imperio tuo sit adiectus? Certè enim si principatum à maioribus acceptum possideas: arces, ad subditos in officio continendos, nō proderunt: propter causas iam ante explicatas : cum audaciorem & te posteros tuos efficiant, ad inferendas populo iniurias: ac proinde exponant te illorum odio : nec possint te postmodum defendere : propter hæc ergo causas, & ne vel ipse, vel eius hæredes, occasionem habeant, tyrannidem exercendi, sed populi beneuolentiam sibi conciliare conentur, sapiens princeps arces nunquā
extrue-

extruere debet. Quod si Franciscus Sfortia, qui vir sapiens fuisse existimatur, occupato Imperio Mediolanensi, tamen arcem condidit: non propterea in ea re sapienter fecit: quod illa arx posteris eius pernitiola iuerit. Ea enim se tutos esse posse sperantes, ciues variis iniuriis affecerunt: ex qua re, tantum sibi odium conflagrunt, vt primo hostis aduentu, principatum amiserint. Quamobrem belli tempore, illos ab impetu hostium defendere non potuit: pacis tempore illos insolentes iniquosque fecit, & odio populi exposuit. Quod si illa arce caruissent, & nihilominus insolentia illa vfi essent erga subditos: longè prius experiri potuissent quorundam ciuium, iniuria affectorum, malevolentiam, quàm omnium odium in se conciliaissent: atque ita cognito errore, meliores fieri potuissent, & subditorum animos recôciliare. Quod si conciliatos sibi subditorum animos habuissent: longè melius Gallorum impetum, absque arce sustinuissent: quam infensis ciuium animis, ea ad propellendum hostem iuuari potuerint. His accedit quod arces facile amittantur, vel fraude eorum, qui illis præficiuntur, vel hostium vi, vel fame, & longa obsidione. Quod si amissam quampiam urbem, arcis ope, quæ sola in fide per-

pulsus à Pontificibus fuerat, reuersus: binas arces, quas Sixtus 1111. Pont. ibi extruxisset, demolitus est: quod existimaret populi beneuolentiam fore sibi munitissimam arcem, ad principatum conseruandam. Id verò & recentissimum, & euidentissimū exemplum est, ad demonstrādum, inutilem esse artium structuram, ruinam earūdem vtilem: quod Genuæ accidit, ante paucos annos. Nouimus enim postquam ea vrbs, anno salutis M. D. VI. à Ludouico Galliaē rege defecisset: isque cum magno exercitu ad eam recuperandam in Italiam venisset: recuperata vrbe, cōdidisse Regem ingentis molis arcem, quantam nullam eo tempore fuisse constat. Nam & loci natura, & arte inexpugnabilis videbatur: Godefæ promontorio super mare eminenti, insidebat, vt illinc portus vniuersus, telis feriri posset, & magna etiā vrbs pars. Nihilominus tamen, cum deinde anno Domini M. D. XII. Galli omnes Italia pellerentur, Genua quoque arcem nihil formidans, ad Octauianum Fregosium defecit, qui illam obsidione cingens, sedecim mensium spacio, fame coactam, ad deditionem compulit. Postquam eam Fregosius occupasset, omnium consilijs, qui suadebant, vt illam tanquam refugium quoddam conseruaret,

contemptis, funditus diruendam curauit:
 existimauitque populi beneuolentiam, vir-
 tutemque suam, melius fore fundamentum
 imperij eius, quo etiamnum potitur quam
 vllas arces, aut propugnacula. Neque verò
 spe sua frustratus est. Nā cum ante Genuē-
 ses, mille pedibus adiuti, sæpè ad alios,
 atq; alios principes defecerint: à Fregosio
 ut rebellaret, ne à decem millibus cogi po-
 ruerunt. Quamobrem manifeste licet hinc
 cerne, Arcis illius destructionem, Frego-
 sio nil nocuisse: structuram, Gallie Regem
 defendere nequiuisse. Cum exercitu enim,
 antequam arx conderetur, amissam urbem
 facile recuperauit: postquam arcem condi-
 disset, eamque firmo prælidio muniuisset,
 urbem tamen absque exercitu, solius arcis
 auxilio, recuperare non potuit: ex quo se-
 quitur, sumptuosam illius arcis structuram,
 Regi fuisse magna cum infamia amissam,
 & a Fregosio eandem singulari virtute oc-
 cupatam demolitamque. Eodem ratio est
 earum arcium quoque, quæ condere so-
 lent Republicæ in urbibus nuper occupa-
 tis, ad ciues illos in officio continendos.
 Id enim si ex adducto iam Genuensium
 exemplo, minus sit manifestum, ex Flo-
 rentinorum Pisatorumq; arce notius ena-
 det. Nam cum Pisas toties rebellantes Flo-
 rentini

rentini vidissent: existimantur extructa arce se illas cōpescere posse: patum animaduvertentes, eam urbem, quę libera esse consueuisset, & Florentinorum nomini semper infesta fuisset, non posse alia ratione in officio contineri, quàm si Romanorū more, eam aut in societatem suam recepissent, aut planè destruxissent. At quid arces illis profuerint ad institutum finem, ex Caroli Gallię Regis aduentu apparuit: cui statim traditę sunt, siue pręfectorum perfidia, siue maioris mali metu. Si illas Florentini prius non condidissent, neque illis tantum tribuissent, vt per illas conseruari urbem posse putarent: de alio vtique modo cogitassent: quo urbis imperio non tam facilè à Rege spoliari potuissent. Ex quibus omnibus colligimus, arces, ad continendum in officio paratū imperium, perniciosas esse: ad compescendas vrbes, nuper bello comparatas, inutiles. Sufficere autem debet nobis P. Romani autoritas, qui si vellet vrbes aliquas per vim compescere, atque frenare; nil noui in illis extruebat, sed & mœnia illorum, & cætera propugnacula diruebat. Quod si quis nobis obiiciat, aut olim Tarētum: aut ætate nostra Brixiam, per arcem recuperatam, postquā incolę defecissent.

*Liuius lib.**25. & 26.*

Respondeo ad recuperandum Tarentum

arcem nequaquam sufficere : quod ad id occupandum Q. Fabius consul cum maximo exercitu missus fuerit : cum quo proculdubio id expugnare potuisset , et nullam arcem illic habuissent. Quis igitur ex Pop. Romano profuit , si nihilominus exercitu consulari indigebat , ad urbem recuperandam ? Capuæ nullam habebant arcem Romani , eandem tamen urbem exercitus virtute recuperârunt. In Brixienâ urbis rebellionem , nouum ac rarum quiddam accidit. Nam rarò euenire solet , vt deficiente urbe , qui in arce sunt , ac in fide permanent , vicinum habeant exercitum : cuius opem implorare queant. Deficientibus Brixianis , erat Foisseus princeps Buthonæ cum exercitu regio : eaq; repercelere illuc cognita , statim se itineri accinxit : ac tertio die eò perueniens , arcis auxilio urbem recuperauit. Ergo neq; Brixia per solam arcem recuperari potuit , sed regio exercitus opus habuit : nec si ea sola recuperari potuisset : posset hoc vnum exemplum , tot veterum contraria exempla infringere , cum sciamus , vel ætate nostra , propemodum infinitas arces captas , amissas , rursusque occupatas , non maiori difficultate aut fortunæ varietate , quam alia quolibet loca occupantur , & amittuntur : idq; factum esse

nouimus per Galliam Cisalpinam, Etruriâ,
regnum Neapolitanum, vniuersamque Ita-
liam. Illæ arces autem, quæ ad propulsan-
dos externos hostes extruuntur, & ad po-
puli Imperijque tui defensionem: ut illæ
quidem sunt necessariæ: Et si viris fortibus
ac strenuis militibus abûdes, nō modo ne-
cessarię non sunt, sed prorsus inutiles. Nam
sine exercitu nil profunt: egregius exerci-
tus absque arcibus te defendere potest. Id
experiētia ipsa satis intellexerunt, quicun-
que vel in politicis, vel bellicis artibus ex-
celluerunt, veluti Romani, Spartaniq̃ue,
quorum illi nullas arces vñquam ædifica-
runt: hi ne mœnia quidem circa vrbes ab
seſe occupatas, habere volebant: solam mi-
litum virtutem, propugnacula esse crede-
bant. Quo factum, vt Spartanus quidā in-
terrogatus, num Atheniensis vrbs pulchris
mœnibus instructa videretur? respondit,
perinde ac si à mulieribus habitaretur. Ei
ergo principi, qui bonum habet exercitū,
prodesse queunt solummodo arces aliquæ
in finibus imperij, locis præsertim mariti-
mis positæ, ad sustinendos hostes per dies
aliquot, donec exercitus instruatur: sed
neque hæc quidem ei necessaria existunt. Si
careat forti exercitu, arces in finibus impe-
rij aut nil profunt, aut etiam nocent. Nam

facile amittuntur : & ubi hostis illos occupauerit, aduersus te ipsi uertunt. Quod si quae tam fortes munitaque arces esse concedas, ut occupari nequeant : pergit tamen nihilominus hostis, hisce post se relictis : quod potētissimi exercitus, hostium fines inuadant excurrantque, nulla habita ratione vel urbium, vel arcium munitissimarū, quas à tergo relinquunt. Et constat hoc ita se habere, cum veteribus, tum nouis exemplis : Franciscus Maria ante paucos annos Urbinum inuasit, nec quicquam curauit, quod post se decem urbes, omnes sibi inuestas reliquisset. Quicumque ergo princeps potentem exercitum habet, facile carere potest arcibus : qui eo caret, non debet arces extruere, sed urbē in qua habitat, quā maximē potest communire, & tunc armis instruere : ut aduentantium hostium impetum aliquandiu saltem possit sustinere, donec vel cum eo paciscatur, vel externos in auxilium aduocare queat. Quaecumque, praeterea aedificantur arces, ac propugnacula, pacis tempore nimis sumptibus aggrauantur cum principes, tum subditos : tempore belli nihil prosunt. Ut igitur ceteris in rebus, summa prudentia Senatus P. Rom. omnia administrabat, ita hic quoque sapienter fecit, quod victos debellatoresque Latinos ac

Princes

Præternates, non arcibus quibundam compellendos existimavit, sed alia commodiori, ac virtuti magis contentanea ratione, in officio continendos.

Urbem intestinis dissidijs laborantem inuadere, atq. occupare velle, dubium esse ac periculosum consilium.

CAPVT XXV.

CUM intestinis dissidijs Respub. laboraret, ob patrum cum plebe contentiones: Veientes cæteri que Hetrusci oblatam sibi occasionem putabant, opprimendi populi Romani, collectisque, quem maximas poterant, Copijs, agros Romanorum excursionibus vastabant. Senatus itaque multis iniurijs, opprobrijs, iactis, cum plebe in gratiam rediit, in itaque concordia, aduersus Veientes Cn. Manlium & M. Fabium imperatores delegit: qui postquam ad eos cum exercitu appulissent, prælio commisso illos vicerunt, tregeruntque. Quo loco decet obseruare, quam proclues esse soleamus ad errandum, in rerum magnarum consultationibus, arripiendisque occasionibus, atque consilijs. Existimabât Veientes si P. Romanum, intestinis dissidijs laborantem, inuaderent, posse eum

vinci, atque deleri: sed hoc ipso consilio, eius discordias sustulerunt, & interfectuū animos reconciliarunt. Neq; id tantum merito sanè, quod otium plerunq; dilectiōis ciuilibus occasionem præbere solet: bellimetus, concordēs ciuim animos efficiat. Quod si prudentiores fuissent Veientes, a bello abstinuissent, & Rempubl. discordiis ciuilibus laborantem, non armis, sed alijs artibus opprimere potuissent. Modus autem qui in huiusmodi casibus seruari solet, talis est, vt te velut arbitrum interponas ad conciliandas discordias, & vtriq; parti fauere te simules, donec ad arma perueniant. Cum ad arma ventum fuerit, parti quæ debilior videtur, lenta quædam auxilia suppeditare, & ne discedant ab armis, sed magis magisque sese mutuò conficiāt, auxiliorum spe subinde fouere, magna auxilia neutri parti suppeditare ne forte doli subesse animaduertant. Hæc res diligenter tractata, ad propositum finem profectò te facile deducet. Nam felle tandem partes, arbitrio ac voluntati tuæ sese committent. Hisce artibus redijt in Florentinorum nostrorum potestatem ciuitas Pistoia, de qua ante quoque fecimus mentionem. Nunc cum intestinis dissidijs laboraret, vt Florentino modo huic, modo illi parti fauere videretur.

tur, neutri tamen molellia crearent, et deduxerunt, exiguo temporis intervallo citius illis, ut perta sit tot discordiarum, molelliarumq; , Ipse se ambæ partes in Florentinorum potestatem traderent. Neque enim civitas, nunquam Reipubl. formam mutavit, ob intestina dissidia, nisi tunc, cum sentita auxiliorum spe, partes a Florentinibus favebantur: si quando firma auxilia in promptu esse cernebant: mox intra concordia urbem muniebant. Vnum adhuc adjiciam, & quidem euidentissimum exemplum. Philippus Vicecomes Mediolani dux, Florentinorum Rempub. intestinis dissidijs laborantem saepe bello petiit, sperabatq; eandem hisce dissidijs civem, posse eam a se opprimi: sed nunquam illi res ex animi sententia successit: qua de causa, cum sepe cum amicis conquereretur: dicere solebat, se ineptijs Florétinorum adductum eò, ut viginti centena millia aureorum nummum frustra expenderit. Quæ cum ita sint, sic existimare debemus, ut quemadmodum Veientes, Hetruscosque falsos esse videmus, eò quod Romanorum Rempub. ab sese opprimi posse putabant, ob intestina civium dissidia: ita ceteris evenire pronuntientis, qui simili de causa opprimi, aut Rempubl. aut populum quempiam posse sperant.

*Qui contemnit a parui facit alior, ne eorū
odium incurrit, nec utilitatis quicquam
ex hoc contemptu cons
sequitur.*

CAPVT XXVI

SUMMÆ prudentiæ officium æstimō,
si a minis iniurijsque abstinere queas,
præsertim ijs, quæ verbis contume-
liosus sunt. Neutrum enim horum, de quo
rem hostem tuum efficere potest: cum ta-
men minæ eundem cautum magis, contu-
meliæ infensum, ferocemque reddant, ac
vindictæ cupidissimum. Id ita se habere,
vel exemplo Veientium constat, de quibus
superiori capite disputauimus. Nam cum
lib. 2. nō solum inferendo bellum, facerent mili-
riam: sed contumelias etiam ac proelia in-
super ingererent: ita Romanum militem
inflammarunt, ut qui pugnam prius detre-
ctaret, contumelijs lacelsitus, nolentibus
ducib. dimicare voluerit. Est aut hoc, vel
imprimis obseruandum, sapienti Impera-
tori, ne vel ipse, vel sui, opprobria in hoste
ingerant, aut eum contemnant: quod hac
ratione cum non lædant, sed ad vindictam
dum inflamment. Videntur enim contu-
meliæ tela esse, quæ autores suos maxime
terant. Memorabile est huius rei exem-
plum,

plum, quod in Alba accidit, cum Mida, à Gabade Persa oppugnarent. Postquam enim diu urbem obsidebant, quicquam præstitisset, decreuerat & obsidione discedere: sed cum illinc cum exercitu iam castra moturus esset: & Oppidani id cognouissēt: omnis generis contumelias, & opprobria in eum ingerebant. Ob quam causam, Gabades irritatus, consilium mutauit, & urbem grauius, quàm vnquam obsidēs, eam paulò post expugnauit, & militibus in prædam concessit. Idem plane Venetibus accidit, qui cum arma Pop. Romano inferret: simul etiam ei exhibebāt ciuiles discordias: & vsque ad vallum portasque castrorum accedentes, probra ingerebant. Hisce verò quid aliud effecere, quàm quod militum animos, prius aduersus patricos inflammatos, aduersus sese concitârunt? Vsq̃ue adeò scilicet, vt qui prius, neque patribus, neque consulibus successum vellent: pro eorum salute postea iurarint atque pugnauerint? Neque in Republ. igitur, neque in bello, ferre debent prudentes moderatores, huiusmodi contumelias, siue in hostes, siue in ciues iactentur. In hostes enim coniectæ, pariunt ea, quæ diximus incommoda: in ciues adhuc sunt deteriores, quod non detur talis vindictæ

ratio inter illos, ut aduersus hostes datur. Id obseruari solitū à Pop. Romano nouimus. Nam cum Legionēs illæ, quæ Capuæ in hibernis relicte aduersus Reimpub. coniurassent, à Valerio Coruino placarentur: cautū fuit, inter cetera, etiā hoc, ne cuiquam eorū istud vnquam opprobrio obijci posset. Tiberius Gracchus seruorum, quos Respub. ob acceptas ab Annibale clades, armare cogebatur, dux electus: statim interdixit cæteris militibus sub magna pœna, ne quisquam ijs seruitutem exprobraret: vsque adeò in id incubuere semper Romani, ne cuiquam contumeliæ, & conuicia obijcerentur, quod nihil sit, quo hominum animi tantopere offendātur, siue ioco, siue serio obijciatur. Nam ut ille inquit: Facetiæ asperæ quando nimium ex vero traxerunt, acrem sui memoriam relinquunt.

Prudentes Imperatores, & Rerumpub. moderatores, contenti debent esse victoria, ne seuiendo in victos, illius fructum perdant.

CAPVT XXVII.

Contumeliæ in hostem coniici solent ab ijs, qui insolentes sunt, ob falsam victoriæ spem, quæ tantopere solet homi-

homines inflare, ut non dictis modò, sed rebus ipsis quoque sæpe vehementer delinquant: vique adeò, ut propter incertam spem boni, præsentem certamque occasionem negligent, magno cum detrimento. Hac autem in re, cum sæpenumero peccetur ab hominibus: exemplis cum antiquis tum recentibus explicandum existimaui, quantum intersit Reipub. ut rerum benè gestarum, gerendarumque occasiones non negligentur. Annibal, post Cannensem pugnam, Magonem fratrem Carthaginem miserat, ut res ab se in Italia gestas Senatui nuntiaret, peteretque ut supplementum copiarum, quæ essent in eo prælio imminutæ, mitteretur, cum pecunia frumentoque in stipendium militibus, tam benè de nomine Punico meritis. Cum igitur in Senatu disputaretur de eo, quod factu opus esset, Hanno vir senex, gravis ac prudens, omnibus modis suadebat, ut Carthaginenses huius victoriæ occasione uterentur, ad pacem cum Romanis, æquioribus conditionibus faciendam: ne si fortuna postmodum variaret, iniquioribus eam petere cogerentur. Sufficere enim debere Carthaginensibus, si illac tanta victoria ostenderint P. Romano, talia esse Punica arma, quæ ei resistere atque eum oppugnare

*Livius
lib. 23.*

possint: contētoque tali victoria esse oportere: neque maioris alicuius incerta spe, hanc in periculum adducendam esse. Hoc consilium Carthaginiensib. nō placuit: sed postmodum cum variante fortuna, ipsi a P. Romano victi, ac tributuri facti essent, errorem suum facile agnouerunt. Simile accidit Tyriis, quorum Tyros olim opulentissima, ac celeberrima erat, in mari ipso sita, perinde vt nostra ætare ciuitas Venetorū. Nam cum Alexandri res gestas intelligerent, & vniuersum Orientem ab illo occupatū scirent: legatos ad eum miserunt, vt pacem ab illo postularent, certis conditionibus: inter quas illa quoque erat, ne vel ipsum Alexandrum, vel eius militem, in urbem recipere cogerentur. Eas condiciones cum Alexander repudiasset, & ægre ferret sibi à Tyriis portas claudi, quas vniuersus propè orbis aperuisset, Tyrum obsedit. Sed cum vrbis munitissima esset, & commeatu instructa, vt longam obsidionem ferre posset: decreuit Alexander quarto obsidionis mense, cum iis pacisci, & condiciones primum sibi oblatas acceptare: quod cerneret plus temporis in vnius vrbs expugnatione infumendum, quam ad gloriam sui nominis illustrandum, ex usu esse videretur. Sed Tyrii inani spe victoriæ decepti, non modo

modopacta recipere amplius noluerunt, quæ ipsi primum Alexandro obtulissent: sed contra ius gentium, legatos, qui de pace agerent, necarunt. Ob quam rem indignatus Alexander, urbem maioribus virib. obsedit, expugnauit, aut funditus deleuit, cæcis omnibus, qui in ea essent. Anno Seruatoris nostri M. D. X I I. ingressus est Florentinorum agrum, Hispanorum quidam exercitus, à quibusdam Florentinis conductus, ad Mediceos restituendos, & mulctandos pecunia ciues. Cum autem iidem Florentini, à quibus conductus erat, promississent, se mox arma capturos in vrbe, postquam eum in propinquo esse cognouissent: nec tamen id ab illis præstaretur: decreuit hic exercitus cum Florétinis pacisci. Sed in superbia quadam inflati, conditiones propositas acceptare noluerunt: ex quo factum, vt Hispani magis instantes, Pratum occuparint, & deinde interitum totius Reipub. accelerarint. Quæ cum ita sint, nulla in re grauius peccât principes, quam si renuant omnes pacis conditiones, tunc, cum bello petuntur ab aliquo longè potētiori, quàm ipsi sint: præsertim si deferantur ab aduersario. Nunquam enim tam iniquæ conditiones deferuntur, quin aliquid boni habeant, & in quo, tu vicisse videri queas.

Tyrijs

Ty ijs sufficere debebat, quod Alexandrū, tantum Imperatorem eō adduxissent, vt conditiones prius spretas admitteret: in eoque armis se multum præstitisse, ac vicisse. Florentinos quoque contentos esse oportuit, quod Hispanicum exercitum cōpulisset, vt de ijs, quæ sibi proposuerat, remittere quædam cogeretur. Cupiebat ille & Reipubl. formam mutare, & ab amicitia Gallorum urbem abstrahere, & pecunia mulctare: quod si, in ijs pactis, primum sibi reseruare ac defendere potuissent, in reliquis duobus aliquid concessissent: honesta pactione & vrbi & exercitui prospectum fuisset. His Populum Florentinum contentum esse oportuit, nec incerta maioris victoriæ spe, omnes suas vires in summum discrimen adducere: quod id nullus facilius faciat, nisi vrgēte summa necessitate. Longè prudentius certè Annibal, cum ex Italia Carthaginem vocaretur, egit. Nam etsi sedecim annis fœlicis. bellum in Italia gessisset, multis victorijs potitus fuisset: talem etiam exercitum secum haberet, qui integris viribus, & præstanti milite constaret: tamen cum videret fractos Syphacis, atque Aldrubalis exercitus, Numidiæ regnum amissum, Carthaginensium mœnia prope modum clausa, & exercitum suum, vnicum esse

esse patriæ, extremumque refugium: existimavit prius de pace, cum Scipione sibi agendum, quàm extremum illud refugium fortunæ periculo cõmittendũ. Eunc demũ enim, cum pacem impetrare non posset: ad extremum hoc remedium veniẽdum esse, ut si quæ fortuna aspiraret, vincere: vel saltem dimicando fortiter occumbere liceret. Quod si igitur Annibal, tantus Imperator, antequam prælio decertaret, pacem talem expetiuit, qua Patriæ libertas amittebatur: quid faciendum esse existimamus is, qui nec militari disciplina, nec experiẽtia, nec viribus, Annibali æquales sunt? Sed hæc etsi omnino ita se habeant: homines tamen incerta, atque infinita quadam spe, decipi solent, & ad res speratas animum intendentes, ruinam ipsi suam moluntur.

Quantum intersit Reipub. ut iniuria puniantur, siue publicè siue priuatim illata fuerint?

CVPVT XXVIII.

QUIBUS causis magnopere indignantur homines, & ad vindictam accendatur: apparere potest ex ijs, quæ Pop. Romano contigere, postquã tres Fabij, contra ius gentium, pugnascent ad-

*linius
lib. 5.*

uerſus Gallos. Nam cum Galli cum cæteris
Hetruſcis tum Cluſinis maxime pararent
bellum : & hi auxilium à Romanis petiſ-
ſent. legati tres M. Fabij Ambuſti filij, miſi
ſunt, qui Senatus populiſque Romani no-
mine agerent cum Gallis, ne Cluſinos Po-
puli Romani ſocios, a quibus nullam iniu-
riam accepiſſent, oppugnarèt. Legati poſt-
quam mandata, in conſilio Gallorum edi-
diſſent: nec ij in ipſorum præſentia, a pugna
abſtinerent, ipſi quoque arma capiunt, &
cum Hetruſcis coniuncti, Gallos fortissi-
mè oppugnat: uſque adeo, ut eorum vnus,
Gallorum ducem, ferociter in Hetruſco-
rum ſigna incuiſantem, hafta occiderit. Sed
cum legentem ſpolia occiſi, Galli agnouif-
ſent eſſe Legatum Romanum: idq; per vni-
uerſam aciem innotuiſſet: receptui cecine-
re, odiumque, quod eo uſque exercuiſſent
aduerſus Cluſinos, vniuerſum in Romanos
conuerterunt. Id odium deinde tanto ma-
gis creuit, quod cum Legatos Galli Romam
mitterèt, queſtum de iniurijs, poſtulatum-
que, ut pro iure Gentium violato, Fabij de-
derentur: non modo id præſtitum a Pop.
Romano non eſt: ſed ijdem Fabij, de quo ſc-
pœna agebatur, tribuni plebis, conſulati
potestate, in ſequentem annum creati ſunt.
Quo facto, haud ſecus, quàm par erat, in ſenſu
Galli,

Galli, bellū aduersus Romanos propalam
susceperunt, & subito vibem vniuersam,
solum Capitolio excepto, occuparūt. Ex quo
sequuta Reipub. ruina est, ob vnicam illam
causam, quod Senatus, illatam Gallis, con-
tritus gentium, iniuriam, ab legatis suis,
non modo non puniisset: sed præmiis af-
fecisset. Est igitur vel imprimis obseruan-
dum, in gubernatione Reipub. ne iniuriæ
inferantur, vel publicè, vel priuatim, & si
quæ illatæ sunt, ne impunitæ relinquantur.
Nam & priuatus homo, cui magna iniuria
facta est, eam vindicare conatur: nisi ab iis
puniat a quib⁹ puniri debet. Usque adeo
autem naturæ hominum insidet, hæc vin-
dictæ cupiditas, vt conētur iniurias vindi-
care, vel cum patriæ ruina, si in libera Re-
pub. viuant: si degant sub Imperio princi-
pis alicuius: etiam cum propriæ vitæ peri-
culo idem tentant: Atq; id ij maximè cordi
habent, quotcūq; animi magnitudine qua-
dam excellunt. Apparet id luculentissimè,
vel ex Philippi Macedonum Regis exem-
plo. In cuius aula viuebat Pausanias, nobi-
lis iuuenis, & forma præstātissimus, cui per-
viam ab Attalo stuprum illatum erat, Philip-
pus cum Pausaniam, sæpius de hac iniuria
conquerentem, audiuiſſet: Attalum verò,
nō castigasset, sed summo loco semper ha-

beret, ac tandem etiam, prouinciæ cuidam gubernandæ, præfecisset: in odium Pausaniæ incidit. Is enim, cum videret à Rege in honore haberi illum, qui ob tantam iniuriam, pœnam meruisset, nec suas de vindicta iniuriæ preces vuquam exaudiri potuisse: tandem in nuptiis filiæ Regiæ, quæ Alexandro Epiri regulo nupta erat, in templo, Philippum regem, coram sponso, & Alexandro Magno filio, interfecit. Hoc certe exemplum iniuriæ, priuatim illatæ, cum exemplo publico, Romanorum Legatorum coniunctum, omnes in vniuersum Magistratus monere debet, ne multas relinquât iniurias, quæ vel publicè vel priuatim illatæ fuerunt: ne qui iniuria affecti sunt, ipsi magno cum Reipub. periculo de vindicta cogitare cogantur.

Fortuna hominum animis tenebras offundit, ne vim suam ingruentem refringant.

CAPVT XXIX.

SI rerum vicissitudinē contemplemur, comperiemus multa accidere ex fato ita urgente, ut iis obuiam ire nemo possit, quamuis in promptu remedia fuerint. Et si Pop. Romano talia quædam acciderunt,

runt, in quo omnis generis virtutes enite-
bant, & religionis imprimis, ac rei milita-
ris studium vigebar: cui mirum videri de-
bet, si alijs Rebus pub. prouintiisq̃ue etiam
eueniant, in quibus nullæ harum virtutum
tantoperè elucet? Imprimis igitur habenda
ratio est earum rerum, quæ fato ipso, seu
astrorum influxu, euenire videtur: & quib.
vt resistamus, fortuna non permittit. Qua-
rum exemplū luculentiss. est id, quod Pop.
Romanus, in Clade Gallica accepit. Nam *Linius li. 5.*
cum fatis vrgentibus, tanta moles mali in-
staret: primam occasionem, ad illam acce-
lerandam dederunt tres Fabij, Legati, qui
cum agere debuissent de pace, inter Clu-
sinos & Gallos: cōtra ius gentium, pro Clu-
sinis, aduersus Gallos, prælio decertarunt:
atque ita Gallorum iram, aduersus Populū
Romanum prouocarunt. Et quo minus
Gallis resisti posset, iisdem fatis prospectū
iam erat: eò quod Furium Camillum tan-
tum Imperatorem, vt solus his malis ob-
uiam ire potuerit, Pop. Romanus Ardeam,
in exilium misisset. Adueniente iam Gal-
lorum exercitu, ciuitas, quæ aduersus Fi-
denatem, & Veientem hostem, aliosq̃ue fi-
nitimos populos, vltima experiēs auxilia,
Dictatorem multis tempestatibus dixisset:
a tunc inusitato, atque inaudito hoste,

bellum ciente, nihil extraordinarij imperij, aut auxiliij quæsiuit. Tribuni, quorum temeritate bellum contractum erat, summæ rerum præerant: delectum nullo accuratorem, quàm ad media bella, haberi solitus erat, famam belli extenuantes, habebant: deniq; cum in propinquo hostis esset, tumultuario exercitu raptim ducto, vix ei ad vndecimum lapidem occurrerunt, quo loco, Allia flumen Tyberinis aquis miscetur. Eò cum peruenissent, Tribuni, non loco castris ante capto, nõ præmunito vallo, quo receptus esset, non deorum saltem, si nõ hominum memores, nec auspiciatò, nec litatò instruunt aciem, eamq; in cornua diducunt, ne circumueniri multitudine hostiũ possent: sed interim dum eã diducunt, tanto perè extenuant, vt vix coherentem mediam aciem haberent, & vt summatim rem comprehendamus, nec Imperatores, nec milites hinc quicquam præstitere, quod ex dignitate Pop. Romani esset, aut eiuldẽ disciplinæ militari consentaneum. Cum iam pugnandum esset, simul ac clamor auditus est, ignotũ hostem prius penè quam viderent, non modo non tentato certamine, sed nec clamore reddito, integri intacti quæ fugerũt. Maxima pars Veios peruenit: vnde non modò, non præsidij quicquam
sed

sed neque nuntius cladis, Romam est missus. Reliqui omnes Romam petierunt, & ne clausis quidem portis urbis, recta in arcem confugerunt, & cum neminem superesse amplius putarent, præter eos, qui Romam auferant, compleratis omnibus, urbem lamentis compleuerunt. In defendenda arce tandem, cum res iam desperata essent, consilio usi sunt aliquo. Nam cōmeatum ex urbe tantum, quantum arx capere posset, in Capitoliū transtulerunt: iussuruntque eodem conscendere cum coniugibus, & liberis iuventutem militarem, & sonatus robur, ut ex loco munito Deos penates, hominesque, & Romanum nomen, defenderent. Cæteram multitudinem plebeiorum, senum, mulierum, ac puerorum, ne inopiam armatorum onerarent, partim in urbe Gallis in prædā reliquere, partim, ut in vicinas urbes aufererent, permiserunt. Quod si quis igitur animo cōprehendat, res a Pop. Romano prius tam præclare, longo annorum numero, gestas: usque has conterat, quas aduersus Gallos gessere: tam diueras esse comperiet, ut non ab vno eodemque, sed diuersis Populis, gestæ esse videantur. Vique adeo scilicet, occæcat fortuna animos hominum, aut Lilius cum vim suam ingruentē refringi non

vult. Quo fit vt qui in perpetuis periculis versantur, minus vituperari debeant: & minus laudari qui continua fœlicitate fruuntur: cum & illos & hos fata eò trahere videantur: neque consilium illorum, ad resistendum malis: neque horum virtus ad cõparandam fœlicitatem multũ facere queat. Solent equidem fata suis vti medijs. Nam ad res magnas patrãdas, nõ nisi viris egregijs vtuntur, qui oblatas fortunæ occasiones arripere queant: & si quæ magna moles impendeat malorum, prius quam eueniant, solet eos viros, qui consilio ijs obuiam ire possent, aut abolere, aut certè ita affligere, ne resistere villo modo possint. Cũ vbi Romæ tanta Imperij magnitudo fatalis esset, opprimi, ac vehementissimè affligi eam oportuit, vt deinceps cautior, prudentiorque fieret, ad tantam Imperij molem acquirendam: deleri tamen planè non debuit. Itaque vt omnia hæc ita succederent, Fata Camillum in exilium misere, nõ necauerunt, Urbẽ à Gallis permiscere occupari, non Capitolium: Vtque commodius occupari vrbs posset, effecere, vt maior exercitus pars, ex prælio non Romam, sed Veios fugeret. Et vt omnia vno quasi falce comprehendam, effecerunt, vt ad auerendam à Repub. tantam malorũ molem,

nihil

nihil à Pop. Romano prædèter fipienterq;
fieret: ad defendendū Capitolium & re-
cuperādā urbem iam captā, omnia cō-
modiffimè inſtrūta eſſent. Cum & Camil-
lus Ardeæ exercitum haberet, & idē in-
nocens omnis culpæ eſſet, rerum malè ge-
ſtarum & pacti præcipuè auri, pro urbis re-
demptione: & alius inſuper exercitus Veijs
Camillum expectaret, vt cōiunctis viribus,
maiorem imperū in Gallos facere poſſent.
Poſſemus huiuſmodi fatalis fortunę varie-
tatis, recentia quoque exempla adducere:
id, quod hoc loco propoſuimus, à Pop. Ro-
mano, in Gallica clade, acceptum, ſapienti-
bus viris ſufficere poteſt. Hoc vnū pronun-
tiabo de fortunæ viribus, & fati neceſſita-
te, quod historias omnis generis percurrē-
ti, facile apparebit, homines fati neceſſita-
tem euitare non poſſe: ſed faciliorem euen-
tum ijs, quę ab eo impendent, efficere, eūq;
promouere: adeoq; parcarum telas texere,
non retexere, aut rumpere. Quod etſi ita ſe
habeat, non decet tamen, vt animum abij-
ciamus, nosq; planè committamus fato,
ſed, quacunq; fortuna aſpirante, benè ſpe-
remus, diligenter prudenterq; rebus no-
ſtris prouideamus: quod fatorum viæ, & ra-
tiones producendorum effectuum, obſcurio-
res ſint, quam vt a nobis intelligi queant.

*Reipub. ac principes potentes, amicitias
non auro, sed viribus, atque vir-
tute comparant.*

CAPVT XXX.

CAPITOLINVS exercitus statio-
nibus, vigiliisq̃ue fessus, superatis om-
nibus malis, vnā famem supera-
re nō poterat: diem de die prospectans, ec-
quod auxilium a Dictatore appareret: po-
stremò spe quoque iam, non solum cibo,
deficiente, vel dedi se, vel redimi, quacun-
que ratione, iussit. Colloquio transacta res,
& mille pondo auri, prætium pro obsefso-
rum redemptione, constitutū est. Sed diūq̃;
& homines prohibuē e, redemptos viuere
Romanos. Nam antequam infanda mer-
ces persolueretur, propter altercationem,
nondum omni auro appenso, quod Galli
iniqua pondera attulissent: Dictator Ca-
millus interuenit, aurum auferri e medio
iubet, armisq̃ue Gallos ex vrbe cedere coē-
git. Quæ res non in hoc tantum casu, sed v-
niuersa Romana historia memorabilis est:
nunquam cernes eam Rempub. aut pacem
ab hostib. aut agrum, urbemq̃ue aliquam
pecunia comparasse: omnia armis atq; vir-
tute parabant: idq̃; huic Reipubl. peculiare
fuit, præterquam vlli alijs, aut Reipubl. aut
Regno

Regno contingere petuerit. Eundē autem argumentum est de Imperii potentia, si obſerues, qua ratione cum vicinis viuas, quā pacem habeas? Nam si talem te præſtiteris, vt vicini à te argento pacem redimāt, firmum eſſe Imperium tuum oportet: ſi econtrā ipſe aliorū amicitiam argento cōparare cogaris: imbellem te eſſe certum indicium eſt: præſertim ſi nō modo magnorum principum, verum etiam paruorum amicitiam, ea ratione ambias. *Historiā Pop. Romani* ſi diligēter intuearis: deprehēdes Maſſiliēſes, Rhodios, Heduos, Hieronem Syracuſarum Regem, Eumenem, Maſſiniſſam, & alios Reges vicinos Romanorum, vt amicitiam eorū retinerent, auxilia ſemper in bellis iis attuliſſe: nec quicquam pro ea re petiſſe aliud, quam vt in eorum clientela conſeruarentur. Contrario modo eueniunt omnia, vbi Reſpub. aut princeps imbellis fuerit: cui rei ſatis argumēto eſſe po- teſt noſtra Florentia, quæ ſuperiorib. temporibus, etiam tunc, cum eius opes maxime celebres eſſēt, omnibus propè Æmiliæ Flaminiaęque Regulis annua ſtipendia ſoluebat: ac præterea etiā Peruſina ac Caſtellana Reipubl. ciuib. Quod ſi bellicoſa fuiſſet noſtra vrbs, & militari virtute excelles: cōtrario modo accidiffent hæc omnia,

Omnes enim vicini eius amicitiam argento comparare conati fuissent : nec quicquā prætermisissent eorum, quibus beneuolentiam eius demereri potuissent. Idē hoc vitium, & eadem ad res bellicas inertia, non in vrbe nostra tantum, sed in Venetis etiā, & Gallorū Rege apparet. Nam hic, cū tantum Regnum possideat: tamen tributarius est Heluetiorum & Angliæ Regis: ob eam nimirum causam, quod subditos imbelles, & ad militarem disciplinam nequaquam rectē institutos habeat videturq; & hic Rex & cæteri, qui eum imitantur, pluris facere tributa, & magnas exactiones à subditis exortas, quibus fucatam tantummodo pacem, quietemque à vicinis redimāt, quā militarem disciplinam, qua veram quietē, ac pacem iustam in perpetuum impetrare possent. Longum esset enumerare, quoties Galliæ Rex, Veneti, & Florentini, pacem ab hostibus pecunia redemerint: quoties id perpessi sint, quod Populus Romanus, si semel tantum subire coactus fuisset, magnæ ignominiaē futurum sibi putasset. Longum esset etiam recensere, quot oppida, cū Florentini, tum Veneti, pecunia emerint. Sed iidem postea viderunt, quā ineptē à se factum sit: cum cernerent, quæ auro comparata essent, ferro conseruari non posse Pop.

Roma-

Romanus, quandiu liber fuit, semper huiusmodi magnitudinem animi declaravit, postquam sub Imperium Cæsarum reductus fuit, & Cæsares deteriores esse inciperent, mallentque in umbra domi latere, quam militando, solis ardorem, cæteraque incommoda ferre: cæpit ipse quoque pecunia pacem, quandoque à Parthis, quandoque à Germanis, alijsque populis redimere: atque hoc fuit labescentis Imperij Romani initium. Accidunt autem hæc omnia huiusmodi hominibus propterea, quòd subditos habere velint, nimium dicto obediens: & proinde inermes eos esse volunt, nec vlla militari disciplina rectè institutos. Atque hinc fit, ut, cum arcere hostes nequeant à finib. Imperij aliter, tributum vicinis Regulis, populisque pendere cogantur: quod cum a subditis subinde extorqueant, eosque magis magisque extenuent, atque imbelles reddant: minimum roboris in centro imperij sui conseruant. Itaque hostes in finibus imperij aliquandiu sustinent: postquam fines ingressi fuerint, ne utiquam resistere possunt. Sed sinistrè fiunt hæc omnia. Quemadmodum enim natura in animalibus partes principales maximè munivit, non extremitates ipsas: quod absque hisce, vivere corpus possit, si-

ne illis non possit, ita in Imperio, centrum
quam maxime inuitum, firmiterque esse
oportet. Id vero male obseruatum a Flo-
rentinis nostris, effecit, ut postquam hosti-
lis quispiam exercitus, fines imperij nostri
penetrarit, ac propius ad urbem accesserit
ei amplius nemo resistat. Idem Venetis ac-
cidisse vidimus, ante paucos annos quo-
rum urbs, nisi tunc a quis undique cir-
cundata fuisset, facile occupari de serique
potuisset. Gallia hactenus in tale perpeffa
est, quod Regnum amplissimum sit, &
omnes vicinos longe superet. Quod et si
ita sit, tamen cum anno Seruatoris nostri
M. D. XIII. Angli eam inuaderent: ma-
gno tremore in uersum Regnum concus-
sere: usque adeo, ut omnes tunc existima-
rent, si Angli vel unum praelium feliciter
commisissent, Regem imperio pelli potuis-
se. Contrario modo sese habebant omnia
apud Romanos. Num quod propius ad ur-
bem quisque appropinquaret, tanto fir-
miora eorum arma deprehendebat. Idque
vel vnus Annibals in Italiam aduentu ap-
paruit, a quo etiam ternas maximas cla-
des accepissent, & tot praeclaros Impera-
tores amisissent: tamen & resistere, potue-
runt, & confecto vniverso bello, victoriam
ingentem obtinuerunt. Vique adeo scilicet
firmum

centrum erat Imperij, centrum, Roma ipsa, Populi Latinorum, & cæteræ vrbes, Populi Romani sociæ, atque Coloniae, ex quibus ingentem numerum, præstantissimorum militum conficiebant. Intelligebat præclaritudo Hanno, Carthaginensis vir egregius. Nam cum post Cladem Cannensem, Annibal Magonem Carthaginem misisset, atque istes a fratre in Italia gestas vehementer extolleret: quæsiuit Hanno, ecquis Latini nominis populus ad Carthaginenses defecisset? An Romanorum quisquam ad Annibalem transfugisset? Num quoque Legatos de pace misissent? Atque hæc omnia cum Mago negaret, Hostium quidem ergo adhuc multum superest, inquit Hanno, & bellum tam integrum habemus, atque habuimus, qua die Annibal Italiam est ingressus. Hæc omnia igitur, si nobiscum perpendamus, & consideremus quantum homines nostri à veterum disciplina militari discesserint, nequaquam mirari debemus, tantum Imperiorum mutationem nostra ætate fieri. Nam cum virtus militaris tam exigua sit, omnia fortune casibus aguntur, qui cum varii sunt, varias quoque rerum mutationes pariunt: durabitque hæc tanta rerum in Imperijs vicissitudo donec extet aliqui egregij, atque excellētes homines, qui antiquam

virtu-

virtutem exuscitent, & veterum disciplinam militarem restituant.

Non credendum esse exulibus facile.

C A P V T XXXI.

NON abs re mihi facere videor, si ostendam hoc loco, quantum interlit in rebus gerendis, ne fides exulibus semper habeatur: præsertim cum videamus eorum operas commerciaque à viris principibus persæpe vîsurpanda esse. Huius rei memorabile extat apud Lium exemplum, libro ab vrbe condita octauo. Cum enim Alexander Magnus in Asiã traiecisset: Asîinis ipsius atque auunculus Alexander Epiri rex, à Tarentinis vocatus, in Italiam venit: habebatque iam secum ducentos Lucanorum exules, quos fidos sibi credebat vîque adeò, vt eorum opera capi Lucanorum vniuersam provinciam posse speraret. Sed illi cum fortuna fidem mutabilem gerentes, postquam Regem à Lucanis clades aliquot accepisse cerneret: nuntijs ad suos missis pacti sunt, si ijs reditus in patriam permetteretur, se Alexandrum, aut viuum aut mortuum, in ipsorum potestate tradituros: arreptaque occasione, illum Acheronta fluuium transeuntem, ex insidijs adorn

adorti sunt, & veru transfixerunt. Id igitur documento nobis esse debet, vt agnoscamus, quàm parui faciendæ sint huiusmodi hominum, qui patria pulsi sunt, promissiones. Nam si fortuna aliam quampiam occasionem ijs offerat in patriam redeundi, nequaquam fidem seruabunt, quicquid tandem tibi promiserint. Nam quia Patriæ desiderio tenentur, multa tibi promittent, vt illos restituas, multa etiam præstare se posse putant, sed plura etiam adiungunt: ex quibus omnibus si tu spe rei benè gerendæ permoueri te sinas, facilè eo deduceres, vt ingenti sumptu tuam ipsius ruinam, interitumque expetas. Quod si præcedeti exemplo alia adiungere cupias, Themistoclem vnum intuearis. Is enim cum ab Atheniensibus defecisset, & confugisset in Asiam ad Xerxem: eum multis promissionib. eò impulit, vt aduersus Græciam expeditionem susciperet, sed cum ei res minus prosperè succederet, videretque se Regi ea nō posse præstare, quæ promississet, veneno mortem sibi met procurauit, ne vel Regi ingratus videretur, vel patriæ autor tantæ cladis existeret. Quod si igitur Themistocles tantus vir, plura regi promisit, quàm præstare aut voluerit aut potuerit: quid de cæteris exulibus sentiendum putamus, qui Themisto-

cleæ virtuti nil simile habent? Itaq; non eò facile veniendum fuerit viro Principi, aut Reipub. moderatioribus, vt promissionib. exulū permoueantur ad bellum suscipiendum, quod huiusmodi expeditiones rarò fœlices euentus habere soleant.

Quod modis Populus Romanus vrbes occupare consueuisset.

CAPVT XXXII.

CVM Pop. Romanus rei bellicæ studio totus deditus esset: omnia diligenter perpendebat, quæcunque ad propositum finem facilius consequendum, aliquo modo facerēt: siue sumptuum, siue aliarum quarumcunq; rerum habēda esset ratio. Hinc factum vt rarò conarentur urbē aliquam obsidione capere: quod hæc tot sumptibus constare soleat, vt eos nec superare, nec plerunque etiam æquare queat utilitas, quæ inde redundat. Atque hæc rario est, quod in vniuersa tot annorū historia, pauciss. exempla liceat inuenire urbium, quæ longa obsidione ad deditionem compulsæ fuerint. Existimabant enim quæcunque alia ratione, commodius capi vrbes posse, quàm longa obsidione. Itaq; expugnare solebāt vrbes, aut aliàs deditione eas

eas capere. In ijs expugnâdis utebantur vi
aperta, quandoque sola, quandoque cum
fraude quadam ac proditione coniuncta.
Aperta vis erat, cū urbē ex improviso ado-
riebantur, & vndique oppugnâtes magnò
cum impetu, scalis coronaq; eā capiebant:
muros non frangebant, sed scalis admotis
conscendebant, deiectisq; defensoribus,
urbem occupabant. Hæc omnia magna
cum festinatione, atque impetu fiebant, vs-
que adeò, vt quandoque vno die urbem
etiam maximam caperent: quomodo Car-
thaginem nouam Scipio occupauit. Quod
si primus impetus minus prosperè succe-
deret, ad frangendos arietibus muros sese
conuertebant. Cuniculos quoque agebāt,
per quos urbem ingredienti, illam occu-
pabant, veluti in Veiorum expugnatione
accidit. Turres etiam ligneas & propugna-
cula foris extruebant, aut vallū urbis mœ-
nibus incumbens, vt in alto loco consi-
stens, eos qui intra mœnia essent, omni ge-
nere telorū ferire possent. Qui urbem intus
defendebant, maximè periclitabantur in
primo impetu, cum scalis coronaq; oppu-
gnatio tentabatur. Nam mœnia vndiqua-
que defensoribus indigebant: quod si igi-
tur, aut non satis multos haberent milites:
aut non omnes ex equo urbem saluam esse

Liuius lib.
26.

Liuius lib. 5.

cuperent:facilè euenire poterat, vt vel vno aliquo loco defensores pulsi aut spòte cedentes, occupandæ vrbis præberent occasionem: atque hinc fiebat, vt multas vrbes hoc modo P. Romanus occuparet. Quod si Primus imperus nou succederet, rarò instabant eodem hoc oppugnationis genere: quod magno cū periculo vniuersum exercitum extendi oporteret, vt corona urbem cingeret, eamque omnibus locis simul oppugnaret: nec proinde resisti potuisset, si per vnam aliquam partem vehemens eruptio fuisset à cuius attentata: quod milites vehementer fatigarentur. Cum muri àrietibus frangebantur: tunc qui in vrbe erant, defendebant se eodem modo, vt ætate nostra aduersus vim tormétorum bellicorú. Retrocedendo enim loca fracta reparabant. Cum agebantur cuniculi, contrarios alios agere conabantur, vt per eos egredientes, vel ferro vel arte aliqua hosti sese opponerent, & inter cætera cuniculos hostium, iniecta materia, quæ ignem conciperet, oleo præsertim & plumis obstruebant, vt igni, fumo, & alio aliquo fœtore, eos aditu prohiberent. Turres etiam, quæ foris extruebantur, & alia huiusmodi propugnacula igni diruebant, & valla, quæ mœnibus incumbentia ab hostibus erigebantur,

bantur, perforatis muris minuebant, subinde tanta terra ablata, quanta conferretur ab hostibus. Neque verò hisce oppugnationis modis, in longum tempus utebatur: sed cum nō succederet, discedebant ab obsidione, & alias rationes inibant. Exemplo esse potest Scipio, qui Africā ingressus Uticæ expugnationem tētauit: sed cum videret illam minus ex animi sentētia succedere, ab instituto discessit, & ad delēdos Carthaginensium exercitus omne studiū conuertit. Nonnunquam oppugnationem in obsidionem conuertebant, ut apud Veios, Carthaginem, & Hierosolymam accidisse nouimus. vi coniuncta cum fraude occuparunt Romani Paleopolim: quā ex principib. ciuitatis aliqui, inito cum iis cōsilio, tradiderunt. Et si autem sæpe cū à Pop. Romano, tū alijs gentibus, attentatus sit hic modus occupandarum urbium, raro tamen successit. Nam clandestina consilia ex leui causa impediuntur: quod coniurationes citius patefiāt, quā perficere possint id, quod proposuerant: cū ob difficultatem rerum propositarū, tū ob colloquia quæ habere oportet cum hostibus quocumque tādē prætēxtu tecta. Quod

*Linus li. 8.**Linus li. 5*

quas clandestina consilia minus prosperè succedunt: aut enim tardius citius ve cōueniunt, quam indictum fuerit : aut alias error aliquis aut strepitus quidam ex improviso ortus, consilium prodere solet : veluti Gallis accidit ex anserum strepitu, cum ad occupandum Capitolium accincti essent. Hisce accedit, quod cum per noctis tenebras tractari soleant huiusmodi consilia: multum terroris incutiunt iis, qui illa tractant, ex quocunq; impedimēto perturbata: præsertim quod & situs locorū, & hominum ignari esse soleāt milites, qui ad huiusmodi facinora patranda ducuntur: & ob id ex quocunque motu, aut accidente perturbati, in fugam conuertuntur. In huiusmodi fraudulētis consilijs tractādīs, plurimū poterat Aratus Sicyonius: sed idē ipse in aperto cōflictu pusillanimis fuisse dicitur: vt naturali quadā vi ad illa potius quàm ad hæc tractanda, natus esse videretur. Sæpè igitur tractantur huiusmodi furtiua consilia, sed eadem rarò benè succedunt. Per deditiōnem occupantur vrbes, partim cum illæ sponte se dedunt, partim cum ob aliud maius periculum, se dedere coguntur. Capua enim Pop. Romano se dedidit, metu ne in Samnitium potestatem veniret. Sed Massilienses, Rhodij, & aliæ quædam ciuitates sponte

sponte sua, se dediderunt, permoti sola spe quā conceperant, fore ut legibus Romanis feliciter viveret, & meliorem formā Reip. instituerent. Multæ verò ciuitates se in alicuius aut Populi aut Principis potestatem dedere coguntur, ob id quod ipsæ semetipsas defendere nequeant: præsertim cum vel longis obsidionibus fatigatæ, aut alias excursionibus præliis ac populatoribus vexatæ fuerint: quæ ratione P. Romanus plurimas vrbes occupauit, præsertim à principio vrbes: quod quadringentis quinquaginta fere annis, hoc modo cum vicinis bellum gesserit. Et si enim cæteris quoque modis omnibus occupandarum urbium usus sit: tamen quia in cæteris plus laboris, temporis, sumptuumque requirebatur, hoc quam illis ut maluerunt. Accidebat enim quandoque, ut ex prælio, vno die feliciter commisso, Regnum occuparent: cum in obsidione vnius pertinacis vrbes, aliquot anni quandoque, cum dubio euentu consumerentur: in expugnanda ea per vim, periculum ingens deprehenderetur: in occupanda ea per prodicionem, nil certi succederet.

Populus Romanus Imperatoribus in bellum proficiscentibus, liberam administrandi belli potestatem faciebant.

CAPVT XXXIII.

HISTORIAM Liuianam cum fructu legere volēti, perpendendas esse censeo, singulas P. Romani actiones, & progrediendi modos ab ijs obseruari solitos. Inprimis autem memorabilis est, Summa illa potestas, quam faciebant Cōsulib. ac Dictatorib. in bellum profecturis, vt pro animi arbitrio omnem belli rationē administrarent. Postquā enim ex Senatus autoritate Populus semel bellum decreuisset: eius administrādi potestas Cōsuli tradebatur, aut alteri cuipiā Imperatori, Senatus sibi confirmandæ pacis autoritatē tantummodo reseruabat, & ius alia bella mouēdi: cætera omnia ab Imperatoris autoritate pendebrāt, penes quē potestas erat dimicadi, aut à pugna abstinēdi, hanc aut illā urbem expugnandi, obsidendi, aut ab obsidione liberandi, & cætera omnia belli munera, pro arbitrio obeundi. Hæc ita se habere, possemus quā plurimis exēplis demonstrare: sed ex omnib. vnū sufficiet euidentissimum. Cum bellum aduersus Thuscōs P. Romanus gereret, victis apud Sutriū hostib. deliberabat Consul Fabius de trās-

Liuius lib. 9. eunda Ciminia sylua, vt ad Hetruscōs perueniret: nec in ea tam periculosa, qua bellū in aliam regionē trāsferri videbatur, senatum

tum villo modo vel consulebat, vel instituti
 sui certio rem faciebat. Quanti momēti au-
 tem esset illa res, super qua non censuit cō-
 sulendum senatum, apparet ex senatuscon-
 sulto, eadē de causa à patrib. factō. Nam cū
 horribiles essent saltus Ciminij, & recens
 extaret Caudinæ cladis memoria: senatus
 cognita victoria Fabij, quam ad Sutrium
 obtinuisset, legatum ad eum missis, mādauit,
 ne Ciminium saltum transiret. Sed cum
 illi serius venissēt, quàm vt hoc institutum
 Fabij impedire potuerint, quod is & saltus
 illos iam transiisset, & latè depopulatis
 Hetruscorum agris, fulisq̃ue ijs, iam rediisset
 victor in Castra, nuntij nouæ victoriæ
 Romam redierunt. Hoc Pop. Romani in-
 stitutum si qui penitus contempletur: pru-
 dentissimè ab eo factum concipiet, quod
 tam amplam administrandi belli potesta-
 tem Imperatoribus concesserit. Quod si e-
 nim Senatus consuli se ab Imperatoribus
 de singulis rebus atque institutis voluisset:
 minus circumspectos eos effecisset, magis-
 q̃ue lentos ac desides: quod Victoriæ glo-
 ria non illorum propria, sed cum Senatu
 communis fuisse videretur. Præterea intel-
 ligebat facile Senatus, variam esse belli for-
 tunam, & præcipites rerum gerendarum
 occasiones subinde oriri, quas solus is &

intelligit, & arripere potest, qui præsens rebus agendis adest. Itaque si ipsè consultare voluisset de rebus, quas coram cernere non poterat, multis modis errare potuisset, quamuis ex viris constaret rei militaris peritissimis. Itaq; Imperatori potestatem faciebat, omnia pro arbitrio administrandi, eiq; victoriæ gloriam vniuersam concedebat, vt esset stimulus atq; calcar, ad rectè prudenterq; omnia administranda. Censui autè hoc loco disputandum de isto Pop. Romani instituto, vt ostenderem Respubl. quæ nostro tempore celebres sunt, hac in parte plurimum errare. Nam (vt de cæteris taceam) Veneti ac Florentini certè, singula, quæ ab Imperatorib. fiunt, & cognoscere, & consilio moderare volunt, vt ne tormenta quidem bellica illi ad ferendam urbem aliquam vel alio loco, vel aliter collocare audent, quàm in mandatis habeant à Senatu. Sed hæc omnia talia sunt, vt non aliam laudem mereantur, quàm alia quoque huiusmodi Rerumpub. consilia praua, quibus ad illum statum, in quoniam sunt; reductas illas nouimus.

Finis libri secundi disputationum Machiavelli de Repub.

NICO-

NICOLAI
MACHIAVELLI
DISPUTATIONVM
DE REPUBLICA ROMA-
norum, ex prima decade
T. Liuij.
LIBER III.

Ad Zanobium Bondemontium & Cōs-
mum Rucelaium.

*Qui cupit vel Rempub. vel sectam suam
diuturnam esse, eam sepe corrigere de-
bet, & veluti ad prima sua prin-
cipia reuocare.*

CAPVT I.



VÆ in hoc vniuerso cō-
tinentur, ea omnia certo
vitę spacio terminantur:
idq; singulis ex peculiari
quodam siderum influ-
xu cōtingit, singula quo-
que insitam vim quandā
atque desiderium habent semetipsa con-

seruandi, ab interitu abhorrendi, & mutationes noxias fugiendi, salutare appetendi. Inter cæteras verò totius Vniuersi res, præcipuæ sunt Respub. atque Sectæ, quibus salutare sunt illæ mutationes, per quas corriguntur, emendantur, & ad primam suam originem, principiumque reuocantur. Quod si quæ igitur vel secta, vel Respub. certis legibus instituta sit, ad huiusmodi emendationem certo annorum spacio faciendam, introducendosque antiquos mores, & consuetudines: eę diuturniores esse solent quæ illæ, quæ non nisi ex accidēti, & casu quodam emendationem admittunt. Si nunquam emendentur, diuturnę esse non possunt, quod sensim omnia in peius ruant, donec planè euertantur. Emendandæ Reipublicę, corrigendarumque sectarum ratio optima est, ut ad principia sua reuocentur, ita nimirum, ut primi illi mores, & antiquę leges atque consuetudines rursus introducantur: & reuocentur in usum. Principia enim cum Sectarum, cum Rerum publicarum atque Imperiorum omnia aliquid boni habent, vel ex ipsa necessitate: ad cuius normam si postmodum emendentur, recuperant antiquam dignitatem, & auctoritatē: si nunquam corrigantur, ita sensim in peius ruunt omnia, ut aucta paulatim malitia, tandem

dem ruere cogantur : perindeque iis accidit, ut de corpore humano loquuntur Medici, in quo singulis diebus aggregatur aliquid, quod curatione indiget: & nisi tollatur, tandem morbos lethales parit. Ipsa *Emendatio Rerump.*igitur Respub. quod attinet, dicimus corrigi, & ad principia sua reuocari, partim ab externis accidentibus, partim intrinseca prudentia, vel viri alicuius singularis virtutis, vel legis, de reformanda ciuitate per certa interualla, latae. Prioris generis sunt, quae fato quodam euenire, atque accidere videntur: quale est, quod Romae ex Gallorum aduentu accidit. Eo enim modo reuocari pristinos mores, antiquam virtutem & religionis cultum exuscitari oportebat, quae paulatim omnia Romae collapsa erant: ut fatis apparet ex historia, qua illorum apparatus aduersus Gallos describitur. Nam cum prius aduersus finitimos bellum gerens ea Respub. tamen vltima quaeque remedia, auxiliaque tentare soleret: tunc, ut erant ciuitatis mores, ne in hoste quidem inusitato, atque inaudito, quicquam extraordinarii auxilij quaesivit: tres Fabios, qui legati cum essent, contra ius gentium pugnauerant, non modo non puniuit, sed Tribunos consulari potestate creatos belli summam praefecit. Quid porro de reliquis Re-

Liuius li. 5.

gum, ac cæterorum sapientissimorum virorum legibus, atque institutis existimare aliter debemus, quàm sopita ea, neglectaq; iacuisse? Itaque superueniens extrinsecus illa clades, effecit, vt monita, & quasi ex-pergefacta ciuitas, antiquas leges rursus in vsum reuocaret, religionē coleret, iustitiæ operam daret, benemeritis ciuibus honorem, præmiaque deferret, & virtutis eorum rationē haberet. Hæc enim omnia perbellè successerunt, postquam captam à Gallis urbem Camilli virtute recuperassent. Nam cum contemptos ab se deos esse putarent, quia rationem non habuissent prælagij, de Gallorum aduentu monentis: idcirco expiandę eius rei causâ, templum, cui loquutio nomen, condidēre, & cætera, quæ ad religionē pertinebant, magna cura tractarunt. Fabiorum facinus punierunt, Camilli virtutem deinceps tanti fecerūt, vt postpositis priuatis iniuriis, eum summę rerum præfecerint, vsque adeò vt ab illo tota Respub. pendere videretur, præsertim vbi quid bellici terroris ingrueret. Vsq; adeò scilicet profunt huiusmodi aduersi casus, si rectè ab ijs accipiantur, quibus accidunt: necessumque omnino est, omnem hominum societatem quandoq; emendari, & versus sua principia reuocari: siue per hos exter-

nos

nos casus, siue ex internis causis fiat. Internæ causæ emendâdi Rempubl. partim sunt leges publicæ, de morum censura certo annorum interuallo instituenda, & corrigendis vitijs, quæ grassantur: partim exempla particularia quorundâ virorum, qui singulari virtute præditi, cæteris documêto esse volunt, ad mores benè instituendos, & vitia corrigenda: tantundemque præstant in Repub. atque leges. Cæteri qui huiusmodi legum statutorumq; munereungebantur in Repub. Romanorum, erant Tribuni plebis, Censores, & quæcunque aduersus ambitionē insolentiamque ciuium præpotentium decernebantur. Quæ omnia nihil profuissent Reipub. nisi subinde extitissent aliqua heroica ingenia, quæ exemplis ac re ipsa præstitissent illa, quæ essent legib. præscripta. Huiusmodi fuere ante captam à Gallis urbem, supplicium de Bruti filijs sumptum, Pœnæ Decemuiris impositæ, Spuriij Melij cædes, & similia. Post captam urbem, Manlij Torquati pœna de filio sumpta, eò quod pugnasset contra Imperatoris mandatum, Fabij Magistri Equitum accusatio à Papyrio cursore instituta, eò quod præter Dictatoris imperiū pugnam commisisset, Scipioni dies dicta, quæ omnia, quoniam erant valde memorabilia, & hor-

rendi

laria quædam exempla virtutis edunt. Excitant enim illa bonos viros ad imitandum, & malos à vitijs dehortantur. Huiusmodi apud Romanos fuere, Horatij Coclitis pugna: Scæuolæ ad regem Porſennam oratio & audax facinus: Fabritij, Reguli Attilij, & aliorum quorundâ memorabilia dicta factaque, quibus tanquam legibus quibusdâ, ciues suos ad rectè agendum viuendumq; impellebant. Quod si ſingulis decenijs, vel huiusmodi ſpontaneorum virtutis exemplorum vnum aliquod eueniſſet, vel ſecundum leges, ex ſuperioribus aliquod in delinquentes ſtatuiffent: nunquam tanta morum corruptela potuiſſet ciuium animos occupare: Sed quia vtraque rara eſſe tandem cœperunt, aucta tantopere eſt morum corruptela, vt remedium nullum adhiberi potuerit. M. Reguli enim exemplum, nullum tale extitit vſq; ad tempora Catonum: itaque tantopere iam vitijs ſcatebat ciuitas, præſertim tempore poſterioris, vt exemplo ſuo ad reformandos hominum mores, parum aut nihil proficere poſſent. Ad conſeruandas etiam Sæctas neceſſe eſt, adhibere idem remedium, vt illæ quaſi renouentur, ad principia reuocentur, & emendentur. Quod niſi aliqui viri Sancti, in Chriſtiana noſtra religione præſtitiffent, præſertim

D. Dominicus & Franciscus, dudū per illū
 vniuersus illius cultus. Ille enim in paupertate
 viuentes, atque humilitate, Christiana
 vitæ exemplum hominibus proposuerunt,
 quo tantum certe ellicerunt, ut quæ reli-
 gio Episcoporum cæterorumque nostrarū
 Ecclesiastarum prauitate vitæ, corrum-
 pi planè potuisset: ea etiamnum subsistat: cum
 videamus homines religioso quodam me-
 tu, illis etiamnum delicta sua confiteri, in
 honore eos habere, vitia ipsorum non da-
 mnare, sed Dei arbitrio commendare. Pes-
 simè enim viuunt semper omnes, quicun-
 que neque vitiorum pœnam ullam norunt,
 neque experiuntur. Itaque subinde propo-
 sitis exemplis necesse est eò spectare, ut Re-
 ligionè n quoque nostram emendemus. U-
 niilemque reddamus ei, quæ à principio
 erat: aliàs planè peribit. Idem in cōseruan-
 dis Imperijs regnisque faciendum est, ut
 antiquæ leges, & consuetudines in vsum
 reducantur: ex eorumque præscripto vitia
 puniatur: quod equidē Galliæ regno haud
 parum prodest. Nam id, præ cæteris, legi-
 bus gubernatur, quarum custodes sunt Se-
 natus, per Regnum hinc inde dispositi, &
 præsertim Parisiensis, qui hætenus graui-
 ter delinquentes, seuerè semper puniuit.
 Quod si impunitas longo tempore conce-
 datur,

ditur, usque adeo augetur vitia, ut sine periculo publico deinde, nec puniri nec extirpari queant. Quæ cum ita sint, pronuntiare oportet, nullam esse commodiorem rationem conservandæ vel Reipub. vel Regni, vel Sectæ alicuius, quam si sæpè emendantur, similesque reddantur semetipsis talibus, quales in primis initis erant. Id quod ut fieri queat, certis legibus, statutisque providendum est: ne opus sit per vim peregrinam idem præstare. Nam etsi illa quoque nonnunquam salutaris sit, ut cum Roma à Gallis capiebatur: tamè usque adeo periculosa est, ut eam merito formidare oporteat. De hoc argumento tertio hoc libro differemus, & ostendemus quantum Reipub. profuerint singularium quorundam virorum exempla & res prelaræ gestæ: in quarum numero etsi recenseri queat aliquæ ab regibus ipsis patratae: tamè pauca quædam tantum de ijs differemus suo loco: nunc verò à primo Consule Bruto exordium sumamus.

*Tertij libri
de Rep. argu-
mentum.*

*Sapientis esse nonnunquam simulare
resultitiam.*

CAPUT II.

NVLLE VNQUAM extitit vel Sapientia, vel prudentia tanta, ut eam laudem mereri potuerit, quam meruerit in Iu-

Linus li. 1.

nio Bruto stultitiæ simulatio. Nam etsi Liuius ob eam tantum causam id ab illo factū restari videatur, vt tutus esset sub tali contemptu: verisimile tamen est, ita eius animus institutum, præparatumque fuisse, ne obseruaretur à Regibus: sed opprimendæ tyrannidis occasionem captare cōmodius posset: & sub obtentu stultitiæ, liberator ille Populi Romani animus, aperiretur tempore suo. Huic rei argumēto est, ipsius prudens Oraculi interpretatio. Nam cum apud Delphos sciscitarentur Tarquinij iuuenes, ad quem eorum regnū Romanum esset peruenturum, & ex imo specu reddita vox esset: ad illum ipsorum summū Imperium peruēturum esse, qui primus osculum matri tulisset. Tarquinij de osculo matri dando, cum Romam rediissent, cogitantibus, Brutus aliò ratus spectare Pythicam vocem: veluti si prolapsus cecidisset, terram osculo contigit, quod ea communis mater omnium mortalium esset. Et postea cum Lucretiæ pater atque vir luctu occupati essent, occasionem aduenisse ratus, vlciscendæ tyrannidis regiæ, cultrum ex vulnere Lucretiæ primus extraxit, eumque manantem cruore præ se tenens, iurauit & ipse, & cæteros ad iurandum coëgit, quod Tarquinius cum omni liberorum stirpe, ferro

ferro atq; igne exacturi essent, nec passuri, ut quisquam amplius Romæ regnaret. Huius igitur exemplū imitari commodè possunt, quicumque principis sui tyrannidem iniquo animo ferunt. Sed ita agendum, ut vires suas metiantur, & siquidem sufficiāt, apertè sese hostes declarent, apertoq; Marte dimicent: quod quidem & tutissimum & honestissimum est. Sin minores vires habere se intellexerint, quàm ut se illi manifestè opponere queant: in id summo studio incumbere debent, ut familiarem amicūque sibi faciant tyrannum, iisdem studiis cum illo incumbere, eius dicta factaq; omnia approbare, laudare, imitari. Nā hac ratione primum tutus eris ab omni suspitione: frueris ipsius fortunæ opibusque, & occasionem captare poteris, tyrannidem suo tempore vindicandi. Non desunt tamē qui in huiusmodi casibus, aliam quandam viam præscribant, oportere enim operam dare, ut neque ita coniunctim cum huiusmodi tyrannis viuas, ut si illi fortè opprimuntur, tibi cum illis intereundum sit. neque ita præcul, quin oblata occasione, illos inuadere & opprimere possis. Optima quidem ista ratio est, & media quodammodo inter bina extrema: sed ea non potest ab omnibus observari, cum cohabitandum

perſæpè ſit cum huiusmodi tyrannis, nec queas eorum conuerſationem vllò modo euitare. Itaq; rursus ad alteram extremorū confugiendum fuerit. Nec ſine magno periculo degere poſſunt, quicunq; opimioris fortunæ viri, ſub tali tyranno vixerint, niſi alterum horum fecerint. Nil prodeſt enim vel ſi ſolitariam vitam agere coneris, ab officiis muneribuſq; alienam: vel ſi contemptis honorib. quieti ope, a dare velis: quod vel nolens trahendus ſis ad officia publica: nec fides vnquam tibi habeatur, ſi te omni ambitione carere, aut ſimulaueris, aut verè affirmaueris. Itaque in hiſce caſib. ad Bruti conſilium veniendum eſt, dictaq; factaq; omnia tyranni, comprobanda, eius ſtudiis obſequendum, obtemperandumq; donec cōmoda occaſio ſeſe offerat vindictæ. Brutus certè, vt fuit prudens ſtultitiæ ſimulator, donec liberandæ patriæ occaſio ſe obruliſſet: ita ſeuerus deinde fuit libertatis defenſor: de qua ſeueritate proximo capite diſſeremus.

*Ad conſeruandam libertatē nuper partam:
neceſſarium eſſe vt Brutifily tollantur.*

CAPVT III.

NECCEſſARIA ſimul atque vtilis fuit Bruti ſeueritas, quam in conſeruanda

uandā libertate nuper patta adhibuit: memorabile nimirum in omnem posteritatē exemplum: patrem cernere, quem, cum à spectaculo amouendus esset, fortuna supplicij exactorem liberis faceret. Sed ita comparatum est, vt post mutatam Reipubl. formam (sue mutatio illa in melius, siue in deterius facta fuerit) necesse sit, semel ab ijs acerbum supplicij sumere, quicumque se huic mutationi opposuerint, si modò nouū hunc Reipub. statum cōseruare velis. Vtque rem paucis comprehendam: sic pronūtio. Qui tyrannidem occupat, cōseruare eam non potest, nisi iuliano Bruto: qui, pulso tyranno, publicanā libertatem recuperat, illam cōseruare nequit, nisi tollantur ē medio filij Bruti. Quia de re multa superius disserui: vt non opus sit pluribus eadem repetere. Vnum tantum adijciam exemplum ex ijs, quæ in nostra Republica gesta sunt. Petrus Soderinus Florentiæ cum publicam libertatem recuperasset: putauit se patientia & animi moderatione deuincire posse eorum animos, qui filiorum Bruti similes essent, & ad antiquam tyrannidem aspirarent: sed vehemēter errauit. Fuitque tanto deterior hic error illius, quod et si (vt erat vir summa prudentia) intelligeret, oportere eos ē medio tolli, à quorum ambitione

muneribus placari, sedarique possit. Quod si Brutum imitari potuisset; & dignitatem suam in Republ. retinuisset, & à se partem conseruasset libertatem. Sed neque minor est etiam difficultas, in conseruanda regia potentia, in imperio nuper acquisito, quam in conseruanda publica libertate, vt sequenti capite docebimus.

Princeps in parto nuper imperio tutus esse non potest, quandiu illi viuunt, quos imperio spoliavit.

CAPVT III.

TARQUINII Prisci cædes ab Anci Martij filijs procurata, & Seruij Tullij interitus, Tarquinijs superbi dolo ac scelere paratus, facile omnibus exemplo esse possunt, quod periculosum sit, eum regno spoliare, qui postmodum superstes futurus sit: quamuis eum vel maximis beneficijs recôciliare, ac deuincire tibi coneris. Tarquinius existimabat se regnū iure possidere, cum & à populo, & Senatu regnare iussus esset: nec putabat in Anci filijs maleuolentiam, atque indignationem tantum posse, vt quicquam tentare auderēt aduersus Senatus, Populi que autoritatem. Sed in omnibus hisce errauit. Idemque Seruio

Tullio contigit, qui putabat satis sibi de-
uinctos Prisci Tarquiniꝝ filios, eo quod
meritis ac beneficijs illos affectisset: usq; fi-
lias in matrimonium tradidisset. Ex priori
igitur exemplo discere debet omnes prin-
cipes, quicunque principatu quempiam
spoliarunt, se neutiquam tutos esse, quan-
diu is superstes est, quem spoliarunt. Ex po-
steriori animaduertere possunt omnes in
vniuersum præpotentes, quod veteres in-
iuriæ nouis beneficijs difficillime extin-
guant: præsertim si beneficia iniurijs mi-
nora extiterint. Certum est autem, peccasse
vehementer Seruiũ Tullium, & impruden-
ter existimasse, contentos fore Prisci Tar-
quiniꝝ filios, si generi essent eius Regis, cui
ipso imperare, & imperio regere conue-
niebat. Tanta est enim hominum ambitio,
tantaque ubique imperandi cupiditas, ut
non eorum tantum animos occupet, ad
quos regna iure aliquo spectant, sed eorum
etiam, ad quos nullo modo pertinet. veluti
in Tullia Seruiꝝ filia, Tarquiniꝝ coniuge ap-
paruit: quæ tanta cupiditate regnandi ar-
debat, ut non contenta esset eo, quod Re-
gis filia erat, sed maritum aduersus patrem
incitauit, ut illi cum regno vitam etiam eri-
peret. Quod si Tarquinius Priscus & Ser-
gius Tullius aduersus eos se cõmunire no-
nuissent,

missent, quod regno spoliarent: nequaquā regnum cum vita amisissent. Sed Tarquinius Superbus regno pulsus est, eo quod non insisteret maiorum vestigiis, & veterum regum institutis, ut proximo capite ostendemus,

*Ex quibus causis regnum hereditario iure
parum amitti queat?*

C P V A T V.

TARQUINIUS superbus videbatur regnū tutò possidere posse, cum sublato Servio Tullio, nullus ex illius stirpe superesset masculus hæres: nec quicquā proinde ei metuendū esset eorum, quæ vel patri, vel socero nocuissent. Quamvis enim extraordinario quodam modo, & per vim regnare cœpisset: tamen si maiorum vestigiis voluisset insistere, institutaq; eorum servare: non incurrisset in tantum Senatus Populiq; Romani odium, ut de expellendo illo vnquam cogitassent. Nec credere oportet, stuprū Lucretiæ à Sexto filio illatum, præcipuam causam illi fuisse, regni amittendi: sed tyrannidem potius, quam exercuerat, cum in Plebem, tum in senatū. Nam cōtra antiquas leges, & maiorum consuetudines, omnē Senatus auctoritas

ratem, potentiamque ad se vnum traduxerat: vt quæ prius ex Senatus autoritate publicis locis tractari, decidi que solerent: omnia in domo regia priuatim tractarentur, magna animorû offensione: quod omnes animaduenterent, urbem Romam omni illa libertate iam spoliata esse, quâ habuisset, & conseruasset sub antiquis Regibus. Non igitur patrum animos solum offenderat: sed plebis odium quoque aduersus sese concitauerat: cum illa vteretur, & ad cloacas conficiendas & alias mechanicas operas obeundas, planè diuersas ab ijs operibus, quibus ab antiquis regibus Populus Romanus adhiberi soleret. His atque alijs crudelitatis superbięque exemplis, omnium ciuium animos offenderat, & ita aduersus sese concitauerat, vt præparati iam essent ad rebellionem, quandocunque iis se occasio aliqua offerret, Et si Lucretiæ stuprû nõ interuenisset, ex alia aliqua causa iidem motus orti fuissent, quæcunque tandem se aliquando obtulisset. Quod si enim Tarquinius more institutoque maiorû regnasset, atque vixisset: Brutus & Collatinus, Sexti filij eius facinus, ab ipsomet puniri cupiuisent, nõ vindictę causa ad Populum confugissent. Ex quo vtiq; exemplo discere possunt, ac debet omnes principes, quod
semper

semper periclitari incipiant de amittendo principatu tunc, quotiescunq; ab antiquis legibus & consuetudinibus discedere, & eas abolere conantur. Quod si amisso etiam principatu, observare possent infortunij sui causas, & modum, quo ei obuiam ire potuissent, utque imperia hæreditario iure parta, facile bonis consilijs conseruentur: proculdubio non in alios, sed in seipsos omnem culpam referrent: Facile est enim, ut bonus si fueris, à bonis ameris & diligaris: legib. præterea facilius est obedire, quàm imperare. Quibus omnibus accedit, quod exempla intueri licet bonorum, ac fortunatorum principum, eaque sine labore imitari. Nam si vel Timoleontis Corinthij, vel Arati Sicyonei, vel alterius huiusce similis vitam contempleris: tantam deprehendes esse benevolentiam, cum principum erga subditos, tum subditorum erga suos principes, tantamque ubique securitatem, ut si sanæ mentis compos sis, ad eos imitandos summo studio eniti coneris: præsertim quod id nequaquam difficile sit. Quam enim aliam libertatem optent sibi homines, quam ut bene gubernentur? Nullam sanè. Itaque vel nolentes coacti sunt regnare bini illi, quos iam memorauius principes, cum subditi facile intelligerent, se à nullis alijs

ram benè gubernari posse. Sed quædam incidimus in hanc disputationem, semelque facta est mentio odii, quod aliquando concipiunt homines aduersus tyrannos & coniurationis filiorum Bruti, & eius etiam, quæ aduersus Tarquinium, Iulium, & Seruum Tullium facta est: transibimus ad ipsas coniurationes, ut ex professo differamus de omnibus, quæ in illis obseruatione digna esse videntur: rem certe principibus viris vel imprimis consideratione dignam.

De coniurationibus.

CAPVT VI.

NON negligendam hoc loco existimaui disputationem de Cōiurationib. quod ea res sint magni admodum momenti, & periculosa cum priuatis, tum principib. viris: usque adeo, ut per hæc plures imperio vitaq; spoliati fuerint, quam aperto bello. Cuius rei ratio est, quod aperto Marte cum Principe dinicere pauci possunt: sed aduersus illum coniurare, quibus libet licet. Quod ita etsi ita sit tñ nihil est in hoc vniuerso mundo, tam periculosum homini priuato, perniciosumq; quàm si coniurationib. sese implicuerit, atque miscuerit. Nam quocūq; modo illæ tractentur, tamē periculis vndique scatent maximis: Atque
hina

hinc est ut multe quidem sunt coniurationes, sed paucissima sortiantur finem propositi. Itaque de illis copiose disputare deo cui hoc loco, cum ut Principes discant cavere sibi, ab earum periculis: tum ut privati homines minus audaces sint, ad coniurationes atterendas, magisque patienter ferant servitutis iugum, quodcumque fortuna illis imposuerit. Verissimum enim est, quod inquit Cornelius Tacitus, Res præteritas suspiciendas, & in honore habendas esse, Præsentes terendas. Bonos principes expetendos, sed eos, qui iam imperant, ferendos tollerandosque esse, qualescumque fuerint. Qui secus faciunt, perire pericula sunt, cum sui tum Patriæ interitus, atque ruinæ. Hanc igitur disputationem aggrediemur nunc: & primo aduertemus, quod vel aduersus Patriam, vel contra Principem coniurare homines potissimum soleant: nosque etiam de duplici hoc genere potissimum disputabimus. Nam de his coniurationibus, quibus vel urbs aliqua obiecta hosti traditur, vel simile quippiam perpetratur, antea satis disputatum est. Quæ aduersus Principem attentantur, variis de causis fieri solent, sed inter omnes alias maximum momentum habere solet Populi odium, aduersus Principem conceptum. Nam quem

Popu-

*Coniura-
tio aduer-
sus Prin-
cipem.*

Populus vniuersus odit, eum necesse est multos læsisse, & multos habere, qui cum vehementer offensi sint, de vindicta cogitent: quorum cogitationes magis magisque confirmantur, ex communi totius Populi odio. Itaque ad euitanda hæc pericula, cauere sibi debent principes à Populi odio, & eius beneuolentiam sibi conciliare ijs artibus, de quibus alibi disputatum à nobis est. Quod si à communi plebe diligantur, non facile quicquam patientur, si vel maximè aliquos offenderint. Neque enim homines tanti facere solent iniurias priuatim acceptas, ut propterea se tantis periculis exponere vindictæ causa, aut velint aut possint: & si maximè id attentare cuperent, tamen metuunt communem illam populi beneuolentiam erga principem, eaque in officio continentur. Cæterum quæ populo inferuntur iniuriæ à Principibus, causæque sunt, ut illos odio prosequatur: ea lædere solent subditorum aut vitam, aut honorem, aut opes. Et vitæ quidem lædendæ solæ minæ principum, plus odij concitant, magisque periculosæ sunt, quam si eorum exequutio instituatur. Nam qui è medio tolluntur, vindicare in iure iniuriam nequeunt: qui in viuis est, si quidem minatus illi princeps fuerit, necessitate ipsa cogitur, vel de inferenda

*Iniuria
principum
quotupli-
ces.*

renda vel depatiēda iniuria cogitare: itaq;
 principi suo fit maximè formidabilis. Se-
 cundum deinceps locum obtinent fortu-
 næ & fama: quæ si lædantur, homines ad
 vindicandum vehementissimè excitāt. Ita-
 que abstinere decet Principem ab hisce.
 Neque enim quemquam vsque adeò nuda-
 re fortunis potest, quin illi cultellus ad vin-
 dicandum remaneat: nec quemquam po-
 test tantopere dehonestare, quin illi animū
 ad vindictam obstinatum relinquere coga-
 tur. Existimant autem homines, tunc ma-
 ximè læsam sibi esse famam à tyrānis, cum
 vel mulierū violatur pudicitia, vel ipsi ali-
 quo vituperio afficiuntur, & contemnun-
 tur. Hæc enim causa fuit, quæ Pausaniam
 aduersus Philippū Macedonia Regem ex-
 citauit, & multos alios aduersus principes
 suos armauit. Ætate nostra coniurauit Iu-
 lius Bellantius, aduersus Pandolphum Se-
 nensium tyrannum, focerum suum, ob nul-
 lam aliam causam, quam quod filia illum
 spoliauisset, quam prius illi in matrimoniū
 dedisset. Pazzij Florentiæ coniurârunt cō-
 tra Mediceos, ob ademptam sibi Ioannis
 Bonrthomei hæreditatem. Præter hæc
 causas, mouentur etiam nonnulli ad cōiu-
 randum contra principes, desiderio libe-
 randæ patriæ, quæ per vim ab ipsis occu-

pata sit: quo quidem modo Brutus & Cassius ad Cæsarem percutiendū excitari fuere: & multi alij aduersus Phalarin, Dionysios, aliosque tyrannos cōmoti: nec vnquā tuti esse possunt tyranni, ab huiusmodi cōiurationib. nisi renuntient tyrannidi: quod cū pauci facere velint, plerisque etiam euenit tristis euentus, vt ex Iuuenalis sententia: *Ad generum Cereris sine cade & sanguine pauci. Descendant reges & sicca morte tyranni.* Sed qui coniurant, tamē ingentia pericula subeunt: quod & clandestina illa coniuratorum cōsilia, & eorum exequutio, & quæ post executionem sequuntur, vehementer formidolosa sint omnia. Quod si vnicus sit, qui tantum facinus patrare decreuerit: coniuratio dici non potest, sed firma quædam est animi dispositio, & cogitatio, de Principa tollendo, solumque eius consilium periculo caret: quandiu enim nemini communicatur, principi innotescere nequit, quod penes eum solum consistat, qui id perpetrare conatur: si ad executionem veniendum est, occurrunt eadem pericula quæ coniuratis. Possunt autem huiusmodi consilia cadere in quoscunque homines, nobiles, ignobiles, familiares principi, aut ignotos: quod nullus tam humilis sit, quin illi occasio dari queat aliqua, principem alloquen-

Unius hominis coniuratio.

loquendi: Et cui potestas sit loquendi cum principe, ei non deest occasio occulti odij ignes euomendi. Paulanias certè Philippum Macedonię Regem ad templum euntem, stipatum mille armatis satellitibus, medio loco inter filium & generum consistentem, necauit. Erat autem ille nobilis & familiaris Regi. Sed Hispanus quidam, infimæ & abiectissimæ sortis homo, ausus fuit Ferrando Hispaniæ Regi cultrum in collum defigere: quod vulnus etsi non fuerit profundum, neque mortale: tamen indicio esse potuit, ab huiusmodi infimæ sortis hominibus posse etiam facinora tanta patrari. Deruisius etiam quidam Turcicus sacerdos, in Baïsetum Imperatorem Turcicum, eius, qui nunc viuit, Imperatoris patrem, telum contorsit, quod etsi non ferijt: ostendit tamen à tali quoque homine, posse tantum scelus tentari. Nec dubium est quin plurimi extent subinde, qui de tali vindicta aduersus tyrannos secum cogitent, eamq; summopere cupiant: non auli sunt tamen prodire, & exequi, quod volunt, nisi paucissimi: ijdemq; ferè omnes in tali facinore pereunt. Sed de hoc pertinaci vnus hominis consilio hæc sufficiant. Ad cōiurationes iam veniemus: de quib. hoc primū pronuntiamus, quod illæ

*Cōiuratio
tenuiorū
hominum
cōtra prin-
ci pem.*

non nisi à magnis atque præpotentib. viris, quique Principibus noti familiaresque sint, fieri soleant. Cæteri enim nil tale tentare aut possunt, aut audēt, nisi planè amētes fuerint: quod omnibus rebus destituātur, quibus coniuratio ad propositū finem perducatur. Neque enim clientes habent, aut alios fidos amicos, quibus possint secreta communicare consilia: quod omnib. rebus priuentur, quibus homines ad subeunda magna pericula incitantur: itaque quàm primum plurib. communicatū fuerit illorum consilium, detegitur cōiuratio, & ipsi pœnas luere coguntur. Quod si quādoque etiā tam fortunati essent, vt secreta conseruare consilia possent: tamen cum ad patrāndum facinus veniēdum est, tantam experiuntur rei difficultatē, cum principem liberè adire nequeant, vt ipsa stupefacti, inter agendum pereant. Quod si enim magni & præpotentes viri, quibus semper pater aditus ad principem, tantā rei difficultate tamen opprimuntur: non dubium est, quin eadem res, hominibus tenuioris fortunæ, infinitis modis magis ardua, difficilisque euadat. Itaque cum tantā rei difficultatem prospiciant homines Idiote, abstinēt à tam periculosis facinoribus, contentique sunt interim maledictis, quæ
in Prin-

in Principem subinde iactant, expectantes,
 ut alij potentiores tyrannidem vindicent.
 Quod si qui huiusmodi tenuiorum homi-
 num, aliquando contra tyrannos cōiurâsse
 deprehēduntur: eorum studium & volun-
 tas magis laudabilis est, quam prudentia.
 Plerunque igitur magni viri sunt, qui con-
 iurationem aduersus principem tentant, &
 quidem ei familiares. Ex quibus permulti
 ad id faciendum, non minus beneficiis ac-
 ceptis, quam iniuriis impelluntur: veluti
 Perennius aduersus Commodum: Plautia-
 nus cōtra Seuerum: & aduersus Tiberium
 Seianus. Nam hi omnes ab suis imperato-
 ribus, ad tantas opes, honorumque gra-
 dus euecti erāt, ut ipsis nihil deesse videretur,
 præter solos imperij falces: quos ut etiā
 comparare possent, aduersus suos quique
 principes coniurârunt: Sed habuit eorum
 omnium coniuratio exitum tanta ingrati-
 tudine dignissimum. Patrum namque nostro-
 rum memoria meliorem finem sortita est
 Petri Appiani, cōtra Petrum Gambacurtū,
 Pisanorum principem, coniuratio: à quo
 cum & educatus, & ad multos honores
 euectus esset: eum tamen postmodum im-
 perio spoliauit. Secus accidit Cappolo,
 postquam aduersus Ferrandum Arragoniæ
 Regem coniurasset: nam cum eius quoque

*Magnatū
 cōtra prin-
 cipem con-
 iuratio.*

potentia iam tanta foret, vt nil illi præter Regis nomen deesset: Id quoque sibi comparare commotus, vitam cum omnibus fortunis amisit. Videbatur autem huic vel imprimis debuisse instituti sui ratio succedere, cum tanta existeret illius potentia, vt Regi propemodum æquaretur, ac proinde facile exequi posset, quicquid facere decreuisset. Sed cupiditas dominandi illos occæcat, non modo vt tanta facinora suscipere audent, verum etiã, ne id quod semel facere decreuerunt, rectè cauteque tractare possint: quod si isthæc scelera prudentia quadam tractare nouissent, non posset illis nõ euenire id, quod proposuerant. Itaque discere hinc debent principes, ad euitandas cõiurationes, eos vel maximè sibi meruendos, in quos plurima beneficia contulerunt: quod hi magis formidabiles sint, quàm qui plurimis iniurijs affecti fuere. Nam voluntas in vtrisque similis est, potentia in his, qui beneficia acceperunt, maior existit: maiorque furor est in dominandi cupiditate, quàm in vindicandæ iniuriæ desiderio. Eò autem pertinebit, ne amicorum quemquam nimium extollant: sed current vt interuallum quoddam sit ab eo gradu, quem quisque tenet, vsq; ad summum imperium, ne si quid amplius appetant, ad

Impe-

Imperium ipsum immediatè aspirent. Sed ad institutum nunc redeundum est, & inquirendæ causæ variorum euentuum, qui huiusmodi præpotentibus viris fœlices infœlicesque euenêre, cum aduersus principes suos coniurassent. Et quia periculum impendet, cùm in consultando, tùm in exequendo, & post exequutionem: itaque rarissimè sit, vt omnia tria euitari queant, paucissimæque sunt coniurationes, quæ ad felicem exitum perduci queant. In capiendis consilijs de coniuratione, summa & omniũ maxima pericula existunt, quod ni cautè prudenterque tractètur, facilè detegantur: siue id fiat per cõiecturas aliquas, aut indicio alicuius coniuratorum, qui vel perfidia, vel stultitia sua motus, consilia cõiuratorum aperiat & prodat, vehementerque metuèda est hæc sociorũ perfidia. Neque enim cõsilia communicare potes cum quoquam alio, quàm cum ijs, qui vel tibi sint fideles, taciturni, adeoque prompti pro te mortem obire, vel certè qui Principi vehementissimè sint infensi. Tam fidos taciturnosque amicos paucissimos inuenies: nec potes cõsiliũ plusquam vni aut duobus communicare. Nam insignem oportet eorum erga te amorè esse, ne metu periculi deterreantur. Quibus accedit, quod pericula

Prima pericula quæ in cõiuratione metuenda.

pe errare liceat, vt existimemus nos ab amicis magis amari, quàm re ipsa amemur. Nunquam enim de illorum singulari amore erga te certus esse potes, nisi per experiētiam, eademque in hisce quidem rebus periculosissima est. Quod si in alijs, quæ leuiores sunt, comprobetur, per experiētiam fides amicorum: nil prohibet quin in negotio longè difficiliore, deinde nos fallat. Quod si etiā expiscari velis cuiusquā erga principem odiū: necesse est, vt simul illi tuū quoque declares animum: quo cognito, ille rationem habebit, vt Principi reconcilietur, teque illi prodat: à qua re illum nihil detinere potest, nisi forte ille aut principē vehementissimè oderit: aut te singulari amore prosequatur. Quo sanè fit, vt plurimæ statim à principio detegantur & opprimantur: & si quæ coniuratio multis communicata, diu tecta, sopitaque conseruetur, miraculi loco habeatur: cuiusmodi fuit Pisonis contra Neronem, & cōiuratio Pazziorum aduersus Laurentium & Iulium Mediceos, in quarum singulis coniurati circiter quinquaginta fuere: nec patefacti sunt, donec ad ipsum factum & executionem consiliorum peruentum est. Per imprudentiam deteguntur coniuratorū consilia etiā, si minus cautè de hisce rebus loquantur, vt
eorum

eorum vel serui vel clientes animaduertāt: quemadmodum accidit filijs Bruti, qui in tractandis consilijs cum Tarquinij legatis, à seruo obseruari, delatiq̃ue fuerunt. Idem euenire solet, si leuitate sua coniuratorum quispiam vel mulierib̃s, vel adolescentibus communicauerit, quemadmodum fecit Dinus: qui postquam vnà cum Philota aduersus Alexandrum Magnum coniurasset, Nicomacho puero, quem amabat, consilium aperuit: isq̃ue Ciballino fratri, atque hic denique Regi idem detexit. Per coniecturas detegitur coniuratio eo modo, quo patefacta est Pisoniana, contra Neronem suscepta. Sceninus enim coniuratorum vnus, pridie eius diei, quo Neronem interficere debebat, testamentum fecit: per Milichium libertum exacuere curauit antiquū quendam pugionem: seruos omnes in libertatem asseruit, pecuniaq̃ue donauit: & fascias denique ad deligenda vulnera, preparauit: quibus coniecturis Milichius rem animaduertens, dominum accusauit. Itaq; comprehensus Sceninus, & Natalis, vnus itidem ex coniuratis vnà cum illo (quod præcedenti die, loco ab arbitris remoto, hos simul longum sermonem habuisse cōpertum foret) cum non in mentem venisset ipsis colloquium, quod suspicionis cau-

*Coniectu-
ris detegi-
tur Cōiu-
ratio.*

sam præbuerat, apertè confiteri cōsilia con-
 iurationis coacti sunt, cum omnium con-
 iuratorum exitio. Sed neq; planè fieri po-
 test, vt ab omnibus coniecturis caueamus,
 & vt signa illa omnia cælentur, quæ vel im-
 prudētia, vel malitiā aliqua interueniente,
 suspicionem parere possunt, si modo Con-
 iuratorum numerus quaternarium superā-
 rit. Quod si deinde ex Coniuratis capti sint
 plures, quam vnicus, necesse est eam pate-
 fieri, cum seorsim interrogati, nequeant
 ad eundem modū fingere omnes. Vnicus si
 fortè capiatur, atque is vir fortis, ac con-
 stans fuerit, cælare vtique potest consilia:
 dummodo reliqui coniurati metu periculi
 non percellantur, aut fugiant. Nam siue is,
 qui captius detinetur, siue ij, qui liberi
 sunt, indicium aliquod præbuerint, actum
 est de omnibus consilijs. Memorabile ad-
 modum est exemplum, Coniurationis in
Liuius Hieronymum Syracusanorum Regem fa-
lib. 24. ctæ, ex cuius coniuratis, cum Theodorus
 captus esset, & torturæ subiectus, de seipso
 falsus est, conscios cælauit: & cum demum
 intollerandis patientiæ humanę cruciatib.
 laceraretur, victum se simulans, auertit ab
 conscijs in insontes indicium, & Regis a-
 micos accusauit. Sed neque consciorum
 quisquam, quandiu socius consilij torque-
 retur,

retur, aut latuit aut fugit: tantū illis in virtute, ac fide Theodori fiduciæ fuit, tantumq; ipsi viriū, ac arcana occultanda. Tanta sunt igitur in tractandis huiusmodi cōsilijs pericula: antequā ad factū perueniatur: ad quæ euitanda tria in vniuersum remedia extāt. Primum, idemq; etiā optinum est, ne spacium concedas cōiuratis, quo vel se mutuo indicare, vel alijs consilia communicare queant: sed tunc primum illos tibi socios adiungas, cum facinus patrandum fuerit. Quam rationem quicunque obseruauerunt, euitauerunt prima pericula, quæ in tractandis consilijs cadunt, omnia, & ex alijs quoque permulta: vt pleræque tales coniurationes ad felicem finem perductæ sint. Exemplum duo adducam. Nelematus, cum tyrannidem Aristotimi, Epirotarum Regis ferre non posset, conuocauit in domum suam cognatos, amicosque multos, eosque hortatus est, vt vnā secum tyrannum adirent, eumque necarent, ac patriam liberarent. Sed cum eorum nonnulli tempus peterent deliberandi, seque preparandi: Nelematus clausis foribus, ne quisquam discederet, omnibus indicauit, fore vt quicunque non iureiurādo promitterent, se iam iam secum ituros ad tyrannum occidendum, Aristotimo captiui traderentur,

*Quibus
possit cela
ri contura
tio?
remedia
dium.*

Quo metu permoti omnes sine mora profecti sunt, & Nelemati mandata felici successu expediuerunt. Cum Magus ille per dolum regnum Persarum occupasset, eaque res Orthani, vni ex principibus regni innotuisset: conuocauit ille sex alios principes, & consilio habito de modo, quo regnum è Magi tyrannide eripiendum foret, cum deliberandi spacium aliqui peterent, Darius vnus è sex, quos Orthanes conuocauerat, assurgens, aut omnes, inquit, iam iam vnà mecum ad necandum tyrannum venietis, aut ego tyranno vos captiuos tradam. Itaque profecti vnà omnes, rem vti proposuerant, perfecerunt. Similis propè fuit modus, quem Ætoli obseruarunt ad Nabidem Spartanorum tyrannum enecandum. Nam misère illi, veluti præsidij loco, Alexamenum cum triginta equitibus, & mille pedibus: ei que soli in mandatis dedere, vt ex occasione tyrannum opprimeret: cæteris id vnicum sub pœna exilij iniunxerunt, vt Alexameno parerent in omnibus. Is igitur cum Spartam peruenisset, nec cuiquâ consilium aperuisset, antequam se occasio offerret rei benè gerendæ: tyrannum commodè oppressit. Hoc modo euitârunt isti prima coniurationum pericula, & ne consilia eorum aperirentur, effecerunt: hos quicunque

Liui. li. 35.

cunque imitari poterit, eadem euitabit. Pi-
 soni certè, cuius antè fecimus mentionem,
 facile fuisset hos imitari. Nam erat ille vir
 magnæ apud Neronem autoritatis, & Ne-
 ro sæpe ad illum in hortum veniebat, & ci-
 bum capiebat. Licebat igitur illi, pro ea,
 qua pollebat, autoritate, viros fortes auda-
 cesque sibi conciliare, & cum præsens oc-
 casio esset, eos verbis ad patrandum faci-
 nus adhortari, nec spacium cuiquam con-
 cedere, vel deliberâdi, vel pœnitēdi. Quod
 certè si fecisset, non potuisset non obtinere
 id, quod proposuerat. Idemque multis alijs
 contigisset, si hos imitari voluissent, aut sci-
 uissent: sed hæc est in rebus humanis cala-
 mitas, vt cum aliàs simus imprudentes, &
 imperiti rerum humanarum: in hisce ar-
 duis & extraordinariis negotijs, planè cę-
 cutiamus. Taciturnitatē igitur opus est,
 nec cuiquam vnquam communicanda cō-
 silia, nisi urgente necessitate, & cum nego- *2 remediū*
 tium iam patrandum fuerit. At si cuiquam
 impertienda necessariò fuerint, vnico tan-
 tum indicentur, de cuius fide per longam
 experientiam certus esse queas, aut quem
 cognoueris ijsdem causis permoueri, atq;
 tu. Facilius enim vnum quempiam inue-
 nire poteris talem, quàm multos, minusq;
 periculi in appellando vno, quàm multis.

His accedit, quod etsi vnicus ille fallere te cupiat, non deest remedium defensionis tuæ, contrà quam accidat tunc, cum coniurati plures fuerint. Nam vt sapienter quidam olim dicebat: cum vnico tutò communicari omnia possunt, quod etsi te fallere cupiat: tantum tamen valebit, si tu factum negabis, quàm si ille affirmet: nisi fortè vsque adeò incautus fueris, vt propria manu tale quippiam scripto comprehendas. A qua vtique re, vnice cauere debes, quod nihil sit, quo tam facile conuincaris: atque propria scriptura. Plautianus cum Seuerum Imperatorem, & Antoninũ eius filium tollere vellet, dedit id mandatum Saturnino, tribuno militum. Sed ille cum accusare mallet eum, quam dicto obediens esse: petijt sibi id mandatum in scriptis dari. Plautianus ambitione ipsa occæcatus, mandatum propria manu scripsit: itaque à Tribuno indicatus, & propria manu conuictus est: quod si id non scripsisset, euadere vtique potuisset, vsque adeò constanter negabat: vt hinc manifestè discere liceat, consilia cum vnico communicata aliquà ratione cæleri, negariq; posse. Erat in Coniuratione Pisoniana, Epicaria mulier, Neronis olim amica, consiliorum omnium particeps: quæ cum ex usu esse, Coniurato-

runt

rum numero adijcere quendam triremium præfectum, putaret: appellauit eum, coniurationem aperuit: sed coniuratos cælauit. Itaque cum perfidus ille eam fefellisset, ac Neroni indicasset: tam constanter negauit fœmina, vt Imperator stupefactus, eam dimiserit. Quæ cum ita se habeât, tantummodo hæc pericula impendêre ei, qui consilia vni soli impertijt, ne vel te sponte accuset, probareq; possit factum: vel coactus indicet, si fortè ob indicium aliquod ipse capiatur, & torturæ subijciatur. Estque remedium aliquod aduersus vtrumq;: quod id maleuolentia, atque odio permotus fecerit: vel certè cruciatibus impulsus, vt falsa fateretur. Itaque summę prudentiæ fuerit, consilia nemini communicare, donec ad factum ipsum veniendum sit: & imitari exempla quæ iam antè proposuimus. Aut si omnino communicanda sint, ne plusquam vni soli impertias: qua in re, etsi periculum non desit: longè pauciora tamen sunt, quàm si negotium comunicetur pluribus. Proximum ac simile præcedenti, *3. remedium.* bus exemplis est: si quâdo tyranni violentia te cogit, vt tu illi id inferas, quod ipse alioquin tibi illaturus fuerat: nec vllum detur vel spaciū, vel occasio, qua vtrumque hoc euitare possis. Nam hæc necessitas

plerun-

plerunque bonum finem sortitur : vt iam exemplis manifestum euadet. Commodus Imperator Prætorianis militibus Lætum Electumque duces præfecerat, quibus familiarissimè utebatur : & Martiam concubinam præ cæteris diligebat. Sed quia iidem hi vitæ suæ turpitudinem quandoque reprehendebant : decreuit eos omnes, & alios quosdam vnà cum illis è medio tollere, quos omnes ordine in schedula descriptos habebat. Quam schedulâ cum Puluinari subiecisset, eamq; puer, illi familiaris, in cubili ludens, manè inuenisset : & ex cubili egressus, Martiæ, quæ obuiâ fortè occurrebat, tradidisset : Accidit vt illa vnà cū Læto, atque Electo, cognito inde, quod omnibus imminebat, periculo, sequenti nocte Commodū oppresserit. Antoninus Caracalla etiam, cum in Mesopotamia cum exercitu esset, & Macrinum copiarum suarum ductorem secum haberet, hominem politicum magis, quàm militarem : accidit illi, quod cæteris quoque tyrannis euenire solet, vt metueret, ne, quod maximè merebatur, aliquis imperium inuideret, aut insidias strueret. Itaq; datis ad Maternianum, amicum suum, literis, rogauit eum, vt Romæ ab Astrologis expiscaretur, num quis eo tempore esset, qui ad Imperium aspiraret,

ret, idque ad illum perscriberet. Maternianus igitur rescripsit, Macrinum illum esse, qui eo tempore aspiraret ad Imperium. Eæ literæ, cum prius ad Macrini, quàm Imperatoris manus peruenissent, certiorẽ eũ de periculo, quod imminebat, fecerũt: itaque cum aut moriendum sibi cerneret, aut occidendum Antoninum, antequam aliæ literæ Roma afferrentur: Martiali amico certo, cuius fratrem ante paucos dies Imperator necauerat, negotium demandauit, qui illum è medio commodissimè sustulit. Est enim hæc necessitas, quæ nullam moram patitur, similis Nelemari consilio, de quo antè fecimus mentionem. Sed interim obseruatione dignum est, per eadem hæc exempla, manifestè comprobari id, quod principio huius disputationis monuimus: minas plus nocere principibus, & vehementiores excitare coniurationes contra ipsos: quàm iniuriæ ipsæ, vt semper cauendum ab ijs sit. Homines enim beneuolentia continendi sunt in officio: quæ si non proficit, ita puniendi sunt, ne amplius nocere queant: nunquam autem eò adducendi, vt *Secundũ* videant vel sibi pereũdum esse, vel aliũ tol- *periculi* lendum. In exequendis consilijs coniurationis, impendent pericula ex hisce maxi- *genus in* *coniura-* mè causis: si vel ordo, vel methodus agendi *tionibus.*

inmutanda sit in ipso actu, ex aliqua occasione: vel si percursoribus animus desit: vel si iidem per imprudentiam errent: aut si nō omnes interimantur, qui necandi fuerant. Nam primum quidem quod attinet, existimare debemus nihil planè esse, ex quo humanæ actiones tantoperè impediuntur, quam ex subita mutatione ordinis, ac methodi quæ ad agendum iam dudum concepta animo, atque constituta fuerat. Et si vltimam nocet, in rebus certè bellicis, quæq; ijs similes sunt, perniciosissima est. Nam ad patrandū tale quoddam facinus, nihil magis necessarium existit, quam vt Coniuratorum singuli, iam ante longo tempore de suo officio cogitent, vt quisque sciat, quid, quo loco, quo tempore, & ex qua occasione agendum. Quo fit vt postquam in certum quendam modum agendi oculos diu intentos habuerint: atq; is subito mutandus sit: cōsilia omnia periclitentur, ac perturbentur. Itaque et si occasio requirere videatur aliquam ordinis mutationem: longè tamèn melius est, facinus secundū præscriptā prius methodum perpetrare, quàm ordinis subita mutatione, tot pericula subire. Quod si tempus suppetat, mutari & ordinari omnia possunt: sed mutationes subitæ ~~vehemēter~~ periculosæ sunt. Exemplum

plum notum est, ex Coniuratione Pazziorum contra Laurentium & Iulianum Mediceos : in qua hæc erat à coniuratis præscripta methodus agendi : vt Cardinalem S. Georgij prandio exciperent, & in eo cõuiuiõ necarent, quos vellent : erantque iam distributa coniuratorum officia, & constitutum qui percussores esse deberēt : qui occupare palatium : & qui excurrere per urbem, ad populum conuocandum, & publicam libertatem denuntiãdam. Sed cum instaret tempus patrândi facinoris, ac coniurati in summo tēplo fortè sacris interessent, vnã cum Mediceis Florentiæ : cõperum est, Iulianum non solitum prandere : quare cognita coniurati, subito conuenerunt, & quod prius constituerant domi inter prandendum facere : id in tēplo patrandum censuerunt : quæ res vniuersam Methodũ perturbauit. Nam Ioãnes Baptista de sicco monte, in templo cædis particeps esse noluit : itaq; aliũ illi surrogare, & singulis officijs n̄uos ministros aptare ac querere oportuit : qui in agendo tantoperè errârunt, vt coniurati in ipso actu oppressi fuerint. Percussoribus deest animus, quandoque ob maiestatem vultus eius, qui necari debebat : quandoq; ob timiditatē, percussori insitam. Nã tâta solet esse maiestas,

ac grauitas vultus, in quibusdam principibus, vt percussoré vel metu subito terreât, vel alioquin eius animum humanitate aliqua, à tanto facinore auertant. C. Mario, cum à Minturnensibus captus teneretur, immissus seruus, qui illum necaret : tanta vultus maiestate, & nominis recordatione perterritus fuit, vt vires ad percutiendum deessent. Itaque si tantum potuit auctoritas, & grauitas vultus hominis captiui, & tanta fortunæ aduersitate vexati: quid sentire debemus de maiestate liberi principis, qui magnifico illo cum apparatu, multis satellitibus comitatus ingrediatur? Potest profectò hæc vel audacissimum quemque terere, & crudelissimum misericordia permouere. Fuêre quidam, qui aduersus Sitalcem Thraciæ Regem coniurârunt, ac cum simul essent iam omnes in eum finem congregati, vt illum necarent: nullus quicquam in regem tentare ausus est: sed cum se mutuò tantum intuerentur, Regemque aspicerent, re infecta discesserunt: nec causam intelligebant, cur nihil facere potuissent: patefacta itaque coniuratione, pœnas soluerunt pro illo scelere, quod, cum decreuissent, patrare noluerant. Aduersus Alfonso quoque Ferrariæ ducem coniurauerât bini ipsius fratres, & vtebâtur opera

Ioan.

Ioannis presbyteri musici eius: qui etsi Ducem, ut postulauerant, sæpe ad ipsos deduceret, amplaque illis potestas sæpè foret illum enecandi: non ausus est tamen eorum quisquam id perpetrare: ex qua re factum, ut aperto tandem eorum consilio, meritas pœnas malitiæ, stultitiæque suæ soluerint. Neque verò alia de causa ijs hoc accidit, quàm quod vel perterrefacti principis maiestate, vel illius aliqua humanitate ad misericordiam commoti fuerint: Videntur errores hi dependere, vel ex timiditate, vel imprudentia, ac stupore quodam, quibus perturbari Coniuratorum animi, aliud quiddam faciunt, ac dicunt, quàm debebant, atque volebant. Hunc stuporem descripsit Liuius in Alexameno, cuius ante fecimus mentionem. Nam cū occasio venisset patrandi aduersus Nabidē facinoris: consiliumq; suis iam communicasset, tūc, ut Liuius ait, colligit & ipse animum, confusum tantæ cogitatione rei. Solent enim etiam viri fortes, quiq; arma tractare cōsueuerint, in tam arduis crudelibusq; negotiis perturbari: quo fit ut percutiēdi partes, nō nisi audacissimo cuique, & cuius animi crudelitas per experientiā comperta sit, demandari debeant. Nam tanta vis est illius animi perturbationis, ut vel arma ex

manib. excutere tibi queat, vel verba quædam proferre, quibus totum negotiū prodatur & opprimatur. Lucilla, Commodi foror, Quintiano prouintiam interficiendi eius demandauerat. Is igitur Commodum expectauit præ foribus Amphiteatri, atque hic cum stricto pugione illi obuiam factus: hunc, inquit, tibi Senatus mittit. Sed hoc eloquutus, comprehensus fuit, priusquam pugione vulnus inferre posset. Antonius Volaterranus, cui in Pazziorum cōiuratione datæ partes erant necandi Laurentij Medicei, cum illum inuasurus esset, Proditorem magno cum clamore eum nominauit: quæ vox emissa, Laurentio salutis causa extitit, coniuratis verò perniciēi. Sed neque perfectè exequi licet consilia coniurationis, quotiescunque in plures: quam in vnum coniuratur: quod propemodum fieri nequit, vt vno eodemque tempore in diuersis locis, idem facinus perpetretur: diuersa verò tempora expectari non possunt, cum facinus vno loco patratum, alterum facile impedire queat. Quod si igitur contra vnum principem facta coniuratio, res dubia est, periculosa & stulta: quæ aduersus duos fit, planè temeraria existit. Et nisi Herodiani autoritas mihi persuaderet, nunquam crederem, quod ille narrat de Plautiano.

tiano: Videlicet, mandasse enim Saturnino Tribuno prouintiam necandi & Seuerum & Antoninum, diuersis locis habitantes: quod hæc res rationi planè aduersetur. Iuuenes quidam Athenienses coniuraucrunt aduersus Dioclem & Hippiam, eorum Tyrannos: cum ad factum ventum est, Dioclem interfecerunt. Sed Hippie pœnas luerunt suæ temeritatis. Chion & Leonides Heraclienses, Platonis discipuli coniurarunt contra Clearchum & Satyrum Tyrannos: Clearchum occiderunt, sed ab altero puniti fuere. Pazzijs quoque non successit coniuratio, cum Iulianum tantum sustulissent, Laurétius periculo se eripuisset. Itaque ab huiusmodi coniurationibus vehementer abhorreere debent omnes boni: quod ijs neque patriæ, neq; sibi quicquam prosint, sed plurimum noceant. Nam qui periculum effugiunt tyranni, postea longè crudeliores sunt: ut satis apparet vel ex ijs exemplis, quæ iam adduximus, coniurationum Florentiæ, Athenis, atq; Heracleæ factarum. Itaque admirabilis magis videri debet Pelopide cõiuratio, cõtra patriæ suæ tyrannos, quod illi non vnus, sed decem occidédi essent: præterea cū esset exul, difficillimus illi patebat ad tyrannos aditus. Sed ille tamè superatis omnibushisce diffi-

*Suspicio-
nes coniur-
atorum.*

cultatibus, & Thebas venit, & tyrannos
necauit, & patriam liberauit: Curionis vi-
delicet cuiusdam opera vsus, qui tyrannis
familiaris consiliarius erat. Sed est hoc
exemplum nemini imitandum, quod pro
miraculi loco celebretur, ob superatas tan-
tas difficultates. Accedit hisce, quod impe-
diri etiam potest exequutio eorum, quæ in
coniuratione decreta sunt, casu aliquo, ac
fortuita quapiam suspicione: cuius generis
illud fuit, quod Brutum sociosq; commo-
uit eo die, quo in Senatu Cæsarem necare
decreuerant. Nam cum Cæsar in Senatum
iturus, incidisset in Cn. Popilium coniura-
tionis conscium, & cum eo longo tempo-
re colloquutus fuisset: metuebant cæteri
coniurati, qui id obseruassent, ne forte Po-
pilius Cæsari rem aperiret. Itaque in eam
sententiam adducebantur, vt eo ipso loco
impetum in illum facerent: idque omnino
facturi erant, nisi colloquendi finem fecis-
sent, & discedentes à se mutuo, nullum pe-
riculi signum ostendissent. Plurimum autē
possunt huiusmodi suspensiones: itaque ha-
benda vtique fuerit earum ratio, tantò ac-
curatius, quantò facilius est suspicari ijs
hominibus, qui conscij sibi sunt suorum
scelerum. Nam qui tales sunt, quoscunque
vident colloqui, de sese loqui putant: po-
testque

restque facilè euenire, vt vox aliqua in aliū finem emissā, ipsis suspicionem moueat, tāquam si de aliquo coniurationis negotio pronuntiata foret. Ex qua re, vel per fugam consilia patefacias: vel maturādo executionem, in aliud aliquod absurdum incidas, præsertim cum plures fuerint coniurationis conficij. Casus etiam fortuiti cōsiderādi sunt, quod ij persæpè actiones coniuratorum impediāt, de quibus etsi nil certi docere queas: propositis tamen exemplis documentum quoddam, atque cautelam præbere possumus. Iulius Bellantius Senensis, vt suprā meminimus, Pandolphū focerum interficere decreuerat: quod filiā, quam ei matrimonio iunxerat, ademisset. Ad id autem peragendum, hanc sibi methodum præscripserat: vt quia Pandolphus singulis diebus, visitandi amici cuiusdam, qui ægrotabat, causa, domum Iulij præteriret: coniurati intra portam domus, cum armati expectarent, & in superiori ædium parte quendam constituerant, qui per fenestram obseruaret Pandolphi aduentum, vt cum portæ appropinquaret, signo id cæteris significaret. Sed cum Pandolphus iam veniret, & signum coniuratis daretur ab illo, qui per fenestram obseruabat aduētum eius, fortè accidit, vt antequam ad portam

Casus fortuiti.

Iulij peruenisset, amicus quidam obuiam factus eum salutando aliquantum detineret. Itaque egressi cum impetu coniurati, antequam peruenisset ad portam: coniurationem armorum strepitu prodiderunt: ex quo accidit vt Pandolphus periculum euitari potuerit: Coniurati verò fuga exilioque sibi salutem quærere cogerentur. Hoc igitur solo casu fortuito impedita, atque irrita facta sunt omnia Iulij consilia, & Pandolpho salus quæsitæ. Super sunt ea pericula nunc, quæ post patratum facinus consequuntur: quæ ex eo solum dependent, ne relinquantur qui necatum principem vlciscantur, & facinus Coniuratorum puniant. Huiusmodi esse solent vel fratres, vel filij, aut alij consanguinei, ad quos principatus hereditario iure aliquando peruenire queat: siue illi coniuratorum negligetia, siue alio aliquo casu pericula euadant, ac superstites maneat: vt de Coniuratis pœnas sumant. Quemadmodum accidisse nouimus Ioanni Andreæ Lampognano, qui vnâ cum alijs quibusdam coniuratis, Mediolani ducem iustulerat: sed cum superesset bini eius fratres, & filius vnus, non defuit vindicta suo tempore. Sed neque possunt cõiurati prouidere omnibus casibus, quibus aliqui cõseruantur. Nam si per negligentiam tales quosdam

*Tertium
genus pe-
riculorum
coniura-
tionis.*

quosdam in viuis relinquerent: vehementer errarēt, ac omni vituperio digni essent. Fuēre quidam in foro Liuiο coniurati, qui Girolamum comitem, proprium dominū sustulerunt: Catharinam coniugem cum liberis infantibus in vincula coniecerunt. Sed cum arcem, sine qua tutos se esse non putabant, occupare etiam conarentur: neque præfectus illā tradere vellet: persuasit illis Catharina ex vinculis, vt retentis liberis pro obsidibus ipsam in arcem intrò mitterent: ita enim effecturam vt arx ipsis traderetur. Sed cum in arcem ingressa fuisset, mariti cædem illis exprobrauit, minataq; est coniuratis seueram vindictam: Ac ne metu liberorum amittendorum, putarent absteritum iri à vindicando: membra genitalia illis per fenestram ostendit, asserens sibi modum esse adhuc alios liberos procreandi, si fortè impias manus ab illis non abstinerēt. Coniurati igitur tardè nimium suæ imprudentiæ moniti, perpetuo exilio sibimet pœnas temeritatis suæ iniunxerunt. Sed maximum vindictæ periculum tunc impendet Coniuratis, cum populus principem amat, in cuius caput facta est coniuratio. Tunc enim vindictam euitare nunquam possunt. Exemplo esse potest C. Cæsaris cædes. Nam cum is populum Ro-

*Coniurati
ones cōtra
patriam.*

manum benenolū habuisset , vindicata ab illo est cædes Cæsar̃is , & percussores omnes vrbe pulsi , & diuersis in locis necati. Quæ verò aduersus Patriam fiunt Coniurationes, autoribus suis longè minus periculosæ sunt, quàm quæ aduersus Principes tyrannosque tentantur. Nam in tractandis eorum consiliis parum periculi est : in iis exequendis tantum , quantum in ijs quæ fiunt contra principes : post patratum facinus , nullus amplius superesse pōst metus. Parum periculi est in consultādo , quod ciuis vires suas sensim augere , & copias cōparare sine suspitione queat , sensimque se præparare ad facinus ipsum perpetrādum, absque impedimentis. Quod si aliquando lux aliqua ob aliam causam lata , impedimento sit tuis conatibus : differri illi in aliud tempus possunt , donec commodior occasio detur. Sed hæc omnia intelligere debemus, ita fieri posse in ijs solum Rebus pub. quibus serpere iam cœpit corruptela morum. Nam in quibus incorrupti adhuc sunt mores hominum: verisimile est, nullū ciuem huiusmodi consilia tractaturum. In corrupta autem Republica multæ patent viæ, & rationes ad principatum absque vllō singulari periculo ascendēdi: quod magistratus tardè moueatur ad restinguenda huius-

huiusmodi incendia, & longè minus cauti sint, quàm principes : Reuereri etiam solèt suos ciues potentiores: ex qua re illis deinde audacia maior accrescit. Nota omnibus est Catilinaria coniuratio, à C. Salustio descripta: sed eadem detecta iam erat, cū Catilina non modo in vrbe tutum se esse putabat, sed in Senatum venire, & patribus consuliq̃ue maledicere audebat: tantum scilicet solebat ea Respublica ciues suos reuereri. Quin etiam tunc, cum vrbe excessisset Catilina, & esset in exercitu, nequaquam capti fuissent Lentulus, cæteri q̃ue Coniurati, ni literis, eorum propriis manibus scriptis, conuicti fuissent. Hanno potentissimus Carthagenensium Reipublicæ ciuis, aspirabat ad tyrannidem, cuius assequendæ causâ, decreuerat in nuptijs filiæ Senatum vniuersum veneno tollere. Ea re cognita, Senatus non aliter prospexit huic malo, quàm quod lata lege, nuptiarum sumptibus modum posuit talem, ex quo eius conatus impediretur: rati hunc suum ciuem faciebant. In exequendis contra patriam coniurationis consiliis, magna difficultas, magnumq̃ue periculum est. Nam rarò accidit, vt vnici ciuis tanta potentia tanta sit, quæ patriam subiugare queat: cū hâc aduersus multos pugnare oporteat: ne-

que etiam sæpe accidit, quod contingit G. Cæsari, Agathocli & Cleomeni, ut in promptu habeas instructissimum exercitum ad patriam subito occupandam. Sed cum vires coniuratis defunt, tunc arte aliqua & dolo tentant, aut exterorum implorant auxilium. Dolo artificiali usus est Pisistratus. Nam cum victis Megarensibus magnam sibi apud plebem beneuolentiam comparasset: prædiit domo sua, quodam die mane in publicum, vulneratus, & coram populo questus est de iniurijs, quas ab Optimatibus accepisset: petiitque ut liceret ad custodiam corporis sui armatos aliquos secum habere, ex qua re concessa per imprudẽtiam, paulatim summum imperium per tyrannidem occupauit. Pandolpho Petrucio, cum ex militia Senas cum alijs quibusdam rediisset, senatus custodiam fore demandauit, rem quæ tunc contemptui esset: sed ille, opera suorum satellitum, tantam conciliauit sibi auctoritatem, ut principatum vrbis, breui tempore occupauerit. Alij alio quodam modo, ac diligenti industria idem præstiterunt, sine vlllo tumultu. Sed qui per vim, aut auxilia peregrina patriam occupare conati sunt, varios habuerunt euentus, prout illis fortuna magis aut minus aspirauit. Catilina certè occubuit, Hanno, de quo

quo sumus loquuti paulò ante, cum propinandi veneni occasio illi erepta esset, multos clientes, aliosque suæ factionis homines armavit, & cum ijs omnibus oppressus est. Thebani quidem ciues, cum aduersus patriam coniurassent, aduocato in auxilium Spartanorum exercitu, voti compotes facti sunt, & patriæ imperium occuparunt. Omnesq; adeo coniurationes contra patriam factæ, aut successerunt suis auctoribus, aut in ipso facto oppressæ sunt: dum tractabuntur eorum consilia, nil senserunt periculi. Postquam patratum facinus fuerit, & coniurati voti compotes facti: non est aliud periculum metuendum vllum, quam ea ipsa, quæ cum tyrannide alioquin coniuncta esse solent: de quibus euitandis iam ante à nobis disputatum est. Hæc sunt quæ de ijs coniurationibus dicendum putavi, quæ ferro ad propositum finem tendunt: de ijs quæ veneno vtuntur, nil dixi, quod ijsdē principijs innitantur, eademq; methòdo progrédiatur. Magis verò etiam periculosa esse solent coniurationes, quæ vtuntur veneno, magisque de suo exitu incertæ: cum ob eam causam quod communicare necesse sit consiliū cum ijs, qui veneni naturā nouerunt, quiq; eius propinandi commoditatē habent, tum quod multis de

câu-

causis fieri queat, vt venenum sumptum, tamen non enecet. Tale fuit poculū, Gommodo Imperatori propinatum. Nam cum id vomitu eiēcisset, necesse fuit coniuratis, si sublatum illum vellent, vt illum laqueo interficerent. Principes certè viri, summam pestem existimare debent coniurationes, & ab illis summo perè cauere. Nam cum semel in principem coniuratum fuerit: aut ipsi pereundum est, aut aliàs cum quadam infamia viuendum. Si enim res Coniuratis ex animi sententia succedat, interficitur princeps: sin detegatur Coniuratio, & supplicium de coniuratis sumatur: tunc cadit princeps in crudelitatis suspicionem, & putatur scæuitia sua, aut auaritia, in insones scæuissē, non meritis pœnas de malignis ac perfidis hominibus sumpsisse. Monendos autem cēseo omnes principes ac Respublicas: vt si quando aduersus illos coniuratum fuerit: diligenter expendant Coniuratorum vires, antequam ad illos puniēdos accedant. Nam si magnas illas esse cōpertum fuerit, nihil apertè aduersus illas tentandum, sed dissimulanda omnia, donec auxilia comparârint, ad extinguedum hunc ignem sufficientia. Quod si aliter fecerint, exitium suum accelerabunt. Nam coniurati, cum detecta esse vident consilia sua,

ſua, metu periculi, extrema quæque ten-
 rare ſolent. Exemplum igitur licebit imi-
 tari populi Romani. Nam cum is aliquan-
 do binas legiones Capuæ in hybernis reli-
 quiſſet, ut præſidio eſſent contra Samnites;
 atque eorum duces contra Campanos cõ-
 iuraſſent: Populus Romanus recognita;
 & Rutilio Conſuli demandata, euulgauit
 fore, ut iſdem milites ſequenti quoque an-
 no iſthic hybernaturi eſſent. Coniurati igi-
 tur ſpacium ſe naſtos putabant, conſilium;
 quando vellent, exequendi, atque ita ſeda-
 ta quæſiuit in præſentia ſeditio, donec Cõ-
 ſuli ſpacium daretur, Coniuratorum præ-
 cipuos quoſque, tanquam id ob alias cau-
 ſas fieret, à cætera turba ſeparandi, atque
 ita Coniuratorum robur minuendi, ut cum
 poſteà exequi decreuiſſent inſtituti ſui ra-
 tionem, vires non haberet. Singulare pro-
 feſſò exemplum omnibus ad cognoscen-
 dum, quàm lentè progredi ſoleant res hu-
 manæ, quando nullum in mora periculum
 videtur: & econtrà quàm feſtinare ſoleamus,
 cum in eadem mora multum periculi eſſe
 exiſtimamus. Hęc igitur prudentiſſima ra-
 tio fuerit, coniuratos ſuſpendendi, ut cõſi-
 lij exequutione in alia tempora differat, ti-
 bi que ſpacium ad occurrendum cõcedant:
 ſiquidem illis fucatā quandam occaſione

obijcias, qua alio tēpore commodius, quā
nunc, voti compotes fieri posse videantur.
Qui aliter Coniurationibus sese opposue-
rint, interitū perniciemque suam accelera-
bunt : perinde vt accidisse nouimus Duci
Atheneo, & Gulielmo Pazzio : quorū ille,
eum aduersus se factam coniurationem in-
tellexisset, re non aliter considerata, ex cō-
iuratis vnum cœpit : cæteri cognito, quod
ipsis immineret, periculo, sumptis armis,
comitem imperio spoliarunt. Gulielmus
autē Chianæ vallis præfectus, anno Domi-
ni M. D. I. cognouit Aretij coniurationem
factam, vt ea vrbs, Florentinis erepta, Vitel-
lijs traderetur. Itaq; Aretium ingressus, de
coniuratorum viribus nihil cogitauit, sed
coniuratorū vnum in vincula coniecit, cō-
silio vlus Episcopi, filij sui : qua re permoti
cæteri coniurati, sumptis armis urbem oc-
cupârunt, & Gulielmum præfectum in vin-
cula coniecerunt. Cum infirmæ ac debiles
fuerint coniuratorū vires, optimū est illas
quàm primum opprimere : neque imitāda
sunt exempla vel Athenei ducis, vel Dionis
Syracusani : quorum ille ciuem quendam à
quo patefacta coniuratio fuerat, interficiē-
dum curauit, vt cæteri putarent eum nihil
susplicari, ac proinde beneuoli illi fierent :
Dion autem, de quorūdam erga se animo,
& vo-

& voluntate dubitans, Calippo, cui plurimum confidebat, in mandatis dedit, vt simularer se Coniurationem esse facturum contra sese, ac videret, quos in eam sententiam pertrahere posset. Vterque autem horum vehemēter errauit. Nam primus effecit, ne quisquam coniuratos accusare auderet: atque illi proinde ad coniurandum audaciores essent. Alter viam coniuratis ostendit, qua interficeretur. Nam Calippus eam nactus occasionē, absque vlla suspitione Dionem imperio simul & vita spoliavit.

Quæratio sit quod Reipub forma quandoq; sine sanguine, quandoq; magnis cædibus mutetur: siue à libertate ad seruitutem, siue ab hac ad illam transitus fiat.

CAPVT VII.

NON immerito quæret aliquis nunc, quibus de causis forma Reip. quandoque absque tumultu mutetur, & sine cæde, & sanguine: quandoque verò non nisi tanta cum difficultate, ac tot cædibus siue mutatione illa transitus fiat à libertate ad tyrannidem, siue à tyrannide ad libertatem? Tanta enim diuersitas huiusmodi mutationum esse solet, vt nisi histo-

rię de ijs testaretur, vix credere possumus. Cum Romanum imperium à Regibus ad consules transferretur, soli Tarquinij vrbe pulsi sunt, ceterorum nullus, vel minimam iniuriam passus est. In alijs mutationibus longè aliter euenisse comperies. Ego verò causam huiusmodi diuersitatum petendam esse credo ex modo, quo acquisitus fuit ille status Reipu. qui mutandus sit. Nam si per vim partus fuerit, non sine multorum iniurijs acquiri potuit: itaq; necesse deinde est in illius mutatione, vt qui iniuria affecti sunt, eam vindicare conentur: ex quo vindictę desiderio cædes, tumultusq; nascuntur. Sed cum populi consensu & voluntate, sensim ad eum statum peruenerit Resp. qui iam mutandus est: non existit causa alium quenquam lædendi, quam Primarios illos, qui suo statu, atque principatu deiciendi sunt. Huius generis fuit mutatio Reipub. Romanę, cum imperium, pulsīs Regibus ad Consules transferretur: & Reipub. item Florentinorum, cum anno salutis M. CCCC. XCIII. Medicei vrbe pel-
lerentur. Nam cum illi quoque populi voluntate ad eam potentiam peruenissent, nō opus fuit in illis loco mouendis, quemquam præter illos ipsos iniuria afficere. Nō sunt igitur admodum periculosę tales
Rerum-

Rerumpub. mutationes, sed illę sunt & periculosę, & formidabiles, quę non nisi cū vindicta multarum acceptarum iniuriarum fieri possunt: cuiusmodi exemplorum pleni omnes sunt historiarum libri, vt non opus sit aliqua huc adducere.

Qui vult mutare formam Reipub. rationem habere debet ipsius subiecti.

CAPVT VIII.

DIXIMVS paulò ante, malum ciuem in Repub. bene instituta, non posse efficere, vt consilia sua praua euentū consequantur, quandiu ciuium mores integri sunt. Id verò ita se habere demonstrare quis possit, vel ex Spurijs Cassijs, & Mālij Capitolini exemplis. Nam cum Spurius ambitiosus esset, & singularem quandam in Repub. auctoritatem sibi comparare conaretur: ob eamque causam plebem beneficijs sibi vnde quaque conciliaret, agrosq; illi distribueret, qui ex Hernicis capti essent: non tulere eam ambitionem patres, sed populo suspectam reddiderunt vsque adeo, vt cum illi Cassius præcium offerret diuenditi frumenti, quod ex Sicilia allatum erat: noluit id populus accipere, ne libertatem suam vendere eo præcio videretur.

Quod si corruptis morib. fuisset tunc Pop. Romanus, nequaquam repudiaffet pecuniam illam, sed ea accepta, aditum Cäsio ad occupandam tyrannidem patefecisset. Longè verò magis memorabile est etiam exemplum Manlij Capitolini, cuius insignem virtutem pro patria bello Gallico declaratam, & tot merita, vnica ambitio ac dominandi cupiditas obscurauit, deleuitque. Inuidebat is Furio Camillo eum honorem, quem ciuitas illi deferebat: ira quæ eò insanix redijt, vt nulla habita ratione ciuium, qui adhuc integris moribus essent, ineptique, vt corrumpi possent: tumultus contra Senatum, & leges patrias excitare cœpit. Quo loco cernere licet, quàm benè instituta illa Respub. foret, & quàm præstas materia esset, ex qua constaret, ipsi scilicet mores. Nam etsi patres cõiunctissimi semper fuerint, seque aduersus plebem semper mutuò defendere solerent: in eius tamen motibús nullus existit, qui vel fauere illius institutis, vel pugnare pro illo voluerit: Et cum alios reos, multi in forum nobiles, lugubri veste comitari solerent, vt ad misericordiam iudicem mouerent, & beneuolentiam ijs conciliarent: Manlium nemo comitatus est: Tribuni plebis verò, etsi cæteris in rebus nobilitati aduersarentur, &

pro

pro populo aduersus eam pugnarent, in eo motu tamen cum periculum publicū animaduernerent, cum patribus sese coniunxerunt, vt communē perniciem à Repub. amouerent. Populus Romanus etiam, cum aliàs suis cōmodis auidissimè operā daret, & cū Manlio, tūc etiā omnibus reliquis faueret, qui nobilitatem oppugnarent: tamē cum à Tribunis plebis Manlio dies dicta fuisset, iamq; iudicandū sibi esset, de eo negotio, nullo animi motu perturbatus, fortissimè sententiā dixit, & Manliū morti adiudicauit. Quæ omnia, si quis diligenter cōtempletur, talia sunt, vt faciliē inde cognoscere liceat, summā tunc fuisse omnium ciuium cōmoderationē, æquitatemq; vt qui patriæ, ac iustitiæ amore longē magis permouerentur, quā omnib. M. Manlij beneficijs: siue essent erga singulos ipsos declarata, siue etiam publicè exhibita patriæ: quæ certē tanta fuerunt, vt de ijs Liuius in hunc modū pronuntiet: *Hunc exitum habuit Liuius vir, nisi in libera ciuitate natus esset, memorabilis. lib. 6.*

Duo igitur sunt, quæ hinc discere debemus, ac possumus. Gloriā atq; laudē alijs modis, ac rationib. comparandā esse in libera ciuitate, in qua hominū mores integri ac bonis legibus instituti sunt, quā in illa, in qua hæc omnia corrupta existunt. Alterum est, vt

excellentes viri in actionibus, institutisque suis temporum habeant rationem, & sese tempori accommodent. Nam id qui facere nequeunt, ijs nequaquam res ex instituto succedunt, nec proinde in actionibus suis felices esse possunt. Nam si historiam rerum antiquarum intueamur, facile colligemus, si Manlius in tempora Syllæ incidisset, aut Marij, potuisse idem illum præstare, quod ipsi præstitere: Et si rursus hi in Manlij tempora incidissent: primo motu interire illos oportuisset: quod Pop. Romanus nōdum ad illam morum corruptelam tunc peruenisset, vt vel Manlius, vel alius quisquam ambitionis suæ formam, in talem materiam imprimere potuerit. Sufficit quidem vnius viri ætas, ad corrumpendam aliquātum populi multitudinem: sed non eò vsque, vt suæ ambitioni planè obediat: & si maximè quis id effici posse contendat: tamen rursus obstant nimix cupiditates ambitionis ciuium, qui non expectare possunt occasionē temporis, vt ad propositum scopum peruenire queant: sed antequā materia sit præparata, ambitionis suæ formam introducere frustra conantur, atq; ita opprimuntur. Nam qui tam ambiciosi sunt, nec moram ferre, neq; expectare possunt temporis occasionem: cupidita-

tibus

tibus suis in præceptis aguntur. Non possunt autem ambitiosi homines magnam sibi comparare auctoritatem potentiamque: nisi hominum mores prius sensim corrupti fuerint, ut donis ambitiosorum hominum, permoueri queant, & pertrahi in illorum sententiam. Corruptuntur autem mores hominum seorsim, neque obstare quis potest huiusmodi corruptioni, nisi subinde emendentur vitia, quæ grassantur in Republica, eam ad prima sua principia subinde reuocando. Quod si Manlius igitur aptos hominum mores inuenisset, & accommodatos ad obediendum suæ ambitioni: res utrique maximas præstitisset. Nam eò semper spectare oportet eum, qui in Republ. quippiam innouare cupit, siue ut libertas publica conseruetur, siue ut tyrannidi cuiuspiam inseruiatur. Cum enim homines sorte sua contenti sunt, & eo statu cum Reipubl. tum rerum suarum delectantur: nequaquam facile permouentur ad res novas attendendas: quod etiam qui sub tyrannide viuere consueuerunt, non facile ad libertatem aspirare possint.

Ad res gerendas semper temporum occasiones expectare, intraerique oportere.

CAPVT IX.

DVM sæpe multumque ipse mecum cogito, de fortunæ diuersitate, quæ alijs secundam, alijs aduersam se in eorum actionibus, institutisque exhibet: hæc eius causâ inuenisse mihi videor, quod ut diuersi sunt agendi modi, alijs atque alijs hominibus consueti, ac naturales: ita aliæ atque aliæ sunt temporum rationes, occasionesque. Quidam in rebus gerendis, administrandisque ferocia quadam vtuntur, & omnia cum impetu agunt. Quidam e contra, lentè cauteque progrediuntur. In utroque agendi modo terminus quidam est, quē non possumus transire sine errore: nec possunt homines abstinere, quin mediocritatis limites transgrediantur, siue lentè, siue cum impetu agant, ex quo accidit ut omnes errent: sed minores semper erunt errores, fortunatæq; magis eorū actiones: quib. se offerunt huiusmodi rationes temporum, quæ cum consuetudo agendi modo congruāt. Cunctationē Fabij omnes nouimus, qui per loca alta agmē ducebat, modico ab hoste interuallo, ut neque omitteret eū, neque cōgrediretur castris, nisi quantū vsus necessariò cogeret. Hæc verò progrediendi ratio, etsi videretur virtuti P. Romani consen-

consentanea non esse: talia erant tamē illa tempora, vt commodissima ac prosperissima tunc fuerit. Nam cum nuper in Italiam venisset Annibal, vir iuuenis, ferox, & qui secunda fortuna vsus, Populum Romanū duplici clade vehementer afflixisset, & vsque adeo terruisset, vt summa difficultate eorum omnium laboraret, quę ad disciplinam militarem, gerendumq; bellum requirebantur: nullus Imperator Reipub. fortunatior cōtingere potuit, quam is, qui cunctatione, & lenta, cautaque progrediendi ratione, hostem sustinere, arcereq; posset. Neque Fabius sua Cunctatione, vlla commodiori temporum occasione vti potuit, quàm illa ipsa: cum tamen Naturalis esset in Fabio illa cunctatio, nō ex præsentī temporum statu sumpta. Id enim vel eo ipso satis declarauit, quod cum Scipio in Africam postea ad cōficiendum bellū traicere vellet: Fabius ei vehemēter resistebat, & omnibus modis impedire conabatur: vt qui natura sua magis ad cunctādum, arcendaque præsentia pericula ferretur, quàm ad alia maiora subeunda. Itaque per Fabium non stetit, quò minus Punicum bellum absolui finiriq; non posset, quod is non animaduerteter, alia iam tempora esse, & aliam belli gerendi rationem cōmodam existere,

Quod si solus rerum potitus fuisset, victoriam de Carthagenensibus obtinere nequiuisset, quod belli gerendi rationes, temporum diuersitati nesciuisset accommodare. Sed cū in ea Repub. tot essent insignes Imperatores, ac rei militaris peritissimi homines, voluit fortuna, vt sicuti difficilibus illis temporib. Fabius bellum sustinere, ac pericula arcere, ita postea, commodiori rerū statu, Scipio id conficere, & victoriam obtinere potuerit. Hinc igitur depēdet ratio, quod Aristocratiae ac liberæ Respub. diuturniores esse soleant, quàm quæ vnius principis Imperio gubernantur. Habent enim illæ multiplicia ingenia, quæ temporū occasionibus melius accommodari possunt. Princeps cum natura sua ad certum quendam agēdi modum fertur, eum mutare nescit, quamuis temporum diuersitates id maxime requirant. Petrus Soderinus, cuius aliam etiam mentionem fecimus, natura humanus erat, & patientia sua multas iniurias ferebat, quæ res salutaris fuit Reipub. simul atque ipsi, quamdiu tempora clementiora fuere: Sed cum temporum mutatione, ferrea quædam ætas adesset, quæ seueritatem postulabat: atque ille à consueta sua patientia & bonitate discedere nesciret, semetipsum simul atque patriam perdidit. Iulius

II. Pontif. Maximus, toto Pontificatus sui tempore, cum impetu ac furore quodam Rempub. cæterasque actiones administrauit, eaque res illi feliciter successit, quia talia erant illa tempora, quæ huiusmodi administrationem postulabant. Quod si tempora mutata fuissent, & alia consilia postulassent: nesciuisset ille se ijs accommodare, itaque necesse illi fuisset succumbere. Non solemus autem naturales inclinationes, lōgasque consuetudines facile mutare: primum enim quo natura ipsa ducimur, id relinquere non possumus, deinde cum certo aliquo agendi modo, diu feliciter rem gesserimus, non possumus nobis persuadere, vt ab illo discedamus: atque hinc pēdet varietas in vno eodemque homine, quod nesciat cum temporum mutationibus mores suos, ac vitæ consuetudines immutare. Ex eodem quoque principio pendēt Rerumpub. interitus. Nam cum temporum mutationibus immutari leges oportet: quod si non fiat, multis malis occasio præbetur, vt prius disseruimus. Tardius autem istæ legum mutationes in Repub. euenire, postulari que solent, quod in ea omnia lento motu mutantur. Nam non nisi longo tempore, tantoperè immutari potest Reipub. status, vt alijs legibus opus sit: diuersis autem

progrediendi modis vti persæpè oportet, quod in bellis fortuna facilè ac sæpè mutetur. Sed quia de Fabij cunctatione diximus aliquid: deinceps quæremus ex occasione, vtrum bonus Imperator prælium semper detractare possit:

Prælium ab Imperatore euitari non posse, cum hostis dimicare omnibus modis conatur.

CAPVT X.

CNEVS Sulpitius Dictator aduersus Gallos, inquit Liuius, bellum trahebat, nolens se fortunæ committere aduersus hostem, quem tempus deteriorè indies, & locus alienus faceret. Quo loco errorem nostrorum hominum sæpè à nobis reprehensum, rursus animaduertere damnareque licet: qui à veterum disciplina militari, in rebus summi momèti tantopere discedunt, vt non immeritò à nobis sæpè reprehendi debeant. Accidit autem istud ob eam maximè causam, quod & Principes, & Rerumpub. moderatores, pericula euitare cupiètes, totam rei militaris curam alijs hominibus demãdare soleant: nec bellis vnquam sese immisceant. Quod si quis etiam aut Rex, aut alius monarcha, forte aliquan-

aliquando in exercitu apparet: nil tamen laude dignum patrare solet, sed magnificentiam tantum ac pompam quādam declarare: nec quicquam aliud exercitui præstat commodi, quam quod Imperij Maiestatem penes se retinendo, quæ in castris agitur nonnunquam inspicit & obseruat. Sed longè magis adhuc errant hac in re, in Italia præsertim, Rerumpub. moderatores, qui omnem belli administrationem peregrinis ducibus demandant: ipsi ad bellum nec proficiscuntur, nec quicquam intelligunt eorum, quæ in eo fiunt vel rectè, vel perperam: & interim domi confidentes, de ijs deliberant, quæ fieri à suis Imperatoribus velint, tantum ut ipsi gubernare belli rationem videantur. Ea autem in re, infinitis modis delinquere eos necessum est, & in eo maximè errare, in quo sapientissimos se esse existimant. Id enim prudentissimum esse putant præceptum, quod ducibus suis, in bellū proficiscentibus, imperant, ne præliū committant: tamquā si hoc modo Fabij Maximi prudentiam imitarentur, qui cunctatione sua Rempubicā conseruauit: parum interim animaduertentes, hoc præceptum nec posse semper obseruari, nec, si obseruetur, semper utile esse. Nam hoc pro certo statuere oportet, Prælium à duce de-

tracta-

tractari euitarique non posse, quando hostis id omnibus modis committere decreuit. Atque hinc fit, ut qui prohibent Imperatoribus suis ne ad pugnam veniant: tantumdem faciunt, ac si iidem mandent, ut tunc tandem fortunam experiantur, quando eam non nisi certo periculo experiri possunt. Nam qui in castris existens praelium detrectat: is aut abesse ab hoste cogitur, ad minimum per quinquaginta passuum millia, & per exploratores subinde eum observare, ut eo veniente cedere queas, aut certe in munitis aliquibus urbibus contineri. Vtrumque horum periculosum est. Nam cedendo, agrum hosti deuastandum concedis: satius autem fuerit fortunæ periculum subire, quàm tanto cum detrimento tuorum, pugnam deuitare. Quod si minus quibusdam urbibus te contineas, manifestum subis periculum. Nam oblidebit te hostis, atque ita rebus necessarijs destitueris, fame laborabis, & ipsa necessitate ad deditionem compelleris, Fabiū autē imitari non poteris, nisi tam fortem exercitum habueris, ut te hostis ijs locis adoriri non auserit, quibus tu, muniendi tui causa confedisti. Neque enim cunctando praelium detrectabat, sed occasionem querebat commodam pugnandi: Quod si ijs locis cum illo con-

lo congregari voluisset Annibal, quibus ille se continebat: nequaquam pugnam detrectasset. Sed id sibi periculosum esse cernebat Annibal: itaque eum non inuadebat: neque Fabius ab ijs locis discedebat, quibus se tutiorem esse cernebat. itaque fiebat, ut neutra pars praelium vrgeret: quod si enim vel Annibal vel Fabius omnib. modis conatus fuisset dimicare: nulla extitisset ratio detrectandi praelij, quàm vel cedendo, vel munitas vrbes occupando, vel planè fugiendo. Id ita se habere apparuit bello Macedonico, in quo Philippus, cum aliquoties fortunam tentasset, eaque res illi minus prosperè successisset, deserta quædam loca occupauit, sperans Romanos eò non fuisse sequuturos. Sed cum illi sequerentur, & Macedonas trepidos, ex stationibus, præsidijque deturbassent: cū reliqua exercitus parte fugere coactus est. Hoc periculo edoctus, cognouit se pugnandi necessitatem euitare non posse, quandiu Romanū exercitum propinquum haberet: Itaq; longè ab illo castra sua habere, & cum is vnā aliquam regionē inuaderet, ipse aliam ingredi cœpit. Quam rem cum cernebat sibi itidem incommodam esse, & suas conditiones subinde deteriores fieri, tādē cum Romanis praelio decertare coactus, succu-

Iulius
lib. 31.

buit. Quæ cum ita sint, tunc demum cūctandū fuerit, cum eadem rationes nos mouebunt, quæ Fabium, & Cneum Sulpiciū impellebant: si modo exercitū talem habueris, quem hostis non ausit quouis loco adoriri. Nam hostis tuos fines nuper ingressus, nondum multa loca occupaauerit, nec commeatū percipere adhuc queat: proderit utiq; ne te fortunæ aduersus eum hostem committas, quem tempus deteriorem indies, & locus alienus faciat. Alijs ex causis si præliū evitare coneris, non sine damno, ac vituperio tuorum id facies: Nā cedendo uti Philippus, videberis antequā fortunam experiaris, fractus esse: nec euitabis periculum, si hostis te consequi uolet. Annibal certè summus Imperator fuit, sed idem cum in Africā aduersus Scipionem reuocatus esset, bellum protrahendū esse non censuit, cum tamen ea in re Fabium imitari potuisset, ob insignem, quem ducebat exercitum. Quicumque igitur belli dux insignem habet exercitum, stultè agit si non fortunam experiatur, antequam ei vel pecunia, vel commeatus deficiat, vel ex alia aliqua causā, aut miles diffluat, aut socij deficiant: quod in hisce accidentib. certissimum periculum sit, in pugna nō deesse queat uiris fortibus aliqua uictoriæ spes. Il-

lud

Iud verò imprimis etiam spectare debemus, ut gloriam atque laudem comparemus: quæ certè maior erit, si fortiter dimicando succubueris; quàm si ex alio errore fueris oppressus, antequam periculum fortunæ tentaueris. Verisimile est etiam, Annibalem ipsdem hisce causis permotum, cum Scipione congredi voluisse: neque enim Scipioni periculum vllum incumbere cernebat, ut vel pecunia deficeret, vel comitatus deesset, vel iniquo loco secum congredi cogeretur, quæ Fabium in Italia, ut cunctaretur mouebat. Nam Scipio Syphacem iam prælio vicerat, plurimas vrbes occupauerat, & exercitum tutum iam in Africa habebat, perinde ac si in Italia esset. Qui verò infesto exercitu externum hostem inuadit, multo adhuc minus detrectare prælium potest, cum necessario pugnandum sit cum ijs, qui te aditu eius regionis prohibere conantur. Idque vel imprimis geri oportet tunc, cum ad obsidendam aliquam urbem castra ponuntur. Nam ei rei coniuncta est perpetua pugnandi necessitas, sicuti apparuit, cum Carolus Burgundiæ Dux Moratum, Heluetiorum oppidum obsedisset. Nam tunc ab Heluetiis prælio petitus succubuit: Idemque accidit Gallis Nouariam obsidentibus, qui ab ipsdem Heluetijs fusi sunt:

Qui aduersus multos bellum gerit, eos superare potest, quamuis viribus inferior sit, modo sustinere queat primum impetum.

CAPVT XI.

MAGNA erat vis Tribunitiæ potestatis, in Repub. Romanorum, usque adeò, vt Senatui quoque formidabilis esset. Sed eadem quoque pernecessaria erat ad frenandam ambitionem Optimatum, qua necesse fuisset corrumpi eam Rempub. longè prius quàm corrupta fuit. Sed vt cæteris quoque in rebus accidit, ita hîc quoque euenit, vt in re optima, & Reipub. vtilissima, formidabile quoddâ lateret malum: cui vel legibus, vel alia aliqua ratione obuiam eundum fuit. Nā tanta esse cœpit tribunorum plebis insolentia, vt terrori esset cùm patribus, cùm vniuersæ ciuitati: ex qua re natum esset proculdubio malum aliquod, publicæ libertati contrarium, nisi Appij Claudij prudentia modum inuenisset, quo temperari, frenarique illorum impetus, furoresque possent, per collegarum intercessionem. Deligebāt enim aliquem ex Tribunis, quem vel Patriciorū amore, vel patriæ reuerentia, vel alia aliqua spe, facilius permoueri posse sperabant, ei quo

eiſque autores erant , vt ſi quam rogationē proponere conarentur cæteri tribuni , quæ patrib. aut bono publico aduerſari videretur, ipſe illis ſeſe opponeret, eamque impediret. Quæ res ad frenandam illam petulantiam Tribunorum , plurimum profuit , & Reipub. longo tempore extitit ſalutaris. Nobis vero documento eſſe poteſt ad expendendos diuerſorum hoſtium conatus, & vtrum plus poſſint plures , qui coniunctis viribus inferunt bellum vni alicui , an vnus aduerſus plures ? Certum eſt enim plures illos, quorum coniunctæ vires perſæpe ſuperant vnius potentiam, minus tamē efficere ſolere, quàm vnicus, quamuis ille longè inferior ſit. Nam vt cætera omittamus, quæ Apparatus ab vnius voluntate conſilioque pendentes , faciliores reddere poſſunt ijs, qui à pluribus gubernantur: hoc certe in huiusmodi, ſiue fœderibus , ſiue cōiurationib. ſummi momenti æſtimari debet, quod qui vnicus eſt, ſi quidem prudētia aliquantum polleat, & primos impetus, vel leuiter ſuſtineat: facile poſſit fœderatorem aliquem in ſuas partes pertrahere , atque ita plurium illorum potētiam frangere, vt ipſe ſuperior euadat. Huius rei exempla ab antiquis petere non opus eſt, quamuis multa apud illos extent : recentia enim magis

mouere videntur. Anno Seruatoris nostrī
M.CCCC. LXXXIIII. coniurauit aduersus
Venetos vniuersa Italia. Illi verò primo im-
petu oppressi, & vehementer afflicti, vt ne
producere quidem in Campum militem
auderent: paulò post Ludouicum, Medio-
lanensem præfectum, muneribus corru-
ptum, in suas partes pertraxerunt: quo fa-
cto, cum cæteris coniuratis ita pacti sunt,
vt non modò recuperauerint omnia, quæ
prius amiserant, sed Ferrariensis quoq; Im-
perij partem obtinuerint: ita quidem vt qui
paulò ante bello succubuiſſent: postea cõ-
ditionibus pacis cæteris superiores extite-
runt. Ante paucos annos, contra Gallos,
Vniuersus propè Christianus orbis coniu-
rauit: sed nihilominus, antequam id bellū
perficeret, Hispani à cæteris coniuratis ad
Gallos defecerūt, & cum ijs tranſegerunt:
ex qua defectione, reliqui coniurati, à pro-
posito desistere, & cum Gallis etiam com-
ponere coacti fuerunt. Ex quibus facilè cõ-
ijcere possumus, quotiescunq; à multis cõ-
iunctim, bellum contra vnum aliquē Prin-
cipem aut rempub. motum fuerit: toties
unicum illum, si modò primos impetus to-
lerare queat, superiorem euasurum: sed si
tantas vires non habeat, vt primos impe-
tus tolerare possit, multis periculis obno-
xius

xius erit: sicuti Venetis, Anno v i i i. accidisse vidimus: Nam & ij, si Gallorū primos imperus sustinere potuissent, & cunctando eò vsque bellum producere, donec coniu-
ratorum aliquem in suas partes pertraxis-
sent: ruinam illam, quam passi sunt, facilè
deuitassent: quam vtique, ea sola causa de-
uitare nequiuerunt, quòd non habuissent
eas vires, quibus primos hostium imperus
excipere ac sustinere potuissent. Cui rei ar-
gumento est, quòd Pontifex primùm sta-
tim illis, postquā res suas recuperassent, re-
cōciliatus est: Cuius exemplū sequutus est
etiam Hispanus deinde: & si vlla extitisset
ocasio: maluisset postmodum eorū vter-
que, Longobardiæ imperium Venetis cō-
seruatum esse, quàm à Gallis fuisse occupa-
tum: videlicet ne Gallorū vires in Italia tā-
tæ forent. Potuissent equidem tunc Vene-
ti imminentibus malis occurrere, si aliquā
Imperij sui partem, ante motus bellicos,
hostibus tradidissent, vt reliquum possent
conseruare: sed ea res, vt prudenter ante-
quam arma contra ipsos suscepta fuissent,
heri potuisset: ita inter ipsos motus belli-
cos, nequaquam honesta fuisset. Sed pauci
erant Venerijs, qui ante motus ipsos, talia
pericula præuidere potuerint: & adhuc
pauciores eorum, qui morbi eius remediū

cernere, aut suadere potuissent. Finem ergo huic disputationi faciens, pronuntio: sicuti Romanus olim salutare remedium, contra Tribunorum ambitionem, fuit ipsa multitudo Tribunorum, ob quam semper aliquis eorum, in partes Reipubl. pertrahi potuit: ita semper remedium esse posse uni- cuique Principi, cum multi hostes contra illum nunc coniurârunt, ipsam hostium multitudinem: si modò prudens sit, & conuenienti modo, aliquos ex coniuratis ad defectionem sollicitare, & in suas partes pertrahere possit,

*Prudentem Imperatorem operam dare de-
bere, ut suis militibus pugnandi necessitas
tem imponat: hostib. verò omnem pu-
gna necessitatem demat.*

CAPVT XII.

OSTENDIMVS alio loco, quã uti-
lis sit necessitas ad humanas Actio-
nes expediendas: simulque môstra-
uimus, necessitate coactos homines, sæpe
res gessisse, quibus ad gloriam singularem
sint euecti. Morales quoque Philosophos
prodidisse, Linguam & Manus, quamuis
per se nobilissima sint instrumenta: nun-
quam tamen res Humanas ad eam, in qua
nunc

nunc sunt, perfectionem dignitatemque, promouere ac producere potuisse : ni necessitas quædam ipsas coëgisset. Quæ res, antiquis Imperatoribus, cum ignota non esset, ijque facillè intelligerent, animos militum necessitate coactos, ad dimicandum, fortes & obstinatos fieri : in id maximè incumbebant, vt suis necessitatem pugnæ, captata quauis occasione, imposerent : hostibus verò eandem de industria adimerèt. In quem vtrique finem, persæpe hostibus transitum per ea itinera aperuerunt, quæ custodiri facillè potuissèt : & suis iter clauserunt, quod facillè potuissent aperire. Quicunque ergo cupit, siue ciues Urbis alicuius fortes, audaces, & obstinatos ad sui defensionem efficere : siue alium exercitum fortem & pertinacem ad pugnandum in prælio reddere : is summo studio in id incumbere debet, vt necessitatem huius rei ipsis imponat, aut certè, vt eorum animi persuasi sint, talem sibi necessitatem incumbere. Ex quo sequitur etiam hoc, Vt qui expugnare cupit urbem aliquam, & quàm facillè difficileque sit hoc ipsum, deliberat : ex sola necessitate istud possit metiri, quam habet ciues sese defendendi. Quibus enim ciuibus magna imposita est necessitas defensionis, ij graues causas habent strenuè

pugnandi : & proinde fortiter sese defendent: nec facillè illa vrbs occupabitur. Contrarium autem eueniet, quoties nulla singulari necessitate cogentur. Hinc fit, vt qui semel rebelles facti, à suis dominis defecerunt: longè difficiliùs recuperentur, quàm qui prius nunquàm defecerant: illis metuenda est pœna rebellionis, si recuperentur: & proinde grauem causam habèt sese defendendi, ne in pœnam incidant. Cùm econtrà ij, qui nunquam prius defecerunt, si maxime à nouo hoste occupentur, non metunt pœnam delicti talis, quia id ipsùm nõ commiserunt. Et hæc quidem vt plurimùm hisce de causis ita eueniunt: tamè solet etiam obstinatos hominum animos ad defensionem efficere, naturale quoddam odium, quo se mutuo prosequuntur Respublicæ liberæ & Principes, præsertim qui vicini sunt: nimirum ob imperandi cupiditatem, quæ Principibus solet inesse: & libertatis amorem, qua flagrant Respublicæ liberæ: sicuti in Hetruria præcipuè cernere licet: vbi hæc ipsa æmulatio, valde pertinaces tam Principum quàm Rerumpubl. animos ad defensionem semper effecit. Hinc etiam factum, vt Florentini, quamuis in rem bellicam longè plures sumptus fecerint, quàm Veneti, nequaquam tamen potuerint

runt tantum imperium comparare : quoniam vicina loca , oppidaque omnia Heretruriae semper libertatem suam acerrime defenderit , nec unquam aliorum imperio parere consueverint. Sed Veneti habere in circuitu vrbes , seruituti iam ante assuetas , quibus perinde fuit parere illorum imperio , atque eorum , qui ipsis prius imperassent. Nam qui consueverunt sub alicuius vel Principis , vel Reipub. Imperio vivere : ij non magni faciunt dominationem , sed sponte quandoque illam expetunt , praesertim si durior videatur esse seruitus illius , cui nunc parent. Habuerunt igitur Veneti potentes quidem vrbes in circuitu sitas , sed quae parere aliorum imperio semper consueuissent : Florentinorum vicinae vrbes , quamvis exiguae fuerint , tamen libertate fruebantur , seruituti assuescere nesciebant , nec proinde expugnari potuerunt absque summa difficultate. Imprimis igitur sapienti Imperatori prouidendum est , cum urbem aliquam occupare conatur , ut demat ciuibus necessitatem illam , quae eos ad defensionem tam obstinatos efficit. Quod quidem efficere poterit , partim promittendo impunitatem criminum , partim ostendendo , non violatam iri publicam libertatem , sed priuatos

tantum quosdam ambitiosos loco mouendos esse. Et huiusmodi promissiones permultum sæpè valuerunt. Nam etsi sapientes viri animaduertant, quid sub hisce latere soleat, & sub dulci melle, venena recondita videant: populo multitudo tamen pacis præsentisquæ boni cupiditate tanto peremouetur, vt dolo sub tantis promissis latètes minimè obseruet: ob quam causam permultæ ciuitates publicam libertatem amiserunt, quemadmodum Florentiæ quoque ante paucos annos contigit. Et M. Crassus, quamuis suspicaretur vanas fore tantas Parthorum promissiones, militi suo tamen persuadere non potuit, vt eas contemnerent & strenuè dimicarent: itaq; captus eo dolo illius exercitus, vnà cum Imperatore suo interiit. Samnites ambitione quorundam suorum, pacem cum Romanis pactam violauerant, & prædam ex eorum agro egerant: sed cognito periculo quod inde immineret, fœciales Romam misere, qui & prædam & rebellionis autores dederent, & pacem denuò postularèt. Verum cum legati, infecta pace, Romam rediissent, Pontius illorum Imperator, hoc vno argumento suos ad fortiter dimicandum hortabatur, quòd necessitas defensionis ipsis incumberet: Romanos enim bellum velle,

*Liuius lib.
9. & 8.*

velle, non pacem: itaque necessariò pugnandum: Iustum autem esse bellum, ubi necessarium: & pia arma, quibus nisi in armis spes est: atque ex hoc fundamento certam victoriæ spem pendere. C. Manlius consul cum aduersus Thuscōs pugnaret, & Thuscōrum Veientumque manus, ex acie in castra Romanorum irrupisset, eaque oppugnaret: opposito prælidio ad singulas portas castrorum, hostibus viam retrò redeūdi clauserat. Sed ea desperatio Thuscōis rabiē magis, quàm audaciam accendit. Nā cum incurstantes, quocunque exitum ostenderet spes, vanò aliquoties impetu issent: globus iuuenum vnus ipsum consulem insignem armis inuadit. Cōsul mortifero vulnere ictus cadit, fusi que circa omnes, Thuscōis crescit audacia, Romanos terror per tota castra trepidos agit: & ad extrema ventum foret, nisi legati rapto Consulī corpore, patefecissent vna porta hostibus viā, vt eā erumperent, & effugere possent. Atque hic præclarè licet cognoscere, Thuscōs tandem summo cum impetu dimicasse, quando necessitas illos cogebar: sed cum fugiendi occasio sese obtulisset, relicta pugna aufugerunt. Simile est & illud exemplum, quod accidit Populo Romano aduersus Æquos Volscosque pugnanti. Nam cum

*Liui. lib. 2**Liui. lib. 4*

Volsci à Romanis circumuenti, in magnò discrimine versarentur: idq; Vectius Mefius eorum Imperator, vir insigni virtute, cognouisset: ostensa necessitate, quæ ipsi incumbere: suos ad pugnandum sic hortatus est. Ferro via facienda est, hac quam prægressum videritis. Agite qui visuri domos, coniuges, liberosque estis, item mecum: non murus, nec vallum, sed armati armatis obstant: virtutis pares, necessitate, quæ vltimum ac maximum telum, superiores estis. Itaq; cernitur hinc Necessitatem à Liuiò summum, atque vltimum telum appellari: quam quidem rem, cum Furius Camillus præclare intelligeret, edixit militi suo, ne quemquam inermem læderet: idque palam, audientibus hostibus, in Veiorum expugnatione imperauit, ne de sua salute desperantes, necessitate aliqua ad resistendum impellerentur: quæ res illi tam facilem reddidit eius urbis expugnationem, ut illam sine cædibus occurrerit.

Vtrum plus præstare possit Imperator egregius cum exercitu infirmo. An vero egregius exercitus, sub imperito ineptioq; duce.

CAPVT XIII.

CV M Martius Coriolanus Romæ damnatus, exulatum in Volscos abiisset, collectoq; exercitu rediisset, patriæ infestus, vt vindicaret iniuriâ sibi à ciuibus illatâ: solis precib. matris tandem victus, ab instituto destitit. Ex cuius rei occasione Historicus inquit, Apparuisse illinc, ducibus validiorem, quàm exercitu, rem Romanam esse, quod Volsci vicerint Carriolano duce Romanos tunc, qui semper vinci prius consueuissent. Sed non desunt tamen in contrariam partē exempla, quòd exercitus Pop. Romani persèpè victis occisisque Consulibus, fortiùs contra hostem, vel ipso Liuiο teste, dimicârint, quàm dum viuos adhuc duces haberent. Huiusmodi fuit pugna illa, quæ binis Scipionibus ducibus in Hispania commissâ est, in qua, interfecto vtroque duce, tanta tamen extitit virtus militis, vt seipsum conseruârit, victoriam obtinuerit, & Popu. Romani prouinciam defenderit. Quæ omnia dum mecum animo reputo, exempla extare cêseo, cùm eorū, qui absque ducibus, sola virtute militum hostem fuderint: tum ducum, qui sua fortitudine tantum præstitere, quâ tum integri exercitus vix præstare potuissent.

Atque

*Liuius
lib. 2.*

instruere formareque possit. L. Lucullus, cum aduersus Mithridatem Imperator eligeretur, planè adhuc imperitus erat rei militaris : quia tamen præstantem exercitum habebat, qui multis fortissimis viris instructus erat, mox euasit egregius Imperator. Sempronius Gracchus etiam, cum Respu. cogeretur magnum seruorum numerum armare, eos ita exercuit officijs militari-
bus, vt breui temporis spacio, præstantissimos milites effecerit. Pelopidas atq; Epaminondas, postquam Thebanos è seruitute Spartanorum liberassent, eos disciplina militari instituerunt, vt mox viri fortes euaserint, quibus Spartanorum vires fregerunt. Parigitur vtrinque facultas simul, ac difficultas esse videtur. Nam egregius quoque exercitus, amisso Imperatore, lasciui-
re, atque insolens fieri consuevit, quod accidisse nouimus exercitui Macedonico, post mortem Alexandri, & Veteranis militibus, in ciuilibus discordijs semper. Vt plus confidi posse existimem egregio Imperatori, si tempus habeat ad institu-
dum militem, quàm firmo sed insolenti exercitui, cui tumultuarius aliquis dux præficitur. Quæ cum ita sint, eos duplici modo gloriam meruisse censemus, qui nò modò hostem vicerunt : sed ad vincendum

illum, præparare sibi prius exercitum, atque instruere coacti fuerunt.

*Quantum possint inter dimicandum, aut
stratagemata, aut aliàs voces aliqua,
præter spem emissa.*

CAPVT XIII.

QUOD summi momenti persèpè sint in prælijs, vel leuissima accidentia, quæ, aut ex emissa voce aliqua, aut conspecta aliqua re, oriuntur, multis pater exemplis. Quintius tertè Consul, cùm aduersus Volscos pugnaret, & cerneret alterũ cornu exercitus sui cedere: vehemèter vociferatus est, suosque hortari ad dimicandũ cœpit, ac affirmare quod in altero cornu victoria iam penes suos esset: quo vtique clamore & suis animum addidit ad pugnandum; & hostibus terrorem tantum incussit, vt victoriam obtinuerit. Et in exercitu tumultuario, minusque rectè instituto, longè magis adhuc possunt huiusmodi casus, quòd ijs tanquam vento quodam omnia moueantur. Cuius rei memorabile exemplum est illud, quod ætate nostra apud Perusinos accidit. Nam cùm ea ciuitas ciuilibus discordijs laboraret, totaque in duas factiones Oddorum & Balionum diuisa esset,

esset, quorum hi potentiores facti, illos in exilium expulerant : Oddi exules amicorum opera exercitum collegerant, & nocte quadam Perusiam ingressi, clanculum ad occupandum forum contendebant. Sed quia singulæ plateæ catenis trāsuerfis præmunitæ in ea vrbe, equitibus transitum impediūt : præcedebat eos quidam cum malleo ferro, qui seras catenarū effringebat : iamque perfractæ erant catenæ omnes, præter eam solam, quæ ingressum in ipsum forum claudebat : quam dum idem frangere conaretur magno conatu, & quò minus satis attollere malleum posset, impediretur ab ijs, qui sequebantur à tergo, & iam ad arma conclamauerant : Retrocedite, inquit ad eos (vt liberius videlicet effringere catenam posset.) Sed hæc vox veluti Echo, à primis ad posteriores, atque ab his ad alios emissa, sensim vsque ad ultimos peruenit : causaque fuit, vt ultimi, qui non intelligebāt qua de causa emissa esset, effugerēt magno cum impetu : quos reliqui sensim sequuti, institutum deseruerunt, & causa ipsi extiterunt interitus sui : ex tam leui fortuitoque casu commoti. Ordinum igitur conseruandorum ratio haberi debet, in prælio, non tantum vt dimicare liceat, sed quod ijs perturbatis, quilibet

casus exercitum in fugam coniiicere possit: atque ijsdem hisce de causis, inutilis bello esse solet multitudo seruorum, mulierumque. Nā ex quocumque vel leuissimomotu in fugam conijcitur, & cæteris metū incurere solet. Itaque vel imprimis hoc curare debebit prudens Imperator, ne tales aliquæ voces à se, vel suis in alium finem emissæ, malè intellectæ, motus alicuius causa fiant: præstabit autem id, si militem assuecat, ne curet cuiusquam dicta mādātæque, quàm eorum, qui ei præfecti sunt, & ab illorum imperio, vt totus pendeat, vulgares illos siue clamores, siue strepitus planè cōtemnat, neque ijs vllō modo terreatur: quòd alioquin ex leui casu magnum oriri malum queat. Ex ijs verò quæ inter dimicandum cōspecta, terrorem aut audaciam alterutri exercituum asferre solent, & ad victoriam comparandam, aut amittendam, magnum habere momentum, sunt illa, quæ prudentia quadam Imperatorum excogitantur, & vel in insidiis collocantur, vel aliàs opportuno aliquo loco ponuntur, ad hostem terrendum. Cuiusmodi illud fuit quod Sulpicius aduersus Gallos excogitauit. Iulsi enim mulis detrahi strata, binisque tantum centumculis relictis, ijsque agalones imposuit armis captiuorum, egro-

rumque

rumque ornatos : His mille effectis, ceterum admiscuit equites , & noctu super castra in montem euadete , ac siluis se occultare iussit, neque inde moueri, priusquam ab se acciperent signum. Vbi diluxit , instructo vani terroris apparatu , exercitum eduxit ad pugnam, & cum acerrime vtrunque pugnaretur, ijs qui in monte erant, signum, quod conuenerat, dedit. Illi autem nouo sublato clamore, ad castra Gallorum, obliquo monte , tendere videbantur : Quod cum Galli ex improviso vidissent, metu ne excluderentur, omissa pugna , cursuque effuso ad castra ferebantur, à quibus cum impedirentur , ad montes siluasque vertunt fugam, atque caduntur. Sed prudenter in hisce stragematibus prouidendum est sapienti Imperatori, ne fucus iste hoc patefieri queat : & si ab hostibus tale quiddam excogitatur : ut ipse id obseruet, & suis patefaciat, antequam terror aliquis inde oriatur. Semiramis olim aduersus Indiæ regē pugnatura, Camelis strata quædam imposuit, quibus Cameli Elephanti esse videbantur, ut cum rextantum Elephantorum numerum cerneret , terrore afficeretur. Sed cum rex vani huius apparatus certior fieret : non modo prodesse Semiramidi vllō modo non potuit , sed vehementer nocuit. Fidenates

Lin. lib. 4. quoque, cùm à Mamerco Dictatore oppugnarentur, interea dum acerrimè pugnabatur, ex vrbe derepentè emiserunt magnum numerum peditum, qui in hastis igneas faces præferrent, vt Romani nouæ rei spectaculo terrerentur. Sed in omnibus hisce apparatibus obseruandum est, vt sicuti illi, qui terroris veri quippiam cōtinent, hosti patefieri possunt: ita si qui planè ficti vanique fuerint, celari omnino debent, ne innotescant, aut planè omitti. Ea que causa fuit, vt Sulpicius Agalones suos procul à pugna collocare voluerit, & cum signum ijs daret, non accedere ad præliū, sed obliquo itinere ad castra hostium tendere, ne id hosti patefactum, efficeret, vt suo fine frustraretur. Quemadmodum Semiramidi accidit & Fidenatibus, quorum apparatus nō modò inutilis, sed perniciosus quoque fuit. Et si enim ignes Fidenatum primo occurso, Romanam aciem aliquantū turbassent: tamen cùm Dictator milites hortaretur, ne fumo fugari se tamquam apes paterentur, sed Fidenates, quos beneficijs placare non potuissent, suis ipsorum ignibus delerent, Victi fuerunt.

*Vnicum debere exercitui Imperatorem
præfici, non plures.*

CAP.

CAPVT XV.

CVM Fidenates defecissent Colonos- *Liuius*
 que Romanorum occidissent: creati *lib. 4.*
 sunt Romæ quatuor Tribuni militū,
 Consulari potestate, quorum vnus ad vrbis
 custodiam relictus, cæteri delectu habito,
 ad conficiendum id bellum profecti sunt.
 Sed iidem hi, cū diuersis sententijs ageren-
 tur, locum hosti aperuerunt ad rem benè
 gerendam. Nam cū alij signum dare, alij
 receptui canere iuberent, milites incerti
 vtrius obtemperandum, à Veientib. pulli, in
 vicina castra se receperunt, ita vt ignomi-
 niæ plus, quàm cladis acceperint. Ob quā
 causam mœsta ciuitas, odisse Tribunos, Di-
 ctatorem poscere, in eoque spem positam
 habere cœpit. Atque hinc licet obseruare,
 quàm periculosum sit, vt plures Imperato-
 res exercitui præficientur, siue domi pa-
 triam defendere, siue foris bellum gerere
 oporteat, vt rectè Liuius de hac re dixerit:
 Tres Cōsulari potestate creati Tribuni mi-
 litum, documento fuere, quàm plurium
 imperium bello inutile esset. Tendendo
 enim ad sua quisque consilia, aperuerunt
 ad occasionem locum hosti. Sed recentibus
 exemplis idem comprobari potest.
 Ludouicus XII. Galliæ Rex, recuperato

Mediolano, Anno Seruatoris nostri M. D. exercitum misit Florentinis auxilio ad Pisas recuperandas. Ei cum bini duces, Ioannes Baptista Rodolphus, & Lucas Antonius Albizius præficeretur: hic iunior cum esset, alteri honorem defererebat, & omnia pro arbitrio administrare permittebat. Sed interim hoc ipso ambitionem suam satis declarabat, quod nullo modo collegam iuaret, & ad omnia, quæcunque ille faceret, tacebat, perinde ac si rei bellicæ planè imperitus esset. At cum aliquantò post Baptista Florentiam reuocaretur, & Albizius totum Imperiū iam penes se haberet: tunc demum industriam, virtutemque suam declarauit: quæ omnia, præsentē collega, ambitione quadam permotus, demonstrare nolebat, ne fructum suæ virtutis ei tradere videretur. Huic exemplo simile est, quod Liuius alio loco dixit, Populum Romanum aduersus Æquos, olim Quintium & Agrippam Imperatores delegisse. Sed Agrippam voluisse, ut omnis belli administratio penes Quintium esset. Saluberri-
mum enim esse dicebat, in administratione magnarum rerum, summam Imperij apud vnum esse: Secus autem faciunt ætate nostra cum Principes, tum Respublic. qui ad gerenda bella, plures Imperatores,

ratores, æquali potestate, deligere consueuerunt, non sine maximo sui detrimento. Equidem si quis causas considerare velit, tot cladium, quas ætate nostra, cum Itali- ei, tum Gallici exercitus acceperunt: ex pluri- um Imperatorum discordia, maiorem par- tem earum euenisse comperiet. Vt satius ef- se videatur, vnum eligere Imperatorem ad conficiendum bellum, cum mediocri rei militaris peritia: quàm plures præstantissi- mos, qui dignitatis gradu eodem imperet.

*Veram virtutem in summis difficultatibus
tantum apparere: cum res secunda sunt, non
virtutis insita, sed opum, familiarum,
ac gratiæ rationem habe-
ri solere.*

CAPVT XVI.

SEmp̃er ita comparatum fuit, eritque
Sporrò semper ita, vt qui excellenti vir-
tute in aliqua Repub. præstant: ij pacis
tempore, rebusque secundis negligantur.
Virtutem enim non modò laus, & gloria co-
mitatur, sed Inuidia quoque: atque hinc fit,
vt multi non æquare modò audent se illis,
qui insigni virtute excellunt, sed etiam an-
teponere. Exemplum, quo probare istud
comodissimè possumus, suppedabit in-

ter ceteros Thucidides, Græcus historicus. Nam cum bello Peloponesiaco Atheniensium ciuitas Spartanos subegisset, ac ferè totius Græciæ Imperium comparasset: ad tantum fastigium euecta est, ut de occupando Siciliae Imperio cogitaret. Quæ res cum in deliberationem venisset, Alcibiades, non tam publici boni, quam sui commodi rationem habens, eam suadebat: quod futurum omnino speraret, ut ipse Imperator ad id bellum deligeretur. Sed Nicias, qui summa virtute apud Athenienses excellebat, hoc bellum dissuadebat. Et ut Populus certò consideret, se non tam priuati commodi, quam boni publici causa id facere: assererat, in Pace Athenis multos ciues esse, qui ipsi præferrentur: In bello se primarium fore. Ut hinc cernere liceat, antiquissimum esse hunc morbum, quo Respubl. omnes ex inuidia laborant. Sed hinc fieri etiam solet, ut iidem illi, quorum virtus pacis tempore negligitur: indignentur, & iniquè ferant, cum aut æquari vident sibi, aut anteponi illos, qui virtute sunt inferiores. Ex qua re multa sæpè mala oriuntur. Nam qui negligi virtutem suam vident, atque contemni, ob tranquillitatem publicam, resque minimam secundas, Rempubl. perturbare persæpè

sæpè conati sunt. Sed qua ratione mederi hisce malis oporteat, etsi sæpe multumque cogitârim: tamen id vnum remedium præsentissimum mihi v. de. ur: Primò si non patiaris, vt ciues admodum ditescant, ne fortè opes sine virtute quempiam nimium extollant. Deinde si ratio quædam sit bellum perpetuò gerendi, vt Viris virtute excellentibus liceat exercere fortitudinem suam: veluti Romani fecerunt, in primis præferrim annis. Nam cum perperuis bellis impliciti essent, singulis facultas dabatur, gloriam laudemque promerendi, pro virtutis suæ ratione: nec quisquam indignus ad gradû aliquem dignitatis insignem ita euehi poterat, quin rei indignitas statim appareret. Cæteræ vrbes atque Respublic. quæ rarò bellum gerunt, ab hoc malo liberæ esse non possunt: itaque semper etiam metuere debent, ne contentant virtutem vindicta sequatur: præferrim si ij, qui negliguntur, vindictæ cupidi sint, & clientelas aliquas habeant. Roma etsi aliquandiu hoc morbo libera fuerit: tamen eadem ipsa tandem, confectis bellis Punicis, & deuictò Antiocho, cum nullus metus superesse videretur: multos deligebat exercitus duces, non tam ratione virtutis eorû, quàm gratia ea qua apud Po-

pulum valerent. Paulus Æmilius certè aliquoties Consulatum petens, repulsam passus est, neque ad illum gradum peruenire potuit ante Macedonicum bellum: quod cum arduum, atque difficile videretur, omnium consensu ei demandatum fuit. Anno seruatoris nostri M.CCCC.XCIII. cum nostra Respub. multis bellis occuparetur, nec quisquam nostrorum ciuium singulare aliquod virtutis exemplum edidisset: tandem fors in Antonium Iacominum incidit, qui singulari rei militaris peritia præditus, modum ostendit exercitibus imperandi. Et excelluit illius virtus tandiu, quàm difficilia illa, atque periculosa bella durarunt, nullo cæterorum ciuium se illi per ambitionem opponenti. Sed confectis ijs, cum alia facilliora, leuioraque bella gerenda essent: semper multos habebat competitores, usque adeò, vt cum tres eligendi essent duces, qui Pisas obsiderent, ipse ex illorum numero vnus esse non potuerit. Ex quo errore, etsi nemo obseruauit, id profectò sequutū est, vt Pisæ, quæ Antonij industria ad deditiorem facillè compelli potuissent, aduersus hosce imperitos duces se tam fortiter defenderint, vt à Florentinis non nisi pecunia emi potuerint. Sed interim singularis fuit Antonij humanitas, & patiëntia, qui de vindicando

dicando hoc sui contemptu iniuriaq; nunquam cogitavit.

*Eum ciuem, qui graui iniuria affectus est,
non debere adhiberi ad magnum
Imperium.*

CAPVT XVII.

Illud quoq; in Repub. diligenter prouidendum, ne ciui, qui insigni aliqua iniuria affectus sit, demandetur prouincia administrandi rem magni momenti. Claudius Nero, qui ab exercitu, quem Annibali oppositum habebat, discedens clanculum cum parte copiarum, ad Liuium collegam profectus est, vt cōiunctis viribus cum Asdrubale pugarēt, antequam ille fratri Annibali se coniungere posset: prius Hispaniæ Imperium sortitus, cum eodem Asdrubale infeliciter bellum gesserat. Nam quamuis *Liuius lib. 26. & 27.* occupatis saltibus quibusdam, iuxta Iberū fluuium, Asdrubalem in tam arctum locum coëgisset, vt ipsi vel iniquo loco pugnandū, vel tamen pereundum fuisset: tamen ab eodem deceptus fuerat fraude Punica, ita vt sub specie conscribendarum pacis conditionum, Asdrubal aliquot dierum dilationem nactus, interim noctu clanculum ex saltus illius angustijs exercitum deduxerit

hominum mores occupauit, tantam fuisse, in egregio ciue, vindictæ cupiditatem: facile intelligere debemus, quid de nostris hominibus, si quando magna iniuria afficiantur, sperare, aut expectare debeamus. Maximè verò si consideremus, huiusce malis nullo remedio obuiam iri posse.

Summa laude dignum est illum Imperatorem, qui hostis sui cogitationes, consiliaque, prouidere, ac præcognoscere nouit.

CAPVT XVIII.

REstè Epaminondas Thebanus, nihil in Imperatore tam laudabile asserbat, quàm si hostis sui deliberationes, consiliaque prænosceret. Quæ res cum per se ardua, atque difficilis sit: prudentissimū illū esse oportet, qui coniecturis id assequitur, quod certis indicijs haberi nequit. Neque verò consilia hostium tantū difficulter intelliguntur, verū etiā actiones: & Actionum non illæ solum, quæ clandestinæ sunt, verū etiam quæ coram fiunt in exercitu. Nam sæpè accidit, ut cum pugna ad multā noctem usque durarit, is qui vicit, victum se esse putauerit, & victus victorē se esse errore quodam existimauerit. Ex quo factum,
ut con-

vt consilia sæpè inita sint, planè autoribus suis perniciosa. Tale quiddam accidit Bruto simul atque Cassio, qui de euètu pugnae malè instituti, consilia inierunt salutis suae contraria. Nam cum victoria penes Brutum esset, in illo Cornu, cui ipse praeerat: Cassius in altero cornu victum Brutum esse putauit, & in fugam versum illius exercitum: itaque de salute sua desperans, sibi mortem consciiuit. In praelio, quod Galliae Rex cum Heluetijs ad S. Cæciliam in Insubria, ætate nostra, commisit, cum pugna ad noctem usque protraheretur: existimauerunt Heluetij illi, qui integris ordinibus superfuerant, se esse victores, neque de ijs qui caesi profligatiq; fuissent, quicquam sciebant: eaque causa fuit, vt salutis suae non consuluerint, quod existimarent, sibi die sequenti profligandas esse hostium reliquias. Tantusq; fuit iste error, vt Pontificium Hispanumq; exercitum in summum discrimen adduxerit: quod ij confidentes victoriae, quam penes Heluetios esse putabant, Padum traiecerint, ac in Gallorum manus propemodum inciderint. Tale quiddam etiam, in Romanorum Aequorumq; castris olim accidit, cum duce Sempronio Cōsule dimicassent. Nam cum varia Fortuna ad noctem usque acriter pugnaretur: superueniente nocte
gravi-

grauiter læsi erant vtriq; exercitus: itaque de victoria vtrique desperantes, non in castra redire ausi sunt, sed vicinos colles occupârunt, in quibus se tutos fore confidebant. Sed Romanorum exercitus bifariam diuisus, partim Sempronium Cōsulem sequutus est, partim Tempanium Centurionem, cuius singularis virtus in illo prælio enitisset, ac propemodum sola obstitisset, quò minus vniuersi eo die delectentur. Postero die cū & Sempronius penes Æquos esse victoriam crederet, & Æqui penes Romanos, discessere vtriq;, Sempronius Romanam, Æqui aliò, & castra deseruerunt. Sed Tempanius, qui Romani exercitus partem secum habebat, ea re cognita, in castra Romanorum redijt, ea conseruauit, & hostium insuper castra spoliauit, Romanamq; magna cum laude, & opimis spolijs redijt. Cuius rei occasio, ei ex vtriusque exercitus errore cognito oblata fuit. Atque hinc licet intelligere, quod facillè contingere queat inter dimicandum, vt vtrinque laborèt exercitus ijsdem difficultatibus: & eum semper victoriam reportaturū, qui citiùs animaduertere potuerit hostium difficultates. Huius rei euidentissimum exemplum est, quod accidit Anno salutis nostræ M. cccc. xvi. i. quo tempore Florentini nostri Pisas magnis

copijs obsidebant. Cùm enim Pisani obsidione cincti multis difficultatib. laborarēt: Veneti, in quorum clientelam ij sese dederant, non aliter auxilia adferri posse putabant, quàm si bellum auerterent, & in alium locum transferrent: & magnis copijs imperium Florentinorum alio loco inuaderent. Itaque Lamonam vallem ingressi, occupârunt Morradum vicum, & Castalioneam arcem, in alto colle positam, obsederunt. Florentini interim ab obsidione Pisana non discedendū putabant: quamobrem collecto nouo exercitu, eū Iacobo Quarto Appiano, & Rinucio comite Marliano, ducibus, Marradijs in auxiliū miserunt. Cùm cò peruenissent: Venerus exercitus relicta arcis Castalionex obsidione, Marradium ipse quoque se contulit. Sed cùm iam per aliquot dies vicini fuissent bini exercitus, magna commeatus penuria vtrinq; laborabāt, & cæteris quoq; rebus necessarijs indigebant. Itaque cùm neuter alterū ad prælium prouocare auderet, neque intelligeret quæ in alterius castris fierent, aut quib. indigerent: deliberatum constitutumq; est in vtroque exercitu eodem die, de mouendis inde castris. Et Venetus quidē Berzigellā, Fauentiamque versus flectere decreuerat: Florētinus Cosāliam Mugelliumq; ducere volebat.

volebat. Cum dies mouendis castris cōstitutus adesset: & impedimenta expedirentur, fortē in Florentinorum castra aduenit mulier quædam, vetula, pauperculâ, è vicō Marradio, vt cognatos quosdam inuiseret, quos in Florentinorū castris se habere putabat. Ex hac cum Florentini duces cognouissent, Venetum quoq; iam castra Marradio mouere: audaciores facti consiliū mutârunt: & constiterunt: literisq; Florentiam missis, significarunt, se coëgisse hostem inde discedere, & victoriam obtinuisse. Cuius rei bene gerendæ occasio, ex sola ea re ipsis contigit, quod priores animaduertissent hostium difficultates. Quod si idem nuntius prius ad Venetū, quàm nostrum exercitum peruenisset: idem iis utiq; præstitisset; quod præstituit Florentinis nostris.

Pœnæne an obsequium magis necessarium sit, ad regendam populi multitudinem.

CAPVT XIX:

REpub. multiplici bello afflictâ, delicti Imperatores erant Appius Claudius & Volumnius Consules, ille in Hetruriam, iste in Samnium. Appius homo superbus, & durus Imperator, multa

prælia locis, & temporibus iniquis cōmissit, nihil scitè aut fortunatè gessit: & iā propè erat, vt neque dux militibus, nec milites duci satis confiderent. Volumnius humanus, & erga militem benignus, rem tam feliciter gessit, vt ex sua prouincia Appio in auxilium vocaretur. Quæ cū ita sint, plus ad gubernandā populi multitudinē prodesse videtur humanitas, & beneuolentia, quā crudelitas. Sed Cornelius Tacitus, & alij etiam aliqui contrarium sentire videntur, quod dicant, In multitudine regenda plus pœnam, quā obsequium valere. Ego verò censèo distinctione quadā opus esse hīc, & quandoque seueritatem, pœnamq; magis esse necessariam, quandoque obsequiū prodesse. Nam si gubernanda sit hominum multitudo, quæ alioquin tibi subdita non sit, sed ex ciuibus tuis constet, quales erant ciues Romani, qui eodem cum Patriciis iure utebantur: eam benignitate potius, atq; obsequio gubernare decet, quā pœnis coercere, & cogere. Nec decebat igitur Romanos Imperatores, quibus Imperium ad certum tempus demandabatur, ciues suos tanta acerbitate tractare: neque si id conarentur, commodè, vtiliterque faciebant: nisi excellens alicuius virtus tanta esset, vt eius seuerissimis Imperijs omnes obedi-

obediendum censeret: vt cum Manlio Torquato factum nouimus. Qui subditis suis imperat in exercitū, ei ratio habenda est, ne insolentes fiant, & proinde pœna tunc, quā obsequium, vtilior: quæ tamen interim ita moderata esse debet, ne odium conciliet: quod odium subditorum, Principi nunquā prodesse possit. Euitabit autē odium, maximè quidem, si à rapinis absteineat, ne sanguinem propterrapinam sitisse videatur. Nam cum aliās cedes per se Principibus in gratæ sint, extra magnum necessitatem: ob prædam rapinamque ad huiusmodi crudelitatem permoueri putantur, atq; ita incidunt in odium subditorum. Vt beneuolentiæ summa ratio habenda sit ab Imperatoribus, curandumque, vt ab hostibus etiam humani, bonique esse putemur.

*Humanitatis vnicum exemplum ad Faliscos occupandos plus potuit, quàm
magnæ vires.*

CAPVT XX.

CUM Furius Camillus Faliscos aliquādiu obsedisset, & commisit aliquot præliis, voti compos fieri nō posset: accidit, vt Pædagogus quidam, cui denandati erāt Principum ciuitatis aliquot līdē

Liui, lib. 5.

ri, eos exercendi ludendique causa, ante urbem, ut pacis tempore cōlueuerat, produxerit. Quos ubi variatis sermonibus, lusuque à porta lōgius solito abduxisset: ubi res dedit, progressus inter hostiū stationes, in castra Romana ad prætorium Camilli perduxit. Atq; hīc Faliscos se in manus Romanis tradidisse, inquit: quando eos pueros, quorum parentes capita ibi rerum sint, in potestatem dediderit. Quæ ubi Camillus audiuit, non ad similem, inquit, tui nec populum, nec Imperatorem scelestē venisti, cum scelesto hoc tuo munere. Denudatumque eum, manib. post tergum religatis, reducendum Falerios pueris tradidit: virgas eis, quib. proditorem in urbem agerent verberantes, dedit. Ad quod spectaculum concursu populi primū factō, deinde à magistratibus de re noua vocato senatu, tanta mutatio animis iniecta est, ut qui modò efferati ira odioque aduersus Romanos essent, legatos ultro ad poscendam pacem & dedendam urbem, ad alios miserint. Egregium sanè exemplū, quo discere queamus, Iustitiam fidemque aliquādo magis commouere homines, quàm vllę vires, aut bellicę machinæ id possint præstare. Ut vrbes quæ tantis virib. occupari nequiverint, humanitate fideque hostiū permotæ, portas ultro

vltro aperuerint. Neque verò defunt in hi-
 storijis alia quoq; huiusmodi exempla. Nā
 cū etiam Pyrrhus armis Romanorum ex
 Italia depelli non posset, Fabritij liberalita-
 te recessit, postquam nimirum ostendisset,
 quantam pecuniam repudiasset, quæ offe-
 rebatur à Pyrrhi familiari, vt illum veneno
 tolleret. Scipioni Africano quoque, nequa-
 quam peperit tantam gloriam Carthago
 noua subito occupata, quantū attulit libe-
 rale illud facinus, quo captā Allucij Celti-
 berorū Principis spōsam, inuiolatam spōso
 restituit. Nā ad illius rei nuncium, vniuersa
 Hispania cōmota est, & P. Romani Iustitiā,
 fidemque colere cœpit. Est enim apud om-
 nes gentes ita cōparatum, vt viri magni,
 atque excellentes, Iustitiæ cultum ament,
 liberalitatē fidemque expetant: quò sit, vt
 philosophi in doctrina de moribus, & vitæ
 Politicæ institutione, eadem hæc semper
 inculcent: & in describenda Principum vi-
 ta, Historici hoc vnum videntur ante oculo-
 pospositum habere, vt si quem laudare ve-
 lint, eum iisdem hisce virtutibus exornatū
 fuisse demonstrant. Xenophon sanè in eo
 maximè laborauit, vt ostenderet Cyrum
 multas victorias humanitate & familiarita-
 te quadā naturali comparasse; & quòd à
 superbia, luxuria, crudelitate, auaritia, ceteris

Linus
lib. 26.

risque huiusmodi vitijs, quæ humanam vitam contaminare solent, abstinuerit.

Vnde factum sit ut Annibal in Italia, vitijs, Scipionis virtuti contrarijs, idem præstiterit, atque Scipio in Hispania?

CAPVT XXI.

HÆc cum ita se habeant admirari licet eos Imperatores, qui contrario modo viuentes, tamen ad eundem finem peruenire. Nam hinc sequi videtur, quod neque ab humanitate neque iustitia victoriæ pendeant: cum ex contrarijs habitibus, liceat eandem laudem atque gloriam comparare. Neque verò longè petitis exemplis opus est. Ille idem Scipio, de quo paulò antè diximus, Hispaniam ingressus, fide, iustitia, humanitate, ac liberalitate, vniuersam eam prouinciam in sui admirationem, amoremque compulit. Econtrà autem Annibal, postquam in Italiam cum exercitu aduenisset, vitijs virtuti Scipionis contrarijs, eadem præstitit, atque ille in Hispania. Nam crudelitate sua, perfidia, rapinisque effecit, ut breui temporis spacio, vniuersæ Italiæ vrbes ad illum deficerent. Quæ omnia, dum ipse mecum diligenter cogito,

cogito, ex varijs causis oriri videntur. Primum enim videntur homines rerum novarum cupidi esse, nō ij tantum, qui sub tyrannide viuunt, verum etiam illi, qui felici ac tranquilla pace fruuntur. Verum enim est, quod aliàs quoque monuimus, homines, vt rebus aduersis affliguntur, ita rursus secundis rebus luxuriari. Atque hoc nouitatis desiderium, portam aperire solet vnicuique, qui forti aliqua manu regionem quampiam ingreditur: vt eum, si peregrinus sit, adeant; si domesticus, etiam circundent, foueant, & eius vires augeant. Parum videlicet curantes, num humanitate, iustitiaque, an crudelitate, in gerendis rebus, vtatur. His accedit, quod homines non minus mali metu moueantur, quàm boni cupiditate, ac spe: atque hinc fit, vt non minus ei obtemperent, quem metuunt, quàm illi, quem diligunt: videnturque etiam magis dicto obtemperantes esse illi, quem timeant illi, quàm ei, quem diligunt. Quæ cum ita sint, nihil interest ad laudem atque gloriam comparandam, hocne an illo modo egregius Imperator viuat. Nam si excellenti virtute præditus sit, magnam apud omnes existimationem sibi comparabit, qua delebuntur vitia, in vtroque extremorum ab illo commissa. Huiusmodi fuit virtus cū

Scipionis tum Annibalis : qua obscurati-
deletique sunt omnes errores, quos com-
miserunt, alter vt diligeretur atque amare-
tur: alter verò vt omnib. formidabilis esset.
In vtroque enim imperandi modo, medio-
critas quædã est, & termini quidam obser-
uandi: quos si quis transgreditur, vehemē-
ter errat, vsque adeò, vt ex ijsdē hilce causis
vehemēter periclitari queat. Nam qui in id
nimium iacumbit, vt ametur, & facilis, hu-
manusque habeatur: contemptui hominū
facile seipsum exposuerit. Qui terrori esse
vult omnibus, in odium incurrit. Medio-
critatem qui in vtroque seruare potuerit, is
verò sapientissimac prudētissimus haberi de-
bebit. Sed quia id difficile est, insigni virtu-
te opus erit in Imperatore, vt ea deleantur,
quæcumque in vtroque extremorum com-
missa fuerint vitia. Quæ etsi in Scipione si-
mul, atque Annibale esset: non potuēre ta-
men, ne illi quidē se nper cauere, quin vel
nimia facilitas ei, vel huic extrema seueri-
tas aliquādo periculum crearet. Nam à Sci-
pione defecerunt in Hispania, cū amici
multi, tū magna exercitus pars, ob vnam
illam causam, quod cū facilis, atq; beni-
gnus esset, eū nemo metueret. Nam ita cō-
paratum est inter homines, vt accepti be-
nefici pauci recordētur: itaque si quæ occa-
sio

sio se offert, quæ utilis esse videatur : oblitū benevolentia Principis, ambitionē sua in præceps aguntur. Quod cum sibi euenisse Scipio tunc animaduerneret, vel nolēs co-actus fuit, eam seueritatem adhibere, quam prius studio, ac diligentia evitare conabatur. Annibalem verò, si quis putet, non dedisse pœnas nimia crudelitatis : is cogitare debet, Neapolitanos, & alios quosdā Italiae populos, metu eius perfidia, ac tyrannidis solum permotos, sese illi cum cæteris dedere noluisse, sed in fide Pop. Romani permanisse. Eadem verò ipsius crudelitas, atque perfidia effecit, ut eum P. Romanus tanto odio prosequeretur, quanto nullum vnquam hostem prosequuti sunt. Quod ut ita se habere intelligas, expende an nō Pyrrhum cum exercitu Italiam vastātem, mouerint periculi, quod ab illo impēdebat, qui eum veneno tollere cupiebat? Sed Annibalem semper odio prosequuti sunt, etiā inermem, & tandem interitus eius causa fuerunt: quod impium illum, perfidumque censerent. Hęc igitur illi ex perfidia, & crudelitate mala eueperunt: sed eadē hæc crudelitas, militem suum in officio continuit, usque adeò, ut quamuis exercitum haberet ex diuersis gentibus compositum: nunquam tamen memoriæ proditum est, ali-

quam in ipsius castris, vel seditionem, vel rebellionem fuisse: quod insignis eius virtus, cum illa seueritate coniuncta, efficeret, ut omnibus terrori esset. Quæ cum ita sint, concludimus ad laudem & gloriam comparandam, ex rebus præclare ac fortiter gestis, nihil referre, an insigni humanitate fideq; Imperator omnia tentet, an verò seueritatem atq; duritiem adhibeat: dum modo insigni virtute, & rei militaris peritia excellat. Nam illâ teguntur errores, in utroq; extremorum commissi.

Manlij Torquati duritiem, & humanitatem Valerij Coruini, eandem utriq; gloriam peperisse.

CAPVT XXII.

Bini fuerunt per idē tempus Romæ insignes Imperatores: T. Manlius Torquatus & M. Valerius Corvinus, pari gloria & rerum gestarum magnitudine: hostibus quoque pari modo terrori erant, & virtute eādē aduersus illos utebātur: sed in exercitu contrario ferè modo imperabat. Manlij imperia dura erant, quod neq; delicta vlla condonaret, neq; à labore unquam quiescere militem permetteret, Valerius humanus erat, benignus, familiaris mili-

militi, & ad ignoscendum facilis : utq; tantò magis obsequentem eum , atque obedi-
entem haberet , neminem vnquam læsit :
cùm , econtrà , Manlius filium securi per- *Livius li. 8.*
cussisset , ut reliqui milites metu pœnæ ma-
gis essent obedientes. Sed in tanta animo-
rum diuersitate , par vtrunque gloria para-
batur , & ad Rempubl. eadem redundabat
utilitas , aduersus hostes denique eadem pa-
trabantur facinora. Neutri miles vel pugnâ
detrectauit vnquam , vel quocunque mo-
do , aut repugnauit , aut defecit. Idque in
Manlio magis admiratione dignum vide-
tur , cùm tanta fuerit eius imperij seueritas ,
ut non in præsens modò horrenda , sed in
posterum quoque tristis exempli foret , ex
qua factum , ut Manliana Imperia in pro-
uerbium abierint. Quæ cùm ita se habeât ,
videndum nobis est , quæ Manlianæ seue-
ritatis causa fuerit ? Quid Valerium ea uten-
tem facilitate ad res gerendas adiuuerit ?
Cur idem præstiterint ? & vtrum satius fue-
rit hunc , an illum imitari ? Manlium si re-
ctè , ut ab historico describitur , expendaris :
naturâ fortem virum fuisse comperies , er- *Lini. li. 7.*
ga patrem ac patriam pium , & religiosum .
Nam patrem à Tribuno plebis accusatum ,
vitæ suæ periculo liberauit , & cum Gallo
singulari certamine pro patria pugnavit :

nec tamen id extra ordinem iniussu Imperatoris facere voluit : sed , cùm vastæ magnitudinis ille Gallus in pōtem prodijisset, & Romanum prouocaret , ad Dictatorem pergens, Iniussu tuo, inquit, Imperator, extra ordinem nunquam pugnauero , non si certam victoriam videam. Permittente Dictatore pugnavit, & hostem vicit. Tantis autem vir , si quando ad Imperium euehitur , omnes reliquos similes esse sibi cupit : & quia vir fortis est, res quoque fortes, atque arduas imperat, utque illæ fiant, sicut imperatæ sunt , adhibita seueritate efficit: quod res magnæ atque arduæ, non nisi seuerio imperio perficiantur: Ut igitur obedientēs habeas eos, quibus tu imperas, rectè imperare oportet : & in rectè imperando id spectare, ut proportionem obserues, quæ est vitæ tuæ atque conditionis, ad vitam naturamque subditorum & pro illius modo metiaris rerum, quæ iubentur, magnitudinem , ac paruitatem : Ita quidem, ut si ea sit proportio magnitudinis tuæ, erga subditorum conditionem , ut iure hoc illis imperare possis, imperes : sin minus, abstineas. Rectè enim ac sapienter quidam pronunciabat : tamdiu per vim conseruari Imperium posse, quādiu vis Imperātis maior esset, quā corum, quibus imperatur:
Nāmi

Nam cum proportio hæc soluitur, maioresque esse incipiunt subditorum vires, quam Imperantis: periculum imminere, ne Imperium istud amittatur. Res igitur magnas atque arduas imperare non debet is, qui non est vir magnus, ac fortis: Et arduas huiusmodi res si imperârit: nequaquam credere debet, subditos humanitate ac facilitate Imperatoris, motos iri, ut imperata faciant. Nam seueritate opus est, & metu pœnæ, ut res ardûæ, atque difficiles obseruentur: à qua seueritatē quicumque alienum se esse videt, cauere debet ab omni extraordinario imperio. Nam mites delictorum pœnæ legibus attribuuntur, sed atroces ab ipsius Imperatoris natura pendere creduntur. Manlium igitur cēsere debemus ad eam seueritatem, naturæ suæ ductu, compulsus esse, quæ in Rebus public. persæpe necessaria est, ad emendandos ciuium mores, & leges quodammodo renouandas. Quod si quæ Respublic. tam fœlix esset, ut statis temporibus tales quosdam viros fortiretur, à quibus vitia publicè grassantia emendarentur, leges renouarentur antiquæ, & tollerentur illa omnia, quæ eam corrumpunt, & ad interitum ducunt: perpetua esse posset. Valerius Corvinus naturâ facilis erat, nec curabat, ut miles quicquam

quam aliud faceret, quàm ea, quæ iam longa consuetudine in castris vſitata eſſent. Ea verò quia & ſalutaria erant, & minimè difficilia, non vrgebāt eum ad atroces pœnas infligendas: & ſi qui puniendi eſſent, ij ob ipſas leges, non Imperatoris duritiem, puniri ſeſe putabant. Ex quibus omnibus accidebat, vt apud militem beneuolentiam ſimul, & autoritatem ſibi compararet. Ex quo factum eſt, vt quamuis diuerſis vitæ inſtitutis, atque Manlius vteretur, ad eundem tamen finem peruenerit: quod vtriq; miles ex æquo obſequens eſſet: alteri propter atrocis pœnæ metum, alteri propter modeltiam, & humanitatem, qua omnium illi conciliabantur animi. Et ſi quis horū alterum imitari deſiderat, hoc vnum ante oculos poſitum habere debet, ne vel in eos errores incurrat, in quos Scipionem ſuprà incidiffe docuimus; aut illos, quibus ſe Annibal contaminauit. Ad quos euitandos delendosque, vna ſingularis virtus cōducet. Hiſce ita conſtitutis, ſuper eſt vt conſideremus nunc, ſatiſne ſit Imperatori, vt Manlium, an verò vt Valerium Coruinum imiteretur? Qua de re non deſunt in vtramq; partem argumenta. Nam qui ſcribunt de viri principis inſtitutione, Valerij mores Manlij moribus anteponunt: vt apud Xenophon.

nophontem cernere licet, qui Cyri humanitatem, totiusque vitæ rationem talem describit, qualem in Valerio Liuius commemorat, præsertim tunc, cum aduersus Samnites Consul profectus fuisset. Nā cum milites ad pugnam blanda admodum, ac facili oratione hortatus fuisset, ita de illo loquitur historicus: Non alius militi familiarior dux fuit, inter infimos militum, omnia haud grauatè munia obeundo, in ludo præterea militari, cum velocitatis viriumque inter se æquales certamina ineunt, comiter facilis: vincere aut vinci vultu eodem, nec quemquam aspernari, parē qui se offerret: factis benignus, haud minus libertatis alienæ, quàm suæ dignitatis mēmōr: & quo nihil popularius est, quibūs art. b. magistratus petierat, ijsdē gerebat. Sed idē hic Liuius tamen, qui Valerij facilitatem tanto perē laudauit: de Manlij seueritate quoque honestè & sentit, & scribit. Afferit enim atrocitatem illam pænæ, filiō in oğaræ, obediētiorem fecisse duci militem: utque vigiliæ, custodiæ, & stationum ordinis intentior cura esset. Profuisse quoque eam seueritatem tunc, quando in prælium descensum est: ut faciliè conuenerit inter omnes Latinos, atque Romanos, qui eius pugnæ memoriā posteris tradiderunt,

utrius partis T. Manlius dux fuisset, eius
haud dubiè futuram fuisse victoriam. Quæ
cùm ita sint, difficile est pronunciare, vter
alteri sit præferendus? Sed nobis tamen de
hac quæstione sit pronunciandum videtur;
vt dicamus: Eum Imperatorem, qui ciuis
est liberæ ciuitatis, melius facere, si Manlij,
quam si Valerij Imperia imitetur, quòd illa
omnia publici boni causa ita administren-
tur: ad priuatam vtilitatem verò minimè
referantur: atque hinc, vt neq; clientes sibi
parare queat talis Imperator ad opprimen-
dam Rempub. neque sui ciues de illo quic-
quam tale suspicari possint. Quæ autè im-
perandi ratio publicum bonum maximè
promouet: priuati commodi quàm mini-
mam rationem habet: ea & Reipub. maxi-
mè salutaris est: & Imperatori ipsi, qui vir
bonus, & Reipublicæ amans sit, vtilissima:
cum vacet ab omni suspitione. Contrario
modo se habent Imperia Valerij. Nam etsi
idè ex ijs fructus ad Rempub. redeat: multa
tamen suspicari solent homines, de magno
illa militum erga Imperatorem beneuolèn-
tia, ne aliquando ea in Republicæ detrimen-
tum, perniciemque referatur. Valerio ipsi
certè nihil tale contigit, quod in vrbe non-
dum corrupti essent ciuium mores, nec
proinde consueti de suis Imperatoribus
malè

malè suspicari. Præsertim si non tam longo tempore exercitui præessent : Quòd si autem exercitui is imperet , qui aliàs etiam Princeps sit, ut apud Xenophontem Cyrus erat: eum Valerio quam Manlio similiorem esse decet. Nam eò spectare oportet Principem, siue domi, siue in militia sit, ut suos habeat & obediētes, & sui amantes. Obedientes erunt si illum videant esse egregiū; strenuum, legū ac disciplinæ militaris imprimis obseruatē. Amore verò eum prosequuntur, si fuerit facilis in conuersatione, atque humanus, cæterisque virtutibus polleat, quibus Valerium simul, & Cyrum excelluisse nouimus. Neque vnquam cuiquam nocere potest hæc beneuolentia militum erga illum Imperatorē, qui alioquin est eorum princeps. Nam cum vnus ille rerum potiatur, vnum illum & amare debent, & vni illi parere. Sed aliter se habet res cum is in exercitu imperat, qui ciuis est eiusdem vrbis, cuius ciues sunt & sui milites. Nam hunc decet iisdem legibus ac magistratibus parere, quibus & ipsi parere cōguntur. In Annalibus Venerorum legimus; cum eorum naues aliquando appuissent, & magna orta esset inter remiges, & populum discordia, ut ad manus pugnamque iam rediisset negotium : non potuisse iam

seditionem, vel perlictores, vel ciues, vel
vllos alios magistratus sedari: solo aduētū
Petri Lauredani tandem, qui anno superio-
ri illorum Imperator fuisset, sedatam esse:
quòd eius iussu remiges à pugna quieuis-
sent. Sed eandem illam obedientiam remi-
gum, tantopere suspectum Lauredanum
Senatui reddidisse, vt metu, ne quid aduer-
sus Rempub. moliri conaretur, eum post
paucos dies carceribus inclusum, mortis
supplicio affecerint. Itaque cùm hæc ita se
habeant, ei Imperatori imitanda sunt Vale-
rij Imperia, qui etiam extra militiam Prin-
ceps est. Illi verò qui alicuius Reipub. ciuis
est, nequaquam: quod nec sibi, neque Rei-
pub. salutaris sit. Reipub. salutaris esse non
potest hæc imperandi ratio, quòd per eam
Imperatori aditus ad occupandam tyran-
nidem præparatur. Imperatori quoq; per-
nitiosa esse solet. Nam etsi nil mali cogiter,
seipsum tamen reddit suspectum, & in pe-
riculum conijcit. Sed Manlij Imperia viro
Principi nequaquam conueniunt: Ciui ob-
esse non solent, nisi rarissimè: nimirum si
fortè insignis illa seueritas, cum tantæ vir-
tutis existimatione coniuncta fuerit, vt
nimiam inuidiam pariat, quemad-
modum Furio Camillo
accidit.

Quibus

Quibus de causis Furius Camillus in exilium pulsus fuerit?

CAPVT XXIII.

QUOD superiori capite docuimus, Valerij Coruini Imperia, neque Patriæ, neq; Imperatori salutaria esse: Manliana autē Reipub. quidem vtilia: ipsi Imperatori nonnunquam ob inuidiam nocere: id Furij Camilli exemplo, ita se habere satis commodè demonstratur. Erat enim is Manlio, quàm Valerio similior, ut milites eius virtutem admirarentur simul, atque odio prosequerentur, Liviò attestante. Nā magnanimus erat, prudens, in obeundis omnibus officiis militaribus diligēs, & rei militaris peritissimus: quæ omnia efficiebant, ut militi admirationi esset. Sed odium illi, apud plebem præsertim, conciliabat rursus, quòd seuerior in puniēdis militum delictis foret, quàm remuneranda illorum virtute. Veientanam prædam à milite, post expugnationem eius vr̄bis, captam, æstimare coëgit, & decimam partem in publicum, ad vltius sacros conferre. Triumphum deinde duxit, supra consuetum modum, cum in vr̄bem curru, equis albis iuncto, inuectus fuerit. Id enim populo non modò ciuile parum videbatur, sed ne humanum

quidem, Dictatorem Iouis, solisque equis æquiparatum: vt clarior, quàm gravior ille triumphus fuerit. Quo loco censere debemus, maximum momentum apud plebem habere, ad odium Principi conciliandum, si ab illo fraudetur emolumento aliquo insigni, iustoque. Nam qui semel re aliqua vtili spoliatus fuerit, nunquam deponere solet eius incuriæ memoriâ: præsertim cùm, ob necessitatem, subinde admoneamur rerum vtilium, quas semel amiserimus, easque magno cum direptoris odio expectamus. Secundum locū obtinet superbia, quæ liberis hominibus vehementer odiosa esse solet. Nam etsi nemini noceat, ferre tamen eam non possunt liberi homines: Itaque ab ea cauere debent viri excellentes, perinde vt à scopulis in mari, quod odium pariat. Nemo autem sapiens odium aduersus se concitare debet, sine insigni aliqua causa.

Roma ad seruitutem reducta est, Imperiorum prorogatione.

CAPVT XXIIII

REIPVB. Romanorum formam, si quis accuratè intueatur, is deprehendet, primariâ illius interitus causam, ex Agrarijs contentiõibus, & magistratuum

tuum prorogatione ortam esse. Quibus morbis, si in tempore prospectum fuisset: diuturnior esse publica libertas potuisset, magisque pacata. Nam etsi ob prorogata imperia, seditiones Romæ ortæ nullæ videantur: constat tamē eos, quib. prorogati fuere magistratus, ad tantam auctoritatem, potentiamq; peruenisse, quæ publicæ libertati perniciosa fuerit. Equidem si omnes, quibus aliquando continuati magistratus sunt, L. Quintio similes fuissent: nullum ex ea re periculum creati publicæ libertati potuisset. Nā cum inter Plebem ac Patres contentiones essent, & plebs eosdem Tribunos (quod aptos illos ad resistendum patrib. putarent) in sequentem annū denuo creasset: & Patres ob eandē causam Quintio Consulatum prorogare vellent: restitit ille vehementer, nec passus est Patres plebem, in re quæ mali exempli esset, imitarentur, magnaque contētione obtinuit, ut noui Consules crearentur. Hunc si cæteri ciues Romani fuissent imitati, nequaquam pessimo exemplo, antiquum de continuandis magistratibus Senatū cōsultum soluisent: neque etiam ex hac magistratuū continuatione, ad prorogationem Imperij ventum fuisset, quæ res perniciem Reipub. attulit. Primus, cui Imperium prorogatum

*Linus
lib. 3.*

est Romæ fuit P. Philo. Nam cum is Palæopolim obsideret, & sub finem Consulatus sui, videretur in manu victoriam habere: nullum illi successorem miserunt, sed prorogato Imperio, eum Proconsulem renuntiârunt. Sed hæc res, etsi publici boni causa à Senatu decreta fuisset, tamen successu temporis in pessimum exemplum abiit, & Reipub. tyrannidem induxit. Nam quanto magis procul ab vrbe bellum gerendū erat, rāto magis necessaria videbatur ista Imperij prorogatio. Hinc autem factum, vt pauciores ciues Romani, in re bellica excellere potuerint, cum pauciores Imperatores fierent: omnisq; belli gloria ad paucos quosdam, quibus Imperia prorogabantur, rediret. Præterea facilè poteratis Imperator, qui egregio exercitui lōgo tempore imperasset, eum sibi deuincire, vt Senatus P. Q. Romani quodammodo oblitus, solos Imperatoris fasces agnosceret. Nam ob hæc causas factum est, vt & Marius, & Scylla exercitum aduersus Rempubl. comparare potuerint, & Caius Cæsar ipsam Rempubl. inuadere, & occupare. Quæ mala nūquam accidissent S. P. Q. Romano, si illa magistratuum, & Imperiorum prorogatio nō in usu fuisset. Quod si obijcias, non potuisse res tantas geri à Populo Romano, in locis tam remo-

remotis ab vrbe, nisi cōtinuari fuissent Imperatorib. magistratus: Ad id ego respondeo, tardiùs quidem tantum Imperij fastigium fortè potuisse occupari: sed idē illud postea durabilius fuisse: nec tam citò potuisse Monarchiam, sublata publica libertate, introduci.

De Quintij Cincinati, & multorum aliorum ciuium Romanorum paupertate.

CAPVT XXV.

ALio loco à nobis disputatum, & ostensum est, ad publicam libertatem in Repub. cōseruādā, plurimum interesse, ne ciues opibus admodum augeantur. Id, vtrum aliquo statuto Romæ cautum fuerit, aut quodnam illud esset, ignorare me fateor: præsertim cū leges agrarias toties oppugnatas esse nouerim⁹. Sed hoc tamen constat, circa annum quadringentesimum à condita vrbe, plurimos Romanorum ciuium pauperes fuisse. Nec verisimile est aliā huius causam, quàm quod paupertas nemini obstaret, ad honores & magistratus quoslibet adeundos. Virtutis ratio habebatur solū, eaquē expetebatur in deligendis magistratibus & muneribus

distribuendis, quacunq; tandem seu domo,
 seu casula habitaret. Quæ res efficiebat, ut
 opes diuitiæque contemnerentur. Hæc ita
 se habere, vel vno hoc exemplo apparuit.
 Cùm Minutius Cōsul aduersus Æquos bel-
Liuius lum gerens, ab ijs circumuentus, & obfesi-
lib. 5. sus esset: tantaque iam in vrbe Roma trepi-
 datio foret, ac si mœnia obsiderentur, ad id
 remedium ventum est, quod rebus afflictis
 vnicum habebant, ut Dictatorem L. Q.
 Cincinnatum, consensu omnium dixerint.
 Hic verò, ut Liuius ait, operæ precium est
 audire, qui omnia præ diuitijs humana
 spernunt: neque honori magno locum, ne-
 que virtuti putant esse, nisi ubi effusè af-
 fluant opes. Spes vnica imperij P. Romani
 L. Q. Cincinnatus, trans Tyberim quatuor
 iugerum colebat agrum. Ibi ab legatis, seu
 fossam fodiens bipalio innixus, seu cū ara-
 ret, operi certè agresti intentus, salute data
 inuicem redditaque: rogatus, ut, quod be-
 ne verteret ipsi Rei que publ. rogatus man-
 data Senatus audiret: Admiratus togam
 properè è tugurio proferre vxorem Raci-
 liam iubet, qua, simul absterso puluere, ac
 sudore, ubi velatus processit, Dictatorem
 eum gratulantes consalutant: in urbem vo-
 cant, & qui terror sit in exercitu exponunt.
 Ille in urbem veniens, collecto mox exer-
 citu,

citu, Minutium liberauit, Equos, à quibus obfidebatur, spoliatos omnibus rebus, nudos sub iugum misit: prædam ingentē suis tantum militibus diuisit. Cōsularem exercitum ipsumque Consulem increpans. Carabis, inquit, prædæ parte ex eo hoste, cui propè prædæ fuisti: & tu Minuti, donec Consularem animum incipias habere, non consul deinceps, sed Legatus his legionibus præeris. Idem hic Dictator, Magistrum equitum in hac expeditione dixit, L. Tarquinius Patriciæ gentis, sed qui, propter paupertatem stipendiæ pedibus fecisset, bello tamen primus Romanæ iuventutis esset. Usque adeo non obstabat ijs temporibus virtuti paupertas: ut viro forti, atque egregio Quintio Cincinnato, sufficerent ad victum quatuor agri iugera. M. *Liui. li. 18.* Attilij Reguli temporibus, etiam fuisse videtur ciuium Romanorum eadem paupertas. Nam cum is in Africa contra Carth. feliciter bellum gereret, petijt à Senatu, ut liceret sibi redire in Italiam, & villam, quam mercenarij deuastassent, restaurare. Eam igitur frugalitatem Pop. Romani admirari debemus, qui non opes ex bello, sed laudem atque gloriam quærebant: prædam in ærarium conferebant. Quod si ex bello opes quærere studuissent, par-

curâſſet ille, qui in Affrica militabat, num a-
gri illius Romæ rectè colerentur an non ?
Modestiam autem & magnanimitatem ci-
uium Romanorum, quis non euehat ad
cælum vsque ? qui cum exercitui præfice-
rentur, maiores se quolibet Rege censebât.
Non reges illos, nō populi aut Respub. vl-
læ terrebant. Domum reuerſi, ac depoſito
magistratu, deinde humiles erant, parci, ad
rem attenti, & exiguorum prædiorum as-
ſidui cultores: magistratibus obſequaban-
tur, maiores ſuos in honore habebant, &
reliqua modestorum ciuiū officia tam di-
ligenter obibant, vt quis magnopere admi-
retur, in iisdem animis tantam mutationē
eſſe potuiſſe. Durauit hæc ciuium Roma-
norum frugalitas, vsque ad tempora L. Pau-
li Æmilij: quæ vltima fuit ætas Reipub. fe-
lix, fauſtaque. Nam idem comparata ingēti
præda, ærarium ditauit: parum curans, ſi
interim ipſe conſueta fortuna contentus
eſſe cogeretur: vsque adeò enim nullus ob
paupertatem contemptui habebatur, vt cū
generum, qui in eo bello præclaram operā
Reipub. nauâſſet, argēteo vaſe donâſſet: id
primum argentum fuerit, quod in illam do-
mum prius vnquam perueniſſet. Quo loco
non incōmoda occasio ſe offerret, de pau-
perrate diſſerendi, & oſtendendi, illā lon-
gè v-

gè vtiliorem humano generi, magis quæ salutarem extitisse, quàm opes : quod ob illam multæ præclaræ artes inuentæ excultæque fuerunt : quas opes & luxus postea perdere consueuerunt. Sed cùm de eadem hac re, à multis hominibus aliàs quoque sit disputatum : hoc loco eam non amplius attingemus.

Propter mulieres, magnos sepe motus excitari.

CAPVT XXVI.

A Pud Ardeates semel orta ciuilis discordia est, inter Plebem & Optimates, eò quod Virginem plebei generis, forma maximè conspicuam bini peterent iuuenes: Alter virgini genere par, ad id tutorum opera utebatur : alter nobilis, sola forma captus, quem adiuuabant Optimatum studia : idem hic matris iudicio superior erat, quæ splendidiss. nuptijs iungi puellam cupiebat. Cùm discordia hæc intra parietes componi nequiuisset, in ius vētum est. Postulato audito matris, ac tutorum, magistratus secundum parentis arbitrium dat ius nuptiarū. Sed tutores de iniuria decreti palàm concionati in foro, manu facta virginem ex domo matris rapiūt. Aduersus quos infestior coorta Optimatiū

acies, sequitur incensum iniuria iuuenem:
 Fit praelium atrox. Pulsæ plebs, armata ex
 vrbe proficiscitur, & colle quodam occu-
 pato, in agros Optimatum cum ferro, igni
 quæ excursions facit: euocataq; opificum
 multitudo ad spem prædæ, vibem obli-
 det. Parum utrique parti domi armorum
 bellique visum est. Optimates Romanos
 ad auxilium urbis obsessæ, Plebs ad expu-
 gnandam Volscos exciueret. Priores Volsci
 venerunt, & mœnibus hostium vallum ob-
 iecerunt. Eos paulò post sequuti Romani,
 firmiori munimento circumuallârunt, quâ
 ipsi urbem. Victi tandem Volsci, à Romanis
 sub iugum missi sunt, & Ardeæ res compo-
 sitæ, principibus eius seditionis securi per-
 cussis. Quo loco obseruare decet, memo-
 rabile exemplum barbarum, quæ mulierum
 causâ excitantur, quod multa talia in Re-
 bus pub. subinde & oriantur, & dudum or-
 ta sint, quæ à paruis initijs cœpta, magnas
 turbas tandem dederunt, & quandoque a-
 mittendi Imperij causâ extiterunt, Veluti stu-
 prum Lucretiæ illatum Tarquinijs, & ten-
 tata Virginiæ pudicitia, Appio, cæterisque
 Decuiris. Animaduertit Aristoteles quo-
 que id in Politicis, itaq; inter primas causas
 eiectionis tyrannidis, censet referendas esse in-
 iurias, quæ mulierib. vel per stuprum, vel per
 adul-

adulterium inferuntur: de qua re nos quoque suprà docuimus, cùm de Coniurationibus disputaremus. Itaque vel imprimis prouidendum erit in Reipub. gubernatione, ne quid tale oriaturs: & si quid tale iam ortum sit, vt ei remedium adhibeatur, antequam morbus tam altas radices agere queat: ne quod Ardeatibus accidit, nobis quoque euenire magno nostro malo contingat.

Qua ratione cõponenda sint ciuiles discordiæ: Falsũm q̃ esse quod quidam dicunt; melius sub Imperio tuo conseruari posse ciuitatem seditionibus laborantem, quàm concordem.

CAPVT XXVII.

IN reconcilianda ciuitate, discordijs ciuilib. laborante, imitari debemus Consules Romanos, & modum obseruare, quo Ardeatum res, seditione turbatas, cõposuerũt: principibus eius seditionis securi percussis, & eorũ bonis in publicum reductis. Tres enim in vniuersũ sunt modi, quibus cõponuntur in ciuitate res, seditionibus ciuilib. turbatę: quod earũ principes aut è medio tollendi sint, vt apud Ardeatres factum est: aut in exilium pellendi: aut
ad

ad pacem cum aduersarijs faciendam cogendi, & indicta pœna, ne se mutuo lædāt, prohibendi. Sed ex omnibus tribus deterior, aut sane minus utilis est postremus: quod omnino fieri nequeat, ut partes, quæ multis vtrunque cædibus, iniurijsque exacerbate sunt, pacem eam seruent, ad quam coactæ sunt per vim. Nam cū singulis diebus sese mutuo & videant, & audiant, & inter sese conuersentur, ab iniurijs abstineri non possunt: cū subinde causæ quædā incidere soleant, quibus ad iram, vindictamque permoueantur. Exemplo sit nobis ciuitas Pistola, quæ ante quindecim annos tota in Panciaticos & Cancellarios diuisa erat, ita ut armis quoque inter sese geminæ hæ factiones certarent: eoque tandem redijt res, ut neque à cædibus, neque rapinis abstineretur, sed domos etiam alij alijs diruerent. Florētini igitur, quibus curæ erat, ut eorum res componerentur, tertio modo utebantur, & pacem inter partes facere conabantur: sed interim maiores vtrunque iniuriæ subinde inferebantur, donec experientia ipsa edocti, seditionū principes partim in exiliū mittere, partim carceribus mancipare inciperent: quomodo sedati sunt motus illi, & pax in hodiernum vsque diem durauit. Sed lōgè satius fuisset pro-

proculdubio, si statim ab initio, principes illorum motuum sustulissent: Neque verò vlla alia de causa, aut tunc à nostra, aut aliàs ab alijs Rebuspub. negligitur hæc ratio cõponendarum seditionum, quàm quòd seueritatem quandam, & animi magnitudinem requirat: quæ in infirmis Rebuspub. non facilè inuenitur. Sed hi sunt errores principum virorum, qui disceptandis huiusmodi controuersijs præficiuntur, ex eo vtique dependentes, quod ad mores, & consuetudines antiquorum, parum in huiusmodi negotijs respiciant. Vsq̃ue adeò enim sunt pusillanimes, ob prauam quandam educationem, vt existiment veterum exempla aut crudelia esse, aut nimis difficilia. Et à veritate discedentes, in prauas quasdam opiniones incidunt: ex quarum præscripto de rebus arduis postea iudicant, non sine magno Reipub. detrimento. Tale est, quod per idè tempus Principes nostræ ciuitatis iactabant: oportere urbem Pistollam sub Imperio nostro conseruare, per ciuium discordias: quemadmodum Pisaniã, per propugnacula, & arces. Vtrumque autem absurdum est. Et de arcibus quid sentiendum antè docuimus. Nunc dicimus, factiones ciuium nequaquam prodesse, neque moderatoribus vrbiũ, neque Prin-

cipibus ac dominis earum, ad illos melius vel compescendos, vel in officio continendos. Primum enim, cum naturâ hominib. insita sit quædam inconstantia: nunquam fieri poterit, vt quæ factiones à te nûc pendunt: semper eodê modo erga te sint affectæ: cum modò hunc, modò illum fautorê, patronumque expetant. Quòd si quæ sunt igitur partes, in ciuitate factionibus laborante, quæ non tibi confidant, aut à te lctas esse se putent: eæ prima belli occasione ad hostem tuum deficient, causaque erunt, vt totam urbem amittas. Si ea ciuitas quæ factiones habet, sub imperio sit liberæ alicuius Reipub. lôgè maiora adhuc mala oriuntur: quòd singulæ factiones, suos patronos in Repub. quæ illis imperat, quocunq; tandem modo prehensare, munerib. corrumpere, aut alijs officijs sibi deuincire conabuntur. Ex quo id certè consequetur, vt in Rempub. quæ imperat, etiam sensim introducantur discordiæ ciuiles: quæ subinde cum magistratuum commutatione, de vno ciue in alium serpent: vt neque subdita ciuitas vnquam verè amica esse possit ei, sub cuius Imperio continetur: neque ipsius imperantis Reipub. ciues, vnquam vera certa-que tranquillitate fruantur. Animaduertit id Blondus in Hystoria Florentinorum nostrorum:

strorum : quos, inquit, dum Pistoriensium res
seditionib. turbatas componere voluerunt,
in suam Rempub. discordias civiles transtu-
lisse. Anno Salutis nostræ M. D. I. defecerat
à nostra Repub. Arretium : & Vallem Tybe-
rinam, Ciamamque vniuersam, occupauer-
ant Vitellij simul, & Valentinus dux. Ob
quam causam misit in Italiam Gallia Rex
Lantij dominum, vt Florentinis hæc loca
restituenda curaret. Is verò vt erat vir sapiens,
cùm singula loca obsequitando, vbiq; inue-
niret quosdam, qui se Marziocæ factionis
esse dicerent : vehementer factiones hasce
vicerabat : & nunquam latum Gallia
Regem asserbat, vt in aliqua vrbe cines a-
liqui se factionis alicuius esse pronuntiaret
ne Regiæ quidem. Nam si qui sint Regiæ
factionis : sequitur alios esse Regi aduersa-
rios. Non vult autem Rex aliquos sibi ad-
uersarios, sed omnes amicos, & charos esse,
cum sibi, tum inter sese, nec patitur vllas es-
se factiones. Quod igitur quidam principes
existimant, aliquas Imperij sui vrbes, non
posse domari, nisi per factiones ciuium : id
certum est eorū imbecillitatis indicium. Nam
cùm per vim eas compescere nequeant, ad
hasce artes sese cōuertunt : quæ pacis tem-
pore aliquid profunt, sed cùm bella ingru-
unt, plane sunt perniciosæ.

Observandas esse civium Actiones: quandoq; enim sub specie p[ri]vati alicuius officij, latere tyrannidis principium.

CAPVT XXVIII.

CVM aliquando fame ciuitas laboraret, Sp. Melius ex equestri ordine prædiues, rem vtilem pessimo exemplo est aggressus. Frumento nanque ex Hetruria, priuata pecunia coëmpto, largitiones eius facere instituit, plebemq; hoc munere delinire: vt eam, quâcunque incederet, supra modum hominis priuati, secum traheret, haud dubium Consulatû despondentem. Et quoniam Consulatus eripendus esset inuitis Patribus, de regno cogitare, quod id vnum dignum tanto apparatu consiliorum præmium foret. Sed cum patefactum iam esset, tela in domum Melij conferri, eumque domi conciones habere, ac non dubia regni cōsilia esse: Senatus Dictatore electo, eius vim, consiliaque oppressit. Memorabile exemplum, vt obseruemus, persæpè euenire posse, vt quæ bona, piaque officia videantur, ea in Reipub. perniciem cōverti posse, nisi remedium in tempore adhibeatur. Nō possent equidem Respub. neque gubernari, neque consistere, absque præpotentium, ac magnorum viro-

virorum auxilio : eadem verò potentia , & existimatio virtutis, instrumentum esse solet quibusdam ciuibus, ad tyrannidem occupandam. Quamobrem diligenter prouidendum in Repub. vt cùm magnates, clarosque viros habere oporteat , non nisi ex iis rebus ciues potentes existimationem, laudemque comparare possint, quæ Reipub. vtilis, ac salutare esse queant. Modi igitur expendēdi sunt, quibus auctoritatem sibi, & existimationem comparare ij ciues possunt, & prouidendum quānam à publicis officijs, muneribusque dependeat? aut priuata ambitione nitantur? Ex officio publico laudem comparant sibi ciues potentes, cùm ad munus aliquod publicum adhibiti, id benè administrant, & publico bono benè consulunt, siue in bello, siue in pace res gerantur. Quæ verò auctoritas, & existimatio his modis comparantur, Reipub. salutare sunt : debetque non modò non prohiberi quisquam, ab hac ratione laudis, & gloriæ comparandæ: verùm etiam pro politis potiùs præmiis inuitari. Illam verò existimationē formidare in Repub. oportet, quàm priuata ambitione ac largitione affectare solent ciues aliqui, quemadmodū Sp. Melium fecisse modò docuimus: & alij quidam præpotentes atq; ambitiosi ciues,

etiamnū facere cōsueuerunt, qui vt cliētes habeāt, per quos suo tempore innouare, ac perturbare Remp. possint, multis beneficijs plebē sibi deuinciunt. Itaq; legib. institutam, munitamq; Rempub. esse oportet, quib. impediuntur, arceanturq; huiusmodi ambitionum hominū conatus: Et econtrā, prēmia ijs proposita sint, qui ex re bene gesta autoritatē, & gloriam merentur. Romæ certē ijs, qui in bello se bene gessissent, triumphus pro amplissimo præmio concedebatur, & alij item honores alijs dabantur, pro ratione rerum ab ipsis gestarū. Ad compescendā verò ambitionē eorum, qui Rempublicam quocunq; modo perturbare conarentur: summū remediū erat in publicis accusationibus positum, quod diem dicere coram populo liceret, cuiq; vel potentissimo ciui: Et si minus huiusmodi accusationes aliquando sufficerent, ob plebē largitionibus corruptam: ad Dictatoris absolutum, summūq; Imperium confugiebant, qui regia quadā potentia hosce motus cōpescere, & tranquillitatem Reipub. comparabat: vt in eiusdem Spuriij Melij casu factum est, de quo paulò antè docuimus. Quod si quādo enim huiusmodi siue conatus, siue facinora impunē ferātur, ita cōmouetur Respub. vt vix restitui, sanariq; possit.

Populū

*Populi errores plerumque à principi-
bus dependere.*

CAPVT XXIX.

VIRI Principes nequaquã iniquè fer-
re debent delicta subditorum, aut i s
grauiter infensi esse propter illa: sed
existimare se causam esse eorũ: siue propter
negligentiam exigendæ poenæ: siue quod
ijsdem vitijs ipsi quoque contaminati sint.
Neque verò opus est longè petitis exemplis
id probare, ætatem nostram intueamur, &
consideremus, qui populi ob rapinas ac la-
trocinia maximè celebres fuerint. Videbi-
mus enim eorum principes ijsdẽ vitijs cõ-
taminatos fuisse. Antequam è Flaminia,
Æmiliaque pellerentur ab Alexandro vi.
pontifice Reguli ij, qui illã sub Imperio ha-
bebãt: erant eæ regiones latrocinijs plenæ.
Nã & cædes, & rapinæ quotidie frequen-
tiss. erant. Quæres nequaquam ex natura
loci, vt quidam per id tempus putabãt, sed
principum malitia oriebantur. Nam cum
essent pauperes, & nihilominus splendide,
ac magnificè viuere vellent: omnis generis
prædas, rapinasque excogitabant. Nam vt
de cæteris artibus taceamus: hæc insignis
erat illorum malitia, quod cum lata lege
quippiã publicè interdixissent: ipsi deinde

primi erant, qui in latam à se legem peccarent, ut cæteros inuitarent. Neque etiam cæterorum, qui in eandem legem deliquissent, quenquam puniebant, donec esset magnus illorum numerus: ac tunc demum, non iustitiæ conseruandæ causa, sed prædæ dulcedine permoti, pœnas ab omnibus simul grauissimas exigebant. Ex qua re hoc sequebatur absurdum, ut expoliati assiduis illis mulctis homines, ad paupertatem redigerentur: atque hinc impellerentur ad vexandos alios, quibus existimarent se viribus esse superiores: quo quidem modo vitia non emendabantur, sed ad ea homines instituebantur: dependebantque hæc omnia ex praua eorum Regulorum natura. Hisce simile est quod Liuius narrat, de legatis Pop. Romani adferendum Apollini donum, ex præda Veientana missis. Nam cum hi, naui longa Siculum fretum præteruecti, in piratas Liparenfes incidissent, Liparas deuecti, ex more eius ciuitatis, tamquam res publico latrocinio parta, diuidendi erant inter ciues vnà cum dono, quod secum ferebant, nisi Timasitheus quidam, qui eo anno in summo magistratu erat, Romanis, quàm Liparenfibus, similior, Legatorum nomen, donumque, & Deum, cui mitteretur, & doni causam, veritus esset ipse,

*Liuius
lib. 5.*

ipse, & multitudinem, quæ regenti semper similis est, eadem hac religione impleuisset, legatosque tutatus, cum præsidio, Delphos usque fuisset prosequutus. Nam hæc quoque euidenter cernis, ciuitatem Liparensum rapinis, cædibusque sub prioribus magistratibus assuetam, Timasithei tamen auctoritatem sequutam, à sacrilegio abstinuisse: ut verissimum sit, quod Laurentius noster Medicus in ore habere solebat, ex Oratore illo Romano petitur: Talis est ciuitas, quales sint Principum mores.

Arcendam esse inuidiam, si quis auctoritate sua in Rempubl. boni quippiam introducere cupit. Et quæ sit ratio urbem defendendi aduersus hostes.

CAPVT XXX.

Post captam à Gallis urbem, eandemque *Linus lib. 6.*
Camilli virtute recuperatam: desierat iam vlla contemni bella. Itaque cum Latini, Volsci, Hernici, Antiates, Hetruriaque omnis in armis esset: Senatus dijs gratias agere, quòd Camillus in magistratu esset. Dictatorem nanq; eum dicendum fuisset, si priuatus esset. Sed cum foret tribunus militum còsulari potestate: quinque illius

collegæ fateri regimē omnium rerum, vbi quid bellici terroris ingruat, in vno viro esse, sibi quē in animo destinatum, Camillo submittere Imperium, nec quicquā de sua maiestate detractum credere, quod maiestati eius viri concessissent. Camillus pro tanto collegarum obsequio, & talibus senatus de se iudicijs gratias egit, annisurum se, vt conceptam tanto ciuitatis cōsensu de se opinionem, cōstantem efficiat. Circumsederi urbem Romanam inuidia, & odio finitimorum: itaque pluribus exercitibus opus esse. Te igitur P. Valeri, inquit, socium Imperij cum legionibus aduersus hostem duco. Te, Q. Seruili, altero exercitu instructo parato quē, in vrbe castra habere placet, intētum siue Hetrusci, siue Latini, aut Hernici se mouerint. Tertius exercitus ex Causorijs, senioribus quē scribatur à L. Quintio, qui vrbi mœnibus quē praesidio sit. L. Oratius arma, tela, fumentum, quæ quē bellialia tempora poscent, prouideat. Te, Serui Corneli, praesidem huius publici cōsiliij, custodem religionum, comitiorum, legum, rerum quē omnium urbanarum facimus. Patres cum Tribunos militū cernerēt tam concordibus animis iunctos, vt parere iuxta atque imperare parati forent, optimē de bello, pace, vniuersa quē Repub. sperare.

Nobis

Nobis verò ex hoc exemplo discere licet, quantum Reipub. prodesse queat, vnus aliquis vir excellētī virtute præditus, si ea tāta fuerit, vt omnem inuidiā superare queat. Præterea nō posſo cuiusquā Virtutem tantam eſſe, quæ multum Reipub. proſit, vbi obſtant inuidi illius conatib. & glorię Euitandam igitur, extinguendamq; inuidiam, contra illos excitatam, qui patrię vehemēter prodeſſe cupiunt, idque duobus potiſſimum modis fieri poſſe dicimus. Nam in re difficili, atq; ardua primum, vbi omnes periclitari ſe cernunt: depolita omni ambitione, ad eum confugiunt, eiq; ſponte obediūt, cuius ſpectata virtus iuuare poſſe videatur. Sic enim Camillo accidiſſe vidimus, qui cū ter prius Dictator fuiſſet, ſemperq; ſe egregium Imperatorem, & Reipub. amantem oſtendiſſet: ſui verò commodi rationem non habuiſſe, & publico bono tantū incubuiſſe videretur, talem de ſe opinionem ſuis ciuib. præbuerat, vt Imperij ipſius magnitudinem, atq; potentiam nemo formidaret, nemo inuideret, nec quicquam de ſua maiestate detractum credebant, quod maiestati eius viri cōceſſiſſent. Alter extinguendæ inuidiæ modus eſt, qui ſit ſublatis inuidis tuis, ſiue fato natura li, ſiue per vim. Idque uſurpari ſolet

tunc præsertim, cum cernis tantam esse inuidiam, ut conatibus suis obstare nunquam desinant, quamuis ij Reipub. maximè salutare futuri sint. Non desunt enim, qui tanta inuidia laborent erga viros excellentes, in vrbibus ijs præsertim, quibus corrupti sunt mores ciuium, ut malint vel patriæ interitum cernere, quàm virtuti & gloriæ eorum fauere, per quos illa conseruari posset. Neq; vllum aliud esse solet remedium aduersus tantam inuidiam, quàm sublati huiusmodi hominibus inuidis. Quod siigitur tam fortunatus esse possit quispiam, ut naturali fato illi tollatur, qui obstant suæ virtuti: is sine cædibus, alijsque vllis motibus tantum malum euincere potest, & suæ virtutis specimina edere, pro salute patriæ. Si tam faustus fortunatusque esse nequeat: de alia ratione cogitandum est, qua impedimenta virtutis tuæ è medio tollantur: idq; longè prius faciendum, quàm vllum singulare virtutis exemplum edere possis. Hæc ita se habere vel ex sacris historijs comprobatur. Nam antequam Moses Dei Opt. M. iussu leges suas ratas facere posset, & id expedire, quod ille in mādatis habebat, quāplurimos homines sublato esse oportuit, qui inuidia commoti, eius obstabāt conatibus. Hanc necessitatem præclare agnoscebant,

ſcebant, cùm Hieronymus noſter Sauanarola, cùm Petrus Soderinus Florentiæ. Sed Monachus eam euincere non potuit, cùm illi autoritas & potentia deeſſet: neque ab ijs ſatis intelligeretur, quĩ illi auxilio eſſe & potuiſſent, & debuifſent. Non deſuit illi tamen officio ſuo, vt ex ipſius Concionibus apparet, quibus inuehit contra ſapientes huius ſeculi. Nam hoc modo nuncupat inuidos illos, qui ipſius doctrinæ, & vitæ inſtituti obſtabant. Soderinus verò fore ſperabat, vt beneficijs aliquando, ac recta viuendi ratione hos ſcopulos ſuperaret, præſertim cùm & iuuenem ſe adhuc eſſe intelligeret, & nouos ſubinde clientes, amicosque conciliari ſibi cerneret: Itaque ab omni violento motu cauebat, ignorans, quòd vbi tanta hominum malicia obſtat, fruſtra expectatur commoda rerum gerendarum occaſio; quòd maligni illi homines nullis neque dõnis, neq; officijs placari poſſint. Vterque horum igitur interijt tandem, alter, quòd inuidiam ſuperare nequiuiſſet: alter quòd eam, vt conueniebat, oppugnare in tempore neſciuiſſet. Hæc in Camillo obſeruari hoc loco oportet; quemadmodũ etiam ratio, quam in defendenda vrbe obſeruarit, non in alium finem proculdubio expreſſa ab hiftorico, quàm vt exemplũ

haberemus ad imitandum. Voluit Camillus exercitum à se conscriptum, in vrbe castra habere, ad eius custodiam. Quamuis enim ciues illi aliàs homines bellicosi essent, & imminente necessitate arma capere potuissent: satius tamen putauit tantus Imperator, in rebus præsertim afflictis, vt antequam ex vrbe exercitum educeret in hostem, domi omnia parata essent scriptique milites quibus noua, si quæ orirentur, pericula propelli liceret: nec concedunt, vt tandem, cum necessitas vrgeret, tumultuariè homines ad arma vocare oporteret. Id enim sapienti Imperatori vnice cauendum, ne ad vrbis defensionem, tumultuario quodam modo ciues vocare necesse sit: sed prouidendum longè priùs, vt singuli ad certa quædam munia obeunda, certis locis atque temporibus decreti constitutiq; sint: cæteri verò omnes intra suas aedes contineantur, easque solas defendebat, cæteris actionibus sese nequaquam immisceant. Nam qui secus faciet, urbem aduersus hostem, eam oppugnantem, nequaquam commode defendet.

Respu-

*Respublic. potentes, & viros excellentes,
sibi semper similis esse, quacunque tan-
dem fortuna aspiaret.*

CAPVT XXXI.

INTER cætera, quæ à M. Furio Camillo, ceu virtutis certa argumenta, dicta factaq; memorantur, illud etiam fertur, quod milites ad prælium hortatus, dixerit, Romanos semper eosdem esse, ac similes sui: sibi verò neque Dictaturam animos vnquam fecisse, neque exilium ademisse. Nobis igitur discendum hinc, quod viri excellentes semper eodẽ modo affecti sint, quacunque tandem fortuna fruantur. Neque enim aut secundis rebus efferuntur, aut aduersis magnopere deterrentur: vt fortuna in ijs nihil habere dominij videatur. Contrario modo agunt pusillanimi viri, atque viles. Nam rebus secundis vique adeò superbiunt, & efferuntur, vt inebriati prospera illa fortuna videantur, existimantque tantam esse suam virtutem, vt & hanc fortunam pepererit, & aliã huic similem semper parere queat: Sed cùm aduersa tempestas oritur, tantopere terrètur, vt omnem spem abijciant, ceu viles abiectique planè homines. Atque hæc causa est subitæ eorum mutationis.

tationis fortunæ. Nam qui viri Principes ita affecti sunt, ij magis de fuga cogitant, in huiusmodi aduersitatibus fortunæ, quàm vt defendere se suosque conantur: propterea quòd. secundis rebus malè vti sunt, neque sese præparârunt, vt aduersis venientibus ventis, forti animo resistere possent. Hæc naturarum diuersitas, non in singulis hominib. tantùm, sed in vniuerso populo, & ipsis Rebus pub. deprehenditur. Quod vt ita se habere intelligamus, conferamus inter se Romanam illam Rempub. quæ sub Consulibus suis bellum gerebat, cum Republic. Venetorum, quæ patrum nostrorũ, ac nostræ etiam memoria floret. Romani illi nulla aduersitate fortunæ tâtopere terrebantur, vt animum desponderent, neque secundis rebus vnquam tantopere inflati erant, vt vel superbi, vel insolentes fierent. Clades ad Cannas accepta, P. Romano vehemens, atque terribilis fuit, quod tertia esset earum, quas in Italia maximas accepissent. Sed eâ nequaquam tantopere territi sunt, vt quicquam commiserint, quod antiquæ P. Romani dignitati repugnaret. Nam de bello continuando cogitârunt, nouos exercitus conscripserunt, captiuos ex hoste, contra antiquam consuetudinem, redimere noluerunt, pacem autem neque
ab An-

ab Annibale, neq; à Carthaginensibus perierunt: sed seruos, & seniores quoq;, continuâdi belli causa, armârunt. Quantum rerum omnium certior factus Hanno, ostendit in Senatu Carthaginensium, quàm parû fiducia ipsi in illa victoria ponendû esset. Romanos igitur cernimus rebus aduersis nunquam magnopere terreri solitos, aut animos minuire: Sed neque prosperis rebus superbiebant vlllo modo, quòd victis Regibus ac populis magno semper animo ac singulari clementia ignoscere solerent. Vnum verò eorum animi moderationis argumentum esse potest, pax, cùm Antiocho facta. Nam cùm, antequam prælium committeretur, Antiochus per suos legatos pacem à binis Scipionibus petiisset, & impetrâset eam quidê, sed iniquioribus, quàm eam admittendam censeret, cõditionibus: commisso prælio, victus Antiochus denuò pacem petijt à Victoribus Romanis: eamque ijsdem conditionibus à Victoribus impetrauit, quas priùs repudiâset. Etsi enim Zeufis, Antiochi legatus, à Victoribus, iussu Regis, quibuscunque tandem conditionibus veniam, pacemque impetrare conaretur: Romani tamen tanta victoria neutiquam elati animo, per Scipionem Africanum ita responderunt: Romani sumus, &

*Liuius
lib. 37.*

à dijs immortalibus animos habemus, qui nostræ mentis sunt, quolq; eisdē in omni fortuna gelsimus, gerimusque: neque eos secundæ res extulerunt, neque aduersæ minuerunt. Posteaquam Hellepontū traiecimus, priusquam castra regia, priusquam aciem videremus, cum communis Mars esset, incertusq; belli euentus, de pace vobis gentib. quas pares paribus ferebamus conditiones, easdem nunc victores victis ferimus. Sed longè aliter facere solent Veneri. Secundis enim rebus vsque adeò efferruntur animis: vt Galliæ Regē olim S. Marci filium nuncupauerint, tamquam si virtute sua, quæ nulla est, tantum imperiū peperissent: semperque id eodem modo aucturi, & tandem Imperium, Romano olim simile, paraturi essent. Vsque adeò scilicet omnes Italiæ Principes, ipsamque Ecclesiā Romanam præ se se contemnebant. Sed idem illi, cum aliquādo aduersa tempestas orta, cladem quandam iuxta Vailam attulisset, vt à Galliæ Rege cælos aliquot suorum amisissent: Vno propemodū die vniuersum Imperium amiserunt: partim deficientibus eorum subditis ad hostes: partim quod ipsimet, impetrandæ pacis gratia, cum Pōtifici, cum Hispaniæ Regi multa tradiderint. Tantaque fuit eorum animi

ini consternatio ac metus, vt literis ad Cæsarem per legatos missis, tributū annum illi promiserint, & Pontificem ad sui misericordiam flectere, tanta animi submissione conati fuerint, vt illorum timiditas, & pusillanimitas illinc facile apparuerit. Ad tantam verò calamitatem quatuor dierum spacio peruenerunt, eorum exercitu vno in prælio, vix dimidia parte consumto. Nam cum inter recedendum eis pugnandum esset: ita oppressi sunt, vt multi tamen euaserint: & vt eorum Imperator, Veronam cum vigintiquinque millibus incolumis peruenerit. Vt si quæ virtus in ea Republic. ac rei militaris peritia fuisset, facile potuissent collecto nouo exercitu, hosti rursus sese opponere: quem si vincere nequiuissent: potuissent tamen, aut melioribus conditionibus pacem impetrare, aut saltem maiori cum laude superari: Sed tanta fuit eorum pusillanimitas, malaque institutio ad militarem disciplinam, vt vno eodemque die & Imperium, & Vires, & Animos amiserint. Neque verò fieri potest, vt aliter ijs eueniat, qui secundis rebus tantopere superbiunt, & aduersis terrentur: quòd hæc consuetudo oriatur ex praua institutione, qua homines inepti fiunt ad quamcumq; fortunam moderatè ferendā,

Quòd si verò rectè instituantur à teneris, vt rerum humanarum varietatem obseruare discant: fortiores, melioresque ciues fiunt, vt neque prosperitati fortunæ nimium cōfidant, nec aduersitate perturbentur. Ex singulis autem ciuibus benè aut malè institutis constat Respublic. & firmior, aut imbecillior redditur, prout illi melius, aut deterius instituti fuerint. Iam antè autē à nobis sæpè ostensum est, & nūc repetere non piget, Imperiorum omnium fundamentū, esse in militari disciplina positum: qua sublata nullæ nec leges, nec instituta in ciuitate salutaria esse possunt, ad nostri defensionem. Ea autem bona est disciplina militaris, quæ multis exercitijs confirmatur: Itaque constare militiam oportet ex nostris ciuibus, non alienis, ac stipendiarijs hominibus. Quomodo enim exerceri queat domi, nisi constet ex nostris ciuibus? Stipendia enim peregrinis perpetuò soluere, vt eos penes te habeas, instituasque: id potèrissimis quoq; Rebuspublic. graue est. Camillus certè in ea expeditione, cuius paulò antè fecimus mentionem, cū perturbatos suorum militum animos comperisset, propter multitudinem hostium, in equum insiliit, & antè signa obuersus in aciem, ordines interequitans, eorum tristitiam, & cuncta-

cunctationem reprehendit, & cum multa ad excitandos eorum animos in rem præsentem dixisset: tandem rem vno quasi facite comprehendens, Simul concurrite, inquit, quod quisque didicit ac consuevit, faciet: Vos vincetis: illi fugient. Nam ex hoc loco cernere licet, Imperatorem in præliū descendente tantundem dixisse, ac si nihil noui faciendū militibus iā foret, quod non prius, cū domi in pace, tum in bello facere & didicissent, & consueuissent: & proinde exercēdos milites ad officia militaria, longē prius quā in aciem descendant. Nam qui nihil strenuē didicerunt, nil ardui attentare cōsueuerunt, ijs, ne si Annibal ipse imperet, cōfidere possis, quod rem præclare gesturi sint. Nam dum comminus pugnatur, non potest Imperator omnibus locis ipse met præsens esse: quò sit vt necessariò illi sit pereundum, nisi locis singulis tales habeat milites, qui in aciem distributi, mandata Imperatoris exequantur, & virorum fortium officia faciant. Quę cū ita se habeant, Romanorum disciplinam militarem decet imitari: qui ciues suos officijs militaribus, cū domi in pace, tum foris in bello, perpetuò exercebant, talesque efficiebant, vt cū in aciem descenderent ad pugnandū: nihil noui, nihilq; non consueti

facere viderentur : Atque hinc accidebat, vt quæcunque tandem fortuna aspiraret, eosdem tamen animos semper gererent, nihilque vnquam facerent, quod dignitati Pop. Romani repugnaret. Quæ autem Respublic. ciues suos inermes habet, nec officijs militaribus eos vel adhibet, vel exercet : eam fortunæ varietati obnoxiam esse oportet, vsque adeò, vt aduersis tempestatibus, nulla virtutis singula exempla edere queat, perinde vt de Venetis antè docuimus.

Quæ ratio à quibusdam in perturbanda Republic. ac pace frangenda, obseruari soleat ?

CAPVT XXXII.

DEfecerunt à Pop. Romano Circei simul, atque Velitræ, Colonix, ea spe ducti, quòd à Latinis putarent se còtra Romanorum vim posse defendi : Victis autè Latinis, cum se spe sua frustratos cernerent : deliberabāt de mittendis Romanis oratoribus ad veniam petendam. Sed qui autores ipsis fuerant rebellionis, huic consilio obstabāt, quòd fore putarent, vt pœnæ sibi solis essent persoluende. Hoc autem vt commodius perficerent, omnia quæ pacis consi-

consilia irrita redderent: concitata multitudi-
 ne, in agros Romanorum excurrerūt,
 & prædas inde abegerunt. Horum igitur
 institutum si sequi voles: facile omnē spem
 consequendæ pacis intercipientes: quod is,
 qui tale quoddam facinus patrauit, ab eo,
 in quem deliquit, supplicij metu, nunquam
 pacem sit petiturus. Principem igitur tuum
 auertere poteris, & impedire, quod minùs
 cū alio aliquo pacem, aut fœdus ineat: si
 curaueris, vt magnum aliquod facinus ad-
 uersus illum perpetret. Sic enim, ne si of-
 ferantur quidem conditiones pacis æquæ,
 acceptare illas audebit, vel sola conscientia
 sceleris permotus. Post primum bellum
 Punicum, pace facta redierunt in Africam
 Pœni quidam milites, qui sub Carthagi-
 nensium imperio in Sicilia, ac Sardinia mi-
 litauerant: & cū ijs stipendia à Carthagi-
 nensibus non soluerentur: arma aduersus
 illos sumpserunt, & Matho Spendioque
 ducibus, aliquot eorū vrbes occuparunt,
 ac diripuerunt. Carthagenenses ne pugnā-
 dum esset, Asdrubalem, cuius auctoritatem
 apud ipsos multum posse putabant, cum
 in bello prius illorū Imperator fuisset, Le-
 gatū miserūt, vt de pace cum illis ageret,
 Spendius autem, & Mathus impediendæ
 pacis hæc rationes inuenerunt, vt

& Asdrubalem, & alios quoscunque haberent Carthaginiensium apud se, interficeret & diris supplicijs lacerarent. Cui facinorosi hoc quoque scelus adiecerunt, ut iureiurando omnes adegerint, non passuros se quemquam Carthaginiensium vivere, qui in ipsorum manus veniret; sed omnes iisdem supplicijs affecturos. Atque hoc modo & irritam fecerunt pacis tractationem, & militem contra Carthaginienses exacerbârunt.

Ad victoriam ex praelio obtinendam, oportere milites audaces esse, & cum suis proprijs viribus, tum Imperatoris virtuti confidentes.

CAPVT XXXIII.

AD vincendum, & praelio superandum hostem, necesse est ut exercitum habeas, qui hoc sibi persuadeat, se facturum esse, ac facere posse. Cōfidentia autem illa oritur ex bona militari disciplina, & cōuenienti omnium rerum administratione. Inter cætera verò hoc etiam requiritur, ut cognoscant se mutuo milites, tanquam si enutriti quasi simul sint. Imperatorem verò imprimis talem esse oportet, ut eius existimatio apud militem magna sit, & talis, ut de illius virtute, prudētiāque nullo modo dubi-

dubitare possit. Vt autem eam sibi comparare possit, prudenter omnia administranda sunt & accuratè, vt vel ipsis testibus tua virtus enitere videatur. Imprimis verò curandum, ne frustra militem laboribus fatiges, aut delicta præsertim graua, impunita relinquantur: quæ verò promittit, seruare debet, & victoriæ viam facilem ostendere, quæque ei obstare videntur, aut planè celare, aut si patefiant, eorum vim minuere verbis, & extenuare. Quæ omnia si rectè obseruentur, permagnum pondus habent, cum ad auctoritatem Imperatori conciliandam, tum ad victoriam comparandam. P. Romanus ad hæc omnia religione utebatur: Itaq; auspicato & ipsos Consules creabant, & delectus militum habebant, & exercitus educebant, & prælia cōmittebant: nec quicquam horum à sapiente Imperatore vnquam factum, quin priùs auspicia cōsuleret, vt deorum immortalium voluntate atque iussu bella gerere viderentur: ex quo fiebat, vt miles certam, atque promissam à Dijs victoriam fore cōfideret. Quòd si quis Imperator contemptis auspicijs infeliciter prælio dimicasset: eas pœnas luebat, quas Claudius Pulcher seluere coactus est, cum aues, quæ non pascebantur, iussisset submergi. Huiusmodi exemplorum

*Liuius
lib. 10.*

pleni sunt omnes historiæ Romanæ libri: è quorum numero si euidentiss. aliquod habere cupis, Appium Claudium audi, contra Tribunitiam potestatem in hunc modum differentem: Eludite nunc religionem, inquit. Quid enim si pulli non pascantur? si ex cauea tardius exierint? si occinuerit auis? Parua sunt hæc: sed parua ista non contemnendo, maiores nostri maximam hanc Rempub. fecerunt. Ob eam nimirum causam, quod coniunctam cum habeant religionem, animos militum in officio continerent, confidentesque efficerent. Necesse est tamen, cum hac confidentia virtutem coniunctam esse, quod ad victoriam comparandam sola nequaquam sufficeret. Exemplo esse possunt Prænestini, qui aduersus Romanos bellum gesturi, castra posuerunt ad Alliam flumen, ut ex eo ipso loco agrum Romanorum popularentur, quo illi prius à Gallis fusi, & in fugam coniecti essent: fatalem se vrbi Romæ locum cœpisse iactantes: similemque inde pauorem, ac fugam futuram, quæ bello Gallico fuerit. Nam si diem contactum religione Romanj timeant, quanto magis Alliensis die, Alliam ipsam monumentum tantæ cladis reformidare eos oportebit? Sed cum inanum rerum cogitationes, ac spes secum animo

volute

voluerent, & fortunam ex loco pendere putarent: Romani econtrà, ubicunq; esset Latinus hostis, satis sciebant eum ipsum esse, quem sæpè ante decuissent, Virtutem-que suam talem esse, quæ nullis locorum difficultatib. succumberet. Itaque ad suos Q. Cincinnatus Dictator sic loquutus est: Videris Prænestinos, loci fortuna fretos, ad Aliam constitisse? At nos freti armis, animisq; , concitatis equis mediàm aciem inuademus. Et rectè quidem. Vera enim virtus cum militum robore, & disciplina militari coniuncta, multis victorijs confirmata, leuibus huiusmodi hostium momētis, nequaquam perturbatur. Nam & miles ipse sine duce, fortis, atq; rebus bellicis exercitatus non facilè perturbatur: veluti accidit Manlijs Consulib. aduersus Volscos, bellū gerentibus Qui cū exercitus bonā partē frumentatum temerè misissent, & interim ab hostibus obsiderentur diuersis in locis omnes: euasere tamen nulla ducū prudentiā, sed propria virtute: vt de ijs rectè Liuius dicat. Militum etiam sine Rectore, stabilis virtus apparuit. Fabij verò industria, ad confidentiam militibus excitandā, summa fuit: cuius vnū exemplum memorabile extat. Nā cū in Tuscos, nouos hostes pugnandum esset; adduxit militibus varias

rationes, quibus probabat vinci hostes posse: & præter illas omnes, vnum adhuc sibi argumentum esse dixit certissimæ victoriæ: sed id tale esse, quod nondum publicè explicari oporteret, ne fortè hostibus innotesceret.

*Quæ voces, opinionēsq; Ciuicuiuspiam apud
Populum fauorem conciliare soleant? &
vtrum ille, an verò Princeps honores
res melius distribuere
noverit?*

CAPVT XXXIIII.

IAm antè à nobis ostensum est, qua ratione T. Manlius, qui Torquati nomen postea obtinuit, Patrem aduersus Marcum Pomponiū, Tribunum plebis, defenderit, cū diem illi dixisset. Ea verò etsi violenta, & extraordinaria esset: quia tamen ex iusto filij in patrē amore, ac pietate dependebat, & cum quadam animi fortitudine coniuncta esse videbatur: magnam illi apud Populum Romanum gratiam, & estimationem conciliauit: vsque adeò vt nō modò non reprehensus à quoquam fuerit, ob tantum facinus: verū etiam mox ad honores euectus. Nā cū paulò post creandi essent tribuni militum, ipse vnus factus

Atus est, & secundus in ordine renuntiatus.
 Quo loco se opportuna occasio offert, ob-
 seruandi modum, quem sequi solet Popu-
 lus, in honorum distributione eligendisq;
 magistratibus: & utrùm rectè à nobis priùs
 dictum sit, meliùs hac in re populum, ma-
 gisque consideratè, quàm Principes faciât,
 iudicare solere. Sequitur enim vulgi opi-
 nionem Populus, & de vnoquoque ita iu-
 dicat, sicuti de eo fama fert: nisi virtutis suę
 memorabile aliquod exemplum ediderit,
 quo sibi & famam, & existimationem com-
 parauerit. Tres enim in vniuersum mihi vi-
 dentur esse res, per quas existimationem
 aliquam apud Populũ comparare possis:
 & earum quidem primum locum obtinēt
 maiores tui, ex quibus prognatus es: qui si
 viri fortes, atque excellentes fuerint, simi-
 lem de te spem, atque opinionem apud ho-
 mines excitabunt: soletque eò vsque dura-
 re hæc de illis opinio, donec re ipsa contra-
 rium ostendant Secundum locum obtinet
 vitæ tuę ratio. Itaque non nisi cum viris e-
 gregijs, & virtute præditis conseruari o-
 portebit, vt similem de te opinionem exci-
 tes: nam talem te homines esse opinantur,
 quales ij sunt, cum quibus conuersaris. Ne-
 cessumque quodammodo videtur, vt simi-
 litudo aliqua sit inter eos, qui subinde si-

mul sunt. Summum deniq; instrumentum
côciliandę tibi autoritatis, atque existima-
tionis est, si aliquid vel publice vel priuatim
patraueris, quod honestum simul ac me-
morabile sit. Longeque certiora sunt iudi-
cia, quę ex hisce argumentis desumuntur,
quàm quę ex binis prioribus dependent.
Nam quę sumuntur & ex parentibus argu-
menta virtutis, admodũ dubia sunt, & se-
pè hominibus imponunt: nec quicquã cer-
ti continēt, donec res ipsa suo tempore te-
stimonium suppediter. Quę ex vitę ratio-
ne & amicitijs, quas colis, sumuntur, ali-
quanto hisce certiora sunt, nondum tamen
tam firma, vt quę ex actionibus & rebus
gestis colliguntur. Nam omnis quę de ali-
quo cōcipitur spes, & existimatio virtutis,
siue propter maiores, siue propter homi-
nes, cum quib; conuersaris tota tamen illa:
sola nudaq; opinione nititur, donec re ipsa
memorable quippiam patraueris, ex quo
documentum tuę virtutis constet. Pluri-
mum igitur possunt, ad cōciliandam vel
bonam vel malam existimationem apud
populum, quę principio statim ætatis à te
memorabilia patrantur, siue bona, siue ma-
la: vsque adeò, vt nec faciliè aboleatur earũ
memoria, alijs contrarijsq; actionibus. Ita-
que in id studium vnicè incũbere debent,
qui

qui in Repub. emergere cupiunt: vt prima
 etate alicuius singularis virtutis documen-
 ta edant. Romæ id certè ita factitatum est
 à multis: quamobrem solebant aliqui vel
 legem aliquam rogare, quæ Reipubl. salu-
 taris futura videretur: aut potentem ali-
 quem ciuem, qui in leges delinqueret, ac-
 cusare: aut aliquid aliud facere, de quo ne-
 cesse esset sermones apud multos haberi.
 Nec semel tantum fuerit tale quiddam pa-
 trandum, sed iterum atque iterum, nouis
 virtutum documentis, rerum iam ante ge-
 starum memoria renouanda, cõfirmanda-
 que, vt præclare de te sentiant homines. Ita-
 que T. Manlium hic licebit imitari, qui cum
 patrem primò defendisset forti animo, &
 pietatis suæ egregium documentum ea in
 re edidisset: paucos post annos singulari
 certamine cum Gallo pugnavit, eum vicit,
 & detracto torque ex eius collo, Torquati
 nomen est adeptus. Et cùm ad maturam
 ætatem peruenisset, Iustitiæ atque severita-
 tis documenta, in filio quoque edidit: quæ,
 quod aduersus edictum suum, in hostem ex-
 tra ordinem pugnasset, securi percussit: quã-
 uis hostem, à quo prouocatus erat, interfe-
 cisset videlicet ne posterì haberent exem-
 plū soluendæ militaris disciplinæ. Quibus
 ternis suæ virtutis documentis, tantam no-
 minis

minis celebritatem sibi comparauit, quantum illi nulli triumpho, aut victoriæ comparare potuerunt. Et meritò sanè: neque enim vnus ille fuit, qui victoriam egregiam de hostibus abstulit: sed multos habuit ciues, qui illi in hac re & pares, & superiores fuerunt: sed in ternis hisce exemplis, aut nullos, aut certè paucissimos similes habuit. Scipionem quoque non tam celebrè fecère tot præclaræ victoriæ, atque triumpho, quàm exempla pietatis in patrem, patriamque demonstratæ. Nam patrem ad Athesin fluuium defendit: & iuuentutis Romanæ nobilissimos quosque; post Cannensem pugnam, per vim iuramento adiegit, ne patriam desererent, cùm tantæ claudis metu ex Italia ad Regum quempia aufergere decreuissent. Hæc namque exempla virtutis in prima ætate edita, aditum illi ad reliquas Hispanicas & Africanas victorias aperuerunt. In quibus subinde aliquid præclari gerens, conceptam de virtute sua opinionem, magis magisque constātem effecit. Tale quiddam fuit, quod in Hispania filiam patri, & sponsam viro incorruptam restituit. Neque verò in Repub. solū, & inter eosdem ciues, debet esse hoc studium comparandæ autoritatis, in ipsa ætate tenera, per aliqua singularia virtutis documenta:

cumenta : sed multò magis in Principibus, & Regibus, ut à subditis in honore habeantur. Nihil enim esse potest, quod principi maiorem apud subditos auctoritatem conciliet, quàm si in tenera statim ætate, dictis factisque exemplum ediderit alicuius præclaræ virtutis, iustitiæ præsertim, magnanimitatis, liberalitatis, & aliorum hisce similium. Nam in proverbum etiam abire solent, apud subditos, quæ à principibus memoratu digna aut fiunt aut dicuntur. Hæc cum ita se habeant, Populus, qui in distribuendis honoribus, rationem habere solet terrarum rerum, quibus diximus existimationem civibus comparari : nequaquam ineptè iudicat : maximè verò si nitatur continuis virtutum exemplis. Nam hæc nunquam decipiunt : & in iuuenibus documento sunt de reliquæ vitæ ratione. In ijs verò, qui ad maturam ætatem peruenerunt, & vitæ suæ rationem per longam experienciã restatam fecerunt, minus etiam errare solet populus, quàm Principes, si ad officia quædam nova magnaque adhibendi sint. Nam qui errores populo incidunt, plerunque evenire solent ob falsam existimationem, quam de hominibus concepit : quod, famâ ipsâ seductus, res maiores gessisse illos existimet, quàm re vera gesserint : à quo

errore Principes magis sibi cauere solent, propterea quòd certius de virorũ magnorum rebus aut bene aut malè gestis erudiatur. Sed in Rebus publ. benè institutis, videtur etiam ratio quædam inuenta esse à legislatoribus, quo populus rectè erudiri, doceri què possit, de virtutib. ac vitijs eius, qui ad magnam aliquam rem administrandam eligendus sit. Id què, per conciones publicas, quæ concessæ sunt omnibus, qui vel in laudem, vel vituperiũ eius dicere volunt, qui ad magnum aliquod munus administrandum, sit eligendus. Id verò Romæ obseruari solitum fuisse, docet oratio Fabij Maximi, quam aduersus T. Octacilium habuit. Nam cum populi Romani suffragia in eum inclinarent, Fabius econtrà, graui oratione demonstrauit, eum non esse tantum virum, qui Consulatum, ex dignitate P. Romani ijs temporibus administraret, quo Respubl. Punico bello implicita foret. Quæ cum ita sint, populum dicimus, in distribuendis honoribus niti argumentis, quæ ex cuiusque vita per famam, & signa quædam colliguntur: & si consultores in hisce rebus bonos habere posset: vt Principes plerunque habent: longè minùs delinquere, quàm Principes. Fauorem autem populi commodissimè sibi conciliabit, in
primà

prima ætate ciuis egregius , si documenta
alicuius excellentis virtutis , dictis , factis-
que declarauerit : vt T. Manlium imitari
velle videatur.

*Quæ pericula iis incumbere soleant, qui
consilij alicuius autores sunt, præ-
sertim in rebus arduis, atq;
periculosiss?*

CAPVT XXXV.

NIMIS longum foret, si ex professio
disputare vellemus, de ijs omnibus;
qui in reb. magnis atq; periculosiss:
Reipu. autores sunt alicuius cõsiliij: & ostē-
dere quāto illi in discrimine versentur. De
ijs igitur solummodo disputabimus hoc lo-
co, qui cū sint aut Principis, aut Reipub.
cõsiliarij, mordicū sententiā aliquā tuen-
tur, & cōtra multorum suffragia euincunt,
vt ex suo ipsorum suasu, hortatuque, ma-
gnū aliquod negotium suscipiatur. Pri-
mū enim obseruare oportet, ex rerum
euētu, solere homines iudicare de cõsilijs:
qui si infaustus sit, atq; infortunatus, in vnū
cõsiliij autorem refertur. Si verò felix, fau-
stusque fuerit, laudatur ille quidem etiam,
sed longè minus, quā vituperari soleat;
cū res malè successerit. Is, qui etate nostra

filiarij virorum Principum , ac Rerumpub.
 vt si non suaferint liberè id, quod ex vfu esse
 videatur, officio suo desint: si verò id auda-
 cter fecerint , periculum subire cogantur
 cùm vitæ , tum fortunarum : eò quòd hæc
 sit humanarum rerum ratio, vt ex solo euē-
 tu consilia , bonane an mala fuerint , iudi-
 cari soleant. Quæ dum mecum cogito, hoc
 vnum habeo præceptum, quod huiusmodi
 Cōsiliariis præscribam: vt moderatè vtrun-
 que extremorum intueantur. Quod existi-
 mauerint faciendum esse , liberè illi quidem
 suadeant , sententiàmque suam argumen-
 tis, quib. eam amplectuntur , tueantur : sed
 hoc tanta animi moderatione faciāt, vt qui
 eam sequuntur aut Principes , aut Respub.
 non magis tuo instinctu, sualūque id fecisse
 videantur, quàm sua ipsorum libera volun-
 tate. Neq; enim verisimile est , si quis Prin-
 ceptus lubens , volensque in tuam sententiā
 pedibus iuerit : eum postmodum pœnas à
 te exigere velle, si minùs fortunatus euen-
 tus fuerit quemadmodum id aliàs fieri so-
 let , si quando aduersus multos cum perti-
 nacia quadam euiceris , vt Princeps tuum
 consilium amplectatur : eò quòd multi illi
 tunc, cùm rei euentus infelix fuerit, cōiun-
 ctim te oppugnare , ac perdere conabun-
 tur. Et quamuis cōsiliū eius, qui id cum

illa moderatione, de qua diximus, suaserit, nequaquam tanta laus atque gloria consequatur, rebus benè succedentibus, quàm si magna contétione fuisset obtentũ, aduersus multos contrarium suadentes: tamen si res deinde malè succedat, longè tutius est: adeoq; duplici de causa alteri præferendũ. Primum enim in malo rei euentu, caret eo periculo, quod eos manere solet, qui magna contétione suaserũt. Deinde si Aduersario tuo consiliũ, quod aduersus sententiã tuam moderatè propositã, euicit, infortunatè succedat: non exigua laus ad te, atque gloria redundabit, ob consilium bonum, quod repudiatum sit, nõ sine magno malo Reipub. Nam et si bonus ciuis ex publico malo laudem quærere non debeat: neque ea, quæ spõte inde euenit, magnopere gaudere: tamen cùm res iam facta est, satius est approbari consilium tuum etiam ab hostibus tuis, quàm te ob id ipsum periclitari. Aliter igitur agendum nõ censẽo, nec Principum, nec Rerumpub. consiliarijs, in huiusmodi arduis rebus, quàm vt cum moderatione quadam consulant. Tacere enim omnino, quæ faciẽda censes, nequaquam decet. Nam id non pertinet ad promouendam vtilitatem publicam: Deinde non potest etiam ille periculo carere, qui ea silen-

tio

tio premit, quæ utilia fore iudicabat. Nam suspectus propediem reddetur, perindeq; illi poterit euenire, vt Persei, Macedonum Regis, consiliario. Nam cum is à P. Æmilio *Linus* victus, ex prælio fuga salutis sue consulere, *lib. 44.* & ex amicis consiliarijsq; inter fugiendum, quidam illi obijceret errores, propter quos in tantum periculum incidisset: Rex ægrè ferens, nimis tardè hæc sibi iam patefieri, atque obijci: consiliarium illum gladio confecit. Itaque non immeritò pœnas luit, consilij nō exhibiti suo tempore: quod si prius cum prodesse poterat, ea qua decebat moderatione proposuisset, sibi simul, atq; Regi suo profuisset, & periculum istud euitasset.

*Quibus de causis Galli in primo conflictu
feroces esse putentur? Paulò post
pusillanimes timidiq; vi-
deantur?*

CAPVT XXXVI.

FEROCITAS Gallieius, qui in Pontem Anienis fortiss. quæq; Romano- *Linus* rum prouocabat, ad singulare certamē *lib. 7.* & paulò post à T. Mâliō Torquato interfectus fuit, admonet me hoc loco, vt expendamus id, quod à T. Liuiō aliquoties pronuntiatur: Gallos in primo congressu fe-

rocissimos esse: paulò pòst timidos pusillanimesq; fieri. Qua de re multi differentes: pronuntiant tandem, huius rei causam, in ipsorum peculiari quodam affectu naturæ consistere. Ego verò facilè confiteor, hanc eorum naturam esse: sed idem contendo, eam posse emendari, ita vt quæ ferocitas à pugnae initio apparet, eadem vsque ad exitum perduret. Cuius rei demonstrationem hinc exordior: quòd triplex omnino sit Exercituum discrimen. Quidā enim Exercitus audaciam ferociamque coniunctam habent, cum ordine & disciplina militari: ex qua disciplina militari & ordine, videntur ferocitas & audacia ortæ. Ac tales erāt Exercitus Romanorum, vt ex omnib. historijs facilè constat, in quibus, per longam rerum experientiam, singularis disciplina introducta cernebatur. Nil in ijs nisi certo ordine, & in Imperatorum iussu fiebat: non edebant, non emebant, non dormiebant, nisi certo quodam ordine, & interueniente Consulis decreto. Hi soli ergo Romanorū Exercitus, qui virtute sua totum prope orbem subiugarūt, nobis ad imitandū exemplo esse debent. Qui aliter agunt, malè faciunt: & quamuis præclari quippiam aliquando patrent: id tamen non tam virtuti illorum, quàm fortunæ tribuēdum est. Sed
vbi

vbi audacia ferocitasque cum ordine & disciplina militari coniunctæ sunt: durat Exercitus robur vique ad extremum: animi militum eriguntur, & victoriæ spe confirmantur, persistuntque tandiu, quandiu ordines aciesq; conseruatur. In quibus Exercitibus autem audacia & ferocitas militum inest, sine ordine & disciplina militari: quales tunc erant Exercitus Gallorum: in ijs contrarium accidit. Nam si non vincat primo impetu, sensim deficiunt, eò quod non fulciantur virtute quadam ordinata, cui possint eorum animi insistere, & certam victoriæ spem concipere. At Romani, disciplinæ militari & ordini insistentes, de victoria non dubitabant, & eadem virtute à principio ad finem vsque dimicabāt: & armorum vsu magis ad pugnandum accendebantur. Tertium Genus est eorum exercituum, in quibus nec audacia vlla militibus naturâ inest, nec ordo, nec disciplina militaris: quales sunt hisce temporibus exercitus nostri in Italia, planè inutiles. Vt si illis fortuna non obijciat hostem sponte fugientem, nunquam sint potituri victoria: quam quidem rem, vnusquisque ex ijs, quæ quotidie apparēt, facile cognoscer. Sed age Liuium ipsum audiamus, nobis explicantem, qualem habere oporteat discipli-

nam militarem, & qualem rursus, ceu perniciosam euitare. Adducit is Papyliū Cursorem, qui Fabium Magistrum equitum his verbis reprehendit: Nemo hominum, nemo Deorum verecundiam habeat: non edicta Imperatorum, non auspicia obseruentur: sine com meatū vagi milites in pacato & in hostico errent: immemores sacramenti, licentia sola, vbi velint exauctorentur: in frequentia deferantur signa: neque conueniatur ad edictum: nec discernatur, interdiu, noctu, æquo, iniquo loco, iniussu imperatoris pugnetur: non signa, non ordines seruentur: latrocinij modò, cæca & fortuita, pro solenni & sacrata militia sit. Hæc Liuius. Nos autem si consideremus nostri temporis militiam, facile videbimus, sit ne vt illa Veterum, solennis & sacrata: an fortuita & cæca? Quantum item differat à militia Veterum Romanorum, in qua erat virtus & ferocitas militum iusto ordine insistentes: vel à Gallorum, qui si maximè ordine & disciplina militari carebant: tamen audaciam & robur obtinebant.

Ante-

*Antequam totius exercitus vires praelio
committantur, sintne leues illæ pugnae ad
dignoscendam noui hostis naturam
necessariae, annon?*

CAPVT XXXVII.

IN rebus humanis, sicuti aliàs quoq; dis-
feruimus, cernere est mala sæpè ita esse
vicina bonis, vt quod bonum est, sine a-
liquo malo assequi nequeas. Quod quidẽ
ita manifestè deprehendemus in omnibus
Actionibus humanis: vt hæc ipsa causa sit,
cur bonum tanta cum difficultate compa-
reretur. Et nisi insigni aliquo prosperæ fortu-
næ auxilio iuueris, sine aliquo malo, bo-
num nequaquam assequi possis. Cuius rei
memoriam reuocat mihi Manlij Torqua-
ti monomachia cum Gallo: de qua Liuius
ita loquitur: Tanti ea dimicatio, ad vni-
uersi belli euentum momenti fuit, vt Gal-
lorum exercitus, relictis trepidè castris,
in Tiburtem agrum, mox in Campaniam
transierint. Ex quibus ego concludo, Im-
peratori imprimis operam dandam esse,
ne quid permittat in exercitu fieri, quod
par. i momenti cum sit, tamen possit ma-
gnam mutationem parere. Huiusmodi
est, si quis praelium committat, non ad-

hibitis totis viribus : & tamen periculum
fubeat totius fortunæ belli. Id enim planè
est temerarium: sicuti priùs quoque docui,
cum de itineribus custodiendis , & prohi-
bendo transitu disputaui. Sed idem ego in-
terim non ignoro , prudenti Imperatori in
id quoque esse incumbendum , vt cùm in
nouum hostem , qui sit alicuius existima-
tionis, incidit: leuibus prælijs priùs suos cū
hostibus committat, quàm prælio totis vi-
ribus decertet : Idque ob eam causam, vt
hosti nouo quodammodo assuescant, & ti-
morem de eo conceptum deponant. Quæ
res tanti momenti est, & vsque adeò neces-
saria, vt qui cum hoste ignoto totis viribus
decertat , antequam de eius virtute faciat
periculum: in manifestum discrimen suum
exercitum adducere videatur. Exéplo no-
bis sit Valerius Coruinus, qui Senatus ius-
su exercitum primus contra Samnites du-
xit, antequam priùs vnquam, alter alterius
arma & vires fuisset expertus. Hic ergo et-
iam Romanos cū Samnitibus leuibus
prælijs commisit , priusquam ad pugnam
veniret, vt Salustius inquit, ne eos nouum
bellum, ne nouus hostis terreret. Sed eadē
hæc res dubia existit , & multis obnoxia
periculis: nam verendum est, ne si tui mili-
tes in leuibus his prælijs succumbant , eo-
rum

rum animi metu perturbati, hostem vehementius formident: adeoque contrarium planè assequaris eius, quod animo intendebas: Vthic quoque bonum tam vicinum sit malo, ut alterum pro altero apprehendere facile possis. Ego igitur planè censeo cauendum prudenti Imperatori ab omnibus, quæ possint militi terrorem incutere. Incipiunt autem militum animi tunc maxime timere, quam primum cernunt aliquos ex suis caelos esse. A leuibus prælijs ergo quantum fieri potest abstinendum est: nec ea, nisi commodissima occasione, & proposita certa victoriæ spe, admittenda. Similiter neque angustiae aliquæ itinerum custodiendæ ijs locis, vbi omnes tuas copias habere nequeas. Nec magno conatu vrbes ullæ muniendæ, præter eas, quæ amissæ ruinam exercitus tui minantur: & si tales sint muniendæ, ita fuerit id ipsum instituendum, ut aduersus hostem, qui te illinc expellere & expugnare volet, omnes tuas vires opponere queas. Cæterasque vrbes sine præsidio satius fuerit relinquere: dum primarias aliquas rectè munire possis. Nam etsi amittas aliquam à te desertam: exercitus autem integer sit: tamen nec estimationem, nec victoriæ spem amittis. Sed si quæ tibi ab hostibus occupetur, quâ

defendebas, aut quam defensurā te omnes putabant : tum verò de tua existimatione multum decedit : ita quidem , vt re parui momenti , totius belli euentum in discrimen adducere queas, sicuti Gallis hoc certamine accidit. Philippus Macedo, Persei Pater , Vir magni nominis & rei militaris peritissimus, cum à Populo Romano peteretur bello, plurima loca suæ ditioni subdita deseruit & deuastauit, eò quòd existimaret , ea à se defendi non posse. Satius enim esse putabat, & ad conseruandam nominis sui existimationem vtilius : si pateretur ea loca, tamquam à se neglecta occupari, quā si illorum defensionem frustra tentasset. Romani quoque, rebus post cladem Cannensem valde afflictis, multis suorum subsidia negârunt : liberumque illis permiserrunt, ea quo possent modo, sese defendere. Estque hæc conditio longè melior ; quàm suscipere defendenda , ea quæ nostris viribus superiora sunt : quòd illo modo, tantum iactura fiet sociorum & amicorum : sin defendere conemur , quæ defendi à nobis non possunt : & sociorum & copiarum viriumq; iacturam facere oporteat. Ad leuia prælia ergo redeunt, dicimus, si quando ea ad noui hostis naturam cognoscendam , necessario requirantur : debere prudenter

prudentem Imperatorem, obſervare occaſiones, & non niſi commodiſſimas captare, in quibus certa ſpes ſit victoriæ. Qua in re Marius nobis exemplo eſſe poterit, qui adverſus Cimbr̃os, homines ferociſſimos, qui in Italiam incurſiones faciebant, exercitum ducens : vidit ſuum militem Cimbrorum ferocitatem & multitudinem formidare, eò maximè, quòd priùs alter Romanorum exercitus, ab ijs fractus fuiſſet. Itaque neceſſum ſibi eſſe duxit, antequam prælio cum ijs totis viribus decertaret, tentare quippiam, ex quo ſperaret, ſuos illo metu liberatos iri, & confidentiùs poſtmodum congreſſuros. In quem finem loca quædam munita occupavit aliquoties, per quæ, & iuxta quæ Cimbris tranſeundum foret : ut nimirum cum Romani illos proprijs oculis intuerentur, & multitudinem inordinatam, & nequaquam convenientibus armis inſtructam eſſe cernerent : concepto metu liberarentur, & auidi pugnæ fierent. Quod quidem Marij exemplum, perſæpè imitari conuenit, ne in ea periculâ, de quibus priùs dictum eſt, incidamus : & ne nobis contingat idem, quod de Gallis dictum eſt: qui ob rem parui ponderis, trepidi in Tyburtem agrum, & in Campaniam tranſierunt. Sed quia Valerij

Coruini iam fecimus mentionem, idcirco ex ipsius sententia nunc differemus, de modo eligendi Imperatoris.

Quaratione eligendus sit Imperator talis, cui miles confidere possit?

CAPVT XXXVIII.

Valerius Corvinus, sicuti prius monstrauimus, contra Samnites, nouos P. Romani hostes, exercitum eduxerat. Utque animos militum suorum contra eos confirmaret: non tantum cum ijs, leuibus praelijs decertandum putauit, antequam ad pugnam cum toto exercitu accederet: sed in concionem etiam prodiens, vehementer hortatus est suos, ut contemnerent hostem, propriae vero virtuti cum exercitus, tum ipsiusmet Imperatoris consideret. Quo loco obseruare licet, illius Oratione, quae apud Liuium extat, Imperatorem semper eligendum esse talem, cui miles confidere possit. Inducit enim Liuius Coruinum, sic inter caetera loquentem: Tum etiam inueneri, cuius ductu auspicioque ineunda pugna sit. Vtrum qui audiendus, duntaxat magnificus adhortator sit, verbis tantum ferox, operum militarium expertus. An qui ipse tela tractare, praecedere ante signa, versari

sari media in mole pugnae sciat. Facta mea, non dicta vos milites sequi volo: nec disciplinam modo, sed exemplum etiam à me petere: qui hac dextra mihi tres Consulatus, summamque laudem peperit. Hæc Livius. Nos verò ex hisce facillè colligimus, qua ratione ad Imperatoris militaris officium gradumque conscendere oporteat: Et illos, qui ad hunc gradum alia ratione euehuntur, siue id fiat ambitione: siue casu & fortuna: temporis successu re ipsa percepturos, se hoc ipso plus oneris, dedecorisque, quàm honoris, laudis ac gloriæ consequutos: Neque enim honorum gradus, homines ineptos illustrant: sed ipsi ab excellentibus virtute viris illustrantur. Sed neq; hoc fuerit sicco pede transeundum, quod, ex hac disputatione, cernimus tanti nominis Imperatorem, etiam exercitum qui ex Veteranis constabat, confirmare, ante congressum cum nouo hoste, voluisse: idque magno studio & noua quadam ratione conatum esse. Quæ res si prudenter ab eo facta censetur: quantò magis incumbendum esse putamus ei Duci, qui exercitum ex heroicis collectum habet, vt antequam pugna decerret, suorum animos ad ferocitatem, proposita certa victoriæ spe, excitet atque confirmet. Quòd si enim nouus &

inufitatus hoſtis, etiam Veteranis militibus formidabilis eſt, tyronib. & inufitatus & quilibet alius hoſtis, terrori eſſe poteſt. Vt cumque autem hæc res habeat: non deſuere tamen Imperatores, qui ſingulari rei militaris peritia, omnes has difficultates ſuperant, & cum exercitu nouo ex tyronibus conſtate, magnas Veteranorum militum copias euicerunt. fregeruntque. Huiusmodi fuit apud Romanos, inter cæteros, Gracchus: apud Græcos Epaminondas Thebanus, de quibus alio loco diſſeruiſimus. Præparabant ij exercitum, aliquot menſibus, antequam pugna decertandum foret, milites turmatim ſiſtis prælijs committentes, ſicque eos & ad ordines conſeruandos, & ad madata Imperatoris exequenda aſſuefaciebant: ijsque poſtmodum confidenter ſerid in certamine vrebantur. Nam qui rei militaris peritus eſt, ſi modò vir fortis ac ſtrenuus eſſe volet, quandiu hominibus abundat, ſemper poteſt ſibi egregium parare exercitum. Et quicumque Princeps, cum viros habeat, ſibi milites egregios parare nequit: nõ imbecillitati ſubditorum cauſam eius rei tribuere debet, ſed potiùs ſuæ ipſius pigritiæ & ignorantia.

Ducem

*Ducem militarem debere Locorum
notitiam habere.*

CAPUT XXXIX.

INTER cætera quæ in duce militari requiruntur, primariû locum obtinet cognitio Locorum & regionum: nō generalis tantû sed particularis & exquisita: sine qua vix quicquam præclari gerere poterit. Cumque omnes scientiæ vltim & exercitationem, ad sui perfectionem requirant: Locorum cognitio imprimis iisdem hîc & nititur & perficitur. Quod si autem quæras, quo vltu aut qua exercitatione, Locorum noticiam comparare potissimè liceat? Respondeo, crebris Venationibus maximè assequuturum te esse, quod velis. Atque hîc factum esse, vt Heroës illi, qui antiquiûs Mundum sub Imperio suo obtinuerunt, in sylvis enutriti esse perhibeantur: & perpetuis Venationibus exercitati. Nam Venationes, præter quod locorum insignem cognitionem suppeditant: simul etiam multa ostendunt, ijs quæ in bellis eueniunt, similia. Sic vtique Xenophon in vita Cyri, docet, cum is aduersus Armeniæ Regem bellum suscepisset, cum socijs disferere solitû de hac expeditione, & omnia quæ in ea expedienda forent, ad ea quæ

rendo, cognoscere per comparisonem, in regione ignota, quónam, exempli gratia, hæc vallis sese exporrigat? Vnde huius montis radices incipiant? quousque hæc planities sese extendat? & cætera hisce similia obseruare. Hoc autem ita sese habere, intelligemus facîle, si Liuium audiamus: qui Publium Decium tribunum militum, in exercitu Cornelij Consulis, aduersus Samnites, hoc modo introducit Consulem ipsum alloquentem, postquam nimirum Romanorum exercitus in Vallem quãdam incidissent, in qua à Samnitibus claudi portuissent: Vides tu Aule Corneli (inquit Decius) cacumen illud supra hostem? Arx illa est ipse salutis quæ nostræ, si eam (quoniam cæci reliquere Samnites) impigrè capimus. Nam vt paulò ante loquitur Liuius. P. Decius tribunus militum, vnum editum in saltu collem, imminentem hostium castris, aditu arduum impedito agmini, expeditis haud difficilem conspexerat. In quem, cum à Consule, cum tribus millibus expeditorum missus fuit, reliquum Romanorum exercitum conseruauit. Et cum inde, conseruandi sui quoque causa, proxima nocte discessurus esset Decius, cum suis iterum hoc modo alloquitur: Ite mecum, dum lucis aliquid superest, vt quibus locis hostes præsifi-

dia ponant, quàm pateat hinc exitus, exploremus. Hęc omnia sagulo militari amictus, ne ducem circuire hostes notarent, perlustrauit. Hęc Liuius Nos verò, si hęc eius verba diligenter expendamus, cognoscemus quàm necessaria sit Imperatori, perfecta situs locorum notitia. Nam ni Decius tali notitia imbutus fuisset, haudquaquam illū è lōginquo prospicere potuisset, & prospectū diiudicare, esset ne accessibilis annon? Et cum illum occupatum tenuisset eoq; exercitum conseruasset: nequaquam sine singulari cognitione situs Locorū, vias prospicere, & obseruare itinera, per quę ad Cōsulem redeundum foret, sciuisset.

In Negotiis bellicis, magna cum gloria, posse dolum fraudemq; usurpari.

CAPVT XL.

QUAMVIS in cæteris actionibus omnibus, detestabilis sit vsus fraudis: tamē in bello gerēdo, dolo quis summa cū laude vti poterit: nec minùs gloriosum est, hostem dolo, atque viribus & robore superare. Cui rei attestatur quicunque summorū Imperatorum, & ceterorum illustriū virorū, ducum maximè militariū vitas historiā cōprehenderunt. Nā laudant

eos ob huiusmodi stratagemata, quæ dolo-
 nituntur: & inter cæteros Annibalem ma-
 ximè, qui in ijs excogitandis solertissimus
 fuit. Cuius exempla, cum plurima passim
 extent: non volo hîc in ijs recitâdis immo-
 rari. Hoc vnum silentio præterire nolo:
 quod ea fraus, quæ fit in re militari, fidem
 frangendo, pacta non conseruâdo: nequa-
 quam gloriosa sit: Nam etsi per hanc quan-
 doque imperium comparare possis, vt an-
 tè differuimus: aut laudem certe gloriamq;
 ex hac nunquã acquires. De ea fraude do-
 loque loquor, quæ in stratagematibus con-
 sistit, qua hostè, qui aliàs tibi minimè confi-
 dit, decipere deceptumque vincere potes:
 Huiusmodi fuit illud Annibalis stratagma,
 quo ad Lacum Perusinum fugâ simulauit,
 vt Romanû Consulem & exercitum in an-
 gustias locorum cõijceret. Et id quo aduer-
 sus Fabium Maximum vsus est, vt in tutio-
 rem locû se suosque recipere posset: quâdo
 faces & sarmenta bouum cornibus alligata
 noctu accendit, & armentum in ea loca
 egit, in quæ cupiebat hostem sese conuer-
 tere. Quibus simile fuit illud Pontij apud
 Samnites, per quod Romanorum exerci-
 tum in Caudinas furcas impulit. Nam is,
 cum in saltu Caudinarum furcularum, co-
 pias suas occultâset: milites quosdam ha-

bitu pastorali, qui armenta per planitiem agerent, dimisit: qui à Romanis comprehensi, & interrogati de loco ubi Samnites forent? responderunt omnes, ut in mandatis à Pontio habebant, Samnites Nuceriam obsidere. Quod quidem, cum Romani propter consensum omnium credidissent: iter per Caudinas furculas, ut Nucerninis subsidium ferrent, susceperunt. In eas autem cum semel fuissent ingressi:prehenderunt se undique à Samnitibus septos esse. Potuissetque hæc victoria fraude comparata, Pontio magnam gloriam parere, si ea uti potuisset, & Patris sui consilij obtemperare. Qui suadebat, aut omnes Romanos sine ulla ignominia, liberali animo conseruandos: aut omnes ad unum tollendos: mediam autem viam, quæ neque amicos parat, neque inimicos tollit, nequaquam ingrediendam.

*Patriam semper defendendam esse, siue
id fiat honeste, siue fiat cum igno-
minia aliqua.*

CAPVT XLI.

CLAVSI erant Consules cum Exercitibus Romanorum, intra saltus Caudinos, & à Samnitibus obsessi. His cum Samnites iniquissimas conditiones pacis

cis proponerent & maximè ignominiosas: nempe quòd omnes sub iugum mittere, & inermes Romam remittere vellent: Consules dubij, totusque exercitus de eo, quòd factu opus esset, sollicitus ac propè attonitus erat. Itaque in tanta rerum difficultate, & cùm omnium animi territi essent: Lucius Lentulus vnus ex Legatis, magno animo suaserit, nullas condiciones reijciendas, dummodo Patria conseruari posset. Et cùm tota res Romana ab huius exercitus, qui tum obsessus esset, salute penderet: eū ipsum quacumque tandem ratione conseruandum esse asseribat. Patriam enim defendi oportere, siue id fiat cum honore & gloria, siue etiam cum ignominia. Hic verò, si conseruaretur iste exercitus, fore vt Roma suo tempore hanc ignominiam aboleret, rebus præclare gestis. Quòd si idem interiret, eoque singulare specimen virtutis ederet: Romam tamen cum ipso perituram, & amissam iri patriæ libertatem. Cuius consilium cæteri sequuti sunt: simulq; nobis occasionem dederunt: obseruâdi quòd in Repub. cuiusque ciuis, qui Reipub. benè consultum cupit, officium sit? Népe vt spectet ad conseruandam Patriæ libertatem: de qua cùm agitur, nihil esse debet, quòd animos nostros in aliam sententiam pertra-

here queat: Neque ab hoc scopo auertere quenquam debet, iusti, iniusti, crudelitatis aut misericordiæ, non denique laudis aut ignominia nota. Galli certè videntur obtinere aliquid, quod ad præsens institutum faciat, in defendenda Regis Maiestate & Regni honore. Neque enim eius vocem ferre vlllo modo possunt, qui vel de Rege vel de Regno ignominiosi quicquam pronuntiauerit. Sed quacunque tandem fortuna Rex utatur: quocunque modo deliberet: quicquid agat aut patiatur: hæc omnia Regia esse pronuntiant.

Quæ coactus promissisti: non necesse est ut serues.

CAPVT XLII.

Postquam Romam reuersi sunt Consules cum exercitu, ex Caudina illa clade, inermes & ignominia affecti: primus in Senatu Consul S. Posthumius, suasilit non seruandam esse pacem illam tam turpem cum Samnitibus factam: Se enim & cæteros, qui huius fœderis vnà secum auctores fuissent, ijs pactis & conditionibus teneri. Populum verò Romanum nequaquã. Possse autem Po. Romanum ijs pactis planè liberari, si sese cæterosque, qui vnà secum, id
fœdus

fœdus fecissent cum Samnitibus, captiuos in Samnium mitterent, eosque hostibus traderent. Tanta autem cōtentione in Senatu defendit hanc sententiam Consul: vt Patres illi assenserint: & proinde ipsum cæterosque huius pacis autores, captiuos in Samnium miserunt: simulque Samnitibus indicârunt, se tradendo pacis ignominiosæ autores, ijs pactis liberos esse, neq; amplius teneri. Posthumo Consuli, ea in re, fortuna tam prospera fuit: vt Samnites eū retinere noluerint. Itaque Romam iterum reuersus, maiore in autoritate fuit ob rem ad Caudium malè gestam: Quàm Pontius apud Samnites ob partam victoriam. Hic autem duo sunt, quæ imprimis obseruatione digna censeo. Vnum est, quod laudem & gloriam ex qualibet actione comparare possis. Victoria communiter laudem & gloriam apud omnes parat. Econtrà autem, si ipse victus sis: iterum laude tua non carebis, si monstres, quod accidit infortunium, non ex tua culpa accidisse: aut si acceptum damnum, aliqua re præclarè gesta, iterum cōpensaueris. Alterū, quod si quæ per vim promissa, non obseruaueris: id sine dedecore facere queas. Quæcunque enim promissa publico nomine per vim extorta; ea omnia, vbi cessauerit vis illa

quæ priùs cogebat, irrita fieri solêt, & quidem sine ignominia eius, qui non seruat, quæ per vim coactus promiserat. Huiusmodi rerum exemplorumque plenæ sunt Historiæ: & in quotidiano rerum vñu alia infinita occurrunt quotidie. Cernimus enim inter viros Principes nullos esse, qui seruent ea, quæ per vim coacti promiserunt, postquam desit vis illa quæ coëgit. Imò neque reliqua promissa seruant, quando causa, quæ eos promittere fecit, non amplius vrget. Quæ quidem res, sitne in Principe digna laude, an non? hoc loco nō amplius disquiremus: præsertim cū in tractatu de Principis institutione de hoc genere Argēti copiosè disputauerimus.

Eos qui in eadem regione nascuntur, semper retinere aliquid, natura eius regionis cognatum & familiare.

CAPVT XLIII.

Verus dictum est, quod vt sapientissimè pronuntiatur: ita diligenter obseruari debet: Res futuras ex contemplatione præteritarum conijci cognosciquē posse. Quæcunque enim pervniuersum orbem sunt, habuerunt olim aliquid simile, quod eodem modo antiquitus, &

ex

ex ijsdem causis, ut hæc quæ nunc videmus, factum fuit. Ratio rei huius rei hinc pēdet, quod omnia ista, quæ in diuersis temporibus similia cerni dicimus: hominum operasunt: cumque vna sit humana natura omnibus seculis: necesse est, ut semper easdē habeat passionēs & affectiones. Hoc vnum interest, quod alijs seculis aliæ regiones magis abundant hominibus virtute præditis, quam aliæ: & alijs iterum aliæ: quod ipsis pro diuerso educationis modo euenit: quia ex forma educationis, prima vitæ initia sumunt originem. Eò magis etiam videris, ex præteritis, futurarum rerum euentus posse conicere: quia cernimus certis quibusdam regionibus peculiare quosdā affectus insitos, & nunc & semper ferè eodem modo fuisse. Sic auaritiā quibusdā populis semper fuisse familiarē nouimus: alijs fraudem: alijs aliam aut virtutem, aut vitium insitum fuisse scimus. Florentiam nostram intueamur, eiusque res gestas ex antiquis monumentis erutas, cum presentibus conferamus: sic enim deprehendemus, eam ab exterorum & barbarorum hominum auaritia, superbia, ferociaque semper plurimum esse passam. Ecce enim, quoties Carolus VIII. Galliae rex, accepta à nostris ciuibz pecunia, promisit illis re-

stitueret arces quas tenebat Pisanas ? Sed nunquam restituit. Omittamus hæc nimis recentia, videamus antiquiora. In bello quod gessit nostra Respub. Florentina, aduersus Vicecomites Mediolani duces: cum ceteris auxilijs destituta foret: cogitauit de Germanorum Imperatore in Italiam euocando, vt autoritate & potentia sua Longobardiam inuaderet. Imperator eorum petitioni assensit, promisitque secum magnis copijs venturum, bellum illud contra Vicecomites perfecturum, Florentiamque defensurum, si illi Florentini soluerent in ipso expeditionis initio, centum millia aureorum nummum: & totidem statim vbi Italiam fuisset ingressus. Assenserunt Florentini ijs conditionibus. & soluerunt primam pecuniæ summam primò, deinde etiam alteram. Sed Imperator postquam pecuniam recepisset, non ultra Veronam progressus, de reditu cogitauit, re planè infecta: hanc vnam sui reditus causam prætexens, quòd ipsi pacta promissa, non fuissent seruata. Florentia ergo nisi necessitate coacta & perturbata fuisset: atque ex antiquis monumentis si Barbararum gentium naturam indagere voluisset: nequaquam toties mulctata esset. Ita enim potuisset harum Gentium naturam, semper sibi similem

lem deprehendere. Cuius rei Exemplum,
 de Gallis certè valde manifestum legimus
 in historia Hetruscorum & Romanorum.
 Nam cùm Thuscis bellum diuturnum ad-
 uersus Romanos fuisset: iamq; ipsi aliquo-
 ties à Romanis cæsi & in fugam conuersi,
 agnolcerèt se Romanis, viribus pares non
 esse, Gallos, qui in Cisalpina Gallia tunc
 habitabant stipendio cōduxerunt, vt con-
 iunctis viribus sese à Romanis defendere
 possent. Sed Galli tunc, pecuniam à Thu-
 scis quidem acceperunt: contra Romanos
 vero arma pro Thuscis ferre noluerunt:
 aiebantque se hanc pecuniam à Thuscis ac-
 cepisse, non vt opem ipsis ferrent: sed tan-
 tummodo, vt ab excursionibus in eorum
 agrum abstinerent. Quò factum est, vt
 Tusci simul & pecunia mulctati, & auxilio
 quod sperabant destituti fuerint. Nos vero
 ex antiquissima hac historia, facillè cōiicie-
 mus, eandem olim Thuscis naturam fuisse,
 quæ nunc est, & in ipsis maximè Florenti-
 nis cernitur: eundemq; exterarum gen-
 tium animum erga ipsos, iam olim
 fuisse: quem adhuc hodie
 experimur.

Sapè fieri, ut impetu quodam atque audacia obtineatur id, quod legitime progredienti nunquam contigisset.

CAPVT XLIIII.

ERant Samnites à Romanis obsessi : neque aperto praelio cum ijs decertare audebant, quod se viribus inferiores esse agnoscerent. Itaque aliud consiliū ineuntes, vrbibus per Samnium vndique communitis, exercitum in Thusciam, quæ Pop. Romano confœderata erat, duxerūt, ut præsentia sua Thuscōs ad defectionem & ad sumenda contra Romanos arma vnà secum impellerent : quam rem cū prius per legatos tentassent, impetrare nequuerant. Eò cū peruenissent : partim, expositis rationibus, ob quas, & ipsi contra Romanos arma sumpsisent, & Thuscōs id ipsum facere oporteret : quodq; pax seruientibus grauior, quàm liberis bellum foret : partim exercitum præsentem eorū oculis obijcientes, impetrarunt quod voluerunt. Quo loco obseruare decet : Si quis Princeps ab altero quippiam impetrare cupiat, cuius multum intersit : tunc sēpe commodissimam esse eam occasionem, quæ ei à quo petis, nullum deliberādi spaciū concedit :

cedit: sed potius illi respondendi subitam
 necessitatem imponit, & præsens pericu-
 lum demonstrat, si negetur id quod petitur:
 aut etiam si deliberandi spacium petatur.
 Quo consilio præclare uti potuit nostra me-
 moria Iulius Pontifex cum Gallis: & Foif-
 seus Dux cum Mantuano Marchione. Iu-
 lius quidem, cum Bentiuolorum familiam
 Bononiâ expellere decreuisset, & in eo in-
 stituto intelligeret sibi opus esse, ut Veneti
 huic bello non se immiscerent. Galli autem
 etiam subsidia sua ipsi mitterent: Cumque
 id ipsum per legatos à singulis petiisset, &
 dubia variaque responsa ab utrisque acce-
 pisset: decreuit nouo hoc consilij genere, &
 nullum deliberandi spacium concedendo,
 utrunque in suam sententiam pertrahere.
 Itaque collectis tantis, quantas per id tem-
 pus potuit copijs, Bononiâ versus iter sus-
 cepit: & ex itinere Venetis mandauit, ut
 ab armis abstinerent. Gallo autem ut sibi
 auxilia mitteret. Vterque illorum, cum præ-
 sentem necessitatem cerneret; certi quip-
 piam respondendi; nec ullum superesse tem-
 pus deliberandi; ac metuerent Pontificis
 indignationem ambo, eius postulatis assen-
 serunt, & Veneti quidem abstinerunt ab
 armis, Gallus autem misit ei subsidia. Foif-
 seus verò Galliae regis dux militaris, cum

esset aliquando Bononiæ cū exercitu Gallico, & intellexisset Brixiam à Rege defecisse: ad eam recuperandam proficisci cupiebat. Duplex autem erat via eò perueniendi. Vna per ea loca, quæ Galli tenebāt, longa & tædiofa. Altera multo breuior per ditionem Mantuani Marchionis, perque loca quædam paludosa, & angustias arcibus communitas, in quibus Mantuanus habebat prælidia. Cū igitur Foisseus breuiori via ingrediendum sibi esse cerneret, & cuperet, Marchionem Mantuanum liberum transitum sibi cōcedere: id ipsum ab eo hoc consilij genere impetrauit. Nam mouens cum exercitu, iter per eadem loca direxit, & ex itinere Mantuano mandauit, vt subito clauēs earum arcium, quæ eas locorum angustias muniebant, ipsi mitteret. Itaque Mantuanus præsentis periculi necessitate coactus, cum nullum tempus deliberandi superesset: clauēs illi misit, quas nunquam missurus fuisset, si Foisseus lentior tardiorque extitisset. Propter amicitiam nimirum, quam semper cum Venetis & Pōtifice Romano coluerat: quodque per idem tempus filium in Pontificis potestate haberet. Sed subita necessitas respondendi, petitioni assentiendi, aut in præsens periculū incidendi, effecit apud eum, vt liberū iter permetteret,

teret. Eodem planè modo, quo Thufcos præfentia Samnitum,impulit ad arma contra Romanos capienda: quæ aliàs nequaquam fumpfiffent.

*Vtrum in pralio fatius fit, hoſtis impetum
excipere,exceptumq; ſuſtinere & oppu-
gnare:an verò hoſtem ipſum
cum impetu inuadere.*

CAPUT XLV.

CUm Decius & Fabius Conſules,cum binis Romanorum exercitibus Samnites Thufcosque bello petiſſent: iamque prælio decertandum utrique eſſet: memorabile & dignum obſervatione fuit, quomodo quiſque ex Conſulibus, hoſtem inuadendum putauerit? & quis agendi modus præſtantior habendus? Decius in hoſtem impetum fecit ſummis viribus: Fabius autem ipſe non inuaſit hoſtem, ſed impetum facientem excepit ſuſtinuitque. Exiſtimauit enim ſatius eſſe, in primo conſlictu lentius agere, & impetus vehementia eò uſque reſeruare, donec hoſtis pugnando primum feruorem amiſſiſſet. Atque illic cernere eſt, Fabij conſilium feliciorem habuiſſe ſucceſſum,quàm Decij. Hic enim cum in primi impetus

vehementia vires propè amisisset: obseruauit suos lassos esse, & de fuga potiùs quàm de victoria cogitare. Itaq; cùm hostem vincendo non speraret gloriam se assequi posse, ad Patris sui imitationem, se pro legionib. Romanorum deuouit, vt quam laudẽ vincendo assequi non posset, morte consequeretur. Quod Decij factũ postquam Fabius intellexisset, vt non minorem laudem viuendo compararet, quàm Collēga morte sua fuisset cõsequutus: totius exercitus vires, quas eo vsque conseruauerat, excitauit & aduersus hostem impulit summo cū impetu, & præclaram inde victoriam reportauit. Ex quo videtur is modus hostem adoriendi, quem Fabius seruauit, commodior tatorque esse, quàm ille, quem sequutus est Decius.

*Quæ causa sit, cur in una quoq; vrbe, soleant vnius cuiusque familia mores quidam peculiares & consuetudines
longo tempore conseruari.*

CAPVT XLVI.

NON modo diuersarum vrbium Regionumque diuersi sunt hominum mores & consuetudines: solentque aliæ, alios homines procreare, mollitie, duritie

ritie, mansuetudine ac ferocitate differentes: sed in eadem vrbe plerunq; familiæ etiam inueniuntur, eodem modo differentes. Cumque vbiq; exempla extent: satis manifestè tamen id ipsum in Romana historia licet contemplari: in qua vrbe constat Manlios omnes fuisse seueros & duros homines: Publicolas benignos ac populares: Appios ambitiosos, superbos & plebis aduersarios, & aliarum deniq; familiarum, alios quosdā peculiare mores & animi affectiones extitisse. Quæ res certè, non potest tantummodo ex temperamēti diuersitate prouenire: quod id pro Matrimoniorū varietate immutare necesse sit. Sed magis pēdet ex diuerso educationis modo, quē habent singulæ familiæ. Plurimum enim interest, ut à teneris annis, hisce aut illis moribus assuescas: & de re quapiam benè aut malè sentias. Nam, quæ in ipsa tenera ætate imprimuntur animis opiniones de quibusque rebus, cæ solent ad extremam ætatem usq; perdurare: & ex eo, quo in teneris annis imbutus fuerit animus, solent homines rerum naturas metiri. Quomodo enim aliàs fieri potuisset, ut (quod Liuius testatur) Appij omnes eodem modo affecti, iisdēq; cupiditatibus agitati ambitiosi q; fuerint? Ex vltimis eius familiæ vnus fuit, qui cen-

for creatus, exactis XVIII. mensibus, secundum legis præscriptum, se vnà cum collega Magistratu abdicare noluit: sed antiquam censoriam quandam legem proferens, contendit, sibi per eam legem, quinque annis licere eo Magistratu fungi. Et quauis multa aduersus eum publicè in cõcionibus dicerentur, multæ super ea re orirentur seditiões atque tumultus, resisteretq; ipsi & plebs & maior pars Senatus: is tamen censura se noluit abdicare. Ob quam causam Pub. Sèpronius tribunus plebis, oratione habita, demonstrauit Appiorum gentis superbiam & insolentiam, contra reliquorum ciuium benignitatem atque pietatem.

Bonum ciuem debere priuatarum iniuriarum obliuisci, patriæ causa.

CAPVT XLVII.

CUm aliquando Marius Consul, aduersus Samnites bellum gerens, vulnus in conflictu accepisset, nec proinde munere suo fungi posset: Senatus ut prouideret, ne exercitus aliquid ex Cõsulis morbo pateretur mali, decreuit ei successorem mittere, Papyrium Cursorem Dictatorem. Hunc ipsum autem per leges oportebat nominari à Fabio, qui in Thufcia exercitui præ-

præerat: cumque Senatus cognosceret, quæ inimicitie inter Fabium & Papyrium intercederent, metuebat ne Fabius hunc Dictatorem designaturus non esset: itaque per legatos Fabium rogauit, ut postpositis iniurijs priuatis, Patrie causâ hunc Dictatorem designare vellet. Cui Senatus petitioni Fabius, permotus patrie amore, assensit: quâuis, ad multa interrogata tacendo, & alijs insuper signis manifestè declararet, displicere, odiosamque sibi esse huius Dictatoris electionem. Atque hinc exemplum sibi sumere debet ad imitandum, omnes qui boni ciues esse cupiunt, ut contemptis priuatis inimitijs, publici boni rationem potissimum habeant.

*Cum hostem cernimus aliquid agere, quod
planè videatur imprudenter actum, & ab-
horrere à ratione: tunc suspicari de-
bemus, dolum aliquem
subesse.*

CAPVT XLVIII.

IN bello aduersus Samnites, cū ex Thuscia Consul, ceremoniarum quarundam causa Romam profectus, Fuluium legatum interim exercitui præfecisset: Thusci ut Romanos dolo adorirentur, insidias illis struxerunt non procul ab illorum ca-

stris : utq; Romanos in ipsas insidias pelli-
cerent: dimiserunt milites quosdā, qui ha-
bitu pastoralis armentum paſcerent in ipso-
rum cōspectu: videlicet ut prædę cupiditate
irretiti Romani, prodirent & ita inciderent
in insidias. Sed legatus, hanc temeritatem
primū admiratus: deinde cœpit cogita-
re dolū subesse: quem postquam singulari
industria inuestigāſſet: irrita fuerunt Thuſ-
corum fraudulenta consilia. Ex qua re, oc-
casionem ſumere debet prudens Impera-
tor, cogitandi ea, quæ ab hoste quandoque
imprudenter facta videntur, persæpe do-
lū fraudemque sub se continere: eò quòd
rationi consentaneum non sit, tam stolidū
esse hostem, ut tale quiddam faciat, sine oc-
culta quadam ac fraudulenta causā. Quod
etsi ita sit, & cogitari facilè queat: tanta so-
let tamen esse cupiditas vincendi, ut ea tan-
tū quę ante oculos occurrunt, & pro no-
bis facere videntur, spectemus, de occultis
eorum causis nequaquam cogitemus. Gal-
li certè, cū ad Alliam Romanos prælio
vicissent: & ad urbem accedentes, inuenis-
sent portas apertas & sine custodibus: to-
to eo die, & insuper nocte sequenti ingredi
noluerunt, metu insidiarum: quòd nun-
quam existimassent Romanorum animos
tam viles, aut vique adeò metu percul-
ſos,

sos, ut patriam miserando spectaculo defer-
 rerent. Sed anno Salutis nostræ M. D. V. III.
 cùm Florētini Pisanam urbem obsedissent,
 captivum tenebant Alphonsum Mutolum
 Pisanum: qui promisit se effecturum, si eum
 vinculis soluerent dimitterentque, ut una
 ex portis Pisanæ urbis, ipsis traderetur. Is
 dimissus, sæpe unā cum legatis Pisanorum
 ad Florentinos redibat, tanquam tractaturus
 de modo, quo portam tradere ipsis vel-
 let: & remotis cæteris Pisanis, cum quibus
 veniebat, clām cum Florentinis de hoc cō-
 silio loquebatur. Quia igitur non clām ad
 Florentinos, sed apertē unā cum Pisanorum
 legatis veniebat: conijciendum erat
 Florentinis, non habendam esse fidem Al-
 phonso promissis. Sed obtinendæ urbis cu-
 piditas, tanto operē Florentinorum animos
 occæcavit, ut Alphonsi mandata sequuti,
 ad Lucensem portam, tanquam eam aper-
 tam accepturi, accesserint: ibique per insi-
 dias cæsi, magnam cladem acceperint, &
 primarios suos duces militares amiserunt.
 Quæ omnia ipsis, duplici
 Alphonsi fraude, acci-
 derunt.

*Quæ Respub. libertatem tueri vult, subina
de indiget nouis institutis: & quæ de
causa Fabius Maximus id no-
men obinuerit?*

CAPVT XLIX.

Accidit necessitate quadam naturæ
sicuti antè quoque monuimus, vt in
magna vrbe subinde noui quippiam
eueniat, cui tempestiuè occurrendū medē-
dumq; sit, ne ciuitas corrumperetur. Et quā-
to maiora hæc Accidētia fuerint: tantò ma-
gis exquisito egent remedio. Romæ verò
imprimis huiusmodi extiterūt motus mul-
ti, noui, inopinati & quandoq; planè terri-
biles. Qualis inter cæteros ille fuit, cū vi-
sæ sunt Matronæ omnes propemodum in
Maritos coniurasse, & plurimæ iam suos
veneno sustulerant, plures venenum coctū
paratumq; habuerant. Quàm scelerata au-
tem fuit Bacchanaliū illa cōiuratio Baccha-
rumque Sacra, quæ bello Macædonico de-
tectæ sunt? Quib. multa hominū vtriusque
sexus millia sese polluerāt, & nisi in tempo-
re remedium fuisset adhibitum: potuisset
Reipub. perniciem afferre. Quo loco etiam
admirari licet, quāta eius vrbis, in punien-
dis sceleratis hominib. fortitudo, seueritas,
ac Magnanimitas fuerit, ex quo Reipubl.
poten-

potentia ac virtus emicuit: tanta scilicet, ut
 quandoq; integram legionem mortis pœ-
 na supplicioque afficere auderet: aliquan-
 do ciuitatem quampiam totam euertere;
 nōnunquam octo aut decem millia in exi-
 lium mittere, iisque graues insuper exilij
 conditiones iniungere: sicuti ijs accidit,
 qui infelicitate ad Cannas pugnaissent: quos
 Pop. Romanus in Siciliam relegauit, ve-
 tuitque ne urbem quampiam ingrederen-
 tur: sed morarentur in agris. Præ cæteris
 verò omnibus terribilis horrendaque fuit
 pœna, qua de integris quandoque exerci-
 tibus, decimū quemque ad supplicium
 sorte poscebant: Quo quidem genere sup-
 plicij, nullum credo inueniri magis for-
 midabile, ad puniendam hominum mul-
 titudinem. Eò quòd, si quando magna ho-
 minum multitudo vehementer deliquit,
 nec cognoscatur is, qui autor causaq; mali
 extitit: tunc omnes ad mortem poscere ni-
 mium est, aliquos necare, & aliquos im-
 punes dimittere, iniustum existit, simulque
 occasio præberetur his, iterum peccandi.
 Sed cum omnes ex æquo deliquerunt, de-
 cimū quemq; sorte ad supplicium poscere:
 ijs quos fors cōtigit, horribile & formida-
 bile est. Nā ceteros quoq; metus sortis ter-
 ret, & suadet à delictis cauendū, ne quando
 ipsi

ipsi quoq; per sortem poscantur. Sed Vene-
 ficas & Baccharū sacerdotes omnes cōue-
 nienti meritoque supplicio affecerunt. Cē-
 terū et si huiusmodi motus, quales fuerūt
 Veneficarum & Bacchanalium, multa ma-
 la in Repub. pariant: tamen Reipub. formā
 nondū tam facile possunt immutare: quod
 satis spacij detur ad eos sedādos emendā-
 dosque. Sad qui motus eò spectant, vt Rei-
 pub. forma mutetur: ij verò maximè sunt
 periculosi & subito auxilio indigētes, alio-
 quin enim perdūt Rempub. Exemplo no-
 bis sit, quod Romę olim accidit. Cū enim
 esset ea vrbs liberalis; in largiēdo iure ciui-
 tatis hominibus exteris: eò tandem res de-
 uenerat, vt in tāta nouorum ciuium copia,
 multitudo suffragiorū, Imperij vim, ab an-
 tiquis ciuibus, ad Inquilinos transferre vi-
 deretur. Quam rem animaduertens Q. Fa-
 bius Censor, imminentibus periculis ma-
 turè prouidit, & omnes hosce nouos ho-
 mines in quatuor peculiare tribus diges-
 sit: ne, in tam angustum spacium reducti,
 amplius Reipub. formam corrumpere pos-
 sent. Quòd quidem tanti mali remedium
 salutare, vsque adeò P. Romano gratum
 fuit, vt Maximi agnomen inde sit
 consequutus.

NICO.

 NICOLAUS MACHIAVELLVS, ZOMOBIO

BONDEMONTIO, ET COSMO

Rucelaiol S.

HOC munus vobis mitto, Veri Clariss. quod, si non tantum est, quantum vestra merita postulant: attamen tantum existit, quantum à Nicolao Machiavello offerri potuit: Expressi enim in hoc, quicquid scio, & quicquid diuturna lectione & longo rerum usu potui comparare. Et cum neque vos, nec quisquam alius, à me plus requirere debeat, quam id ipsum, quod possum & habeo: contenti hoc ipso debetis esse. Potestis equidem de mea tenuitate cōqueri, & de ingenij imbecillitate, quae multis in rebus disputando, intricetur & fallatur, quod etsi ita sit: nescio tamen an hac de causa, ego magis de vobis cōqueri debeam. qui scribendi prouinciam hanc, humeris meis imposueritis, quam sponte nunquam suscepissem: an vos de me, qui vestra ex-

pettationi nō satis fecerim. Accipite tamen hoc munus a me, eo animo, quo ab amicis accipere decet omnia: ita nempe, ut non tam munus ipsum spectetur, quā voluntas eius qui id offert. Hac certē in re saltem rectē videor fecisse: quod vos ipsos elegerim, quibus hocce laboris meos, hasq; disputationes commendarem. Cum ob eam causam, quod sperem, me pro acceptis beneficiis, aliquam gratitudinis significationem declaraturum: tum quod recedendum esse putauirim, à Communi consuetudine scriptorum, qui monumentis suis, nō nisi principibus viris dicare solent, eosq; dedicationibus ijs, ambitionis & auaritiæ gratia, laudibus ad cælū usq; extollunt: tamquam si virtutibus pollerent, cum ipsos ob infinita scelera potius vituperare oporteret. Itaq; ne ego quoq; eodem modo errarem, ut plerumque faciunt: eos eligendos putavi patronos mearum vigiliarum, qui non sint quidem Principes: propter virtutem insignem tamen, Principatu digni forent. Et qui, si nequeant me opibus honoribusq; exornare: cuperent tamen id ipsum mihi ex animo præstare, si possent. Non enim ex statu fortune,

tunc, metienda virtus hominum est: sed ex animi dotibus & qualitate. Quarum respectu præstantior haberi debet is, qui aptus est ad regnandum, si maximè careat regno: quàm is qui regnat, & interim regnandi sui imperitus. Atque hinc etiam factum est, ut magis laudaretur Hieron Syracusanus etiam tunc, cùm priuatam vitam ageret: quàm Perseus Macedonum Rex, eo ipso tempore quo regnabat. Hieroni enim ut Rex esset, Regnum solummodo dederat. Sed Perseus nil Regium habebat, præter solum regnum. Fruimini ergo vos laboribus hisce meis, qualescumq; sint: cùm ipsi eorum causa fueritis. Equidem si intellexero, hæc mea studia vobis probari, dabo operam, ut quod reliquum est Historiæ, compleam: secundùm quòd iam dudum vobis promisi. Valete.



FINIS.





CATALOGVS

CAPITVM, LIBRI

PRIMI.



Valia sunt vrbium in vniuersum omnium principia, & Romæ ipsius, cuiusmodi origo extiterit.

Cap. 1. 4

Quot sint reipublicæ species: & sub quâ Romana comprehenditur.

Cap. 2. 11

Qui metus Romæ in causa fuerint, vt Tribuni plebis crearentur, vtq; reipublicæ forma perfectior esset.

Cap. 3. 21

Discordias quæ inter plebem & senatum Romæ fuerunt, in causa fuisse, vt ea Respublica libera simul & potens efficeretur.

Cap. 4. 22

Verum libertatis custodia optimatibus, an populo tutius committatur: & vtrum item maiorem causant tumultuandi habeant ij, qui conuolare res iam ante partas cupiunt, aut qui nouas acquirere veilent.

Cap. 5. 27

Vtrum Romæ potuerit talis Reipubl. forma institui, qua discordiæ illæ & inimiciæ inter patres & plebem, tollerentur.

Cap. 6. 32

Quam necessum sit, ad conseruandam Reipubl. libertatem, vt liberè possis aliquem accusare.

Cap. 7. 41

Vt iusta accusandi ratio Reipub. ianuaris est: ita perniciofa

INDEX CAPITVM.

- nicioſæ ſunt calumniandi occaſiones. Cap. 8. 46
- Quàm multum interſit, in inſtituenda Repub. p. anè
noua, vt omnis potentia ab vno ſolo deſineat.
Cap. 9. 51
- Vt laude digni ſunt quicunque aut regni aut Reipubl.
alicuius iuſta fundamenta ponunt: ita viciſſim
vituperandos eſſe, quicunque inſtituunt tyrannis
dem. Cap. 10. 56
- De religione Romanorum. Cap. 11. 63
- Quantum interſit ad conſeruandam Rempub. vt ra-
tio diuini cultus atque religionis habeatur: & quod
ea in Italia, propter Romanam Eccleſiam, deſicien-
te, ruina imperij ſequuta ſit. Cap. 12. 69
- Romanos perſæpè religionis quadam ſpecie vſos eſſe,
cùm ad inſtituendam rempubl. tum ad ſuſcipien-
da bella ſedendasq; ſeditiones atque tumultus.
Cap. 13. 74
- Romanos interpretari ſolitos auſpicia ita, vt ad illo-
rum inſtitutum atque voluntatem accommodarentur:
quòd ſi quando religionem negligere cogeban-
tur, prudenti quadam explicatione, ſe eam obſer-
uaſſe ſimulabant. Si quis tamen illam temerè con-
tempſiſſet, eum puniebant. Cap. 14. 78
- Samnites ad religionem ceu ad extremum reme-
dium, rebus afflictiſ, confugerunt. Cap. 15. 82
- Si quis populus conſuevit ſub principis imperio vi-
uere, non poſſe eum libertate frui, nec eam con-
ſeruare, ſi maximè illam cau aliquo acquireret.
Cap. 16. 85
- Quàm difficile ſit vt populus, qui corruptos mores
habeat, partam nuper libertatem conſeruare
ſi

- possit. Cap. 17. 92
- In eacivitate, cuius populus corruptos mores habeat, si
quæ occasio libertatis se offerat, quâ ratione quis
eam vel conservare præsentem, vel absentem arri-
pere atq; instituere queat. Cap. 18. 96
- Si principi qui excellenti animo & virtute fuit, suc-
cedat is qui ei virtute inferior sit, posse eum subsi-
stere sed si huic rursus alius succedat, qui itidem pa-
rum excellens sit, non posse eum conservare impe-
rium. Cap. 19. 104
- Quod si bini principes excellenti virtute continua se-
rie in imperium succedant, posse eos multa præclara
facinora præstare. In libris quoque Rebuspub. ne-
cesse est ad illarum felicitatem, augmentumq; im-
perij, vt continua serie boni gubernatores sequan-
tur. Cap. 20. 107
- Vituperandum esse illum principem atq; eam repub.
quæ non possit proprio milite vti, neque ciues ad mi-
litiam idoneos habeat. Cap. 21. 107
- Quid potissimum observandum in historia de trium
Horatorum Romanorum, & trium Curiatorum
Albanorum conflictu. Cap. 22. 112
- Non debere nos omnes fortunas nostras adducere ad
aliquod periculum, quod non possimus omnibus vi-
ribus nostris propulsare: ob eamq; causam persæpè
periculosum esse cum angustijs locorum præclusis,
transitus exercituum impediuntur. Cap. 23. 113
- Quæ respub. benè institutæ sunt, eæ & bonis præmia
& pœnam malefactis seorsim constituta habent,
neque alterum altero compensat. Cap. 24. 117
- Si quis

Si quis antequam reipub. formam innouare recte
informare velit, cum oportere vel vmbriam saltem
antiquarum legum retinere. Cap. 25. 119

Si quis princeps nouus aut vrbeui aut regionem alia
quam occupet, & i reipub. formam plane nouam in-
stituendam esse. Cap. 26. 121

Rarum quiddam esse, vt homo possit aut omnino prae-
uus, aut omnino bonus esse. Cap. 27. 123

Qua causa Romani erga suos ciues minus ingra-
ti, quam Athenienses erga suos fuerint. Cap. 28
125

Vtrum populus, an Principes erga subditos benemerito-
tos, magis ingrati esse soleant. Cap. 29. 127

Qua ratione viri Principes & respub. ingratitude
vitium evitare possint. Et benemeriti ciues item, at
que duces militares, ne ab eadem opprimantur, cau-
ere. Cap. 30. 131

Romanorum exercituum duces, non vehemēter puniri
solitos, quamuis aliquando in rebus agendis ca-
piendisq; consiliis errarint: ne tunc quidem, quando
eorum mala consilia Reipub. damnum aliquod pe-
perissent. Cap. 31. 137

Viros Principes & rerumpub. gubernatores non des-
bere beneficia, quae subditis praestare volunt, ad
vsque differre, donec videatur necessitate compul-
si, ea praestitisse. Cap. 32. 140

Si quod malum domi in reipub. vel aduersus remp. for-
is vehementer auctum sit, satius esse id ferre aliis
quandiu, quam in id eniti vt violenter extirpetur.
Cap. 33. 142

Dictaturae imperium Pop. Romano vtile atq; salus

tare fuisse, neque solere perniciosam esse Reipub. ci-
uium potentiam, quam legitimè per suffragia ac-
quirant: sed illam, quam sponte & per ambitionem
sibi sumunt. Cap. 34. 147

Qua de causa decemviratus apud Romanos publicè li-
berati noxius fuerit, cum tamen publicis suffragi-
is eligeretur. Cap. 35. 152

Si qui vires summos magistratus gesserunt, eos non
debere postmodum aspernari minores. Cap.
36. 154

Legem agrariam P. Romano multas seditiones tur-
basq. peperisse: semperq. periculosum esse Reip. si
quis legem dat antiquæ consuetudinì aduersam.
Cap. 37. 156

Reipublicas debiles plerunque consilio destitutas
esse, & quæ facienda sibi decernunt à necessitate
magis quàm prudenti consilio impelli. Cap. 38.
162

Eosdem casus sæpè diuersis gentibus accidere. Cap.
39. 167

Quæ fuerit ratio Decemviratus Romæ? quid in eo me-
morabile? & quantum tale quoddam institutum
possit, cum ad opprimendam, tam ad conservandam
rempub. Cap. 40. 170

Imprudenter facere eum, qui cum esset humanus
& humilis, statim superbus fit: & eum etiam,
qui statim ex bono crudelis fit, sine intermediis.
Cap. 41. 180

Quàm facile mores hominum corrumpantur. Cap.
42. 182

Eos esse bonos ac fidos milites, qui gloriæ ac laudis
compa

CAPITV M.

comparandæ studio dimicant. Cap. 43. 182.

Populi multitudinem sine ductore nil proficere, nec oportere ei minari, à quo sis quippiam petiturus, Cap. 44. 184.

Mali exempli rem esse, si legislator eam quam ipse tulit legem non seruet: præterea admodum periculosum esse viris moderatori, si antiqua odia nouis iniurijs subinde renouet. Cap. 45. 186.

Homines subinde magis magisque ambitiosos fieri, primo enim eo spectare, ne ab alijs opprimantur: postea etiam eo eniti, ut ipsi alios opprimere possint. Cap. 46. 189.

Quamuis populus de iis, quæ generatim disputat, male persæpè ratiocinetur: tamen cum ad singulas res accedit, minus errat. Cap. 47. 192.

Qui vult cauere, ne magistratus in humiles personas & viles conferatur: cum in id eniti debere, ut ad illi aspirant simul & summæ nobilitatis & infimæ conditionis homines. Cap. 48. 200.

Si vrbes, quæ à prima origine libere fuerunt, tamen difficulter leges cōsequuntur, quibus libertas earum conseruetur, ut in vrbe Roma apparuit: necesse prope modum esse, ut quæ à principio aliorum imperio obnoxia fuere, libertatem non possint coniequi, Cap. 49. 201.

Nulli magistratui tantam potestatem attribui debere, ut consuetas Reip. functiones, sistere queat. Cap. 50. 205.

Si quid in Reip. aut imperio tuo facere cogeris, simus laudum esse sponte tua id facere te, quod necessitas facere cogit. Cap. 51. 206.

I N D E X.

*Eam unicam esse tutam rationem, reprimendæ nimie
cuius alicuius potentie atque insolentie in Repub.
si via illi præcludatur, ne ad eam potentiam perue-
nire queat.* Cap. 52. 210

*Persæpe accidere, ut populus vna quadam spe deces-
ptus, suam ipsius ruinam atque interitum appe-
tat: cum enim magnis permissionibus facillimè
moueri.* Cap. 53. 214

*Quanta esse soleat viri alicuius grauis autoritas in se-
dandis tumultibus.* Cap. 54. 220.

*Facile administrari posse Respub. in quibus mores ho-
minum probati atque integri fuerint: neque monar-
chiam introduci posse, quando æqualitas quædam in-
ter ciues existit: nec aristocratiam, vbi nulla est æ-
qualitas.* Cap. 55. 222

*Magnos motus prædici solere, cùm in vrribus, tũ pro-
uinciis: idque signis quibusdam, aut hominum præ-
sagiis denunciari.* Cap. 56. 229

*Plebem vniuersam simul fortem ferocemque esse: singu-
los plebeios esse debiles & timidos.* Cap. 57. 231

*Populum constantem magis esse, magisque prudentem,
quàm principes esse soleant.* Cap. 58. 232

*Quibus fœderibus confidere ausis, iis ne quæ cum res
pub. libera, an cum Principe inita fuerint.* Cap.
59. 243

*Ad consulatum cæterosque magistratus euehi solitos
ciues Romanos, nulla habita ratione ætatis.* Cap.
60. 247

CATA-

C A P I T V M.

CATALOGVS CAPITVM,

LIBRI II.

Virtus ne an fortuna maior extiterit Romanis
acquirendi tanti imperij. Cap. 1. 255.

Cum quibus gentibus Romanis dimicandum
fuerit, & quàm obstinatè illi libertatem suam des-
fenderint? quanti item libertas sit facienda. Cap.
2. 261

Romanae urbis magnitudo orta est partim ex ruina
vicinarum urbium, partim quòd peregrinos homi-
nes ad honorum gradus in vrbe facìle admisserit.
Cap. 3. 270

Respub. tribus modis solere imperium comparare. Cap.
4. 272

Mutationem religionis linguarumq., diluuià item at-
que pestilentiam efficere, vt magnarum rerum me-
morìa aboleatur. Cap. 5. 280

Ratio progrediendi in bellis gerendis à Pop. Romano
vsurpata. Cap. 6. 284

Quantum agri distribuere solerent Romani singulis,
qui in Colonias deducebantur. Cap. 7. 287

Quibus de causis populi quidam, relicto solo patrio, al-
lias regiones inuadere soleant. Cap. 8. 288

Quibus ex causis potissimùm soleat inter Principes or-
riri bellum? Cap. 9. 294

Pecuniam non esse neruum belli. Cap. 10. 296

Non fieri prudenter ab ijs, qui fœdus ineunt cum Prin-
cipibus, quorum potentia minor sit, quàm esse pos-
setur. Cap. 11. 302

Cum melius ne bello petaris, satius ne sit praeueniri

INDEX

ne, ita ut tu prius hostem adoriaris, quàm ille te.
Cap. 12. 304

Ex tenui fortuna ad magnum fastigium euehi homines solere, fraude magis quàm per vim. Cap. 13. 311

Multi decipiuntur, dum sub quadam humilitatis umbra superbiam euitare conantur. Cap. 14. 315

Reipublicas infirmas & Principes minus potentes dubios esse solere in captandis consilijs: tardas tam consultationes esse minimè salutare. Cap. 15. 317

Quanta sit diuersitas militum nostri temporis, ab illis, qui olim militabant. Cap. 16. 322

Quanti facere oporteat in exercitijs bellicas nostri temporis machinas, & vtrum tantam vim habeant, quantam vulgò putantur habere. Cap. 17. 329

Cùm Pop. Romani autoritate, tum exemplis ab antiqua disciplina militari petitis, probari posse, pedites in bello pluris esse faciendos, quàm equites. Cap. 18. 339

Si quæ comparantur bello à Repub. malè instituta, ea potius ad interitum illius pertinere, quàm ad imperij magnæ finem comparandam. Cap. 19. 346

Neque Principes neque Respubl. sine periculo uti posse auxilio, ac mercenario milite. Cap. 20. 353

Populum Romanum quadagesimo tandem anno, postquam bella ceperet, subditis prætores mittere cœpisse, & Campanis primum fuisse datum. Cap. 21. 356

Quantum

C A P I T V M.

Quantum persæpè à veritate aberrant hominum opi-
niones, de rebus magni momenti conceptæ. Cap.
22. 360

Populum Romanum iudicando omnia extrema spe-
ctasse, non intermedia voluisse. Cap. 23. 364

Arces & loca munita in genere cōsiderata, plus nocere
suis autoribus, quàm prodesse. Cap. 24. 371

Vrbem intestinis dissidijs laborantibus inuadere, atq̃
que occupare velie dubium esse ac periculosum consi-
lium. Cap. 25. 383

Qui contemnit ac parui facit alios, in eorum odium
incurrit, nec vtilitatis quicquam ex hoc contemptu
consequitur. Cap. 26. 386

Prudentes imperatores & Rerumpubl. moderatores
contenti debent esse victoria, non sc̃iando in vi-
ctos, illius fructum perdere. Cap. 27. 388

Quantum interfit Reipub. vt iniuriæ puniantur, si-
ue publicè siue priuatim illatæ fuerint. Cap. 28
393

Fortuna hominum animis tenebras offundit, ne vim
suam ingruentem refringant. Cap. 29. 396

Respub. ac Principes potentes, amicitias non auro, sed
viribus atque virtute comparant. Cap. 30. 402

Non credendum esse exulibus facilè. Cap. 31. 408

Quot modis Pop. Romanus vrbes occupare consuevis-
set. Cap. 32. 410

Pop. Romanus Imperatoribus in bellum proficiscens
tibus liberam administrandi belli potestatem fas-
ciebat. Cap. 33. 416

CATALOGVS CAPITVM,

LIBRI III.

- Q**ui cupit vel Rempub. vel sectam suam diu-
turi nam esse, eam sæpè corrigere debet, & vela-
uti ad prima sua principia reuocare. Cap. 1.
Sapientis esse nonnunquam simulare stultitiam. Cap.
2. 427.
- Ad conseruandam libertatem nuper partam, necessas-
rium est vt Bruti filij tollantur. Cap. 3. 430.
- Princeps in parto nuper imperio tutus esse non potest,
quandiu illi viuunt, quos eo imperio spoliauit. Cap.
4. 433.
- Ex quibus causis regnum hereditario iure partum ad-
mitti queat. Cap. 5. 435.
- De coniurationibus. Cap. 6. 438.
- Que ratio sit quòd Reipub. forma quandoq; sine san-
guine, quandoq; magnis cædibus mutetur: siue à li-
bertate ad seruitutem, siue ab hac ad illam transi-
tus fiat. Cap. 7. 475.
- Qui vult mutare formam Reipubl. rationem habere
debet ipsius subiecti. Cap. 8. 477.
- Ad res gerendas semper temporum occasiones expectan-
re intueriq; oportere. Cap. 9. 482.
- Prælium ab Imperatore cuitari non posse, cum hostis
dimicare omnib. modis cogatur. Cap. 10. 486.
- Qui aduersus multos bellum gerit, eos superare potest,
quamuis viribus inferior sit, si modò sustinere
queat primum impetum. Cap. 11. 492.
- Prudentem imperatorem operam dare debere, vt
suis.

C A P I T U M.

ſuis militibus pugnandi neceſſitatem imponat :
hoſtib. verò omnem pugnae neceſſitatem demat.

Cap. 12. 496

Utrum plus præſtare poſſit imperator egregius cum
exercitu infimo, an verò egregius exercitus ſub im-
perito ineptorū dūce.

Cap. 13. 503

Quantum poſſint inter dimicandum aut ſtratages
mata, aut alias voces aliqua præter ſpem emiſſæ.

Cap. 14. 506

Vnicum debere exercitui imperatorem præfici, non
plures.

Cap. 15. 511

Veram virtutem in ſummis difficultatibus tantum
apparere: cum res ſecundæ ſunt, non virtutis inſitæ,
ſed opum, familiarum ac gratiæ rationem haberi
ſolere.

Cap. 16. 513

Eum ciuem, qui graui iniuria affectus eſt, non debere
adhiberi ad magnum imperium.

Cap. 17. 517

Summa laude dignum eſſe illum Imperatorem, qui ho-
ſtis ſui cogitationes conſiliaq; providere ac præno-
ſcere nouit.

Cap. 18. 518

Pendæ an obſequium magis neceſſarium ſit ad regē
dam populi multitudinem.

Cap. 19. 523

Humanitatis vnicum exemplum ad Faliscos occu-
pandos plus potuit, quam magnæ vires.

Cap. 20.

525

Vnde factum ſit, ut Annibal in Italia, vitiis, Scipionis
virtuti contrariis, idem præſtiterit, atq; Scipio in
Hiſpania.

Cap. 21. 528

Manly Torquati duritiem, & humanitatem Va-
lenij Coruini, eandem viriq; gloriam peperiffe.

Cap.

22. 532

Quibus de causis Furius Camillus in exilium pulsus fuerit. Cap. 23. 541

Roma ad seruitutem redacta est. Imperiorum prorogatione. Cap. 24. 542

De Quintij Cincinnati & multorum aliorum ciuium Romanorum paupertate. Cap. 25. 545

Propter mulieres magnos sæpe motus excitari. Cap. 26. 549

Quaratione componenda sint ciuiles discordiæ, falsumque esse quod quidam dicunt, melius sub imperio tuo conseruari posse ciuitatem seditionibus laborantem, quam concordem. Cap. 27. 552

Obseruandus esse ciuium actiones: quandoque enim sub specie p[ro]p[ri]i alicuius officij, latere tyrannidis principium. Cap. 28. 556

Populi errores plerumque à Principibus dependere. Cap. 29. 559

Arcendam esse inuidiam, si quis autoritate sua in Rempub. boni quippiam introducere cupit. Et quæ sit ratio urbem defendendi aduersus hostes. Cap. 30. 561

Respub. potentes & viros excellentes, sibi semper esse, quæcunque tandem fortuna aspiret. Cap. 31. 567.

Quæ ratio à quibusdam in perturbanda Repub. aut pace frangenda, obseruari soleat. Cap. 32. 574.

Ad victoriam ex prælio obtinendam, oportere milites audaces esse, & cum suis proprijs viribus, tum Imperatoris virtuti confidentes. Cap. 33. 576

Quæ voces opinionisque ciui cuiquam apud populum fauorem conciliare soleant, & vtrum ille, an verò Princeps

Princeps honores melius distribuere nouerit.

Cap. 34. 580.

Quæ pericula eis incumbere soleant, qui consilij alicuius autores sunt, præsertim in rebus arduis atq; periculosis.

Cap. 35. 587

Quibus de causis Galli in primo conflictu feroces esse putentur, paulò post pusillanimes timidiq; videantur?

Cap. 36. 592

Antequam totius exercitus vires prælio committantur, sint ne leues illæ pugnae ad dignoscendam noui hostis naturam necessariae annon?

Cap. 37. 595

Qua ratione eligendus sit Imperator talis, cui miles cōsistere auit.

Cap. 38. 600

Ducem militarem debere locorum notitiam obtinere.

Cap. 39. 603.

In negotiis bellicis magna cum gloria, posse dolum fraudemq; usurpari.

Cap. 40. 608

Patriam semper defendendam esse, siue id fiat honestè, siue fiat cum ignominia.

Cap. 41. 608

Quæ coactus promissisti, non necesse est ut serues.

Cap. 42. 610

Eos, qui in eadem regione nascuntur, semper retinere aliquid, naturæ eius regionis familiare.

Cap. 43. 612

Sæpe fieri, ut impetu quodam, atque audacia obtineatur, quod legitime prooedienti nunquam contigerit.

Cap. 44. 616

Utrum in prælio satius sit, hostis impetum excipere, exceptumq; sustinere & oppugnare: an vero hostem ipsum cum impetu inuadere.

Cap. 45. 619

I N D E X C A P I T V M

*Quæ causa sit, cur in vnaquaq; vrbe, soleant vniuf-
cuiusque familie mores quidam peculiare &
consuetudines longo tempore conseruari. Cap.
46. 620*

*Bonum ciuem debere priuatarum iniuriarum obliui-
sci. patriæ causa. Cap. 47. 622*

*Cum hostem cernimus aliquid agere, quod plane vis
deatur imprudenter actum, & abhorrere à ratios
ne: tunc suspicari debemus dolum aliquem subesse.
Cap. 48. 623*

*Quæ Respub. libertatem tueri vult, subinde indiget
nouis institutis: & qua de causa Fabius Maximus
id nomen obtinuerit. Cap. 49. 626*

F I N I S.









